

5 A
38

EVTHYMIA
S I V E
DE TRANQVILLITATE
A N I M I

Carmen Didascalicum
BENEDICTI ROGACCII
E SOCIETATE IESV.



Coll: Cremon: S. I. ius. cat.º

ROMÆ, MDCXC.

Typis, & expensis Io. Iacobi Komarek
Bohemi, propè S. Angelum Custod.

: SUPERIORVM PERMISSV.

55.5.9



ANUL KRAJOWY

THYRSVS GONZALEZ

Præpositus Generalis Societ. Iesu.

CVM Carmen Didascalicum, *Euthymia*, *sive de Tranquillitate animi* à Patre Benedicto Rogaccio nostræ Societatis Sacerdote conscriptum, aliquot eiusdem Societatis Theologi recognouerint, & in lucem edi posse probauerint; facultatem facimus, vt Typis mandetur, si ijs, ad quos spectat, ita videbitur. In quorum fidem has literas manu nostra subscriptas, & sigillo nostro munitas dedimus. Romæ 22. Aprilis 1690.

Thyr. sus Gonzalez.

Volumen, cui titulus, *ΕΡΤΗΜΙΑ, sive de Tranquilli-
tate animi*, in sex, quibus conflatur, hexametrorum
libris continet laudabilem vtilis, dulcisque mixturam;
vnde possit, quisquis oculos adiiciat, se se componere ad
omnem apathiam, non Stoicam, sed Christianam. Ete-
nim expletur hinc illud iambici Græcorum senarij:

Ψυχῆς νοσήσας ἑστάντα τοῖς σπυρί ,

quod videlicet rei poeticæ operantes, debent, instar ex-
perientis Medici, sub asciticijs versuum dulcoribus proffi-
cuam animæ ægrotanti pharmaciam exhibere. Eam vti-
que exhibuisse videtur huiusce poematis concinnator,
dum ad amoliendam è salubri, quàm propinat, potione
amaricicem, vsus industrio (vt cecinit ille alter) Camœnæ
lenocinio, *Præus oras pocula ciredm*

Ilhijit mellis dulci. flauoque liquore. Quare cum operi
huic nihil inesse reppererim, quod regulis Indicis refragetur,
publici iuris faciendum puto, tum vt Pieridum
mundicie consulatur, tum ob id etiam, vt apud versatos
in amœna eiusmodi literarum Sparta,

Omne ferat punctum qui miscuit utile dulci.

Dat. è Cœnobio S. Mariæ super Mineruam prid. Kal.
Iunij, anno Christiani Orbis MDCXC.

*Fr. Angelus Iulianus Theol. Dominicanus;
ac Fidei olim Quæstor Genue.*

Imprimatur

Si videbitur Reuerendis. P. Magistro Sac. Pal. Apost.

*Stephanus Ioseph Menattus Vicesg.
Episc. Cyrenen.*

Imprimatur

Fr. Thomas Maria Ferrari Sacri Palatij
Apostolici Magister, Ordinis Prædic,

P R Æ F A T I O

AD LECTOREM.

I Vtissima fuit Senecæ Rhetoris de
intemperanti nonnullorum iudicio
querela, qui *nusquam* reperiri *subtili-*
tatem putarent; nisi, ubi nihil, præter subtili-
tatem, esset. [1.] Non minori ego iure
similem aliorum intemperantiam dam-
nauerim, qui nullum sat iucundum
existimant carmen, nisi, in quo mera
incunditas sit: omnemque adeo illius
interire arbitrantur venustatem, & gra-
tiam; nisi ad innatas poetici tum nume-
ri, tum styli delicias fabularum etiam
festiuitas, & amœnioris materiæ leno-
cinium accesserit: quid aliud tam insa-
tiabili luxu, quàm condimentis condi-
menta quærentes, & vel ipsa quodam-
modo (vt de purpurarum insectoribus
loquitur Plinius) [2] *Adulterantes adul-*
teria Natura? Atquæ, si voluptarij isti

a 3 hu-

1) *Controu. lib. 1.*

(2) *Lib. 9. Hist. Nat. cap. 40.*

humanioris literaturæ Epicuri, non Aristotelem dicam, & Flaccum, geminam illam biuerticis Parnassi cortinam, sed vel Apicium, & Philoxenum aliquem, ad suam magis factos saluam, doctores, consulerent; ne ipsorum quoque argumentis & placitis suam redargui sententiam audirent: facile intellecturi, blandissimam poetici styli suauitatem, ceu dulcissimum mellis saporem, nulli conuenientiùs, quàm austeriori materiæ admisceri.

Et verò utinam Poetarum id omnes, pro eo, ac rei dignitas postulat, in animum vellent inducere, omissoque steriliùs amœnitatum aucupio, frugifera duntaxat & seria carminibus suis argumenta adoptarent: quantò illi præclariùs tum publicæ utilitati, tum suæ dignitati consulerent?

Communis certè fructus nec in dubium vocari, nec verbis sat exprimi potest. Nam, cum nihil hominum generi ex hæreditariâ primi parentis noxâ luctuosum acciderit magis, quàm inde excitatum Rationis à Sensibus, veræque utilitatis à voluptate dissidium; an non inæstimabili Poësis beneficio sibi vitam obstringeret; si, Philosophiæ salubri-

tatem

tatem suâ iucunditate respergens, duo hæc tam eximia felicitatis humanæ elementa in antiquam reuocaret concordiam : & illud animorum Bono conficeret temperationis pulcherrimæ genus, quod ad corporum opportunitates Natura, teste Plinio, [1] confecit : *Dum in floribus pinxit remedia, & delicijs auxilia permiscuit ?*

Sed nec ipsi certus, atque locuples minùs indidem responderet gloriæ proventus : nemine dubitatu, nobilissimum, & principem ei locum facultati assignare, quæ cæteris omnibus tum, efficacius, tum lenius ad felicitatem homines duceret : id nimirum efficiens, ut, quæ honesta sunt, iis etiam videantur suauia : quo vno suam omnem in pueris educandis contineri solertiam, magnificè, sapienterque antiquus ille Laco [2] affirmavit : immo quod potissimum est, vel Diuinæ ipsius Gratiæ, in nostrâ sibi voluntate conciliandâ, perfectamque ad virtutem prouehendâ, artificium. Libeat Horatium [3] audire.

(1) Lib. 22. Hist. Nat. cap. 6.

(2) Plut. in lib. Virt. posse doceri.

(3) In Art. Poet.

*Fuit hac sapientia quondam ,
Publica priuatis secernere, sacra profanis,
Cōcubitu prohibere vago, dare iura maritis,
Oppida moliri , leges incidere ligno .
Sic honor, & nomen diuinis vatibus, atque
Carminibus venit .*

Verissimè dictum. Sic venit quondam:
& sic veniet deinceps , quandiu sapien-
tiæ non absimilis fruge Musarum deli-
cias fermentari contigerit.

Quid, quòd ponderosa succique ple-
na istius modi carmina, præter laudem,
quam Authoribus pariunt , vberiori
etiam voluptate Lectores perfunderent?
Quemadmodum enim nulla siue deam-
bulatio , [1] quàm quæ in proximi
maris conspectu; siue nauigatio, quàm
quæ secundum litus peragitur , iucun-
diùs oblectat : eò quòd permista & in
vnum conspirans elementi vtriusque
varietas earum amoenitatem congemi-
net ; sic neque Philosophia , quàm vbi
poeticis illigetur modulis ; neque Poc-
sis, quàm vbi Philosophica moduletur
oracula, iucunditatis plus habet: inten-
dente se nimirum , dum inuicem tem-
peratur, & coniunctim ad animum per-
uenit,

(1) *Plut. Symp. lib. 1. qu. 4.*

uenit , natiuâ vtriusque facultatis dulcedine .

Quæcum ego persuasissima haberem, cumque in illustrium Poetarum lectandis carminibus, si quis fortè de moribus locus splendide , actuosèque tractatus occurreret , non secus ac Phalæreus ille Apollodorus [1] inter Socraticos audiendos sermones, extolli mihi animum , dulcique quodam quasi stupore , & generosâ voluptate compleri experirer ; pro certo constitui , non posse me Musis cum ampliori tum earum dignitate , tum Lectorum approbatione operari, quàm aliquo id genus argumento ad canendum suscepto .

Neque longa illius in delectu ambigentem consultatio detinuit . Statim, quippe Democriti EVTHYMIA, siue, vt Seneca [2] interpretatur, Tranquillitas animi, solido intra semetipsum gaudio , & securâ quiete compositi, ante oculos fulsit, eximiæque suæ pulchritudinis imperiosissimâ vi stylum ad se totum , atque mentem conuertit .
Quid enim illâ humanis in rebus nobilius,

a 5

(1) Plato in *Conv.*

(2) Laert. in *Vita Dem. Senec. cap. 2. de Tranq.*

bilius, quæ perfectâ ex sapientiâ, ac virtute, quidam veluti earum splendor, erumpit? Quid cordi suauius, perpetuis cuius votis, & studiis, tanquam optatissimus finis, proponitur? Quid denique seu descriptionum illustrium, seu grandium sententiarum, seu affectuum quâ vehementium, quâ lenium, totiusque adeo poetici cultus capacius: cum omnem penè vniuersam, quæ de moribus, vitiisque, ac virtutibus agit, Philosophorum doctrinam suo, quàm latissimè patens, includat amplexu?

Illius igitur comprehendendæ rationem aggressus describere, duobus animaduerti totam cardinibus niti: altero, vt Mala, quæ is animus discrucietur, prohibeat; altero, vt Bonis, quibus idem acquiescit, circumfluat: meamque proinde in eo curam omnem versari oportere, vt, quo facillimè pacto tum illa propulsari; tum hæc obtineri possint, ostenderem.

Iam verò vterius progredienti omnium, quæcunque seu Bona dicerentur, seu Mala, duo se se obtulerunt suprema, eademque opposita sibi inuicem, genera. Primum fortuita, & variabilia complexum, cuiusmodi paupertas, diuitiæ,

nitia, morbi, valetudo, & reliqua causis ab externis pendentia : quæ declinare, vel assequi non penitus homini liberum; contrariam verò in partem traducere, ita ut e Malis Bona, aut Mala e Bonis reddantur, cuilibet pro diuersa vtendi ratione liberrimum sit : Secundum ex arbitrarijs, & immutabilibus constans, cuiusmodi virtutes, ac vitia : quod genus seu Bona adipisci, seu Mala euitare, quodocunque voluntas sic tulerit, possumus : congenita verò bonitate, & malitiâ, dum in animo adsunt, exuere, vel si maximè conemur, haud possumus.

His adeo obseruatis, ad duo generalia præcepta vniuersum Tranquillitatis quæsita artificium reuocari intellexi : alterum quidem, vt Primis illis suapte ambiguâ naturâ, & in vtramvis flexilibus partem seu Bonis, seu Malis convenientissimâ ratione vteremur : alterum autem, vt, quæ ad Secundum pertinent genus, suæ naturæ tenacia, nec vnquam in diuersum itura, ea siue Mala repellere, siue Bona comparare nossemus. Sic etenim & Bonorum copiam præ manibus fore, quorum mens fructu expleretur, atque expleta demum

a 6

quie-

quiesceret; & Mala, quæ huiusmodi quietem interpellarent, longè abfutura: exclusis videlicet ijs, quæ nocendi vim in ipsis suæ naturæ principijs defixam, penitissimèque insitam habent; alijs verò sapientem per vsum correctis, vt vel Mala esse desinant; vel in Bonorum etiam ordinem transeant. Quod vtrumque præstare nemini, iuxta dicta, in promptu non esset.

Et lex quidem posterior, immutabilium tum Malorum omnimodam fugam, tum Bonorum inquisitionem, præscribens, non solùm quàm necessario ediceretur; sed quid etiam seruandum proponeret, satis luculenter patebat. Prior verò, fortuitis & indifferentibus rectè vti præcipiens, tametsi de æquitate suâ nullum; aliquem tamen de praxi videbatur dubitandi locum relinquere: non omnibus facilè animaduersuris, in quo demum prudens ille, tantique ad propositum finem momenti, Fortuitorum vsus consisteret.

Quod igitur vnum ad artificij totius Summam dilucidè, breuiterque explicandam supererat, sedulò apud animum versans, sic tandem constitui, fortuitis quàm Bonis, quàm Malis ita nos
sci-

scitissimè vsuros, si vtraque in contem-
nendis ac minimis , immo si nec verè
Mala , nec vltra merum nomen Bona
duxerimus : ab illorum propterea tum
amore , tum metu quàm maximè im-
munes & vacui .

Nec temere id quidem , vt cuivis
rem ritè æstimanti patebit . Nam , ad
Bona quòd pertinet , cum ea , suo in-
genio caduca , precaria , incertisque
casuum obnoxia , nec acquiri , nec ac-
quisita seruari pro arbitratu hominum
possint ; quorum animos Sui admiratio-
ne, atque amore occupauerint , perpe-
tuis illos curarum aculeis effodiant, &
iam desiderio , iam timore sollicitent ,
necesse est . Vnde manifestò colligitur,
nec Bonorum appellationem mereri ,
cum amari nequeant, quin obsint; nec
ad animi quietem conducere , cum ijs
oblectari animus , præter quietis detri-
mentum, minimè possit: vnumque adeo
reliqui esse, vt despiciatui ab Euthymiae
studio habeantur , tunc ijs optimè
vsuro , cum ea minimè amauerit . Sed
& Malorum par ratio . Cum enim ne-
que ipsa nostræ voluntatis imperio su-
bijeere , & omnino , ac quoties libue-
rit , prohibere à nobis possimus ; nisi
saltem

saltem aspernari nouerimus; assiduo certè vel in metu, ne ingruant; vel in marore, quòd urgeant, versabimur. Vt nullum proinde opportuniorem, eorum vsum, ac magnanimum & sapientem neglectum, suis possit amatoribus Euthymia præscribere.

En igitur totam argumenti propositi seriem, à communibus longè principiis, extremisque notionibus ad ea, quæ ipsum propriè, intimèque constituunt, ordinato & continenti progressu deductam. En quæsitæ artificij breuissimam Summam, atque partes præcipuas: nimirum fortuita, externæque originis seu Bona, seu Mala ita prorsus despiciere; vt neque horum nos terror, nec illorum desiderium commoueat: interiora e contrario, quæque ipsa sibi parit voluntas, adeo impensè æstimare; nihil vt primis ardentius quæratur, nihil alteris cautiùs vitetur.

Quæ, planissima, & nemini dubia, quisquis probè perspexerit, facillè agnoscat, synceram, integramque animæ Tranquillitatem nihil aliud demum, esse, quàm nobilissimum quemdam de Fortunâ, deq; Stultitiâ Rationis triumphum. De Fortunâ quidem, dum illius
& do-

& dona calcantur, & tela infringuntur:
de Stultitiâ verò, dum & grauissimis
ipsius Malis aditus obstruitur, & con-
trarijs ipsi Bonis mens communitur.

Hic itaque tam insignis triumphus
nostro in opere sex libris describitur:
ita distributis officijs, & partibus, vt
primi quatuor Fortunæ subigendæ;
qui supersunt duo Stultitiæ profligan-
dæ rationem exhibeant. Opportuna
illi quidem ad victoriam de Fortunâ
referendam arma suppeditant: dum
Primus fucata & insidiosa ipsius Bona
docet contemnere; reliqui verò, ne
ipsius Malis lædamur, prospiciunt: Ma-
lis, inquam, seu procul terrentibus,
quorum vim, & aculeos Secundus liber
retundit; siue cominus ferientibus,
quibus tum vniuersis Tertius certâ
quædam in commune profutura reme-
dia, tum singulis Quartus propria no-
minatim opponit auxilia. Nec segniùs
postremi duo ad debellandam excin-
dendamque Stultitiam nos instrunt:
dum Quintus, quæ ipsius Mala, & quò
pacto arceantur, demonstrat; Sextus
verò contraria eidem persequitur Bo-
na, in eorum supremo, quodque totius
Bonis, & perfectæ Quietis Summam veli-
vnum.

vnum complectitur , Deo videlicet Optimo Maximo , desinens .

Et hætenus quidem magnificè loqui de Operis materiâ , atque titulo citra inuidiam fas fuit, vt de re minimè nostrâ , & quam non fecimus ipsi , sed duntaxat elegimus . Ad formam quòd attinet , nostri nempe partum laboris ; id vnum verecundè pro meo ingenio candidèque profitendum existimo : nihil me studio , nihil diligentiae pepercisse, atque tempori, vt, præter rerum, quæ tractarentur , delectum ; tractandi quoque modus & ratio , quoad per meas vires , docendique occupationes licebat , erudito Lectori non insuauis accideret : hæc in primis curantem , vt vel minimæ quælibet operis partes aptissimo, maximèque naturali, & dilucido aliæ alias ordine exciperent , interque se necerentur : vt tam sensus, quàm eorum expositio cum Decori legibus , & naturæ simplicis genio ad amissim congruerent, perspicuumque , nec difficilem intellectum haberent : vt stylus postremò à Veterum harmoniâ , varietate , elegantia , cæteroque carminis cultu ne nimium abesset.

Quo in conatu , perquam sanè opere
roso

roso plus licet laboris exhauserim ,
quàm harum inexperti rerum vel ani-
mo & cogitatione assequi valeant; non
tamen meæ huic , quantacunque illa
fuerit , sedulitati tantùm audeo tribue-
re, nusquam ut à scopo aberrasse, Lecto-
rum nusquam veniã me indigere con-
fidam : cum insignis adeo felicitas ,
nedum angustos mediocritatis meæ
fines ; sed vel ipsam humani conditio-
nem ingenij videatur transcendere :
longiori præsertim in opere : ubi (ceu
Homerum nonnunquam dormitantem
[1] Horatius excusat) *Fas est obrepere
somnum* . Quin ipsemet, præter alia, quæ
imprudenti vitiosa , & minùs absoluta
excidere , pluribus mihi in locis displi-
ceo : quæ tamen in melius recudere
siue per ingenij tenuitatem ; siue (ut
mihi interdum subblandior) per contu-
maciam & difficultatem materiæ non
licuit . Neque verò eiusdem retentan-
di, quoad melior responderet successus,
conaminis , & emendationis vlteriùs
protrahendæ mens decrat . Sedenim
tum accisæ corporis vires improbum ,
ne dicam infinitum, deprecabantur la-
borem; tum Apellis deterrebar iudicio,
qui

(1) *In Art. Poet.*

qui Protogenem in cæteris sibi omnibus vel æquans, vel etiam anteferens, hoc *Vno se præstare* affirmavit, quòd *manum ille de tabulâ nesciret tollere: memorabili* (vt subdit [1] Plinius) *præcepto, nocere saepe nimiam diligentiam*: dum simplicitatis videlicet gratiam curæ anxietate corrumpit. Præterquamquod cum Philosophi, quam argumentum mihi imposuit, personâ non admodum videbatur congruere, si adeo sollicitus, & insatiabilis forem circa vocularum delectum, numerorum iuncturas, idque genus scitamenta, & minutas concinnitates, quibus styli vsquequaque terfi & exacti cultus absoluitur: eam fortasse apud æquos censores, dum nullum emendandi finem facio, pusillæ humilisque subiturus reprehensionem solertix, qua Isocratem à Plutarcho [2] suggillatum reperio, quòd nimirum antitheta, isocola, similiterque desinentia conglutinans, & tantum non dolabris verborum circuitiones complanans ac læuigans, tres penè Olympiadas in Panegyricâ pertexendâ oratione insumpsisset, quanto Pericles tem-

(1) *Lib. 35. Hist. Nat. cap. 10.*

(2) *De Athen. præst.*

tempore Propylæa atque Hecatompē-
dum struxerat. His igitur alijsque de
causis persuaderi mihi tandem sum pas-
sus, ne limam hīc diutius contererem,
præsertim cum aliqua (vtinam non
Suffeniana) spes affulgeret, quæ ulte-
riorem operis polituram exigent,
menda, non vsque eò vel crebra super-
esse, vel turpia, vt nullam à publicâ
humanitate exorare possent veniam.
Scriptori, qui, facilibus alijs, & beni-
gnioris ad ingenium excitandum ma-
teriæ argumentis posthabitis, in minis
aperto, nec perinde tractabili suam
operam atque industriam vexauerit,
Lectorum vt animis non otiosæ volup-
tatis fructum produceret.

Et hæc sanè de ijs dicta sint erratis ac
mendis, quæ vel suam inficiari prauitatem
non audent; vel difficilem certè,
& parùm idoneam defensionem reci-
piunt. Nam cæteroqui, cum virtus
quæcunque, ceu viuendi, sic etiam
scribendi, vitiorum in medio versetur:
eumque id Medium, vtpote per incer-
tam latitudinem pertinens, non modò
tenere difficile sit; [1] verùm etiam co-
gnoscere; permulta passim in Autho-
rum

(1) Vide Arist. Ethic. lib. 2. cap. 9.

rum monumentis se offerunt, quæ, quamvis priuato huius, vel alterius Lectoris circa Medium iudicio aduersentur; nullâ tamen receptâ communique artis lege ad vitij fines pertinere euincantur: quæque adeo statim crimini dare minùs considerati, sibi que plùs nimio tribuentis, ne dicam temerarij, & inhumani iudicis sit: quasi verò rationis auspiciu atque tramitem deserat, ab illius qui sententiâ recesserit nec, quod vni improbatur, possit alijs compluribus, & fortasse etiam iustius non modò extra culpam, sed vel in laude ponendum videri. Sic (vt aliquo rem exemplo declarem) eadem amplificatio alteri, quia latè fusa, odiosam inanemque Battologiam sapiet; alteri vel eâ ipsâ de causâ cum ad explicandam rem luculentior, tum ad animis imprimendam validior censebitur. Idem versus hunc offendet, ceu pedester atque humilis; illum, ceu simplex, & facilis, naturali candore oblectabit: quodque alij pro ambitioso luxu veriùs, quàm ornatu fastidiunt, non deerunt qui splendidum, atq; elegans, & magnificum prædicent. Vnde illud Venusini Poetæ, [1]

Quid

*Quid dem? Quid non dem? Renuis tu,
quod iubet alter:*

*Quod petis, id sanè est inuisum acidumque
duobus.*

Hæc igitur cum ita se habeant; id mihi
tum in communem omnium rem ap-
primè opportunum; tum æquitati ma-
ximè consentaneum videtur; vt nihil,
nostro quamvis à gustu alienum, huius,
vel illius vitij palàm damnemus; nisi
iusta certique ponderis ad manum sit
ratio, quì tristem affirmare sententiam
possimus: sed ita sui quisque inductio-
nem animi, & quam sibi normam scri-
bendi proposuit, sequatur; vt ne vni-
cam & communem esse omnium legem
literariâ in Republicâ velit: duo sibi in
huiusmodi incertis tanquam certa per-
suadens: alterum, nequaquam factu
impossibile esse, vt in germanâ ipse
Optimi notione informandâ à Vero
aberrauerit: alterum, vt vt rectam artis
instituerit viam; non tamen, quidquid à
recto diuersum sit trahere, prauum
etiam continuò censeri oportere: cum
(quemadmodum consultissimus dicen-
di magister Tullius [1] obseruatum
reliquit) multa in quouis naturæ genere
dissi-


diffimilia inter se sint, quæ consimili
tamen laude dignentur, multique, di-
uersam à præstantissimis artificibus eâ-
dem in arte rationem sequuti, parem
ijs commendationem & famam hac
ipsâ diuersitate retulerint. Quæ iudi-
candi moderatio quamvis ab omnibus,
ergaque omnes tenenda communiter
sit; proprio & peculiari tamen iure tum
ab illis exigitur, quos in literario etiam-
num tyrocinio studiorum immaturitas
cohibet; tum erga illos, qui in artibus
non exercendis duntaxat, verum etiam
tradendis legitima emeruerunt stipen-
dia; quique nec ingenio nimium con-
fisi, nec de extemporalis facundiæ glo-
riâ solliciti, sed vnam potius in operis
absolutionem intenti, diutinâ incude,
ac pluries repetito limæ morsu sua scri-
pta consueuerunt torquere; adeo ut
non temere, quidquid primum se obij-
ceret, arripuisse, sed maturo, certoque
consilij circumspectu hanc, vel illam
dicendi formam delegisse iure possint
videri.

Hæc habui, Lector beneuole, quæ
in primo mei operis quasi vestibulo de
illius tum materiâ, tum formâ tecum
communicanda arbitrarer: operis, in-
quam,

ter se sint, quæ consimiliam, mei: licet dissimulare ingenuus
 dignentur, multique, tunc pudor non sinat, aliquid ex illius
 stantissimis artificibus stipellectile Authoribus alijs, vt Sene-
 tionem sequuti, parenæ, Virginio Cæsarino, Eusebio Nie-
 renlerint. Quæ iuberi: à quibus cum nonnulla in rem,
 quamvis ab omnibus eam se se vltro offerentia mutuatus
 tenenda communiam; ne iniquus fur potius, quam debi-
 liari tamen iure tuor gratus existimer; signatis publicè
 os in literario etiam abulis hoc illis iam nomen profiteor.
 iorum immaturis Cæterum, si in ijs, quæ affero, exem-
 illos, qui in artibus, præsertim vbi personis sermo tri-
 xat, verum etiam puitur, aut res per adiuncta illustratur,
 eruerunt stiper b religiosâ & seuerâ narrationis histo-
 io nimirum coricæ fide nonnunquam flexi; dabis
 facundiæ glanc, opinor, non grauâtè Scriptori
 otius in opercarminum veniam, liquidiorẽ Veri-
 tucina incudnotitiam, quandocunque res, aut ani-
 orsu sua scri- mus tulerit, ex Authoribus petiturus,
 e; adeo quorum ibidem nomina, & loca cum
 um se obij- de redduntur. Reliquum est, vt, qui-
 certo quibus verbis Bilbilitanus Poeta ab inani-
 el illam bus Græcarum fabularum portentis ad
 e possit sua perlegenda epigrammata, commu-
 nis vbi vitæ, humanorumque morum
 , qui imago adumbretur, Romanos conatur
 ulo de traducere; ijsdem te ego ad Euthymiz
 tecum nostræ [1] lectionem inuitem, cumque
 is, in illo,

illo, & quàm ille adhuc iustiùs; pro-
clamem,

Hoc lege, quod possis dicere iure, meñ est.
Atque utinam, quæ hisce continetur
libellis, Tranquillitas animi non iure
solummodo, sed usu etiam fructuque
tua sit. Quod ego præstantissimum
munus cumulatè ut tibi & ad plenum
contingat, ex animo vouco: summum
Patrem luminum orans, à quo omne datum
optimum, & omne donum perfectum descen-
dit, ut meis, irritis cæteroqu岸 absque
interiori magisterio futuris, conatibus
propitius aspiret, teque adeo, & genus
mortale vniuersum certissimo tramite
(nec vllus profectò, ut extrema pars
operis luculenter ostendit, ipsius con-
templatione, & amore vsquam certior
occurrit) exoptatam ad itinerum me-
tam, perfectissimæque Tranquillitatis
complexum deducat. Vale.



EVTHYMIÆ

SIVE

DE TRANQVILLITATE ANIMI.

Liber Primus.

VNde quies animo: quid inertibus anxia curis
Corda leuet: quo se clypeo septēplici cōtra
Externasque vices, & bella domestica Virtus
Protegat, Ausonijs primus vulgare canonicis
Aggredior: Pulchræ vos, ò cupidissima pacis
Pectora, nimbi soni quam per vada cœrulea ponti,
Aerisquæ alpes, per dura, per inuia longis
Vsq̃ue alacres votis, & anhelo inquiritis æther,
Irrita si toties conamina, prædaque dulcis
Hactenus elusit vacuos, finire laborem
Si inuat, optatoque semel considerare portus;
Huc agite, & nostris aduertite cantibus aures.
Namque ego quaesitæ facili vos tramite ducam
EVTHYMIÆ ad sedes, illoque in vertice sistam,
Quò neque turbinibus cursus, neque rauca sonantes
Nimborum furia, & fremebunda tonitrua surgunt:
Sed tenet æterni facies placidissima Veris,
Et nunquam inimitis, nunquam sibi degener annus
Delectos proceres, per puppibus inuia quondam
Æquora, Phryxæi rapiendum ad velleris aurum,
Vexerit audaci Tiphys temerarius alno.
Tiphys ego melior, vatū intentata priorum
Carminibus, Sophiæ ingrediar Verique Profunda,
Grande viæ prethmulaturus, amabilis oti

A

Munc-

2 EVTHYMIÆ.

Munera, Phasiaco longè potiora metallo,
Nullaque non spolia, & regum superantia gazas.

2. Tu mihi, diuino profusum è lumine lumen,
Solis inoccidui radius, signataque nostris
Pectoribus magni penitus Genitoris imago,
Audenti sis fida tuum cynosura per æquor,
Sis Helice, **RATIO** : haud qualis, contagia primi
Post sceleris, diro maciem inspirante veneno,
Tabueras, lapsi vix agnoscenda Decoris :
Sed qualem, iubare æterno immutabilis Æqui
Incoctam potiùs, cælestique indole plenam
Mentibus æthereus Pater indidit, & modò qualem
Ætherci soboles cælo delapsa Parentis
Antiquam in speciem, ingenuumq; refinxit honorem.

3. Tuque adeo, vnde omnis ratio, mensuraq; Recti,
Vnde suus causis vigor, & sua semina rebus,
Formæque, & numeri, & naturæ mutuus ordo,
(Nil sine te magnum mens concipit.) en age, primos
Edita Luciferi ante ortus, & mobile tempus,
Huc ades, immensi vox Numinis, ipsaque verum,
Nec tanto genitore minus, **SAPIENTIA**, Numen.
Tu certos aperi calles, nutantia vatis
Dirige tu trepidi vestigia, quæque sacer fons,
EVTHYMIÆ arcanus fons rumpitur, irriguique
Nectaris vndanti pascit dulcedine ripas,
Siste avidum. Liceat ieiunam mergere pleno
Amne sitim, & vitæ præcepta haurire beatæ.

4. Tum tibi, Pierij monumentum insigne laboris,
Rite memior, solido æternam de marmore molem
Constituam, festosque dies, & dona sacro
Annua, Mæronius flauenti gurgite Tybris
Septem Orbis dominas quæ præterlabitur arces.
Ipsa tholi mediâ subter testudine, miræ
Artis opus, Libyco perfecta nitens elephanto,
Templum augustum, ingens, latè regina, tenebis.
Sub pedibus geminas pestes, immania monstra,
Stultitiam hinc domitam vinclis, inimicaque frustra
Fræna

Fræna recusantem, mordentemque ore cruento
 Cernero erit; valido ast illinc certamine victam
 Fortunam, fractoque rotæ reuolubilis orbe
 Euerfam, & dominæ suæ subdere colla coactam.
 Centum aræ circum: totidem laquearibus aureis
 Pendebunt, velut astra, suo famulantia Soli,
 Æternùm vigiles lychni. Quid thuris aceruos,
 Quid Cilicum messes referam, totamque crepantem
 Igne super sacro Arabiam, & pretiosa vomentem
 Nubila? Votiuus iam nunc altaria donis
 Instaurare iuvat: patali exinctus oliuæ
 Tempora iam ferto, vittæque albente decorus,
 Solennes videor Superis inducere pompas,
 Lætarumque greges pecudum mactare sacerdos.
 Non tamen ut Calabris ideo de saltibus agnas
 Cura sit, aut niueos Clitumno accersere tauros.
 Quæ te plus deceat, quæ gravior hostia Diuis,
 Sacrificam tingent vitiorum armenta securim,
 Pectoris arcane Eumenides, malefana Libido,
 Infatius amor lucri, furialibus Ira
 Præcípites stimulis, vano turgescere flatu
 Degener Ambitio, Superisque irata secundis
 Inuidia, & vigiles Curæ, attonitique Timores.
 Tum Luxus phaleras, fractosque Cupidinis arcus,
 Votorumque lætes alas, cristasque tumentes
 Aerij Fastus, & quas superaddere fictas
 Rebus amat species popularis Opinio, quæque
 Cætera sunt vitiorum, & vanæ insignia mentis,
 Marmoreis suspensa altè, cumulataque figens
 Postibus, æternum inscribam tibi, Diua, trophæum.
 Interea facilis tua mecum Arcana recludè
 In populos, dubijsque volens allabere Cœptis.
 Continud quisquis felicem strenuus optat
 Lætitiæ faber ipse suæ, sibi fingere vitam,
 Nil mihi mirari sapiens, nil credere magnum
 Instluat mentem, puncto quod mobilis horæ
 Aduenit ignaris, rapitur nolentibus: ipse

Quod sibi non dederit : de quo non possit iniquæ
Liber, & intrepidus Fortunæ dicere, Nostrum est.

6. Et verò hæc nisi certa animum sententia firmes;
Si quis, opinatu vulgi, rerumque decorâ
Illusus specie, titulos, diademata, fascēs,
Et Capitolino fixas in vertice palmas
Grande aliquid celsumque vocet: si splendida gemmis
Pocula, regifricos currus, lateque superbus
Vadantium pompas comitum, se seque prementum
Attonito, diuina velut miraetula, figat,
Immemor ipse Sui, vultur: spectabile formæ
Si decus, eximias vires, prædiuitis amplam
Eloquij venam, & fecundum Pallade pectus
Cælo æquet, stupeatque, & anhelis plausibus inflet;
Conclamata quies: ne lætos iam sibi soles,
Otia ne speret mansura. Procacibus Euris,
Instabili pelago se credidit: Heu! Quibus ille
Fortunæ imperijs, quanto iactabitur æstu,
Mentis inops, humilis, trepidus, variabilis auræ
Ludibrium, totus nimborum, hyemisque, fretique.
Nam neque, iudicij prauus, quæ summa Bonorum
Autumat, instanti poterit non quærere nisi;
Nec faciles adeo Superos, sortemque paratam
Inueniet; nihil ut vacui sub corde relictum
Mens doleat. Multos ingrato lumine passim
Seu fortunarum aspiciet sibi diuite censu;
Nominæ seu claro; seu corporis, ingenijque
Dotibus eximijs præcellere. Multa necesse est
Latiùs optanti desint Bona; multa repente
(Ceu varius sortis tenor, & mutabile semper
Ingenium) migrent aliò, dominumque relinquante.
Hinc iræ, lacrymæque, hinc pectora saucia duris;
Inuidiæ stimulis: rimidæ spes, gaudia mæsta,
Turbida, sollicita, infidos trepidantia casus,
Nunquam & plena satis, nunquam non anxia vota.

7. Progenies magni, maior genitore, Philippi,
Teius Alexander, fortunatissimus vnus

Qui

Quī fuit, & quo non alium Manortia virtus
 Celsius imperio, ac præstantibus extulit Ausis.
 Ille tamen Mundum fortunā, hanc nomine mensus,
 Occidui terror, Solis dominator Eoi,
 (Credetis? Famæ iuranti credite sæcla.)
 Terrarum exiguo queritur se limite claudi, (a)
 Multa gemens, sortemq; hominū, invidiamq; Deorum
 Increpitans, Mondo imperium quod terminet vno.
 8. Tene ego, magnorum regnator maxime regum,
 Tristia sollicito laxantem pectora questu
 Audio? Mortales at si Dea cæca beatos
 Fingeret, externi si gaudia muneris essent;
 Quē minūs hi gemitus, minūs hæc lamenta decebant?
 Quid tibi cum lacrymis? Rerumne angusta videtur
 Summa, tot immani terras ditione tenere,
 Tot populis dare iura? Oculos dimitte per omnem
 Auroram: totum hoc Orbis tua fræna momordit,
 Te dominum veneratur, & instar Numinis horret;
 Per tua centeni longis erroribus arua
 Lassantur famosi amnes, circumfluus auro
 Pactolus, Tigrisque rapax, geminæque superbus
 Hinc Asiam, Europam hinc Tanais contingere ripas,
 Euphratesque, Indusque pater. Vix flumina primis
 Hospitibus noscenda dedit; te noscere Nilus
 Incipit, & magno plenus, quacunque vagatur,
 Nomine, cæruleis septena per ostia nymphis
 Orbis Alexandrum victorem nunciat, & iam
 Equora iuncturum domitis Neprunia terris.
 Sortis auaritiam damnas? O pectoris ipse
 Verius ingrati damnandus crimine! Nam quid
 Illa nocens, nimij nisi fors peragenda favoris
 Sit rea? Te Pellæ (magnarum exordia rerum
 Fac animo redeant) Pellæ te è sinibus arctis
 Misit in imperium, quo non ingentius ullum,
 Perpetuos relegens Conuexa per ardua cursus,
 Viderit Hesperio, vel cardine Phœbus Eoo.

Diuitis intactos Asiae in tua præmia census
 Seposuit : nulla non surgere iussit arenâ,
 Quæ bellatoris frontem victricibus umbris
 Tergerent, palmas : tua signa anteire, malignos
 Perrumpentem obices, pandentemque ostia fatis,
 Poenituit nunquam : tibi dum constantius hæret ;
 Visa sui est oblita, & sors prope desijt esse.
 Mitte queri. Capiunt vnum laxissima centum
 Regna virum. Si non naturam sceptrâ per omnem
 Porrigis ; at plus, quàm naturæ simplicis usus
 Poscat, habes, plus, quàm valeat vel perdere luxus.
 Heu male consultum Mortalibus, aurea pacis
 Ducere si nulli permittitur otia, vasto
 Vnius includat qui non diadematis orbe
 Quidquid stelliferis complectitur orbibus æther.
 Immensum per Inane satos (quid Græcia monstri
 Non parit ?) vsque novos audis superesse tuarum
 Indociles legum Mundos. Fac, detur & illos
 Æmathijs domitos frænis adiungere ; plenus,
 Anne ideo, mentisque satur sum denique, dices ?
 Nil minùs. Haud omnis tantarum opulencia rerum,
 Haud tota hæc, spatijs immanè vagantibus, vltra
 Noti Orbis cumulum toties geminata, recentum
 Mundorum series sat erit. Post omnia victa
 Terrarum, pelagique, nouus pandetur avaris
 Limes inexhaustus votis : plura vsque videbis,
 Quæ, lacrymans, hominum forti impermissa, requiras.
 Suspicias cælum, & gemitis testante dolorem,
 Heu miserum ! dices : imo cui limite Mundi
 Regalis finitus honos, mensuraque tellus
 Imperij. Nam cur stellantibus alter in oris
 Dignior augusto frontem diademate cingi,
 Et nutu versare polos ? Cur nescia iuris
 Astra mei ? Cur non Phœbus, Germanaque Phœbi
 A me surgendi auspiciam, legesque meandi
 Accipiunt ? Saltem caput hoc, maturius vni
 Orta, dies, nondum per summa cacumina visis,

Affa-

Afflaret radijs : superi vel luminis haustus
 Intacto de fonte, & quàm pro parte virili,
 Largiùs affusos traherem . Proh damna pudoris
 Ultima ! Alexandro neque lucet pleniùs æther,
 Quàm miseræ plebi . Nil egimus hæcenus armis :
 Punctum Orbis teneo : quæ pars pulcherrima rerum,
 Summaque, pellæ etiamnum spernit habenas,
 Læta suo servire Ioui . Sic improbe fata
 Argueres : tali Briareùs immanior ausu
 Tentares Superos . Quid me, ceu vana canentem
 Somnia, turbato perstringis lumine ? Certos
 Sacrorum monitus tripodum, atque oracula Divum
 Vaticinor . Sortis quam præmia tanta, subasti
 Tot nequeunt Orbis spolia exaturare, cupido,
 Morbus, non fixis est . Angustis finijt author
 Limitibus naturam : auido sint pabula ventri,
 Diuitiæ faciles : sint, quæ defendere nudum,
 Testa, Iouem, rigidam possint quæ, vellera, bruntam,
 Hoc quibus exiguum, nil sufficit : ipsa propagat
 Esca famem : positosque semel quæ transijt, villos
 Nescit cæca sibi fines posuisse libido .
 Ultima votorum (haud reor inficiabere) primum
 Martem inuadenti fuerant, perrumpere metas
 Imperij patrij, angustæque suburbia Pellæ
 Ad Persas, ad Bactra, adque Euri extendere nidos,
 Et Cyri solio solium mutare Philippi .
 Audax, quanquam hominis, furor . At nunc omnia rerû
 Claustra remoliri, totque vno niteris Orbes
 Composuisse iugo . Demens ! Molimine tanto,
 Ultra anni, Solisque vias, cælique rotatus,
 EVTHYMIAM dum persequeris , qua nulla Dearum
 Proximior, nulla æqua magis , facilisque volenti est .
 Crede mihi, parto imperio licet esse beatum :
 Crede, licet nullo . Pacem tibi subditus Orbis
 Non dabit : ipse dabis rationi subditus . Aufer
 Spes nimias . Vacuum, teneat licet omnia, prodit
 Se cupiens . Pleno felix vt corde quiescas ;

Nil opus est regna augere, at compescere vota.

9. Hæc, quibus infani Iuuenis temerarius ardor
Corripitur, sibi dicta putent, quosunque dolosis
Ambitio rapit illecebris : qui splendida sortis
Munera, regales census, trabeasque, securesque
Undique solliciti properant, venantur, anhelant.

10. Nec malè quis sapiēs respōdeat, haud sibi votis
Tam nimij̄s auidum seruescere pectus ; vt Orbis
Vnius imperio nequeat sine fine furentem,
Immensosque finus referantem explere Charybdin .
Sat fore, si tenues meliorē forte relaxet
Cupidolas : si quo rerum fulgore profundam
Immemoris famæ noctem, Lethæaque rumpat
Nubila : si Patriæ non vltimus, inque nepotum
Sedibus, effigies monstrari digna, superstitæ

11. Verba dat, & vanā se credulitate volentem
Decipit infelix . Cupidum nam longiūs, esto,
Haud animum ferat in præsens : at, prima potitus
Cum fuerit ; noua continuò maioraque poscet,
Perpetuū sitiens, nulloque explebilis haustu.
Qualis seu turtur, seu pullus hirundinis, æquis
Cui nondū vigor, & medi j̄ experientia cæli,
Totaque vix teneræ prætexunt brachia plumæ:
Ille quidem vacuum patrij de margine nidi
Æthera prospiciens, ignota pericula visu
Metitur tremulo, nec liberioribus audax
Credere se subito spatijs, pendentia tecta,
Natalemque breui caueam circumplicat orbe.
Mox, vbi respondit primo sors æqua labori,
Et vires placere ; vagos per Nubila cursus
Explicat, immensoque volans indulget olympo.
Vnde furor tantus votis felicibus, vnde
Hæc noua, successu tristis, quæ sitaque velox
Spernere, se maior semper dementia, causas
Altiūs aggrediens (animos adhibete) docebo .
12. Et primò id memori cōdendū pectore, quidquid
Fulgeat exteriūs, patrimonia lauta, superbos

Diul-

Diuitis imperij fasces, plaususque Quirittum,
 Legitimos præter, naturæ publicus ordo
 Quos homini statuit, votorum excurrere fines :
 Nilque adeo proprios ad egeni corporis usus,
 Integra nil sanæ conferre ad gaudia mentis.
 Numquid enim saturis Gætulo murice somnus
 Blandior irrepit thalamis ? Aut, diuite gemmâ,
 Cælatoque bibat ni Mentore ; flammea nescit
 Expleri sitis ? Imperij num quisquis habenas
 Flectit adorato populis de culmine, liber
 Continuo dominusque Sui ? Num, si vaga curru
 Aerio geminos tulerit te fama per axes ;
 Ocyûs hinc ægro fugient de corpore febres,
 Mitiûs hinc tristes fodient præcordia curæ ?
 Cætera quid memorem, famulas ad iussa cohortes,
 Miluorum rapidos delassatura volatus
 Prædia, marmoreos postes, fulgentiaque auro
 Tecta, tot artificum curas, operumque labores ?
 Omnia (ne dubites) speciosæ hæc fercula pompæ,
 Vana quibus pretium circumdat opinio, fictis
 Irritare queunt animos, haud pascere laruis.
 Nec Sapientium aliquis, seu quos Zenonia iactant
 Limina ; seu dulces senior Gargettius hortos
 Queis aperit ; varios vel qui te , Euphorbe, renatum
 Post obitus, taciti, & iurati in verba sequuntur,
 Naturæ finem cum rimaretur ; in istis
 Certa sibi vitæ statuit momenta beatæ .

13. Hoc adeo Veri posito fundamine, quisquis
 Talia, securæ ceu pignus amabile pacis,
 Persequitur, summo votorum à fine suorum,
 Frustra alacer, recti quia tramitis auius, errat .
 Ergo vbi, post mille ambages, & longa viarum
 Tædia , quæsitam licuit comprehendere sortem ;
 Cum, quæ magna procul spectanti credulus error
 Finxerat, optati nil demum claudere fructus,
 Amotâ propior caligine detegat usus ;
 Haud potius est, illis vt adhuc ieiuna cupido

Se teneat. Noua pròinde pari conamine lucra
 Insequitur cumulare : ea si fors addita primis
 Sufficiant nimios restringere pectoris ætus.
 Nec videt infelix, simili conflata metallo
 Omnia follicitis nequicquam mentibus addi :
 Ac velut umbriferæ chaos illætabile noctis
 Nulla, quibus rutilantem animam non Mulciber afflet,
 Quantovis geminata auctu, funalia vincunt ;
 Sic neque fortunam, maioribus incrementis
 Usque licet geminet sua munera, posse tenebras
 Mæstitiæ, offusamque animis detergere noctem :
 Cum nihil illius sint quævis dona fugandis
 Opportuna magis curis, quàm tristibus umbris
 Arcendis fulgoris inops, & mortua lampas.
 Acrior hinc sitis, &, quæ vota nouissima quondam
 Credidimus, votis gradus vltioribus esse
 Incipiunt, versantque alio vaga pectora motu.
 Non secus ac, læthalis hydrops cui viscera tendit,
 Exigui primùm laticis sperauerat, haustu
 Morbida bacchantes circum vitalia flammæ
 Vincere : quæ is nihil se se cum mitius vri
 Experiat ; anhelanti præferuidus æstu
 Altera continuat, dein tertia, pluraque rursus
 Pocula : nec totus sat erit, qui fontibus vllis
 Rumpitur, & terras latè circumfluit, humor :
 Propterea, morbi quia causam non tenet Æger.

14. Esto tamen, sortitus opes, titulosque, modesta
 Quæ sibi mens pepigit, non sis abiturus auaris
 Vltiùs votis : saltem quæ sita tenere,
 Congestoque voles hilaris gaudere paratu.
 At non id pariter certum, neque fœdere tali
 Lubrica fors homini propriam se commodat. Ipsis
 Vel pro votorum successibus altera vota
 Sunt facienda, nouis & pristina munera Diuum
 Semper egent, ne deficiant vix orta, foveri
 Muneribus. Num gallinæ tu filius albæ,
 Solus ut in tantâ rerum vertigine nullas

Expey

LIBER I. IX

Experiare vices : communes lædere solum
 Te casus vereantur : edax nil deterat ævum,
 Nil tempestatum furor, atque incendia peccent,
 Nil dolus, aut error minuat ? Sic nota theatri,
 In quod continuò geniti producimur, anceps
 Alternisque sibi vicibus contraria semper
 Mobilitas ? Nescis, quàm crebro turbine fati
 Res hominum trepidæ, quantus mortalia ludus ?
 Scilicet expertus nunquam . Sed discere dulce
 Ex alijs : neque Doctorum non plurima circum
 Agmina . Pompeium fileo, cui terra triumphis
 Desuerat, mox, semîustos quæ conderet artus,
 Vix fuit . Extorrem Patriâ, celerique veneno
 Deuictæ toties euadere iura coactum
 Annibalem Romæ, post bello perdita regna,
 Vix mortis dominum Mithridatem, ante hostis amari
 Laurigeros axes captivum Persea, Pyrrhum
 Fœminæ titulum dextræ, miserabile cæsi
 Ludibrium Crassi, seruilia vincla Jugurthæ,
 Quæque Sophocleos meruerunt plura cothurnos,
 Nil opus è priscis euoluere nomina chartis.
 Ipse tuò (sis mentem adhibe) quot talia passim
 Fortunæ inuenias documenta volubilis ævo ?
 Aureus ille Midas, cæci ditissima Pluti
 Progenies, fulvæ quondam cui crescere gazæ
 Sub manibus, gemini dotataque censibus Orbis
 Ipsa videbatur nupfisse Opulentia, tristi
 Nescio quo fato diuortia sæua iubente,
 Aspicias, vt mutatus, egens, desertus, inanis,
 Flosculus aprico ceu solstitialis in horto,
 Aruerit, cæsusque hominum, lucemque perosus,
 Tristibus inuisam latebris obuoluere quærat
 Pauperiem, se seque simul : ne creditor in ius
 Deprehsus rapiat : totâ quem sedulus vrbe,
 Cervus vti procul auditum per lustra leonem,
 Tramitibus cæcis elabens, vitat & horret ?
 Fortibus en Ausis alium, centumque trophæis

Incluta Marcellos supra, supraque ferebat
 Gloria Scipiadas. Quid tum? Variante fauorem
 Ambiguum belli dominâ, superatus, insultus,
 Neve foret clades non vndique plena, superbo
 Additus in prædam victori, Marte sub vno
 Perdidit aggestas tot per discrimina palmas.
 Quid vaser ille nepos Seiani, callidus aulæ
 Vertumnus, regumque potens, quem sternere nulli,
 Eternis nixum radicibus, & Ioue dextro,
 Posse videbantur venti, nunc qualis? Ab alto
 Nonne iacet veteris deiectus culmine sortis?
 Nonne suis miserè implicitum mersumque ruinis
 Ipsi etiam pede securo haud calcare verentur,
 Quos olim nutu vix dignabatur amico?
 Casibus vsque adeo subitis terrena rotantur
 Omnia: cumque hominis fluxum, mortale, caducum
 Sit genus; heu multò mortalia, fluxa, caduca
 Sunt magis, infidæ sorti quæ munera debet.

15. I nunc, & dubio semper, lapsumque minanti
 Vertice securos ausis defigere gressus:
 I miser, eque Bonis, rapidi quæ fluminis instar
 Vltèrius iam iam fugitiua abscedere sentis,
 Perpetuos fructus, mansuraque gaudia ducas.
 Haud malè Spartanus, vulgi clamore secundo (a)
 Diuitis Oenopij cum nomen ad æthera ferri
 Acciperet: cui nimirum tot carbasa ventos
 Lassarent: tot deueheret Neptunus onustas
 Assyrijs, Cyprijs (& queis non?) mercibus alnos;
 Subridens, Valeat fortuna rudentibus, inquit,
 Pendula, quæque vagis nunquam non voluitur vndis.

16. Illud ad extremum ne respondere roganti
 Pœniteat: fluxas quid opes conamine tanto
 Accumulas? Cur centenis iuuat æquora tauris
 Findere? Longinquis cur suspendenda locare
 Atria marmoribus, seruorum & pascere turmas,
 Quot neque, Romulea effringens ergastula, sumptis

Duxe-

(2) *Plut. Apophth. Laced.* Cic, 5. *Tuscul.*

Duxerat in domnos gladiator Spartacus armis ?
 Nempe, reor, curis procul vt mordacibus, xui
 Quod superest lætus iucum da per otia ducas .
 Atquæ propositus finis nil postulat harum,
 Quæ is tua metiris, male prouidus, otia, rerum.
 His sine nam lætos Democritus egerat annos,
 Fabriciusque potens minimo, Curijque senectus,
 Samnitum vinci nec ferro passa, nec auro,
 Quemque, inopis fundi paucissima farra metentem,
 Psophidium, vitæ felicitis nomine, Lydo (a)
 Antetulit regnatori consultus Apollo .

Et meritò . Neque enim vel iustâ sorte vocandus
 Felix, qui minimè plenus ; vel plenior alter,
 Exiguus volitantem animum quàm stringere nouit
 Qui spatijs, quàm cui modus est natura volendi .
 Iugera Niliacis, esto, certantia regnis,
 Et Phrygios census sors inuidiosa negarit ;
 Quid refert minimum cupienti ? Nullus Hydaspes
 Guttura te centum pandentem immania, nullus
 Gurgite vel toto Tagus impleat : ille vocabit
 Se saturnum, breuibus modò par sit copia votis .

17. Vna igitur si Mortali sors maxima, velle,
 Est, minimum ; multis cur quisquam rebus egere,
 Protinus exiguo impleri quàm munere malit ?
 Quiue animos hic error, & importuna libido
 Versat, vt in medio facilem per deuia longè
 Tesqua, per anfractus dubios, palantibus vsquæ
 Lætitiâ curis vanoque ardore requirant ?
 Heu prauas hominum mentes ! An dulce bonumque
 Nil erit, immensis nisi quod venale laborum
 Sumptibus ? An facilis rutæ si copia, vel si
 Fœniculum, aut patrijs aliud quodd nascitur aruis
 Ocyùs infesto grâmen te absolvere morbo
 Possit ; ab extremo Oceano, & Gangetide terrâ
 Sollicites totos poscentia pharmaca census ?

18. Felix, spes trepidas, nimijque cupidinis æstus

Par

(a) Valer. Max. lib. 7. cap. 1.

Purgato semel exclusit qui pectore : nullum
 Cui numen Fortuna : sed, imo celsior Orbe,
 Vnam te, cæleste Bonum, pulcherrima Virtus,
 Admirans colit, optanti tu sufficis vna.
 Ventosi non ille vagus prensator honoris,
 Primo mane forum viset, vulgique tabellas
 Indignis redimet, serviliter ambitiosus,
 Obsequijs. Populi scit pūcto haud crescere quemquā:
 Scit populum, minimè qui felix ipse, nec illos
 Aurā posse leui felicibus addere, si quos
 Humanæ super extulerit fastigia sortis .
 Mene, ait, hæc teneant, quæ gratia mobilis vrnæ
 Sæpius indignis donat, melioribus aufert ?
 Quæ neque, magnanimis delata Catonibus, augment
 Virtutis pretium ; neque, turpibus addita Clodi
 Flagitijs, aut in strumas proiecta Vatinî,
 Immeritos decorant : quin illos noxia sæpe
 Inficiunt ; horum sordes & fœda latere
 Probra vetant . Egone, hac fallacis imagine pompæ
 Attonitus, fatuo caudam iactare popello,
 Blandiri, prensare manus, contingere supplex
 Genūa velim ? Vulgi, sapiens, (vt cætera desint)
 Arbitrio fasces capiam ? Vulgoque licebit
 Sceptra dare, aut vllum nostris decus addere rebus ?
 Quin neget imperium, meritis, ceu semper, iniquus
 Non tamen imperij ditione carebimus . Ipse
 Rex mihi sum . Quòcunque levis suffragia Campus
 Verterit ; in sese Sapiens latissima regna
 Obtinet . Hic iustis animum moderatur habenis,
 Officij imponit leges, malefacta Nocentium
 Vindicat, effrænes sensus, turbamque rebellem
 Infa pati cogit : tum, si quâ finibus hostis
 Ingruat ; haud virtutis egens signa obijcit, & vim
 Viribus, arina armis, casus ratione retundit .
 At rutilum dextræ pondus, Melibœaque longè
 Purpura : nullus honor solij : stipantia nusquam
 Pila : nec augusti frontem diadematis aurum
Erigit.

Erigit. O vanæ mentes ! Si scenica vobis
 Hæc modò regnantem faciunt insignia : vestros
 Hinc aliò cultus, & munera vertite . Nolo
 Esse, quod Æsopus, quod Roscius . Ergo relinquit
 Talia, queis satis externo splendescere cultu,
 Ipse alio fretus regno, interiore, suoque .

19. Par neglectus opû. Monstræ augusta superbis
 Atria porticibus, laquearia cedrina, multo
 Consertas elephante fores, Babylona, Tyrumque
 Ditibus appensas thalamis, vasa aurea, densis
 Concretos radijs, & pictæ fulgure lucis
 Eoos lapides ; Proh totius indigus error
 Anticyræ ! docto clamabit non sine risu .
 Hæcine sunt, quibus ambitio, luxusque Potentum
 Usque adeo sese iactat, circumspicit, effert,
 Vixque Deum titulis non inserit ? Hæcine, toto
 Quæ vanum redimenda putat vel sanguine vulgus ?
 Quorum ardor maleficus & irrequieta cupido
 Tot scelerum furij, tot versat motibus Orbem ?
 At quid in his dignum Sapientis amore ? Quid vsûs,
 Vel pretij maioris habent ; quàm littora circum
 Quæsitæ pueris conchæ, teretesve lapilli ?
 Emeritum iam te senio, rugisque verendum
 Astragalos pudeat, cochleasque, recentibus & quæ
 Conueniunt annis, tractare crepundia : gemmas
 Non virides pudet, & flauentis pondera limi
 Undique sollicitum conquirere ? Quæ noua Colchis
 Annosum caput ad cunabula prima reflexit,
 Degenerem cogens iterum lallare senectam ?
 Sat prætextatum gerulæ nutricis in vlnis
 Despuisse fuit . Pueriles ponere sensus
 Debueras vel sub primæ lanuginis æuum,
 Cumque togâ pariter mentem sumpsisse virilem .
 Nullane canities morum ? semperne relicte
 A tergo ætatis te ludicra facta sequentur ? (pido
 Quanquam utinâ hæc tantùm sequerentur . Inepta cu-
 Non vltra Eupolidis soccum delinqueret, vncis
 Nari-

Naribus & posset sat castigata videri.
 Tristiùs at multò pueris maturior ætas
 Desipit. Expositæ quovis in littore conchæ,
 Talorumque, nucumque haud magna expleuerit ille
 Congeries: nihilò dum vos meliõra, vetantùm
 Cælicolùmque, hominũque, elementorumq; per iras
 Infatiabilibus curis, semperque recenti
 Cogere anhelatis studio. Neque proxima tantùm
 Excussisse sat est: alio sed feruida Sole
 Littora, supremas naturæ irrumpitis oras:
 Scilicet effosso rapturi Dite sub auras
 Nescio quæ, nostro pretiosa furore, suisque
 Restiùs ò quantò latebris linquenda, metalla.
 Proh curarum nimium peioribus, imaque semper
 Scrutari faciles animæ! Tantine rubentis
 Massa fuit terræ, vt cæli spirabile lumen,
 Et dulces superos, vitamque diemque perosi,
 Manibus essetis manes, totâque profundum
 Includente chaos solidâ compage sepulti
 Terrenæ molis, supra capnt *Æacon* vmbreis
 Reddentem iura, *Eumenidas*que horrenda sonantes
 Verbera, *Lethææ*que seuerum inamabile murmur
 Audiretis aquæ, scandendaque *Tartara* vobis?
 Quis furor heu, cæci, diro patlore notentes
*Cocyt*i spumas protectâ luce pacisci?
 Semina quid scelerum iuuat, infœcunda, nec vlli
 Noxia, dum tellure latent, in publica damna
 Eruere, & populos latè vulgare per omnes?
 Plus satis ah proprijs vrgemur cladibus: ipsa
 Plus satis ex sese profert Europa Malorum.
 Sunt varix pestes, sunt horrida sæcla *Ferarum*,
 Lethalisque *aconit*i, & semina dira *cicutæ*.
 Cur noua denehitis peregrino ex Orbe venena?
 Cur, quibus, ob tristem violati *Nuui*nis iram,
 Damnauit donis natura nocentibus *Indos*,
 Fertis in *Hesperias*, contagia barbara, terras?
 Vocibus his faturæ *Sapiens* deliria turbæ

Corri:

Corripit : hoc animi subnixus robore, sortis
 Diuitias inopes, neglectaque munera calcat.
 Illius ante oculos rubri conchylia sordent
 Æquoris : Oebalij pretiosus muricis ardor
 Luce caret : nullas tellus parit, vndaque, cælo
 Debita sustineat queis flectere lumina, gemmas .
 20. Sed neque, si sæclis proauum historijsq; tumētes
 Ire Alios, veteris tanquam compendia famæ,
 Viderit : Hos Graiæ decora ostentare Minervæ;
 Illos sanguinei studio clarescere Martis;
 Pars populi fiet mirantis talia, nec se
 Inferiore loco statuet, dignoscere prudens
 Quid solidum, quid inane, & laruam demere rebus.
 Sit prior Hic opibus, dicet : sit honoribus Alter
 Clarius, & titulis : adde artes, ingenijque
 Munera, Grammaticus melior, sandique magister,
 Astrologus, legum interpret, Phœbique sacerdos :
 At non hinc pariter quisquam felicior . Alti
 Nam neque regnorum fasces, neque stemmatis ordo
 Per centum traductus auros : non siue tuorum,
 Mars, decorum monumenta; tui seu, Pallas, honores
 Pectora compositis placant mortalia curis.
 Vnius id virtutis opus : quæ diuite gazæ,
 Plaudentisque fori strepitu, rerumque nitore
 Nil eget, ipsa sibi decus, & pulcherrima merces .
 Hac ego, cuncta licet reliquorum turba Bonorum,
 Totā licet sortis malefidæ opulentia defit ;
 Sat fruatur : hac memet nullius dotis inanem,
 Hæredem Crassi, Pelopis, Teucrique nepotem,
 Hac pulchrum, fortem, sapientem, rhetora, necnon
 Induperatorem, regemque, heroaque ducam.
 Qua mihi nempe vnus doctrinæ, diuitiarum,
 Regnique, & famæ, & Mortales quidquid vbique
 Consectantur opum fructus, pax aurea, constat.
 Scilicet externi quidquid pictique refulget
 Circūm hominem, (mendax oculos ne fallat imago)
 Non id lætitia, at cortex vanumque putamen

Læti-

Lætitiz est. Voti hæc omnis fructusque medulla,
Nucleus hic sortis si iam mihi contigit; ultra
Cur fragiles filiquas, cur, quæ vescentibus obstant;
Proijciendaque sint, externa putamina quæram?

21. Talis erat (veteri Sophiz producere talem
Si licuit) Cynicus versatilis incola testis: (a)
Cui nudo atque inopi non inuidiosa fuisse
Fertur Alexandri fors: qui captivus ab ipsa,
Mancipium prostabat ubi venale, catastâ,
Emptorum turbæ (quid in hunc, fortuna, valeres?)
Promisit dominum: vel tum nil cedere passus
Regnatori Asiæ. Nempe illius alta iacere
Sub pedibus sibi sceptrâ: haud illi obtingere posse
Virtutem, quâ supra homines ipse altior iret.

22. Talem & Palladiæ quondam vidistis Athenæ
Sophronisciaden: præter qui compita vectus (b)
Mercibus omnigenis, varioque nitentia luxu,
Præh Superi, quàm me paucis voluistis egere?
Clamabat. Quàm multa mihi das spernere, virtus?
O vocem egregiam, meritò per Solis utrumque
Quam latus ingeminet viuari murmure fama:
In quam omnes populi, venturorumque nepotum
Conscia posteritas, voluendaque sæcula iurent!
Votorum hæc certè requies, contentaque paucis
Dulcius affectum sapientia me rapit, omnis
Lautarum quàm fulgor opum, quàm fulgor honorum,
Fascesque, & tituli, & regum suprema potestas.
Hæc mihi mens adsit; vanæ sua munera sorti
Ocyûs, in quoscunque velit spargenda, remittam.

23. Hunc igitur notâ platani viridantis in umbrâ,
Propter aquam, Boreæ furtorum testis, amœnos (c)
Quâ latices Ilissus agit, memoranda putemus
Hæc vulgo (attonitas ceu quondam suetus ad aures
Cecropidum) placidis oracula promere dictis.

24. Quæ mala vos, miseri, vitæ de tramite recto
Mens

(a) Laert. lib. 6. Cic. 5. Tuscul. (b) Laert. lib. 2. in vita Socratis.
(c) Apud Iliss. fertur Boreas rapuisse Orischiâ Plat. in Phædro

Mens procul, indociles Veri, & rationis egenos
 Ire iubet? Trepidans quānam per devia curas
 Spargitis, æternā votorum indagine pacem
 Rebus in externis auidi longēque remotis
 Prendere: quam, cordis ciuem, se quilibet extra
 Insequitur, perdit? Certē neque prouidus auceps
 Rara sub æquoreo suspendit retia fluctu,
 Insidias merulis; nec arundine fretus, & hamo
 Squamigeras piscator agit per Nubila prædas.
 Ecquis ab vrticæ damnato semine partus,
 Flora, tuos, aut è rigidis flauentia Bacchi
 Speret dona rubis? Vos hæc male credula fallit
 Simplicitas: vester furor hic: tranquilla beata,
 Fortuitos inter census, dum gaudia vitæ
 Quæritis. At citiùs multò reperire licebit
 In syluis rhombos, inter vada cærule turdos:
 Ante rosas vrticæ, racemiferumque Lyæum
 Ediderit paliurus; opum quàm larga suarum
 Mortales fortuna bect, cordique serenum
 Lætitia iubar, & placida ferat otia pacis.

25. Illum ego felicitatis meritò sibi sumere nomen,
 Certa que iam nactum mentis rear otia, magnis
 Qui dines, proprijsque Bonis: plenissimus inde,
 Sufficiensque sibi, nullique obnoxius. Horum
 Si quidquam Dea cæca valet præstare; clientum
 In grege nos habeat: fulgentibus illius aris
 Cernua suppliciter sistamus vota: sabæus
 Ignis odorata caligine templa vaporet.
 Quid pecudum cessant fibræ? Lætissima quæque
 Orchomeni ripis, cupressiferoque Erymantho
 Adueniat pronâ ceruix ferienda securi.
 Plurimus hic Ladon, pecorosaque mugiat. Idem
 Plurimus Epiri nutritus gramine cultros
 Inficiat, Nemeæ referens aut pascua sanguis.
 Ipse equidem tanto pro munere, turrigerarum
 Vel Libyæ pecudum immanes sacrare hecatombas
 Nil dubitem. Vani sumptus. Lætamus arenis

Semia

20 *EVTHYMIÆ.*

Semina, fallaces messuri denique ventos,
Ieiunamque famem. Frustra tot vellera, frustra
Corticis Eoi lacrymæ Panchæaque thura.
Fragrantes nebulas, irrisaque vota procaces
Diripiunt Zephyri, nec inanibus hostia Sacris
Villa litat. Non hinc (experti credite) non hinc
Dulcia quæsitos retulisse ad gaudia census,
Fasque hilarem plenis quemquam discedere votis.


26. Nā quid magnificū, pulchrūq; & nobile (primū
Haud mora, quæsitū libet hanc perpendere dotem
Muneris) ingenio quamvis largiſſima, seque
Totam adeo facilis vulgo effudiſſe, quid, inquam,
Vel talis præclarum homini sors imputet? Aurum,
Prædia, longinquæ merces, operosa supellex,
Armorum decus, imperij metuenda potestas,
Illius haud dubiè, optari quæ maxima possunt,
Præmia sunt. Memoret, si quid sua diuite, si quid
Maius adhuc gremio donandum æraria seruent.
Anne igitur pretii rara, & sublimia quisquam,
Obtigerit sanæ cui vel ſemencia mentis,
Hæc putet? O animæ tenues, angustaque corda,
Quidquid id est Mundo componite. Quantula vaſta
Portio regnorum fines dicentur olympi?
Quis fulgor gemmis ad ſydera? Quæve metallis
Lux ad inocciduum Phœbeæ lampadis aurum?
Decolor ut Tyrij ſubito liueſcet Aheni
Purpura, collato roſæ Pallantidis oſtro?
Illa meos (pudet heu fortune, inopumque Bonorum)
Ditior illa meos naturæ opulencia ſenſus,
Æthereique rapit ſublimis ſcena theatri.
Illa ego demiror potiùs, fuſa vndique circum,
Omnibus expoſita, & ſolido pleniffima fructu,
Quæ neque vis rapit vlla, dies neque longa reſoluit,
Splendida, diuina, æternūmque recentia dona:
Queis Arabum ſi diuitias, & Perſica ſceptra
Contuleris; turpem, vinci conſeſſa, ruborem
Haud aliter ducent, ſaturiſ; quàm diuite luxu.

Regnan-

Regnantum trabeis, & acu Babylonide pictis
Obuia Cinyphij subtremina bardocuculli,
Aut malè confutis, & hiantibus vndique, discors
Ipse sibi, pannis gelidi centunculus Iri.

27. Illud at exigui discrimina fortè rependat
Hac allata tenus pretij, fortuna quòd vni,
Pauperior quamvis, domino se mancipat, Orbem
Vndique complexi secus ac promiscua cæli
Munera, quæ paribus nemo non possidet: alter
Auspicijs. Nugæ, ridendaque somnia. Gazis
Ad plenum mihi dum liceat cælestibus vti;
Quid tandem perit hinc, alius si quilibet æquam
In partem veniat? Num, fons quia pluribus idem
Expositus, multosque eadè quia balnea mecum
Accipiunt; minùs idcirco placabit anhela
Vitreo ora latex, aut seciùs inde lauabor?
Vnde noua hæc pretia, immensum quæ sana per æuū
Nesciuit ratio? Cur tam mentimur auaram,
Limite quæ nullo in medium se effundere gaudet,
Naturam sortemque Boni; nil prorsus vt amplum,
Aut nostrum, nisi quod viduam consorte, putemus?
Non satis hinc quoq; perspicuū, quàm pauper, inanis,
Exiguūque patens, vel maxima, sit procerum fors:
Cum nequeat cepisse duos: spernenda, sui que
Vix pretij memor, in communia venerit alter
Si dominus iura, & fasces acceperit æquos?
Ergo totum hoc stultitia, & rationis egestas.

28. Adde, quòd ista etiam, priuato subdita iuri,
Vniusque Bonum, oxuperans quæ copia fertur,
Spectanti populo magnà se ex parte fruendam
Commodat, & fastus dominorum cludit auaros,
Publica res. Tyrio fac enim, tu, splendidus ostro,
Pictus acu Phrygiâ, gemmisque, auroque superbus,
Qualè recens lotus desertis Lucifer vndis,
Ora per attoniti incedas pendentia vulgi:
Quidquid id est speciosi habitus, mirique decoris
Exteriùs modò cum niteat, solisque pareatur



22 EUTHYMIAE.

Luminibus ; nihilò dominum iuuisse ferentem
 Plus poterit, medio ac spectantum ex agmine quævis,
 Perspicuæ semisse togæ, proauique vetustis
 Horridulum cunicis . Frustra nam dixeris, vllam
 Inde voluptatis propriam te ducere partem,
 Argenti haud modico tales quòd pondere nactus
 Sis phaleras, luxuque graui sudantibus vnus
 Sustineas humeris . Titulo cum veriùs isto
 Nil proprium, præter morosi pondera cultus,
 Præter & effusi referas dispendia censùs .
 Perge . Venustatum succis, Pulchrique medullâ
 Artifices inter charitum concreueris vlnas,
 Nobile prodigium formæ, dignusque, ministrum
 Quem sibi rex Superùm velit, immisâque Volucris
 Sublimem rapiens mensis assistere Diuùm
 Pocillatorem iubeat . Flos iste leporum
 Priuati num quid pariet tibi denique fructus ?
 Omnibus exortem ex alijs quin fugerit vnum :
 Ad liquidas nisi, ceu iuuenis Cephissus, vndas,
 Imperfecta tui captes simulacra Decoris .
 Sic alie, quarum pretium fructusque, videri,
 Vnicus est, steriles pompæ : sic addita siue
 Littoribus curuis, gelidis seu montibus orî
 Illa suburbani Prætoria, Synnade rubra,
 Et niueâ pretiosa Paro, salientibus vndis,
 Pumiceis specubus, nemoralibus amphitheatris,
 Piscinis, xystis, omnique exulta superbæ
 Arte voluptatis, sed quæ, ciuilibus ipse
 Astriçtus laqueis, solidos, pluresque per annos
 Vix semel accessu raptim fugiente salutas,
 Vnius imperium detrectant, plusque colonos,
 Plus hilarant populum, quàm temet, diceris esse
 Qui pulchri dominus, soloque es nomine, fundi.
 Vique adeo haud tantùm spernenda, minoraq; magnis
 Sunt Bona, priuato quæ fors indulget honori ;
 Sed neque plus illis vtenti propria, censu
 Quæ solido, & raris pollentia dotibus, vsus

In

in medios hominum supremus condidit Author :
 Totque domi sacris opibus, sese vnde beatos
 Fortunæ hi vocitant pulli (si vera fatendum :
 i rem legitimâ rationis pendere lance
 Cura sit) extruitur miseris aliena voluptas .

29. Non tamen hic fallit , quæ nostris obuia dictis
 Lux inops responsa paret : superesse fauentis
 plurima fortunæ nimirum commoda, solis
 quæ libentur heris : tum quod sublimior illos
 hinc populi comitatur honos; tû splendida quod res,
 externæ supra decus & spectacula pompæ,
 innumeris vitam quoque fructibus auget, amicum
 et quidquid genio, seu qualibet arte fouendis
 Corporibus factum largè plenèque ministrat .

30. Vltima vt hæc, veris aliena, refellere primùm
 aggrediar ; nego vos, Cræsi, iucundiùs, & vos,
 Darij, tempestiuos seu ducere somnos
 Veste super Coâ, tumidam seu mergere in aluum
 percula regnorum pretijs extructa ; secundo
 addita quàm pani messor lacrymosa trucidet
 illia, stramineoque cubet resupinus aceruo .

31. Nempe suum mensis genium non rara saporum
 citamenta, vel externo procul Orbe petiti
 Conciliant gustus : sed, quæ vulgare videri
 nil patitur, syncera fames, stomachique valentis
 ignea vis, siliici haud impar, chalybiue domando.
 hæc adsint ; tum me laganum, robustaque farra,
 et lardo saturæ, fossorum prandia, betæ
 lùs capiant, quàm sumen apri, quàm Phasidis ales ,
 cinicus aut lato phœnix porrectus in auro .
 Nec sua non ipsis hoc experientia monstrat
 regibus : vrbane si fors operosa culinæ,
 syluestri dum Marte seras, se seque fatigant,
 luxuries auidam longùm frustretur orexim .
 Tunc etenim siccis, & inanibus obuius humor,
 lucidaque exiguæ Cereris fragmenta, bubulcus
 quæ rudis, haud paruum tali pro tempore munus,

Obtu-

Obtulit, ambrosiam sapiunt, cerebrumque Deorum.
 Tunc epulis nunquam sese melioribus vſos
 Ingemunt: tunc quàm simplex, facilisque voluptas,
 Quàm paruo consent Mortali gaudia, nosse
 Incipiunt, summâque minimis sibi sorte placere.

32. Par somni ratio, quem non discrimina vocum,
 Et fidium, vulso nec odore tumentia Strata
 Sic faciunt, hilaris ceu mens, & fessa diurnis
 Membra ministerijs. Spondâ hinc prædiuite, molles
 Byssi inter nebulas, picturatosque tapetas
 Compositi, lucis post tædia longa, tyranni
 Difficiles tenebras, & euntia tempora tardè
 Increpitant: nullisque toti non partibus, ægræ
 Te requies vitæ, iucundaque mortis imago,
 Alme sopor, quærunt. Nequicquam: exosus inertem
 Luxuriam, tugurî secretas pauperis umbras
 Incolis, & vacuæ latebrosa silentia rupis:
 Qua subter vagus vpilio, vel durus arator,
 Difficilem exercens agrum, atque exercitus ille,
 Indomitas rustant cepas, curataque membra
 Fortuitâ effulti stipulâ, campumque, diemque
 Pectoribus vacuis, & anhelio gutture profiant.
 His iuuat umbriferam penitus defundere Lethen,
 His imperceptâ componere lumina dextrâ:
 Hos totum cornu rigat: his dulcissima mentis
 Otia, curarumque obliuia læta propinas.

33. Tráseo iâ reliquas (pudet hac in fœce morari)
 Delicias turpes, Veneris fallacia dona,
 Probraque mortalis potius, quàm gaudia, vitæ:
 Quæ iubar omne animi extinguunt, cognataque celo
 Ad pecudum brutos deducunt pectora mores:
 Quas modicè si delibes; nil cordis anhelos
 Inminuunt æstus: contra immoderatis haustæ,
 Opprobrijs famam pestiundant, corpora morbis.
 Ille, his diuitiæ scateant; non fœdus vllum
 Crimen habent. Careat ferâ hoc munere nuda
 Pauperies; tantò laudari dignior, omni

Acriùs

Acriùs hòc fuerit studio, nifuque petenda .

34. At populus refono interea clamore beatos

Ingeminat, quibus ampla domi patrimonia, clarum

Quèis genus, innumeraque premunt latissima ceræ

Atria : regalis quos, vel vicina potestas

Nobilitat, fufique hostes, duftique triumphi .

His longam comitum à tergo ducentibus vmbram

Vndique certatim deceditur : hos iuuenesque,

Grandævique senes metunt, mirantur, adorant,

Terrarum veluti præfentia Numina, plùsque

Interdum, quàm, quod regnat super æthere, Numen;

Horum etiam cineres, humilique putrefcere bnfio

Dedignata, plagis ftellantibus admouet offa

Pyramidum fublimis honos . Stat vertice fupmo,

Compositi vultus, maieftatemque verendam

Herois Pario feu marmore, fivè metallo

Iftmiano referens, qua vel Saturnius ipfe

Haud Pater effingi fe dedignetur, imago .

Virtutum circa choùs : hinc Prudentia bifrons,

Exacti longè feriem, feriemque futuri

Temporis in medio fpectans, Aftreaque iuxta,

Enfe minax ftricto, rigidæque examine libræ ;

Parte alià niueis Victoria celfa quadrigis

Hostiles latè exuuias, pendentia figna,

Armaque trunca virum, & refperfos fanguine currus

Circumfert, immane decus : cui proxima grefsum

Associat, largo felix Opulentia cornu .

Molis at in medio, pennis fublata, iacentique

Inferiùs Libizinx infultans calce fupbo,

Tergeminam fonitu victuri nominis implet

Fama tubam : immortale notis cubitalibus vnde,

Inter adulantium fefe profundere lætas

Palmarum frondes, & marmoreos lemnifcos

Carminis elogium videas : Hic maximus Heros,

Tantalides Diophantus, Achiux gloria gentis,

Barbarie domitâ, Patriâque ex hofte receptâ,

(Quifquis ades, merito cineri da ferta) quiefce .

B

Sic

26 EVTHYMIÆ.

Sic illi in tumulis, vel post sua funera, viuunt.

35. Audio. Fortunæ hoc igitur iam limite regnum

Desinit: hæc lauti pulcherrima præmia censûs,

Egregium nomen, titulorum grandè sonantùm

Splendida congeries, turbæ plaudentis honores,

Certaque post cineres mansuræ pignora famæ.

His, velut humano tu culmine celsior, infra

Terrigenùm vulgus, ex æquo Numina spectas.

Proh Superi, & Ratio sanctissima! Nilne ego, talis

Sincerum morbi quia me voluistis, & hæc

Quòd nugas ridere licet, mihi gratuler? En quo

Hæ censu tumeant animæ: plebecula magnos

Quòd vocet, illorumq; aliquis dum præterit, Hic est,

Hic ille, attonito iactet fremebunda susurro.

Quid priùs hîc, vanum, celebrat dum talia, vulgus;

An proceres mirer, vulgarem qui sibi propter

Stultitiam plaudunt, alieno errore superbi?

Vt fatear, veram laudem, meritisque repensam

Haud pretij vacuam; (vel debita præmia quamvis

Negligit, ipsa suo virtus animosa theatro)

Quæ tamen externi contingit nomine censûs

Diuitibus, tam ficta, levisque est gloria; veræ

Fortuitas quàm nuper opes bonitatis inanes

Vidimus, eximijque suis nil addere fructûs.

Anne igitur sanus, vel qui tam friuola plausu

Immerito decorat; vel qui deliria propter

Plaudentùm fastu sese miratur inani?

Corrige iudicium Stultorum; nil habet ampli

Sors tua, nil pulchri. Excellis, quia desipit Alter.

Magna igitur sors haud aliud, quàm insania magna est.

36. Hac externa tenus, quantovis munera cultu

Detineant oculos, pro vilibus, atque minutis

Exhibui, domino veluti mouisse senatu,

Plebis & obscuræ in numerum censumque referre

Contentus: iam porro Boni neque nomine digna,

Noxia quin magis euincam fugiendaque. Summus

Nam nihil in terris author cum fixerit, omni

Dote

Dote Boni vacuum, nulloque optabile fructu ;
Communis solet illa Malis adiungere sensus,
In quibus, vt nonnulla Boni sit portio ; maior
Obruit hanc tamen hærentum mensura Malorum .
At genus id miseram blandæ sub imagine sortis
Temperiem nulli non vltro agnoscere promptum est.
Quantula sint pretij, vitæ mortalis in vsus
Illius e donis veniunt quæ, Commoda, plano
Iam, reor, est nobis pridem sermone peractum :
Nunc operæ pretium fuerit Contraria nosse .

37. Nec mora : sexcenti se protinus agmine longo
Objiciunt, funesta necis libamina, morbi,
Dimidixque neces : auidi prurigo palati,
Sæuarumque voluptatum quos largior æquo
Aduehit ingluuiæ . Neque enim sapientia passim
Obuia, Fortunæ exultanti imponere fræna,
Inter & illecebras, circumfususque palatus
Luxuriæ, iusto genium concludere gyro .
Certè Inopum solidis plerunque vigentia neruis
Corpora, nec multâ fessas trieteride vires
Aspicias : procerum paucos qua sorte potiri
Deliciæ molles, vmbraatilis otia vitæ,
Et nimium blandi finit indulgentia cultus .

38. Quid tibi iam reliquos casus, properataq; ferro
Commemorem toties, toties properata veneno
Funera ? Non, Scythicæ pecudis radiantia terga
Abstulit heroo quæ remige, Thessala puppis,
Æquoreos tot passa metus: sirenia præter
Saxa licet, fracto concursantesque Profundo
Ferret iter dubium Symplegadas ; obuia sæuis
Quot locuples fortuna minis . Dulcissima vitæ
Munera cum primis, epulas, somnosque timendum .
Gemmiferis natat in cyathis, lautoque sopori,
Impertuna comes, Fraus accubat . Arma cauere
Haud satis : ipsa armis grauius sæuire docentur,
Ipsa gerunt bellum pacis sub imagine dona ,
Nulla fides generi : qui sanguine iunctor, hostis

Certior . Inmitem quoties dos ampla Maritum
 Coniugis in lethum misit ? Quàm sæpe dolosi,
 Diues & infelix, Patruï post crustula, vilis
 In portam rigidos supremum extendere calces
 Pupillus ? Tremuli quoties rugosa Parentis
 Stamina, iamque diu Lachësim poëcentia, seris
 Iratus votis, & vota morantibus annis,
 (Proh facinus ! Tantumne homines Natura relinquis?)
 Filius abruptit, non filius ? Omnia quamvis
 Syrmata Thëspïaco longè voluantur ab æuo; (a)
 Nusquam humiles casus : plebeias horrida nunquam
 Dignatur tragico lacrymas vestire cothurno
 Melpomene . Soli mirantibus argumenta
 Portentosa, nefanda, fidem transgressa theatris
 Suppeditant procures : Natorum funera soli
 Esse putant epulas, insuëtaque monstra pauentem
 Cernere, polluto deturbant æthere solem .

39. Adde tot egregias vrbes, famosæque regna,
 Tot populos; Marti quos prodidit, utque perirent,
 Præbuit infelix primas opulencia causas .
 Quæ nostris vtinam ne fors impendeat (omen
 Ferte procul, Superi : timor est sed iustus) Athenis .
 Scilicet ignotæ proauorum moribus artes
 Degeneri iam pridem animos, & corpora luxu
 Inficiunt, prædæque vocant spe diuitis Hostem.
 Campestris non vlla Scythas vis extera bello
 Sollicitat . Nam quæ tam nudi præmia Martis ?
 Diuitiæ populi summæ corytos, & arcus,
 Effedaque, & iuga pauca bouum, horrentesq; Ferarum
 Exuuiæ . At capulo non vnquam dextera segnis,
 Indomitæ vires, immania corpora, lethi
 Sub pedibus timor, ignaunumque fenescere . Nil, quod
 Illecebris spoliolum hostilia vota, rapaces
 Inuiterque manus : nil, quod non verius obftet
 Ausuris . Vallo septemplex firmior, omnes

Vna

(a) *Thespis. apud Horat. in arte Poet. Ignotum tragicæ
 genus iuuenisse camænæ dicitur .*

Vna metus, bellique minas procul arcet egestas .

40. Ramorum viridē (non vana est fabula) pompā
 Diuitis extremo spargebat limite Fundi
 Ardua, lata, ingens, frondoso par nemori Nux .
 Hinc illi tumor, hinc rerum fiducia vecors,
 Terrenique satūs nimio plūs immemor, & vix
 Se capiens fastus . Sed nec Briarēia centum
 Brachia, nec trunci spatium , atque in Nubila multus
 Tendere frontis apex sic effecere superbam,
 (Hos etiam quamvis demiraretur honores)
 Ceu sobolis census, quæ mitibus vndique baccis
 Amplectens lætam, ipsa etiam lætissima, matrem,
 Temporibus circumpositi diadematis instar,
 Pondus erat sublime, attollebatque ferentem .
 Ergo opibus gestire suis, populoque minori
 Frondentū iuxta Dryadum insultare, nec ipsas,
 Altera ceu Niobe Lucinā diuite felix,
 Præ se faticinas Dodonæ ponere quercus :
 Demens, in foribus quæ iam Niobēia fata,
 Mutatosque Deos non cerneret, id neque rebus
 In miseris saltem supremum habitura leuamen,
 Tantalidi magnus dederat quod vulneris author .
 Nam puerū grex fortè vagus, dum quarta camœnis
 Iustitium fert dulce dies, & gymnade clausā
 Per virides impunè licet discurrere campos,
 Hæc tulerat gressus . Qualis (proh Iuppiter!) arbore
 Vnus ait : quo pomorum circumflua luxu ?
 Si faciles propius ramos demitteret, aut si
 Nos quoque finxissent Neptunia semina, quantos
 Nuper, Aloidas, cælo capita alta ferentes, (a)
 Clamosus tumidâ referebat voce magister ;
 Quæ foret hæc nobis vindemia ? Quas ego plenis
 Iam tunicis prædas, & quæ spolia ampla referrem ?
 At mihi Aloidū nil corpore, subiicit alter,
 Nil opus in dulces Smyrnæo carmine prædas.
 Si vetitum arboreos sublimi carpere dextrâ ;

B 2 Sur-

(a) *Homer. Odyss. lib. II.*

Sublimi haud vetitum iactu prostrernere foetus .
 Inuida quos manibus longè Natura remouit,
 Ad nostros iam iam æqua pedes solertia ponet .
 Hæc ubi dicta, humeri proiecto tegmine, saxum
 Arripit, & valido rotat in sublime lacerato,
 Mox aliud, rursusque aliud . Nec cætera segnis
 Exemplum spectare cohors . Par omnibus ardor :
 Tela petunt, onerantque manus, atque ictibus ictus
 Agglomerant . Pleno volat æthere saxeus imber :
 Dant gemitum rami : decussis vndique tellus
 Stipatur folijs, stipatur glandibus . At Nux
 Infelix, rapidâ circum stridente procellâ,
 Tot plagis laniata sinum, tot foetibus orba,
 Iam viduæ exemplum Niobes, iam ponere flatus
 Immodicos, verbis & docta minoribus uti,
 Quis furor ? exclamat, Quæ vos, temeraria pubes,
 Infandæ eumenides stimulis tam tristibus vrgent ?
 Hoccine ius ? Prædas alieno euerrere Fundo :
 Exturbare manu pacem : vim, vulnera, cædes
 Nil meritis inferre ? Ah sæuo parcite ludo,
 (Pœnarum satis est) ah barbara ponite tela,
 Crudeles . Nullo certè vos crimine læsi :
 Nil merui, tam dura nocens cur præmia ferrem .
 Quin etiam (nimios fractura umbracula soles
 Vt taceam) vestris, par quando, an quæritur impar ,
 Vel tribus extructis cum glans superadditur vna,
 Totque alijs, quorum assueti meminisse potestis,
 Materiem Nux exhibeo instrumentaque ludis .
 Pergitis ? O soboles Furiarum ! Pergite . Dignas
 Terga luent pœnas . En raptò fuisse Colonus
 (Heu miseram ! Cur non licet hæc mihi vera minari ?)
 Aduolat : en immanè furit . Vos ille . Magistri
 Aut saltem, indignos qui iam rescuerit ausus,
 Plagosam sperate manum, horrendumque tribunal .
 Nil agimus . Saxi, quæ iactat, durior ipsis,
 In vacuum fusas ridet gens impia voces,
 Missilibusque nouis certat : prætexit olympum
Dilu-

Diluuijs telorum, & spissæ grandinis instar
 Tempestas lapidosa furit. Vulsæ vndique frondes,
 Deiecti foetus, contusaque brachia : primum
 Illa decus patrij, & felix modò gloria Fundi,
 Vix lacerum funus, rapti vix vmbra supersum
 Iam decoris. Vacuum quid prodest crimine pectus,
 Quid puram seruasse fidem ? Tu crimen habetis,
 Fertilitas, hos tu mihi noxia reddis honores.
 Nulla manus sterilem crudo percelleret ictu :
 Lædenti pretium possum quia soluere, lædor.
 Ast ego, natiuo felix mihi credita censu,
 Subiectis inopes ridebam in sepibus vmbas,
 Iuniperi, cornique vmbas. Quàm iustiùs illæ
 Mutuà nunc nostris valeant illudere damnis,
 Paupertate suâ incolumes ? Quodd si ista manebat
 Sors miseram, si diuitiæ hac mercede luuntur ;
 Muneribus quid me libuit, Pomona, malignis
 Perdere ? Non satiùs platani de more fuisset,
 Cælibis aut lauri, viduo frondescere luxu,
 Vmbrarum dominam ? Valeas opulencia, tristè
 Exitij pignus. Nemorum cum paupere turbâ,
 Et mihi dehinc liceat, nil, quod rapiatur, habenti,
 Ducere cœu fructu vacuum, sic luctibus æuum.
 Questibus his, medio saxorum in turbine, sæuas
 Infelix damnabat opes, sua funera : parque
 Par adeo exitium, & similes hinc quisque vereri
 Condiscat, similis cui præsto est copia, casus.

41. Non tamen hæc pacis turbatæ crimina, cæcis
 Non latus insidijs trepidum, violentaque mille
 Præcipitis lethi compendia, mille relictæ
 Ad lentos obitus tormenta tenacia vitæ,
 Omne putes fortis virus, Summamque Malorum,
 Quæ grauior, cum blanda magis, Mortalibus affert.
 En alias animi clades, insertaque cæcis,
 Plûs etiam lugenda, Mali contagia fibris.
 Agmen agit stolidus mentis tumor : obsequijs dum,
 Plaudentis populi, vanoque errore superbi,

Egredios iam sese Hominem, iam summa tenere
 Votorum, magnisque putant vix cedere Diuis.
 Protinus ergo omnis labor, & solertia cessit ;
 Egregijs nusquam locus artibus : otia cordi,
 Fœdaque segnities . Quid enim te, Gloria, duræ
 Sectari per iter virtutis, vel tua, Pallas,
 Munera perpetuo malint sudore pacisci,
 Vna quibus fului blanditur gaza metalli :
 Hæc Sophia, & Virtus, hæc quidquid vota requirunt,
 Quidquid Numina sunt ? Par inde licentia : fastus
 Impatiens legum : totum vanescere sortis
 Creditur eximie pretium, communia iura
 Si subeat . Facinus quamvis sine dote, nec ulli
 Sollicitent fructus ; sat causa furentibus ingens
 Ad scelus, ut sibi cuncta probent, vel iniqua, licere .
 Audax pro virtute furor, pro iure libido,
 Multaque posse decus summum, non debita velle ;
 Peccando, valeant quid viribus, experiuntur .
 Si tibi quid dampni impositum, si læderis insons ;
 Iudicij spes cassâ . Forum nil omne querelis
 Proderit impleuisse, nihil mare, sydera, cælum
 Testari, legesque hominum, legesque Deorum .
 Acrius hoc Illos stimulat . Post æra negata,
 Post immissa nouis armenta famelica latè
 Frugibus, & fines emotos pauperis agri,
 Non deerit, quæ te, pretio conductâ, trucidet,
 Seminecem aut duro sub stipite, dextra, relinquat .
 Ergo, licet rapido stomachum permisceat æstu
 Bilis, & inclusas animus malè digerat iras ;
 Pythagoræ ceu discipulus, mutire caueto :
 Quin sorti rebusque tuis gratare, quod vna
 Pars tantum sublata, quod hostis cuncta pepercit
 Eripere, & pannos misero, vitamque remisit .
 Tam violens, furibunda, humani nescia sensus
 Diuitiarum est conditio, naturaque : legum
 Sic tabulas, iusque omne, sibi lex ipsa, reuellit .

42. Sed quid ego longis rationum flexibus amplè
 Inge-

Ingenium ferale, & noxia crimina sortis
 Persequor? Exemplo liceat cum protinus vno
 Discere, quàm nihil illius vel maxima quæque
 Gaudia, præ misto alterius sint pondere partis.
 Si quæ Fortunæ eximio ditissima censu.
 Floruit; hæc certè est, quæ ferrea dicitur, ætas.
 Nunc aurum prope vile: suus flauescit vbique
 Pactolus, Gangesque suus. Licet omnia tellus
 Non omnis ferat; omnis habet: commercia Mundum.
 Huc, illuc peregrina ferunt, ditescere doctum,
 In sese sua dum, diffundens, munera cogit.
 Sæcula quæ vel auara magis, vel prodiga? Quando
 Par rerum nitor, aut, luxus solertior? Vnum
 Certamen, quis plura habeat, quis perdere norit:
 Splendidius: totis conatibus, vtræque vanas.
 Vitæ in delicias ars, & natura laborant.
 Anne igitur nobis ideo felicior æui,
 Quàm priscis series Mortalibus: ardor habendi:
 Cum procul, exiguoque hilarem se vita ferebat:
 Pro nitidis auro cum sedibus hospita rupes.
 In faciles placuit somnos: penetrabile frigus.
 Horrida neglecto defendit murice pellis:
 Nectareos latices fons, victum præbuit, arbor?
 Heu! quo diuitiæ, cumulo creuistis eodem.
 Inuisti scelereum fœtus, diræque Malorum.
 Omnigenum pestes. Haud illis Maurica sæclis
 Robora decisas Sipylø præstere columnas:
 Mæoniæ nusquam chlamydes, & adultera fucos,
 Vellera Sidonio, nusquam cælata Corinthus,
 Artificumque manus: sed nec periuria, fraudes,
 Insidiæque truces aderant, funestaque bella,
 Et strictis hinc, inde pares mucronibus Iræ.
 Votorum tunc Summa, satiss: nullique cupido.
 Alterius suspecta: hominum quot millia, fratrum.
 Vnanimi totidem cœtus: tunc nescia fuci.
 Simplicitas, tunc alma fides, atque aurea morum
 Temperies: sine lege pias, sine iudice rexit.

R. 5,

Pri.

Priuatus pudor, & censura domestica gentes.
 Illi apices hominum, nascentis gloria Mundi,
 Integer ille xui flos, illibataque cæli
 Semina, nec Superis indigna parentibus ætas :
 Innocuos quorum mores, tranquillaque nobis,
 Nescio quo lxxuo cœu sydere, gaudia præsens
 Futilium prouentus opum in contraria vertit.
 Et dubitamus adhuc, tot tristia funera rebus
 Cum ferat humanis lautæ indulgentia fortis,
 Accensere Malis, vitæque inimica putare,
 Sensibus abduci vecors suprema Bonorum
 Quæ crepat, & falso miratur pectore vulgus ?

43. Heu steriles Veri, insanæ quos denia turbæ
 Viuendi per iter ducunt vestigia, Graios
 Tanquã Helice nautas : & quidquid mens bona contra
 Occinat ; id rectum, quod plurimus approbat author,
 Constituunt. Ideone igitur superaddita nostris
 Sensibus æterni, Ratio, lux filia Solis,
 Deteriora bonis dignoscere, curaque rectis
 Qua licet ; vt clausis post errabunda Priorum
 Agmina luminibus rueremus : lanigerarum
 Cœu pecudum mos : demisso quæ vertice, primis
 Quæ libuit, temere associant vestigia : rupis
 Et siue vna iugum scandat ; seu prætipitet se
 In foueam ; reliquum porro ruit ocyus agmen,
 Securum quò, vel quare ducatur, eatque ?
 Prima Mali hinc Homini labes : hoc funditus omnem
 Euertit vitam. Nemo sibi desipit vni :
 In commune mali sumus, abreptique, sequentes
 Abripimus. Fatui semper sic longior ordo
 Agminis, & vitæ sit regula publicus error.
 Cumque vagos cæli cursus, cum fulminis ortus,
 Ventosque, pluuiasque, arcanaque semina rerum,
 Et varias Mundi leges condiscere nemo
 Plebis ab ignaræ eloquiò dignetur ; candem
 Quæ Bona sint Homini, vel quæ diuersa docentem
 Attoniti tamen auscultare, insulsaque dicta

Non

Non secus excipere, ac Naturæ orâcla solemus.
 Futile ceu vani non multò hic crassius erret
 Iudicium populi; quàm si ingrediatur opertas
 Ventorum, rapidique vias percurrere Solis:
 Aut veluti nostra plùs referat, ætheris alti,
 Et pelagi certâ ductas ab origine causas
 Noscere, quæ nihil ad vitam moresque regendos
 Proficiunt, rectos animis quàm ducere sensus
 De Pulchri, atque Boni, & vitæ ratione beatæ.
 Pectora qui tantus stupor alligat? Vnde profunda
 Hæc adeo humanis vecordia mentibus? Attræ
 Bilis agit furor? An magici violentia cantus?
 An graue stellarum iubar? An funestior ira
 Numinis, æumenidumque faces, pœnæque Nocentium?
 44. Verû age: sint Bona, sint, quantum plebecula cē-
 Splendida, magnifica, & nostris rationibus apta, (set,
 Sortis ab arbitrio veniunt quæ dona; fruentem
 Anne ideo lætum facient, solidèque beatum?
 Haud equidem, ni perpetuo sibi tradita nexu
 Possideat: veluti neque Cræsi æraria ditem,
 In patrijs aggesta licet penetralibus, Trum
 Constituant, ni signatis priùs ille tabellis
 Legitimum tanti capiat ius muneris. Atquæ
 Fortunæ hæc ratio: nulli se fœdere certo
 Mancipat: exigui tantùm dat temporis vsu,
 Cum volet, ablatura. Laris, censusque paterni
 Quid dominum falso te iactas nomine, cultos
 Veriùs externi dicendus pignoris? Illie
 Nil penitus, mihi crede, tuum. Sors annuit æqua:
 Utendum: nec, quod dederat, non æqua vicissim.
 Sors repetet. Nimbi, fures, incendia, lites,
 Naufragia, & quidquid partis nos rebus inanit,
 Illius Accensi sunt, lictoresque, iubentis:
 Promere depositum. Renues? Cunctabere? Nugas.
 Egeris: inuito rapient, frustra que gementi.
 Nec minùs arbitrijs hominum diuersa, sui que est
 Cætera sors iuris. Quid enim? Propriumne vocabis

36 EVTHYMIÆ.

Hoc frontis diadema? Voces: renuente superbum
 Indocili ni plebe iugum, iam nuda relinquet
 Tempora. Conspiciam propria inter munera famam:
 Rettuleris? Referas: si quo tibi bacchare cautum,
 Suspicio ne vana, dolusve, & rumor iniquus
 Seu decus id minuat; turpi seu stigmatæ fœdet.
 Nonne vides, cuncta hæc, aliena, precaria, iamque
 Mutatura larem, nihilò tua posse vocari
 Iustius, ac Tyriz chlamydis, quo pulpita verrit,
 Peniculamentum, sceptrique insigne coruscum,
 Temporis exigui pompam, sua dixerit actor
 Scenicus, Atriden quoties, sævumque Creonta
 Exhibet? Inflato nimirum hic pectore postquam
 Per populi se magnificè circumtulit ora,
 Grandia iura dedit famulis, tragicique crepantes
 Eloqui j ampullas, & sesquipedalia verba.
 Conglomerans, regum fortunam, animosque superbos
 Implevit; positis, mora parua, Insignibus exit,,
 Furtivis nudata velut cornicula plumis,,
 Germanus ficto de regnatore lanista,.

Quique Creon, iam Sosigenes. Hic mimus in horas
 Luditur: hæc procerum, quos vulgus adorat, imago.

45. Ergo, sibi quavis placeant, Superumq; velut iam
 Collegæ, tumidis affectent sydera crisis;
 In medio tamen ægra gerunt. submissaque fastu,,
 Curarum varijs & fluctibus anxia corda:.
 Nec ratio, aut vis, qua trepidi lenire tumultus
 Pectoris, & circum laquearia celsa volantes
 Submouisse metus liceat: nec (vt omnia paucis
 Exequar) in tanto cumulatz fortis aceruo,
 Te reliquis vnam potiozem mercibus, vnum
 Te curæ vorique omnis, Pax aurea, finem
 Inueniunt: proprijs tantum, eximijsque parandam
 Nempe Bonis: quæ fortuito contingere quisquis
 Posse putat, Chios rigidis e sentibus idem
 Autumnos pendere, vel Hyblæ purpureum ver
 Vrticæ tribulique satu sobolescere credat.

Voss

46. Vos igitur, quorum terreno in corpore Titan
 Semina cognatæ haud frustra permiscuit æthræ,
 Lætitiæ pueros si tandem accedere fontes
 Fert animus: si blanda quies, securaque cordi
 Gaudia; quidquid opum cornu largitur amico
 Sors levis, infidos census, perituraque dona,
 Magnanimo, cupidi meliorum, spernite fastu.
 En alias summo deuectas æthere, nilque
 Fatorum occiduis debentes legibus, alma
 Divitias Virtus (pretium, voluisse) reponit.
 Huc avidas mentes, huc vota capacia, totos
 Huc animi laxate sinus. Hoc pectora pleni
 Munere, iam fati cursus, iam tempora vestro
 Pingetis nutu. Vel Pacis nulla fruendæ
 Spes Homini; totum vel nostri hoc esse fatendum
 Arbitrij, iurisque Bonum. Gaudere volentem
 Occiduas nil cuncta iuvant æraria sortis.
 Intra animum nasci voluit Deus, esse beatos
 Quî liceat. Votis longè contrarius errat,
 Deserto qui sese, alibi sua gaudia quærit.





EVTHYMIÆ

Liber Secundus.

FELIX, atque iterum felix, sua pendere morit:
 Si Bona gēs Hominū? Nullo munimine quā-
 Testa sub ætherei mittatur luminis oras; (vis.
 Non tamen est, genitam naturę lege malignā
 Cur se propterea doleat: vulgoque Ferarum
 Cur habiles plumas, innataque vellera, curauim
 Aut capitis decus, & validos inuiderit ungues:
 Omnia dum, varius quæ rerum postulat vsus,
 Instrumenta Boni, vitæque operosa tuendæ,
 Præsidia in solâ meliūs Ratione recepit.
 Singula ne memorem, quæ nobis plurima longè,
 Commoda, tam pulchro cæli de pignore manant;
 Anne parum, nostris hilarem quodd fingere vitam
 Hinc licet auspicijs, nec auaræ obnoxia forti,
 Ex se lætitiā sibi sufficit ipsa voluntas?
 Fac, genus hoc vsquam mercis venire, beatum
 Hoc aliquo nasci terrarum limite germen,
 Omnia mæstitiæ abstergens quod Nubila, puris
 Cordibus æternæ inscribat Thaumantida pacis;
 Vllane & medijs facies discriminis, vlla
 Terreret series longarum immensa viarum,
 Oppositæque Alpes, tumidisque agitata procellis
 Æquora; quin dulcem ad metam per saxa, per undas,
 Ipsaque Dædaleis per Nubila cursibus ires?
 Vllane Lydorum abnueres æraria regum
 Muneris in tanti pretium spondere, futurus
 Illicet hoc vno diues, nullius egenus,
 Terrenæque ferunt sortis quoad iura, beatus?

Et

Et tamen hæc nostro vernat sub pectore messis
 Aurea : tam lætam quovis Natura sub axe
 Proposuit mercem Mortalibus . Vnica nigro
 India sit felix hebeno : fragrantia soli
 Thura legant sylvis Arabes ; non imputat vllis
 Se propriam, nullis facilem se denegat oris
 Pax, Mundi commune Bonum : eximijsque referta
 Dotibus, haud (merces veluti gazæque minores)
 Prouentu pretium raro, latebrisque tueri
 Indiget, haud famæ se commendare remotâ :
 Æmula quin potiùs Phœbeæ lampadis, omnes
 In populos pleno sua gurgite dona refundit,
 Festinatque capi, se seque morantibus offert .
 Desint dimitiæ, Regnantùm gratia, fulgor
 Nominis, illustres proavi, sublimia sceptrâ :
 Quid tum ? Non ideo deërit plenissima (mentem
 Dummodo quis rectâ instituat ratione) voluptas .
 Ni, tibi concessam, Fortunæ, prodigus, vltro
 Vendideris ; stabili propriam sub lege tenebis .

2. Quod quia Socratico meditatus Apolline, letos
 Irrita quàm veniant xui felicitis ad vsus
 Omnia propitiæ, docui iam, munera sortis ;
 Nunc quàm vana cadant minitantis fulmina, quoque
 Illius infestam Sapiens vim robore frangat,
 (Da fontes, da, musa, nouos haurire) docebo .
 Vt, veluti spes ambiguas, infidaque vota
 Depulimus, nil fortuitis occurrere docti
 Eximium in rebus ; sic (quæ pars altera restat)
 Tristitiam imbellem, consternatosque timores
 Mente relegemus, nil extima vulnera gnari,
 Nil varias clades, humanorumque Malorum
 Compositis virtute animis tormenta nocere .

3. Non tamen hic ideo (quantumlibet illa repositos
 Iactitet arcani tripodas sententia Veri) (a)
 Omnia quæ nobis extrinsecùs aspera rerum
 Adueniunt, falsò contendam inimica putari :

Naturæ

(a) Vide Epist. cap. 8. Sen. ep. 24. & 78.

Naturæ ceu sponte suæ nil corpora lædant,
 Nil animos : neque sæuitiæ verique doloris
 Plus habeant, vestri vanus quàm pectoris error,
 Inque suas pœnas mens ingeniosa, maligno
 Addit opinatu immeritis . Hæc splendida dictu
 Communis siquidem sensus ratioque refutat,
 Cecropijs grauior Veri cortina magistris .

4. Id potiùs, nulli quod sit dubitabile, ponam :
 Mentem hominis multum versandis rebus, & vtram
 In biuij partem libeat, seu limite dextro,
 Siue sinistrorsum flectendis, iuris habere :
 Quatenus alterutrò spectantia plurima in illis
 Iam falsa effingit ; iam parua impensius auget ;
 Oppositis iam mista (Mali nil quando, Boniue
 Syncerum penitus Mundi concordia discors
 Rebus in humanis patitur) quocunque remoto
 Alterius fortis discrimine, pura seorsum
 Concipit : hinc adeo vim, mensuramque doloris,
 Fortuiti quo corda solent percellere casus,
 Non tam iustificà venientiam ex indole rerum,
 Quàm varijs animi ducendam e sensibus, eque
 Iudicijs, medias quæis res perpendimus ipsi .

5. Quæ nisi vera forent ; eadem cur fata sereno
 Altera pars hominum, turbato aut altera vultu
 Exciperent ? Audin, quàm tristibus omnia circum
 Compita, perque domos iactetur nuda querelis
 Pauperies : cen fortis onus, quo maximus æther
 Non grauior Mauri senis in ceruice recumbat :
 Quoque superpositam semiuistaq; membra prementem
 Enceladus nunquam, sapiens, mutauerit Æternam ?
 Et tamen hanc Phocion adeo cõplexus amicè est, (a)
 Dyrceusque Crates etiam quæsiuit ; vt alter (b)
 Quantovis Macedum mutare negauerit ; alter
 Toto etiam patrio redimi bene duxerit auro .
 Si pereant merces ; nullum se luget Auarus,

Iam-

(a) Plat. in vita Phoc.

(b) Laert. in vita Crat.

Iamque venena parat, gladios, suspendia . Rerum
 Discat Anaxagoras iacturam ; Munera vestra (a)
 Agnosco, Superi, referet . Proh quale gementi-
 Curarum dempsistis onus ! Iam non ego fundis,
 Non opibus viuam, non lucro hæredis auari,
 Sed mihi, sed sophiæ . Felix iniuria, seruat
 Quæ læsum ! Fueram, mea ni fortuna fuisset .
 Ecce, quibus lacrymis, quanto producere luctu
 Natorum soleat crudelia funera mater,
 Ferales amplexa rogos, vnoque cremari
 Igne velit . Frustra comites solantia verba
 Ingeminant : nulla est tanto medicina dolori .
 Quid Xenophon ? Caræ sobolis damnatus acerbo (b)
 Funere, lugentes etiam solatur Amicos,
 Nil mirum repetens, mortalia cedere morti .
 Luminis orbus erat Cyclops, fraudatus eodem
 Munere Tiresias . Pær vulnus vtrique, sed idem
 Non vtrique animus . Lucis securus ademptæ (c)
 Colloquijs Parcarum Alter, fatisque vacabat :
 Vaticinamque ferens vltra sua tempora noctem,
 Inuia præfagis Arcana legebat in vmbriis .
 At Siculus pastor, truncâ vestigia pinu
 Errabunda regens, syluas & concaua duro
 Littora rumpebat gemitu, notumque subinde
 Nomine veruecem compellans, illius æger
 Laudabat sortem, per præta virentia, perque
 Irriguas valles, quâ deuia cunque libido
 Impulerat, Domino quod fortunatior iret .
 Ne longo sermone ferar per singula ; fati
 Sorte quid extremâ grauius Mortalibus ? Atqui
 Reclamat populo, vanique ea spectra timoris
 Atticus explodit Senior, non dispare vultu (d)
 Lethiferæ sorbens virus ferale cicutæ ;

Ac si

-
- (a) *Val. Max. lib. 8. cap. 7.*
 (b) *Laert. in vita Xenoph.*
 (c) *Vide Cic. 3. Tuscul.*
 (d) *Socrates apud Plat. in Phæd.*

Ac si Palladijs olim Solennibus, inter
Vnanimos cœtus, & amicæ gaudia mensæ
Lætitiæ auctori libaret pocula Baccho.

6. Quî tam dissimiles igitur de fontibus ijsdem
Affectus animorûm ? Idem cur casus vtrîque
Deiicit Hunc ; Alium neque dimouet : Illius ora
Confundit lacrymis ; Huius nil gaudia libat ?
Nêpe, quodd haud minimû refert, quâ quisq; superbos
Sortis ad incurfus, & fata minantia mentem
Obijciat, quo res dubias examine libret.
Sandapilas, morbos, inhonoræ stigmata famæ,
Pauperis illuuiem censûs, seruile catenæ
Barbaricæ pondus sunt, qui, ceu summa Malorum,
Ac penitûs Mala, concipiunt : immitiûs illis
Quos ideo cur miremur præsentibus angi,
Taliaque experiendo pati, sibi qualia fingunt ?
Omnia cum Sapiens genus hoc discrimina, tanquam
Viribus inferiora suis, neque funditus omni
Lætitiæ fructu, meritoque carentia, spectans,
Quolibet erectam Fortunæ in turbine mentem
Sustineat : vel si fessus deiecerit Atlas,
Quam tulit, immensam, per tot iam sæcula, molem,
Fractaque naturæ descendant mœnia ; tantis
Indeclinatâ occursurus fronte ruinis .

7. Picturæ genus est, aliâ de parte aliâque
Quod diuersa Sui præbet spectacula . Dextro
Si lateri assistas ; en Mirmillonis imago
Districto mucrone ferox . Læuâ aspice ; Scurram
Pantolabum, gestu cernes, vultuque facetum :
Rectâ dēinde facer qui fronte videbitur heros,
Proteus haud mendax artis, seque illa, vel illa
In personarum subitò discrimina vertet .
Haud alijs excusa typis hæc omnia credas,
Quê is homines Natura, homines aut veriùs ipsi
Se quibus exterrere solent, simulacra Malorum.
Hinc videas ; metues : contempseris ocyûs illinc .
Spectabant eadem Sophiæ duo lumina prisca,
Abde-

Abderitanus Sapiens, cuiusque Dianæ
 Heraclitus, at oppositis e partibus. Ergo
 Ridendi nimius toto pulmone vomebat
 Assiduos alter, sine lege modoque, cachinnos ;
 Alter, inexhaustâ miserâque libidine flendi,
 In lacrymas vix non oculos, lucemque liquarat.
 Externa vsque adeo sibi mens attemperat, &, pro
 Arbitrio, nunc has facies, nunc vertit in illas .
 Non secus ac, tardos vteri sub pondere menses
 Mater agens, varias rerum, quas ipsa volutat
 Fôrs animo, species pueri venientis in artus
 Sæpiùs occulto naturæ imitamine transfert .
 Setigeri suis vnde notam, cristisve decoræ
 A litis inscripto plures duxere figuram
 Pectore : sanguineis hic tempora pingitur vuis ;
 Inficit huic malas baccæ liuentis imago ;
 Pomum alijs mento adnatum : nec defuit, ore
 Cimmerio attonitam qui, Paruulus, Ilithyiam
 Terruerit : tacitis quòd talia sensibus olim
 Imbiberat simulacra parens, crescente sub aluo
 Effigiem teneri cum conformaret alumni .

8. Fac tamen, in medio sævæ discrimine sortis,
 (Hoc aliàs iustos agitabimus æquore cursus,
 Nunc libet intactum transmittere) fac nihil, inquam,
 Tristibus euentis animus tunc conferat, omnis
 Manet ab externâ sed noster origine luctus .
 Quid ? Cum mæstitiæ causis procul, inter amici
 Blanditias aliquis iucundaque munera fati,
 Sollicito dubios agitans sub pectore casus,
 Ex nihilo (incerti nam cur levis umbra Futuri
 Plus nihilo ?) veri trahit argumenta doloris :
 Nec secus, ac præcepta animo si vulnera ferret,
 Ambiguæ vanâ cruciatur imagine cladis :
 Tuncne etiam præsens iugulum fors impetit? An nos
 Illius absentis vice fungimur, armaque fictis

Præ-

(a) *Iuvenal. sat. 10. de Democr. & Heracl. Ephesio.*
Lucian. in Auctione Vitarum.

54. EVTHYMIÆ.

Præbamus, valeant quæ is nos prosternere, larvis ?

9. Heu furor ! Inuisis heu nemo nocentior hostis
Hostibus, ac stultus sibi quilibet ! Vnde remotos
Venari gemitus homini tam dira libido ?

Quæ læui mala fraus genij, quis fascinat error,
Spernere lætitiâ præsentem : crastina fortè
Quos vehet, aut fors nulla vehet quos hora, labores
Præcipere : auerfis & cladibus obuia ferre

Pectora ? Vos, almæ Pacis iustissimus ardor

Quos rapit, hæc sortis libamina vana futuræ,
Has, moneo, curas seponite : dumque benigno
Pollice nent hilares Saturnia sæcula Parcæ ;

Ne pigeat promptâ fugitiuæ munera lucis
(Vlterius Babylon, Lydusve inquirat haruspex)

Excepisse manu . Nam quò iam prospera rerum,

Quò Superi faciles, & euntia vota secundis
Ominibus ; liquidos tam puri nectaris haustus

Diluit occulto si mens ingrata veneno ?

Omnia si postquam fatorum munere pleno

Iucnere ; deest animus, ratioque fruendi :

Plùsque fodit dubij species longinqua pericli,

Commoda quàm quæcunq; iuuent præsentia? Nusquæ

Certa quies : lætæ perijt fiducia vitæ,

Sub trepido tam dira vlulat cui pectore Erinnyes .

Cuncta foris tranquilla licet : non finibus Hostis

Ingruat, Æolio non turbine mugiat æther ;

Tempestas animum versat sua : durior intus

Obsidio premit . Æternâ formidine pallens

Stultitiæ culpam luet : infernisque sub umbris

Quas vetus immanes præscripsit fabula pœnas,

Ante rogam, superi fruitur dum luminis aurâ,

Æacus ipse, sibi statuet . Quid scilicet vrgens

Tantaleum caput, & iamiam voluenda, ruentique (a)

Affiquè similis, cautes designat : anhelam

Quidve famē importuna epulis genialibus arcens (b)

Tifi-

(a) *Lucr. lib. 3.*

(b) *Vide Virgil. lib. 6.*

Tisiphone ? Nisi, Stultorum qui pectora turbant,
Oblatoque vetant fructu gaudere, timores .

10. Hanc adeo vitam, vitæ sub imagine lethum
Seu magis hoc, priscis olim duxisse Mycenis
(Vera cano : vos o musæ, & tu testis, Apollo)
Narratur veterum titulis generosus auorum .
Andremon, censuque potens, felixque futurus,
Eumenidum sineret furor, & Rhamnusia vindex .
Namque tumens animi , & magnâ subnixus opum vi,
Pauperiem malè tutam, indefensosque premebat
Exemplis ciues immanibus, obvia quæque
Legum audax, mediique repagula frangere iuris .

11. Ergo, vbi nulla salus rerum, spes nulla furentē
Comprimere, humanisque opibus fiducia deérat ;
Offensum de plebe Aliquem sic æthera votis
Compellasse ferunt . O, qui mortalia, summo
Æternùm vigiles stellati e vertice Mundi,
Seruatis, Dîj, facta, vicesque merentibus æquas
Redditis, in pœnas cur dextera lentior ? Aut quæ
Sera adeo vestris patientia viribus obstat ?
Scilicet immeritæ Lipareo sulphure pinus
Fumabunt Rhodopes, & nil peccantia saxa ?
Qui leuet infando pressas Andrémonē terras,
Nullus anhelabit Sicularum fornacibus ignis ?
Exhaustæ nubes, torpebit frigidus æther ?
At non ille Deos in prælia poscere segnis .
Quid pensi maleficus habet ? Quid liquit inausum,
Intactumque, furens, scelera ? Per singula fando
Si ferar ; ante diem sol vespertinus Iberis
Condiderit, tolletque iterum rediuius Eois
Fluctibus . En patrio, en ipsum me nuper agello,
Qui tenuis censû caput, & spes vna tuendæ
Paupertatis erat, nequicquam iura vocantem,
Depulit . Hæc ego si tam barbara criminis expere
Supplicia expendo : vestris si liba sacellis
Annuæ, & exigui primæuos ruris honores,
Vsq; tuli ; seruate Pios, cohibete Nocentes

O su-

O Superi : & tale importuno in Diuite pœnæ
 Vindicis exemplum venturis prodite sæclis ;
 Humanas vt si vires effræna Potentum,
 Baccharique impunè ferox audacia spernit ;
 Esse Deos, fandi memores, sciat, atque nefandi .

12. Haud vanæ fugere preces : sanctissima cælo
 Audijt orantem Nemesis, magnoque vocato
 Concilio virtutum, vna altior ipsa resedit .
 Pompam addunt solio, maiestatemque sedentis
 Horrificant famuli cœtus, Pœna, aspera Pœna,
 Iraque, flammiumusque Furor, Vindictaque telum
 Ingens, sanguineum, horrendum, exitiale coruscans .
 Parte aliâ sanctum Praui discrimen, & Æqui,
 Et Leges, & Iura, & non superabile votis
 Reginæ Arbitrium, si quando, immanibus ausis
 Irritata, velit deiecto fulmine terras
 Concutere, & totum impleri terroribus Orbem .
 Tali igitur mediam hinc, atque hinc vallante coronâ,
 Vltrix Diua loqui solio sic insit ab alto .

13. Certa quidem nullos tandē vindicta Nocentes
 Præterit : & iustas soluunt Acheronte sub imo,
 In terris quæ dira videt sol crimina, pœnas .
 Sed tardum, manes & fata nouissima semper
 Expectare . Diu felix, ultore remoto,
 Spargitur in Plures facinus : exempla que fiunt,
 Quæ fuerant delicta . Erebi illatibile regnum,
 Sulphureosque lacus, immotaque iura ferentes
 Corpore defunctis Rhadamanthon, & Æacon vmbri
 Vix non iam pueri explodunt . Pars vana putare
 Nomina, compositosq; metus; pars, credita quamvis,
 Sera tamen, penitusque oculis imperuia fata
 Despicere . Ergo sciant moniti, non vsq; sub Orcum
 Differri meritos ad posthuma funera manes :
 Nec Superis alium Phlegetonta deesse, nouasque,
 Digna vel ante roguum scelerei quæ præmia reddant,
 Viuentium Furias . Iuuat id monstrare Pelasgi
 Diuitis exemplo : cuius teterrima nullos

Auc

Aut homines timet, aut credit vecordia Divos.
 Nominis indicium furor est: Andremona nostris.
 Mentiar, ex vobis si quam violare nefandis
 Abstulit scelerum conatibus. Impia facta
 Præsenti luat exitio. Vos pendite causam,
 Supplicijque modum, & dignum sancite piament.
 14. Dixerat: & vario Comites rumore fremebant:
 Sunt, trisido quibus igne placet, cælique ruinâ
 Inuisum properata caput sub tartara trudi.
 Hæc velit, abruptâ mersum tellure, necemque
 Sortiri, tumulumque simul; velit Altera, captum
 Sensibus, ac membris, longâ sub morte relinqui,
 Seminecis miserum vitæ, spiransque sepulcrum:
 Ast Aliæ, humani ceu nil sub pectore gerit;
 Humanæ censent spoliandum munere formæ,
 Mutandumque lupo, rabidæ vel imagine tigris.
 15. Nutat in oppositas anceps sententia partes:
 Astrææ donec fandi locus. Aqua, sorores,
 Illa refert, sceleri decrevisti fata: nec vllum
 Supplicij tam triste genus, quin perfidus Hostis
 Jure ferat. Sedenim, veluti contraria morbo
 Quæ image pharmaca sunt, ea soles cura Medentum
 Deligit auxilio; recti sic ipsa putârim
 Iudicis officium, furijs ausisque Nocturnum
 Indole pugnantes aduersâ iudicare pœnas.
 Contemptrix hominum, Superumque audacla primus
 Quando igitur scelerum fons est, Andremona nostris
 Quæ dignum fecere odijs; aptissima culpa
 Huic fuerit vindicta, Deos, hominesque timere.
 Lymphatus mentem pavor impleat. Undique larum,
 Undique monstrificæ affilient formidinis ora.
 Nec requies: sese ipse, suamque exhorreat umbram.
 Tormentum ferale, atrox, lethique perennis
 Effigies, letho nimium quàm durior ipso.
 Sic iustum: timeat, quantum fuit ante timori.
 16. Hac Astræa tenus. Dictis ex ordine cunctæ
 Assensere Deæ. Malefani crimina fastus,

Ocyûs

48 *EVTHYMIÆ.*

Ocyûs immisso tremebunda in pectora Sontis,
 Stat punire Metu. Hunc igitur, tellure sub altâ,
 Quæ, penitus latitantem, iniuncta ad munera ducat,
 Mittitur aerio præpes Audacia cursu.
 Illa viam celerans, gelidis conterminus astris
 Caucasus æternæ patitur quâ frigora brumæ,
 Rupibus excisam medijs, vastoque cauati
 Per gremium montis fugientem introrsus hiatu,
 Speluncam immanem, malefauî tecta Timoris,
 Insolitâ vix non tepidans formidine, vix non
 Immemor ipsa Sui, tenet. Occurrere sub ipsum
 Vestibulum horrendæ facies, Lethumque, Laborque,
 Et Morbi exangues, & Bella regentia ferro,
 Sphingesque, Harpyiæque, & terni Cerberus oris,
 Hydraque monstrorum legio, nullique videndum
 Bis caput anguicomæ Phorcynidos, & tua, Vesui,
 Bellerophonteus simulans incendia terror,
 Cumque satis vîdâ Iunone Bimembribus, in se
 Diuisi toties numerosum Ægeonis agmen:
 Quidquid & implacidum, violens, feralè, tremendum
 Vel subeunt; vel cæcâ homines formidine fingunt.

17. Hæc circum funesta cohors. Nigrantis Auerni
 Cuius sæua putes: nisi quodd cupientibus illò
 Usque patens eiocenssus; opaca hîc limina triplex
 Conserit, ingressumque vetat solido ære rigentum
 Valuarum series: totidem quas insuper altæ
 Præcingunt fossæ, æterno & munimine firmat
 Vis immensa catenarum, atque ad singula ducti
 Ostia septeni ferrato robore vectes,
 Non illos obices, & inexuperabile vallum
 Terrigenum vis vlla queat perrumpere: non, si
 Mille operi insudent acies, non, si noua tentet
 Trinacrius moliri opifex miracula. Pulsus
 Retro aries, retro catapultæ, & ahenea Martis
 Fulmina, tentato nequicquam poste, redirent.
 Ipsa etiam tormenta poli, horrendoque ruentes
 Cum sonitu ætherei furias eluserit ignis

Septo-

Septorū rigor indomitus . Nec spes super vlla
 In Domino, qui claustra volens immota relaxet .
 Quin adeo, seu fortè Noti violentior aura
 Infremuit syluis ; alius seu proxima circum
 Auditus fragor ; hostiles, sibi pessimus augur,
 Insidias metuens, trepidos ad limina gressus
 Corripit, exploratque vigil, num cardinis v squam
 Mota fides : vitium paries num traxerit : ecquid
 Adducti chalybum nexus, cōagmentaque ferri
 Pressa : suis vestr̄es oculis num firmiter apti .
 Mox, neque perspectis securior omnibus, imam
 Rupis in abruptæ noctem, extremumque barathrum
 Mergitur . Hic illum assidui Pallorque Tremorque
 Circumstant : macie prior, illuvieque peresus,
 Luridus, exanguis, quales, dum cæca filet nox,
 Ferales memorant bustis erumpere laruas ;
 Inualidis Alter nervis, fluidâque vacillans
 Membrorum compage, & dentes dentibus vsque
 Incutiens, lugubrè sonat, cordique perennes,
 Nec lætas choreas angusto in pectore mandat .

18. Frustra igitur pulsīs foribus, dominoq; vocatō,
 Irrita consilij, munito a limine retro
 Vertisset, pudibunda, suos Audacia gressus :
 Id nisi prospiciens olli Rhamnusia virgam,
 Cælestem virgam, cui nulla repagula, nulli
 Non pateant obices, munus fatale, dedisset .
 Hoc vbi inaccessos pepulit gestamine postes ;
 Ilicet, immensi chalybis compage solutâ,
 Horrisonæ cessere fores . Audacia nigrum
 Irrumpit chaos, atque imis latitare sub vmbis
 Semîanimem cernit defectâ mente Timorem .
 Tum Nemesis mandata refert, animosque trementi
 Adijcit . Ille, diu cunctatus, colligeret se
 Doncc, & exhausto redijisset spiritus ori,
 Plurima causari primò : iam longa viarum,
 Iam dubios casus, fluxasque obtendere vires :
 Cælicolū tandem imperijs vrgentibus actus,

C

Cum

Cum Sociâ (neque enim fido, incomitatus, ab antro
 Transuersum digitum, latumve erepserit unguem)
 Progreditur : vel sic tamen omnia circumspiciens,
 Anxius, attonito similis, minimumque crepantis
 Ad folij tremebunda inhibens vestigia murmur :
 Concubiâ donec visæ iam nocte Mycenæ,
 Quæsitæque tenent sopiti Andremonis ædes .

19. Nec mora, laxatos impactæ verberare virgæ
 Quin subeant aditus . Sedenim, stridentia torquens
 Pondera, dum foribus cardo responsat ahenis ;
 Exciti strepitu (sic o Capitolia quondam
 Seruassent : niuei meritum non anseris esset
 Iuppiter incolumis) baubatibus atria sæuis,
 Et trepidam circum noctem impleuere Molossi .
 Idque satis : medijs extemplo territùs amens
 Liminibus longè Timor absilit, actaque retro
 Præcipiti dat terga fugæ . Mandata Deorum,
 Andremon, Nemesis, turbato pectore cuncta
 Protinus effluxere : ruit : totumque remensus
 Esset iter, ni fida comes, se perdere blandos
 Vt vidit monitus, validæ conamine dextræ
 Nequicquam refugum arripiens, stertentis in ipsa
 Diuitis obtorto misisset stragula collo .
 Hic tandem, ad scopulum ceu naufragus, hæsit, & altè
 Extructo immersum penitùs se condidit ostro :
 Quique solet dubijs rebus mos esse pauentùm,
 Fortiter arripiant vt proxima quæque ; cubantem
 Circumfusus herum complexibus illigat arctis,
 Inspiratque nocens virus, cordisque vigorem
 Ebibit, & laruis animum feralibus implet .

20. At miser, accepto penitùs sub viscera sæuo
 Hospite, Lethæi Andremon mala Nubila somni
 Excutit, & monstris grauidus, Quæ dira quietem,
 Secum ait, attonitæ rapiunt ludibria menti ?
 Nempe duos, vultu pariter, gladijsque timendos,
 Irrupisse fores, mediâque impune videbam
 Latrones errare domo . Num lusit inanis

Sopi-

Sopitum species? An habent quoque somnia pondus?
 Credo equidem. Nam sæpe Deos immittere mentem
 Vaticinam de nocte homini, venturaque, dicunt,
 Multa per obscuri nebulas depingere somni.
 Res igitur non ficta: domi certissimus hostis;
 Poscitur infidijs: ipsumque cubile iacentis,
 Dum loquor, armatâ vigiles indagine claudunt
 Grassatorum acies. Quid, si feralia tela
 Immergant iugulo, stratisque repente supinum
 Confodiant? Facient certè. Cur tempora perdo?
 Cur spatium sceleri dono? Nec plura, toroque
 Exilit: & raptim pulvinos, stragula, sellas
 Præ se conglomerans, primos munimen ad ictus,
 (Nam tergo auxilium paries) clamoribus altis
 Euigilare iubet Famulos. Turbata repente
 Erigitur domus: artoniti properare ministri
 Cum facibus: Quid tristes? Noui quæ causa tumultus?
 Pro se quisque rogant. Ille autem, O stigmatè digna,
 Toruus ait, capita, & venalis spuma catastæ,
 Siccine nulla Mei ratio? Sic resque, domusque
 Proditur? En, vino saturi dum pectora, totis
 Ebria ructatis segnes obliuia venis,
 Per tacitas (adeo crimen vigilantius) umbras
 Incustoditis subiere penatibus hostes.
 Furtiuo (neque somnus erat) per limina sensi
 Ire gradu. Non sic aliàs impunè feretis.
 Nunc illud, mora nulla, latus perquirite, vestram
 Quisque vicem subeant, plectendos sistite fures:
 Illic haud dubiè latitant. Paretur: & omnes
 Extemplo, semel, atque iterum custodia solere
 Euoluit capsas, loculos, armaria. Nusquam
 Indicium furis. Neque sic tamen ægra remisit
 Formido trepidantis heri. Iuvat vndique totam
 Excussisse domum. Fido latus agmine septus,
 Singula rimatur conclauia, protinus ipsi
 A foribus clamans, Nunc nunc intendite curas.
 Huc scelerata fugam vertit manus: hinc, velut altâ

52 EVTHYMIÆ.

Mersus humo coluber, vacuique foramine saxi,
 Triste fouet virus. Teneo vos, improba Caci
 Semina, lucifugæ Volucres, Phineia monstra
 Siccine compilare meam rem, vindice nullo,
 Posse rati? Iustas soluetis denique pœnas.
 Aduenit, qui vestra, dies, simul omnia furta
 Expiet. In medium deuota erumpite morti
 Victima. Iactantem nequicquam talia rident
 A tergo Famuli, prorumpentesque cachinnos
 Oppositis arctè ad spiramina naris aduncæ
 Vix cohibent dextris: vel dissimulare coactis
 Sternutamentis, ementitæque laborant
 Ingenio tussis. Tandem, post omnia frustra
 Explorata, torum repetit. Iamque oïa tectis
 Reddita: composito iam murmure, languida rursus
 Nox siluit. Nullam miseri sed pectora noctem,
 Tunc etiam arcano penitus resonante tumultu,
 Accipiunt. Dulci conatur lumina somno
 Declinare: negant curæ. Vix prima resedit;
 Altera iamque noui surgit terroris imago.
 Non secus, ac vasto cum turbidus Atlanteo
 Seu Boreas, seu nimbiſoni furor incidit Euri;
 Rupta quies pelagi: bella, horrida bella minantur
 Littoribus rapido exciti molimine fluctus,
 Instaurantque nouas acies, semper priorem
 Excipit alter, & alter: hic ima effusus arenâ
 Æstuat; ille minax abrupto vertice pendet,
 Et similes iamiam pronus descendit in ictus:
 Centum alij, centumque à tergo immania voluunt
 Murmura. Spumifero concussæ verbere cautes
 Horrendum ingemuere, tremittque exterrita tellus.

21. Esto, ait, expulsi migrarint ædibus l oſtes:
 Num vacui tamen? An vacuas liquere? Quid? Illam
 Si tulerint, auri pretioso pondere factam
 In stabulo quam defodi, male prouidus, ollam?
 Heu timeo. Non hîc seruis confidere tutum,
 Non soboli, non vxori. Me hæc munera poscunt.

Haud

LIBER II. 53

Haud mora : confurgit tacitus, raptoque ligone
Suspectam resupinat humum : mox, credita nactus
Pignora, ter, quater enumerat, notisque recondit
Altiùs infodiens latebris : iamque omnia salua
Esse putat ; cæcis animi iam fluctibus actus,
Nescit quid trepidet, trepidat tamen omnia . Vix se
Proripuit stabulo abscedens, subitusque reuertit :
Nec modus, aut requies, motæ vestigia terræ
Calcato delere solo . Quò cautius omnes
Nititur insani causas remouere timoris ;
Hòc plures, pluresque in pectore colligit, augens
Anxiferam, nimia dum discussisse laborat
Anxietate, luem . Iam conscia rastra, lucernam
Iam testem, (Quid multa ?) ipsum iam se timet, aurum
Ne quà defossi indicium, sibi perfidus, edat .

22. Interea pulsus rediuiuo sole tenebris,
 Post vigiles noctis curas, haud lætior ægro
 Lux oritur : qua cogendi pars rite senatus
 Esse iubebatur, multæ vel nomine certum
 Pendere (sic patrijs prouisum legibus) aurum ?
 Ire parat : sed, multa timens, prius omina linguis
 Ex auum, pennisque notat : num garrula cornix,
 Parrave, num læuo Mauortius æthere picus .
 Cuncta fauent, vnum trepidi modò pectoris absit
 Augurium . Cornix illic, funestaque parra,
 Noctuaque, & bubo, & diræ genus omne Volucris .
 Funereo tristes alternant gutture cantus .
 Ecce autem Tyrio fulgentia vellere, contra
 Lampadis æthereæ radios, vmbracula serui
 Extulerant . Acri spectans hos turgidus irâ,
 Quò mihi tam vani, stolidissima pectora, clamat,
 Tegminis auxilium ? Nempe hoc imbellis Arachnes
 Aerium vellus, Tyria hæc nubecula frontem
 Munierit, patulis vbi fòrs rimosa fenestris
 Vasa cadant, nimio vel tegula cesserit Austro .
 Vsque adeo solis antèhac didicisse negatum ;
 Vel nihil & gnaris curæ est, quot fata supernè .

54 EVTHYMIÆ.

Immineant ? Quid ? si fulvus Iouis armiger, alto
 Rapta ferens cælo testudinis ossea terga,
 Vnguibus e curuis subiecta in tempora durum
 Excutiat pondus ? Tali an non Æschylus ictu (a)
 Æschylus Actæi iubar immortale cothurni,
 Ac scenæ decus occubuit ? Pro diuite velo
 Ocyus immensum clypei septemplicis orbem,
 Tergoribus taurorum, insutoque ære rigentem,
 Desuper ambiguos contra prætendite casus .
 Ne multis morer ; allato sub tegmine, vulgi
 Non sine mirantis risu, varioque susurro,
 Egreditur : necnon munimine testus eodem,
 Post decisa, domum, Patriæ consulta, reuertit .

23. Iamq; dies, medium curru permensus olympum,
 Tempestiuam epulis tulerat genialibus horam,
 Suadebatque toros conscendere . Plurima secum
 Ille diu versans (metuit quippe atra venena,
 Quale sào, ignarus, lateat sub pectore virus)
 Antidoti demum exhausto septunce , Quid istæ
 In medio Volucres ? interrogat : vtque coturnix
 Reddita ; An ex nihilo fuerat, quod præsciis, inquit,
 Extimui ? Quem nempe fugit, genus hocce Volantùm
 Lethifero solitum veratri semine pasci ? (b)

An non insidias teneo ? Si dè inde vel vmbra
 Alitis infandæ noster tepefecerit ignis ;
 Vos ego . Sed pisces iam ponite . Tuberis inter
 Continuò tenues lamnas, croceumque liquamen,
 Ingenti recubans muræna paropside fertur .
 Quam simul aspexit, sublatâ percutit amens
 Fulcra tori palmâ, Quodnâ hoc (Proh sydera ?) fatum ?
 Vociferans . Serui infando me perdere letho,
 Per Superos, manes & iurare per imos .
 En qualem, post mortiferas, inferre, Volucres,
 Cognatum nigris pisceim serpentibus ausi . (c)

Quid

(a) *Plin. lib. 10. Hist. Nat. cap. 3. & Val. Max. lib. 9. cap. 12.*

(b) *Plin. lib. 10. Hist. Nat. cap. 23. & Lucr. lib. 4.*

(c) *Plin. lib. 32. Hist. Nat. cap. 2.*

Quid superest, ipsos posthac nisi lancibus addant
 Ut virides colubros, & cum bufonē cerastas,
 Squamigerique Afro quod littore cunque veneni
 Volutur? At meritas dabis, opsonator inique,
 Tu mihi tu tergo pœnas. Nudate scelestum
 Protinus, inque humeris tercentum frangite virgas.
 Sic miser in Famulos sæuit: sic cæditur ipse,
 Attonitum surdo pectus laniante flagello.
 Nam neque iam reliqui gustus secura voluptas.
 Fel rhombus, fel dama sapit: vindemia Cretæ,
 Et Mitylenæi damnatur palmitis humor.
 Omnia viroso absinthii medicamine sæuus
 Confundit timor, in pateris spumare cicutas,
 Mortiferumque tegi crustis fallacibus hamum
 Usq; monens. Quid agat? Cupido nunc admouet ori;
 Admotas refugo nunc ore auertitur escas:
 Fortior en haust; iam damnat; & expuit haustas.
 Nec fatis id: mensis, morbo gliscente, repullis,
 Sepositas celer in latebras se proripit, & quæ
 Cunctabunda fames ægro vix frustula ventri
 Crediderat, mersis ea protinus omnia fauces
 In medias digitis, sudans, miserèque laborans,
 Exitiale velut virus, prorumpere certat.

24. Cetera quid memorè? Loricę vt pondere vasto,
 Ipse sibi, fictos hostes dum somniat, hostis
 Verior, inualidos nunquam non frangeret artus?
 Vt nullum, veterem quamvis notumque sodalem,
 Ni prius excussum tunicas, ni prorsus inermum,
 In sua deduci sineret penetralia? Cæcis
 Auditum quoties arcanæ noctis in umbris,
 Immanem ceu Sphinga, vel horrifonas Harpyias,
 Horrui infelix culicem? Quàm sæpe relictis
 Turbidus exiit Stratis: illapsa rapaci
 Materiæ tacitum ne fons scintilla foueret
 Exitium: bis, terque manu Babylonia vela
 Concutiens, necnon omnes hinc, inde sagaci
 Nare trahens auras: num qua de parte timendus

56 EVTHYMIÆ.

Furtim grassantis se proderet halitus ignis ?

25. Tristibus his animi stimulis noctesque, diesque
Saucius, impatiens somni, neque prouidus escē,
Ducebat letho quouis crudelius æuum,
Hoc felix, miserum hand longè quòd duxerit æuum.
Cum nullas etenim, fraudis plena omnia fingens,
Auderet trepidis epulas contingere labris,
Præter poma, suâ ramis quæ pendula carpsēt
Ipse manu ; consueta legit dum pabula, putre
Arboreo malum de vertice (neuerat æqua
Sic Lachesis) medio miseri nil tale verentis
Illapsum capiti est . Plumbo Balearis habentæ
Ille, vel excusso frendentis turbine saxi
Tempora dissiluisse ratus, spirabilis auræ
Vix tantum, vocisque habuit, qua diceret, Eheu •
Mox præclusâ animâ, nimio præcordia circum
Se densante gelu, & venas arctante pauore,
Corruit exanimum deserto in gramine pondus •
At Socij, Iustis patrio de more peractis,
Funereum tali signarunt carmine saxum .
Hic situs Andremon . Animam qui sustulit, ossa
Implet adhuc timor . Armatus, discede viator :
Ne subitò vacuâ trepidus cinis auolet urnâ .

26. Rara quidem, fateor, tam diri exēpla timoris :
Num paucos tamen inuenias, quēis peruigil angor
Vsq̃ue laceissentū nullam sub corde relinquit
Curarum requiem : assiduus quin morsibus ipsum
Extenuat, minuitque, animi per vulnera, corpus ?
Dum varios vitæ casus, nunc tristè minantis
Tabem improuisam morbi ; nunc mercibus Indis
Aduersas hyemes, aduersos frugibus æstus ;
Nunc alia attoniti secum discrimina voluunt :
Iamque adeo subiisse putes . Proh nescia gaudī
Pectora ! Iucundis proh rebus semper iniqua
Mens hominum ! Sic ergo parū præsentia vexant
Nos Mala ? Cara domi vsq̃; adeo est annona dolorum,
Vt procul ambiguas lugendi quærere causas,

Inuri-

Inuitisque iuuet lacrymas præsumere Diuis ?

Quæ miseris ævi talis speranda voluptas ?

Funestæ quis amor lucis ? Finire laborem

Non semel, & propero fungi, dum simplice, letho

Sit satiùs, quàm perpetuo tabescere luctu,

Totque subire, fluunt vitæ quot tempora, mortes ?

27. Et verò prævisa homines si damna, timendo,
Effugerent, aliquâ vel demum parte leuant ;

Non penitùs causæ timor & rationis egeret.

Nunc crucient sese, & gemitu præcordia rumpant,

Si libet ; haud tamen efficient, ne siue proterius

Mercibus Eois Boreas ; siue aspera sulcis

Inuideat grando : vnumque hoc vesana Futuri

Anxietas lucrum metuentibus afferet, vt sint

Bis miseri, & tantò plorent sua longiùs ; agris

Plùs quantò properant animis præuictere fata .

28. Adde, quòd imprudens venturi temporis augur

Sæpe fuit timor, & quamplurima fingere gaudet,

Nec cælo decreta, nec vllis debita causis .

Quæ tibi sollicito quid tandem pectoris æstu

Voluere profuerit ; nisi, somnia vana trementem

Vt certus dolor, & præsens ærumna fatiget ?

Nonne vides, speculâ aeris qui montis ab altâ ,

Nubibus admotæ vel summo è vertice turris

Despiciunt vasti præceps immane Profundi ,

Offundente metu nebulas, plerunque labare

Gressibus, &, vis nulla licet concurrat, ad imum

Sæpe sui solâ capitis vertigine volui ?

Hoc trepidæ mentis specimen : sic illa ruinas

Sponte facit, quas facturam se finxit, & ipso,

Abstineant vt fata manum, turbante pauore,

In formidatos detruditur anxia luctus .

29. Denique pro certo statuendum, plurima, tristi

Quæ nos sæpe metu, rerum discrimina, versant,

Plùs præsumpta animo expectataque lædere, sensu

Quàm coram percepta : Malis & mitiùs ipsis,

Instantiùm quàm prouisu specieque Malorum,

Torqueri mortale genus. Seu diffusa fingit
 Quòd veris maiora timor; seu tota refusi
 In longam seriem momentaque plura doloris
 Concipitur pariter quòd Summa: nec ille, nocen id
 Sævitiâ modò, ceu vehemens incumbere; tractu
 Sed spatij quoque, ceu lentus superesse, fatigat.
 Multiplicemque sui turbam, numerumque sequentem
 Colligit, &, toties geminus, violentiùs vrget.

30. Quæ ne, luminibus crassi minùs obuta vulgi,
 Te pariter ratio Veri frustretur inanem;
 Sic habeas, longum, quo res protenditur, ævum
 Illius haud proprijs vim, per se, viribus vllam
 Addere: nec, si quid duret prolixius, vno
 Maius idem titulo spatij maioris habendum.
 Cum series etenim cursusque volubilis ævi
 Per momenta fluat, sibi succedentia, seque
 Ordine perpetuo fugere, & propellere nata;
 Illius exactæ partes, partesque futuræ
 Quàm nihil in præsens sunt; tam præsentia nullo
 Adiectu cumulant: veluti, qui crastinus alveum,
 Seu Rhodani implêrit, flauî seu Tybridis humor
 Præsentum fluidam nil molem extollit aquarum:
 Nec, quia deûm ripis laticum par Summa recent
 Adueniet censu; bis tantò plenior amnis
 Nunc ideo fluit, aut tantò deûm plenior ibit.
 Nempe quòd vndæ vndas fugiuntq; fugantq; vicissim:
 Nec simul aut hodie venturus littora gurgis
 Alluit; aut præsens, illo subeunte, manebit.
 Ergo, diu quamvis teneat, rabiemque malignam
 Protrahat in seros, qui nunc dolor ingruit, annos;
 Longior ille quidem, sed non violentior æquè
 Hinc fuerit: neque re verâ te immitiùs anget,
 Vsq; nouus fodiens, iterumque, iterumq; renascens;
 In primo quàm si penitus vanesceret ortu.
 Singula nam vitam ceu per momenta minutim
 Carpinus; hæc eadem sic per momenta dolemus.
 Et veluti lex æterna, atque immobilis ordo

Natu-

Naturæ haud patitur momenta subinde futuris
 Vlla simulungi præsentia; sic neque luctus
 Præfens cum luctu potis est, qui deinde sequetur,
 Constitui, atque adeo augeri intendique per illum.

31. En tibi iam pravi ingenium crudele Timoris:
 Ille simul totam, longo quæ extenditur æui
 Limite, vim sortis meditans, vnoque remiscens
 Intra animum cumulo, cunctos quoque colligit vnum
 In cumulum, nulloque pati non tempore cogit,
 Paulatim subiens quos aduehet illa, dolores.
 Quantò igitur Tyberis fluere torrentior, omnis
 Vndarum si diluuius, quæ perpète fluxu
 Succedunt alijs alæ, totiesque relinquunt,
 Et toties replent aluèum, glomerata coiret;
 Tantò sæuior est, vrgetque immaniùs angor,
 Quem cumulat mens ægra sibi, ventura paueo
 Dum Mala, processus longos momentaque cladis
 Intra se pariter complectitur omnia, vero,
 Percipient quem mox animus sensusque, dolore,
 Externâ cum lege eadem iam fata subibunt.
 Per minimas æui sensim accedentia partes.

32. Barbare, crudelis, tortorum summe, nec villos
 Ingenio mites non asperiore tyrannos
 Effecture Timor, quæ te tam dira tulere
 Semina? Qui Eumenidum thalami, & Cocytia stagna
 Tantam Orbi peperere luem? Miseratus acerbas
 Res hominum, bene supremus Rectorque Paterque
 Cauerat, vt Mala viuacis metuenda senectæ
 Pensarent leuitate moram, grauioraque rursus
 Exiguo nimias arctarent limite vires.
 Hinc adeo vanis se sanguinolenta tyrannorum
 Vrgebat stimulis rabies: laniare nequiret
 Cum penitùs, quos extremæ deuouerat iræ;
 Quin subito pœnis absolueret, & cruciatus
 Hòc breuior, quò vis cruciandi immanior esset.
 Quam nullus Phalaris tamen, aut Mezentius vnquam
 Inuenere, diu pariter, summèque nocendi,

Ingenij functa tui vis repperit artem .
 Ultima quippe Malorum, eademque breuissima longè
 Protrahis, anticipans : quæ verò haud robore ; tractu
 Sed spatij numeroque valent, ea viribus auge
 Immodicis, tristes annos, grauiumque dolendam
 Lustrorum glomerans momenta in singula turbam .
 Vt, velut immensi supremus temporis author,
 Per se se in se seque manens, vitam simul omnem
 Colligit, æternum qua felicissimus, æui
 Quolibet humani spatio complexus, in vnum
 Cunctaque concilians actum sua gaudia, vastos
 Sæclorum per circuitus porrecta : nec illi
 Hora sequens quidquam fructus vitæque beatæ
 Aut rapit, aut cumulat; sic totam nos quoq; (quantum
 Diuinis humana licet componere) vitæ
 Summam infelicis nullâ non illius horâ
 Ducamus, puncto quocunque volubilis æui
 Complexi, quosvis æuum feret omne, quibusque
 Dicemur miseri longo dein tempore, luctus .

33. Ergo procul positos, si quæ sua gaudia tangunt,
 Ante diem stultâ gemitus accersere curâ
 Ne properet : quin sollicitæ formidinis atras,
 His se conueniens rationibus, arceat umbras .
 Quid trepido ? Cur læua sibi mens displicet ? Vnde
 Nubilus hic animi mæror ? Quod vulnus adactum ?
 Quæve premit duræ miserum violentia fortis ?
 Num subuersa domus ? Capitis num dicere causam
 Cogor ? Iniqua valetudo ? An deformis egestas
 Sollicitat ? Nil tale . Domi res tuta : per omnes
 Alta quies leges : synceri corporis artus ,
 Sustentatque suus venas vigor : omnia præsto ,
 Naturæ varios quæ vita requirit ad vsus,
 Commoda : delicijs etiam non pauca supersunt .
 Quin igitur fruor, vt lætus conuiua, paratis ?
 34. At res ambiguæ nudum latus vndique terror,
 Infestæque vices . Quid ? Longo parta labore
 Si male propitiâ decrescat Summa Lauernæ ,

Nomi

Nominis egregium liuor subducatur honorem,
 Patris ab amplexu sobolem Libitina reuellat,
 Nec mihi parcatur misero, sed forfice cruda
 Sors eadem Nati primos, mediosque Parentis
 Præcipiat, damnetque rogis feralibus annos?
 Quot subitis heu vita Malis obnoxia, nullæ
 Quæ valeant hominum curæ, aut defendere vires?
 Esto: sed an certis Parcarum hæc condita Fusis?
 An plenum, quæcunque licet contingere, fati
 Pondus habent? Nemo vatum mihi rite negauit
 Euentura: sed & nemo euentura recepit.

Cur igitur, quæ nulla dies fors vexerit, omni
 Anxius opperiar? Dubij cur alea casus
 Attonitam certo defigat vulnere mentem?
 Scilicet augurijs nunquam me talibus ante
 Illusum memini? Quoties mihi tristitia falsus
 Præcinui vates? Quoties dira omina, versis
 In melius mox auspicijs clusa, meosque,
 Expertus vanos, risi mecum ipse timores?

35. Fac tamen, ex vero timeam, quæ præscia longè
 Mens canit; haud lacrymis ideo sua tempora decurrunt:
 Vulnera sat misero præsentia flere vacabit.
 An serus, qui tunc fodiet Vitalia, mæror;
 Cessanti vt stimulos iuuet addere? Sortis acerbos.
 Haud lenit formido, etiam plùs asperat ictus.
 Cur Malà fortuitis iunxisse vltronea damnis,
 Bis tantùm doliturus, amem? Cur, mitia quando
 Parcunt fata, mihi non parcam, sæuior ipse?
 Cur, quia cras subeundâ infelix clade futurus;
 Nunc quoque ne non sim, metuo? Quin, crastina quantò
 Lux infesta magis; tantò propensius æquum est
 Indulgere Bonis præsentibus: altera saltem
 Temporis alterius lacrymas vt tempora pensent,
 Et Bona venturos redimant hodierna dolores.

36. Talibus, ô, qui consilijs absentia victor
 Prædomuisse Mala, & venturæ sortis iniquos
 Disceret exarmare metus, quantam illicet vno

Cur

62 EVTHYMIÆ.

Curarum sibi materiem præcideret istu ?
 Quæ subito lacrymis faceret compendia ? Certè,
 Humanum quæ fata genus præsentia vexant ,
 Exiguus circumscribi plerumque videmus
 Finibus, & vitæ haud nimiam sibi poscere partem :
 Præterea socias vix vnquam in prælia vires
 Iungere : quin potiùs diuisim singula, nunc hæc,
 Alterno nunc illa gradu succedere . Quæ si
 Turbidus vsque sibi in densam glomerata phalangem
 Obijciat Timor ; assiduis iam nulla vacabit
 Fletibus hora : quies aderit iam nulla dolendi :
 Cunctaque mens nullo non tempore fata gregatim
 Perferet, in totum quæ Numinis æqua voluntas,
 Per certas subeunda vices, dispertijt æuum.

37. Heu Pyrrhæ genus infelix, dum talibus ultro
 Se minuit curis ! Et adhuc intendere litem
 Naturæ, Sortique vacat : ceu mellis auari
 Ieiunâ vix irrorent dulcedine, mergunt
 Deucalioneo absinthii quam gurgite, vitam ?
 In vos hæc, meriti, conuertite iurgia : vosmet
 Hoc potiùs, si quis pudor est, incessite questu .
 Inuidiâ Natura vacat : Sors criminis expers .
 Quàm latos agitare dies vtriusque liceret
 Muneribus, sua rite animus modò carpere nosset
 Gaudia ? Sed vestra vos hanc onerastis, & illam
 Stultitiâ . Vos Naturæ pia dona parentis
 Perditis, vtendi indociles : vos Aspera Sortis ,
 Ambigui procul in latebris seclusa Futuri,
 Nescio qua flendi insanâ prurigine, lentos
 Accelerare gradus, densisque incumbere signis
 Cogitis : vt pecudum melior iam penè videri
 Conditio, quas sola mouent præsentia, possit :
 Quæque vel instantes casus, certosque dolores
 Frangere debuerat, dubijs longèque remotis
 Iam vires geminet, Ratio, spatiumque nocendi .

38. Non tamen hæc illò vergunt documenta, futuris
 Præparet ut nunquam sese mens prouida fatis :

Quod,

Quod, genio indulgens, nimumque operatus inertis
Desidæ, cecinit blandis Epicurus in hortis. (a)

Curarum nullas inter, nimiasque sequestris
Tertius it limes spatij. Bruta inde vagantur;
Hinc hominum vulgus Brutis dementius errat.
Tu Medium tenens. Præuisa virgere timendo
Vulnera, non illis vetui fomenta parare.

39. Quin potius dubios vigilem præuerrere casus
Te iubeo: leuius feriant quod denique, certâ
Iam domiti ratione, & quem prospexeris olim,
Tutior excipias, animique paratior ictum.
Cernis, ut, æquati licet indulgentia ponti
Strauit iter, pronamque vehunt sua flamina classem;
Disposita ad varios cæli tamen, ac maris vsus
Præferat armamenta, & clauo sedulus vsque
Aduigilet Siculis rector Palinurus in vndis?
Non, vbi suspectus tantum locus, omnia circum
Prospicit, & fido munit tentoria vallo
Dux sapiens: medijs non tantum tempore belli,
Agmina cum trepidas quatiunt hostilia portas,
Excubat armatus miles: vel pace sub altâ
Peruigil in speculis muros custodia fernat.
Vis procul, infestique metus: nulla arma minantur
Perniciem subitam: sed enim, neque posse minari,
Tutius. Instantem dum vulneris vnus ictum
Effugias; præstat vel non metuenda cauere.
Nil ideo armorum ductori ferdius inter
Bellica, dicebat Fabius, discrimina, quam si, (b)
Non expectato depensus ab hoste, recepti
Inuidiam studeat crimenque auertere damni,
Fraude repentinâ & cæco se turbine Martis
Oppressum memorans. Hoc tu, vanissime, culpam
Præsidio tueare? Haud nomine certius villo
Argueres. Totam hæc, si nescis, causa Malorum
Detrahit inuidiam Fortunæ, vnumque nocentem
Te

(a) Cic 3. Tuscul.

(b) Sen. lib. 2, de Ira cap. 31.

Te peragit . Poteras censerī, hæc abforet, insons .
 Se totam tibi, cum signis, legionibus, armis,
 Patria commisit: fers tecum publica gentis
 Votaque, fortunasque : & tanto in cardine rerum
 Est aliquid, quod securum immemoremque pericli
 Prætereat ? Fraus implicuit nil tale verentem ?
 Implicuit meritò : Nam cur, contingere quidquid
 Eas foret, haud animo veritus ? Quid luce volutas
 Consilij ? Quænam vel noctu somnia cernis ?
 Ambiguum si Martem agitas non omnibus horis
 Furta inimica, dolos, cæcamq; unde unde times vim ?
 Hæc Ducibus Fabius: sed non minùs hæc sua cuique
 Ingeminat Ratio . Bellum, irreparabile bellum
 Præ manibus : seu i circumstant undique casus
 Nulla fides rerum . Quid tu ? Cum cominus hostis
 Irruerit, laterique auidum iam iam imprimet enses;
 Loricam circumspicies ? Ni pugna paratum
 Inueniat ; sternere miser, fletisque sub ipsam
 Plùs pauidus tantò medijs certaminis horam ;
 Ante tubas quantò fueras securior . Omnis
 Improvisa Mali species violentiùs vrget ,
 Magnaque vis subitis est casibus . Ipse tumultu
 Intrepido Sapiens, cui peruigil vsque Futuri est
 In speculis animus, qui sedulus omnia secum
 Disposuit, vix non titubat, componere gressum
 Vix meminit pugnantis, & arma obuerrere contra
 Fortunam : nedum, qui nulla parauerit ante
 Arma, locum teneat . Sententia Socratis aptè
 Huc facit : impacto colaphi qui saucius ictu, (a)
 Pol miseram vitæ legem, nimiumque molestatam !
 (Rettulit) ignorare homines, quo tempore frontem
 Expediat fido galeæ munimine cingi .
 Ille ioco questus : sed ego te, propter eandem,
 Quolibet ire velim galeatum tempore, causam,
 Tempora quòd galeam sibi deposcentia nescis .
 40. Sed iuuat hìc ipsam rationem euerrere, casus

Quia

Qua dubios reputare vetat Gargettius author .
 Nempe quòd inuisos hæc tantùm cura dolores (a)
 Anticipet, vanâque animos formidine verſet .
 Fallitur . Innisus quin veriùs illa dolores
 Ars minuit, vanâque animos formidine ſoluit .

41. Nam cur ſollicitos, venientibus obuia fatiſ,
 Mens ſibi congeminet potiùs, quàm leniat æſtus ?
 Aduerſis num ſigna palàm contraria ſignis
 Si moueat, grauiùs turbabit pectora, quàm ſi
 Occultus ſubitâ à tergo vi irruerit hoſtiſ ?
 Maior ab ignotiſ ſemper metus . Humida terras,
 Aſpice, nigranti cum nox inuoluit amiſtu,
 Eripuitque oculiſ Mundum, & discrimina Mundo ;
 Luce quid extinctâ, cæco quid triſtiùs Orbe ?
 Eſto, nihil viſu implacidum, nuſquam horrida ſeſe
 Obijciat certæ ſpeciei formidiniſ : ipſum
 Ipſum animoſ grauiùs, metuêda haud cernere, turbat :
 Sæuaque adeſſe pauor, quia nil videt, omnia credit .
 Haud aliter ſqualente chao, & deformibuſ umbriſ
 Merſit vbi trepidam ſua nox, inſcitia, mentem ;
 Acrior hòc, quia cæcuſ agit præcordia terror .
 Nil non horrificum : tanta eſt meſura timendi ;
 Fortunæ viſ quanta . Innubi ſydere Verum,
 Fac, radiet, parui Verum ſol vniciſ Orbis ;
 Omnia iam ſyncera : ſuiſ color, & ſua verſiſ
 Rebuſ adeſt facieſ . Simul atræ nubila noctiſ
 Diſſugere ; metuſ ſimul auſugitiſ inaneſ .

42. Tuq; adeo expertuſ, Macedo. Languëtibuſ aſtriſ,
 Fatorum grauidam roſeo Tithonia coniux
 Extulerat temone diem, qua, iudice ferro, (b)
 Liſ ingeſ dirimenda, Aſiam, Europamne maneret
 Imperij decuſ, & Mundi foret vtra ſubactiſ,
 Perſepoliſ, an Pella caput . Iam barbarâ pugnam
 Agmina diſcordi circùm clamore fremebant :
 Prouectum iam Mane polo . Certaminis ille
 Immemor interea, ſub diuſite conopeo,

Secu-

(a) Vide Cic. 3. Tuſcul.

(b) Vide Curt. lib. 4.

Securam toto proflabat pectore noctem .
 Vix tandem satiata quies : vix cornua mille,
 Tympanaque extremum sonitu accendentia Martem
 Excussere toro . Mirantibus inconcussam
 Tum socijs tanto fati in discrimine mentem,
 Anne soporiferæ succumbere creditis, inquit,
 Me nocti potuisse prius, quàm corde sub alto,
 Quæ dubium facerent hinc, atq; hinc omnia Martem,
 Librarim momenta ? Vigil mihi cura solutam
 In vacuos potuit mentem componere somnos :
 Nec minùs, instanti nunc iam certamine, felix
 Auspicium facit . Ite alacres : dent classica signum,
 Et solitas pugnâ e mediâ decerpite lauros .

43. En igitur qua primùm animus ratione futuram
 Exarmet, vigili anteuenit dum pectore, sortem .
 Scilicet ambiguae nusquam hic caliginis horror :
 Plena dies, liquidumque iubar . Quid singula rerum
 Sæuitiæ luctusque habeant, quoad lædere possint,
 Dum nil fata mouent, tranquillo, immotus & ipse,
 Anticipat visu : rapido ne deinde sub ictu
 Iam positus grauiora eadem maioraque veris
 Concipiat, tenuem culmi Cerealis aristam
 Instar Achilleæ pinûs, instarque tridentis
 Æquorei trepidans : falsus sibi qualia fingit
 Plurima, quem feros piguit prænoscere casus .
 Nempe hic, præcipiti subito erumpente procellâ,
 Attonitus, vecors (cæci natura pauoris
 Semper vt acclinis peioribus, inque tumultu
 Non satis ambiguo sibi mens improvida constat)
 Quæ capiti prona incumbunt, discrimina peius
 Iam metuit multò, & vanis terroribus augeat .

44. Pluribus hinc adeo vulgaria pectora cernas
 Euentis trepidare, hilarem quæ cognita risum
 Elicerent . Talis iocus ille, exterrita quondam
 Regalis cruciassè epuli quo gaudia fertur

(u)
 (Vsq̃ue

(2) *Vide Lamprid. in Vita Heliogab. quem ultimum dicis
 Antoninorum Cæsarem fuisse.*

(Vſque adeo infandis iocus eſt ſæuire tyrannis)
 Antoninorum poſtremus in ordine Cæſar .
 Nempe hilari dum feſta natant conuiuia luxu :
 Mollibus in ſertis, nardique liquoribus omnis
 Dum coma:certantesque hinc Ars,hinc Copia Mundi
 Veſtigalis opes,elementorumque coactas
 Vndique delictas menſis inferre laborant ;
 Ecce per aduerſas mediâ in triclinia portas
 Horribiles pardi,formidandique leones
 Irrupere . Metus foribus ſimul irruit amens,
 Et tremor, & gelidus circum præcordia torpor .
 Verſa loci facies : fit mortis arena, theatrum
 Lætitiæ : attonitis labuntur pocula dextris,
 Immotæque rigent fauces . Saturanda Ferarum
 Ingluuiſ, rapidum funus, viuentia buſta
 Ante oculos : nuſquam effugium : ſubiſſe recentes
 Conuiuas, aliamque ſanem : ſe pabula : iamque
 Armenijs laceros conuelli dentibus artus,
 Iam Libycoſ hæreſe putant cernicibus vngues .
 Heu trepidæ fruſtra mentes, ignaraque Veri
 Pectora ! Cum vulſis à ſtirpe molaribus armis
 Dedoſti ſæuire, emollitique reſectis
 Vnguibus, innocuas iras pardique, leõesque
 Aduherent, ſolo fremitu, riſtuque minaci
 Terribiles larvæ, & vani ſimulacra furoris .

45. Hac etiam Veri ignarâ e caligine cæcis
 Non ſemel ille oritur terror, quem priſca Vetuſtas
 Panicon authoris Panos de nomine dixit,
 Attonitas vrbes, vulgique trementia corda
 Sæpe repentinis rumoribus externantem .
 Qualis in armiferâ Rheni ſtatione Quiritum
 Implicuit turmas, vinclis cum fortè ſolutis, (a)
 Bellicus effuſo præter tentoria curſu
 Diffugeret ſonipes . Rumor nam diditur, hoſtem
 Arminium caſtris irrumpere . Cuncta pauore
 Illicet inſano turbata euerſaque : Nulli

Vis,

Vis, animus, ratio consistere : fit fuga : portis
 Agmina densantur : socijs terroribus addit
 Quisque suos : suus, & coniunctim publicus omnes
 Præcipitat furor : impulsî, vrgentesque vicissim
 Immani cumulo exuperant, ipsisque refringunt
 Pectoribus vallum . Vis nulla inhibere ruentes :
 Nequicquam reuocant, nequicquam iurgia miscent
 Imperiis, monitisque duces : Vbi pristinus ardor ?
 Urbis vbi inuictæ decus, & Mauortia virtus ?
 En fortes animas, Gradiuigenæque Quirini
 Iurandam sobolem, pugnx quos rumor inanis
 Perculerit. Nam quem fugiant? Cui castra relinquant?
 Nullum ponè sequi, procul hostes, omnia tuta :
 Respicerent tantum . Vix ipso in limine portæ
 Ante pedes proiectus humi Legatus, & ora,
 Oraque, pectoraque obijciens calcanda, pudore
 Continuit trepidos . Tantum formidinis addit,
 Non explorata, & perspecta fideliter esse,
 Occurrunt subiti quæ fors discrimina casus .

46. Nec minùs id causæ validû: quòd, tota repente
 Aggrediens, multò vehementiùs extima quæque
 Vis agitat, summæ quàm si libamina quædam
 Scuitiæ iubeat præcedere, paruaque primò
 Ad plenum modicis tandem processibus auctum
 Venerit . Hinc recto naturæ maximus Auth or
 Fœdere constituit, ne frigida protinus ardens.
 Sirius exciperet, vel post se duceret astra .
 Rite sciens, quam perniciem violentior ille,
 Et totus simul à summo seu transitus æstu
 In brumale gelu, seu cano à frigore siccas
 Mensis in Icarij flammæ Viuentibus ægris
 Aduheret : iussitque ideo per Veris amicas,
 Autumnique vices lento mansuescere tractu
 Oppositas tempestates : ut mollior anni
 Temperies medijs mortalia corpora sensim,
 Progressu tacito, & fallentibus incrementis,
 Tutius extrema ad contraria duceret . Almus

Iam velut autumnus tepor, & clementia Veris
 Corpora ; sic animos absentium cura Malorum
 Præparat, exiguo felicia tempora iam nunc
 Alterius quasi permiscens discrimine sortis :
 Quæ nisi parte sui mediâ, lentoque subiret
 Sic præuisa gradu ; nulli non cernere promptum est ;
 Quam premeret miseras grauiori pondere mentes .

47. Præterea, veluti, dum crebrius aspera versat,
 Callosam longo paulatim contrahit usu
 Duritiem cutis, infestos quæ respuat ictus :
 Utque ferunt hausto Mithridatem sæpe veneno (A)
 Profecisse, sibi ne toxica dira nocerent ;
 Horrida sic animus crebro spectacula visu
 Dum repetit, positâ sensim formidine, nullas
 Iam meminit species horrescere ; tristia contra
 Ducit & ipse suum longo sic tempore callum .
 Nemo minus rerum metuens, ac plurima quondam
 Qui timuit . Viden, ut, sæuim cum buccina signum
 Edidit, & geminas aduersis frontibus infert
 Mars acies ; pugna imprudens vix arma tremente
 Sustineat dextrâ tyrunculus, oraque mutet
 Exangui pallore, & totos horreat artus ?
 At non ille vetus duri Manortis alumnus,
 In capulo cui trita manus seu pectora talis,
 Seu faciem . Vegeti vultus, innotaque corda,
 Et serum pugnare . Dies suus ille : suumque
 Se duci putat ad ludum . Nil dira tonantum
 Fulgura tormentorum, & ferri plurimus imber,
 Nil varix cædes, altoque in sanguine misti
 Quadrupedesque, virique nouum, lugubre, timendum
 Obijciunt . Satis hæc olim metuisse : suis nec
 Viribus edomuit sese timor, ipsaque demum,
 Quæ pridem fregerunt animos, discrimina firmant .

48. Postremo, cui bella diu præcognita, nunquam
 Huic locus, armorum auxilijs opibusque parandis,
 Defuerit : quæ fors oblitum, Epicure, fefellit

Tc

2) Mart. ep. 77. lib. 5. Vide & Plin. lib. 25. Hist. Nat. cap. 2

Te ratio, procul à studio sensuque Futuri
 Dum reuocas animos, doleant ne longiùs, & ne
 Sepositos miserâ anticipent formidine luctus.
 Haud dubium, si quis longè impendentia fata,
 Attonitus, densâ offusi sub nube pauoris,
 Prospiciat: neque seu veras dignoscat ab vmbreis
 Futilibus species; valido seu pectoris arcem
 Præuisos contra insultus munimine firmet:
 Sed, quæcunque Malorum absens Fortuna minatur,
 In maius ferat, & visu discriminis ipso
 Debellatus, inermis, humi procumbat; iniquæ
 Nullum sortis erit tam deses cura leuamen:
 Quin noua fortuito adiiciet momenta dolori,
 Æternisque pauentem animum cruciatibus vret.
 Quam nos propterea (Superi conata secundent)
 Hellebori Aonij succis, & Apolline toto
 Funditus aggressi importunam excindere pestem.
 At si, terrificos longo procul ordine casus,
 Incertique vices vbi inens prospexerit æui;
 Fortibus extemplo monitis ad tristitia quæque
 Se paret: exquirens, qua demum leniùs arte
 Exilium, morbos, fallacis crimina fundi,
 Hostiles ausus, damnosa incendia, letho
 Præreptam sobolem, tumultatas æquore merces,
 Ceteraque excipiat factorum Aduersa; malignas
 Quis neget hinc minui potiùs, quàm gliscere curas?
 49. Nô negat Argolicæ Philopœmen, vltima dictus
 Gloria militiæ, quem, si quæ causa iuberet (a)
 Longinquos tentare ignota per æquora cursus;
 Ancipitum quoscunque habitus formasque locorum
 Consueuisse acri, memorant, percurrere visu: (b)
 Tum secum: Quid, si salebroso hoc limite turmas
 Ducenti subitus se circumfuderit hostis?
 Illius egressus, quid, si faucesque recuræ
 Obsideat vallis? Fac, deiiciendus ab illo
 Aggere sit: campo, fac, disponenda repente

Hoc

(a) *Vide Plut. in eius Vita.* (b) *Lin. lib. 35.*

LIBER II. 71

Hoc acies. Quinam castris æquissimus inter
 Hæc Abrupta locus? Quo tutior ordine præter
 Insidijs natum nemus hoc fallacibus irem?
 Has igitur crebro secum meditamine curas
 Ille mouens, tantum ductandi ceperat vsum
 Agminis, ad belli tantum profecerat artes;
 Semper ut in dubios certissima pectora ferret
 Euentus: neque consilij præsentis egenum
 Hostilis fraus vlla Virum deprenderet, vlla
 Sterneret obiecti facies inopina pericli.

50. Magnanimi præclara ducis quæ exëpla tot inter
 Assiduos vitæ & nobis imitanda labores:
 Si modò par animis præsumere robur, iniquas
 Fortunæque iuuat solidâ vi frangere vires.
 Siue igitur peregrè errandum; seu cura labantem
 Coniugio fulcire domum; seu Principis aures
 Aggredimur votis; aliud pro tempore quidquam
 Seu placuit tentare operis; ne credula pronos
 Mens adeo rerum cursus, ventosque ferentes
 Præcipiat; quin multa simul diuersa, suisque
 Posse sciat subito minùs æqua occurrere Cœptis.
 Nempe, puta, crurifragium, mediosque latrones
 Longinquum per iter, morosæ iurgia Nuptæ
 In thalamo, duras votis à rege repulsas,
 Et quæ plura, nigro versatis pollice Fufis,
 Immites homini nent infortunia Parcæ.

Singula tum contra Sophiæ præstantibus armis
 Cingendum, & valido Rationis robore pectus:
 Ut neque iam velis adspirans æquior aura
 Plùs nimidò abripiat, fatorum inopina cauentes;
 Asperior nec mergat, ad omnia rite paratos.

51. Multa quidè Veterû possem documëta referre,
 Vnde hæc in dubios animi constantia casus
 Proueniat. Longum sed iter: Phœboque recenti
 Cursus eget. Fessis nunc respirare Camœnis,
 Perque tot exhaustos dudum silebrofa viarum
 Soluere ab emerito liceat temone Iugales.

EUTHY.

EVTHYMIÆ

Liber Tertius.

P Ergite, magnanimis dum non inuitus Apollo
 Pandit iter Cœptis, Sophiæ Verique beatos
 Humanum genus ad fontes deducere, Musæ.
 Hic dignus vobis labor, hæc pulcherrima ve-
 Primaque lex operis. Semperne immitia bella, (stri,
 Et piceo saturi Phlegetonte Cupidinis ignes
 Carmen erunt? Viduas platanos, laurosque comantes,
 Et Paphias tantum myrtos Heliconia gignent
 Culmina? Lethiferis nusquam panacea venenis
 Auxilium? Nusquam Fortunæ vulnera præsens
 Dictamnus lenire, melampodiumque, pyrethrumque,
 Et maluz, & tamarix, Ææaque pharmaca contra
 Moly laborifero fidum tutamen Vlyssi, (a)
 Aut aliæ, infestis faciles occurrere morbis,
 Præoniæ frondes? Heu quàm lacrymabile vestro
 Imposuit decori vulnus, qui mollibus aures
 Delinire sonis, totum finemque modumque
 Artis Apollinæ statuit: nullumque, salubri
 Admisso Sophiæ medicamine, Pierium mel
 Dulce putans, cum Pindo & Hyanteâ Aganippe
 Cecropij abruptit sœdus sociale Lycei?
 Hinc leuibus demptus studijs honor: hinc Sapiëntiâ
 Vocibus acta rea, & turpi damnata Poësis
 Exilio: neque musarum Phœbique sacerdos
 Iam pluris, fatuz quàm qui iocularia turbæ
 Vendit Agonalis rhapsodus in æquore circi.
 Vnicus amborum quando labor, otia vano

Fallere

Fallerè defidiz cultu, nugisque canoris
 Vecordes animos stolidi oblectare popelli.
 Per me equidem non hæc vobis infamia, Diuz,
 Hæscrit, Aonides, neque magno inuenta Platoni
 Abnuerit te, Phœbe, suum Respublica ciuem.
 Ingenij steriles lusus, & ficta laborent,
 Mille per ambages rerum nexusque decoros,
 Composuisse Alij miracula: plurimus, Euge,
 Admirans, bellèque, puer quibus accinat, & quæ
 Attonito relegat vultu, moduletur, anhelet.
 Scilicet hæc tantis merces sudoribus æqua?
 Hoc pretium, vigiles mediâ cur nocte lucernas
 Quis bibat, & viuos iratis morsibus vngues
 Vellicet? Ignavi, aurarum ludibria, cantus,
 Deliciæque leues, & inania festa valete.
 Me iuuat humani cordis lenire dolores,
 Dulcis ad EVTHYMIÆ sedes, atque aerea templa
 Præluce facem Mortalibus, inque peditos
 Virgultis, salebrisque, & tortilibus labyrinthis,
 Quâ liceat, vitæ calles aperire beatæ.
 Non secus, ac, superi quondam per inania Mundi
 Errantem procul, & naturæ arcana mouentem,
 Primus ab immensâ longarum ambage viarum
 Sophronisciades mediæ in commercia vitæ (a)
 Deduxit Sophiam, propioraque dicere tandem,
 Et magis humanas ad res facientia iussit:
 Ingenium formamque Boni: quis corporis vsus:
 Vnde animus felix: ratio naturaque fines
 Quos statuunt: tenebris qua se mortalibus arte
 Eripiens, superi synceros luminis haustus
 Mens trahat, & patrio iam nunc assuescat olympto.
 2. Quas igitur Fortuna hilaris spes suscitât, & quos
 Longè infesta metus ægris auellere fibris
 Hastenus experto, superest mæroris iniqui
 Vulnera iam fouisse, & quæis felicibus armis

D

Stre-

(a) Cic. pr. Academ. Quæst. & 5. Tuscul. & Laert. in
 Vita Socratis.

74 EVTHYMIÆ.

Strenua se medio tegat in certamine virtus,
 Pandere : collatis quoties Mars vndique signis
 Incubuit, volitantque hostilia spicula circum,
 Et varij luctus, & plurima mortis imago .
 Magnæ molis opus . Fortem nam fingere, belli
 Dum tantum timor, & vulgus fors audeat, immo
 Plus vulgus, quem sola mouent præsentia, quique
 Vix hebetes animi sensus trans obuia mittit .
 Ast, vbi confertus pede pes, totâque furit vi
 Iam præsens Gradivus, inexpugnabile robur,
 Immotum placidæ frontis seruare tenorem,
 Non nisi paucorum decus est, quos plebis aceruo
 Seposuit, quibus & triplici Sapientia maior
 Ætherei nexu chalybis præcordia vinxit .
 Sic olim, Idei repetens cum nobile furtum
 Hospitis vltrices passim iuraret in iras
 Græcia ; Dardanidæ, tutò inter pocula fortes,
 Absentem verbis impunè ferocibus hostem
 Vincebant, nemo non Hectore promptior, arma
 Nemo piger fremuisse, tubasque inflare loquendo .
 Actum de Danais : Iuenum quot pectora ; ahenas
 Tot Patriæ turres, tot posses dicere Martes .
 Hic sibi de geminis præana canebat Atridis :
 Hic Telamoniadem, septenis rapta iuencis
 Tergora ferrato nequicquam vmbone mouentem,
 Strauerat : Ille Thetin lugubria ferre iubebat .
 At postquam medium nusquam mare: Græcia postquàm
 Ante oculos ; hinc Myrmidones ; hinc fortia bello
 Argiùm, ac Dolopum Phœbejs agmina muris
 Successere : rotasque cruento in puluere flexit
 Cuspide Peljacæ agnosci manifestus Achilles ;
 Tunc nimij flatus cecidere, & grandia verba :
 Tunc patuit virtus, patuit socordia : visus
 Tunc Paris est Paris, & magnus se protulit Hector .
 3. Ergo, vbi factorum non euitabile numen,
 Infestique premunt casus : seu turpis egestas
 Sordibus æternis inopem squalescere cogit ;

Sen

Seu pubescentes in patris gaudia Natos
 Ferrea præcipiti demersit funere Clotho ;
 Seu quouis demum mens vulnere læsa ; cauendus
 Illorum venit ante alios miserabilis error,
 Pectora qui penitus mærori tradere gaudent,
 Inuoluuntque suis totos se luctibus : & , cum
 Rebus ab aduersis animum ad meliora referre,
 Solarique ægros liceat ratione dolores ;
 Quælibet infesti auxilia auertuntur, amantque
 Non alijs tantum, sed vel sibi posse videri
 Plus miseri : fidusque adeo si fortè sodalis
 Extenuet blandis lugentium vulnera dictis ;
 Illicet irati obfistunt, sortemque malignam,
 Tanquam aras patriosque focos, defendere certant :
 Maxima ceu cladis fit portio, clade putentur
 Si pressi leuiore . Tuis heu cæca fauce
 Mens Hominum lacrymis ! Quæ non in deuia præcepta
 Volueris, errantem Ratio ni fida gubernet ?
 Si Mala, quæ luges, ingrata ; quid illa tueri
 Vsque iuuat ? Si grata ; piget cur ferre ? Fatendum
 Ocyus alterutrum : vel mitia carpis iniquè ;
 Vel grauibus stulto indulgens blandiris amore .

4. Hæc igitur miseræ sortis seu cæca voluptas,
 Seu leuis ambitio procul ableganda, magisque
 Consilij toto pugnandum est, obore, luctum
 Vt sibi mens minuatur, se seque reducat ab illo,
 Undique certa sui conquiritur pharmaca morbi .
 Sic opifex docuit gaudendi Epicurus, & idem
 His primum instituit se legibus . Vltima restis, (a)
 Dilecto comiti quam scripsit, epistola . Nempe
 Lethiferis illic morbi suprema minantis
 Vrgeri miseros immanè doloribus artus
 Nunciat : at solos artus : consistere mentem
 Vim supra sensumque Mali : quòd scilicet ipse
 Auocet hanc aliò prudens : interque ruinas
 Membrorum, vacuasque colos , & acerba propinquas

D 2

Iura

Iura necis, releuet sese, memoranda volutans,
Quæ vulgo ediderat studiorum Inuenta suorum.

5. Nec verò non prompta salus: non plurima certū
Vulneribus, quæ sint, & quanta ea cunque, leuamen
Suppeditat ratio. An talis non illa, receptus
Communis primam vitæ quam suggerit vsus?
Si tibi nil, quouis durarum in cardine rerum,
Euenisse noui reputes: sic publica volui
Tempora, sic hominum decurrere fata: sub ipso
Ilicet hanc cunctis legem viuentibus ortu
Propositam, vt, varius quæcunque volubilis æui
Fert color, haud aliena sibi discrimina norint?
Nemo, vbi supremum iam voluit Aquarius annum,
Ignauo gelidas constringi frigore venas
Miratur, rapido vel rursus ab igne resolui,
Lucida cum Phaeton Nemeæi terga leonis
Insiliens geminis cælum feruoribus vrit.
Nempe quòd hunc illis innatum mensibus vsque
Scimus, & æterno sancitum fœdere morem.
At neque naturæ stabili minùs ordine fixum,
Perpetuumque homini est, ferat vt communia fata,
Et sortis quascunque vices, rerumque labores,
Cur igitur, si deinde repens quis talia casus
Attulit; iratus querulis clamoribus astra
Conueniat, ceu mira, sibi que indebita, præter
Naturæ morem, & fas omne, incommoda passus?

6. Heu grauib. curis, longisque laboribus emptæ.
Res perijt. Quid? Te pennas vulsisse fugaci,
In noua ne porro transiret iura, putasti?
Non alias, aliasque, tuam quàm viseret ante,
Mutarat peregrina domos? Cur certior yni?
Cur tibi, quàm Dominis plùs fida prioribus esset?
Sortis id ingenium certè, sua semper in orbem
Huc modò conuertens, iamque illò vt munera, Nulli
Perpetuam stabili addicat se fœdere. Ritu
Auspicijsque tuis si fas tibi ducere vitam;
Quin patiare suis illam quoque moribus vti?

At

At geminos etiam, vix pubescentibus annis,
 Inuida præripuit, nostræ suprema senectæ
 Qui requies, fuerantque domûs spes vnica, Natos.
 Et nunc heu patrios, cinis immaturus, amores,
 Venturumque simul genus, & promissa nepotum
 Gaudia crudeles secum rapuere sub vmbras :
 Nec mihi sen vitæ columen, seu funeris hæres.
 Canitiem auxilijs orbam, nomenque parentis
 Funditus elatum miseror. Sed, num noua ludi
 Hæc miseri facies? An non, vel prolis acerbos
 Ante obitus, vitæ poteras didicisse magistrâ,
 Natorum quæ conditio : qua lege parenti
 Obueniant : quàm prona rapi, quàm labilis ætas
 In tumultum, vanâ somni fallacior vmbra,
 Mobilior folio, rapidoque fugacior Euro?
 Hæc adeo si nota vnus nescisse fateris ;
 Viuendi næ tu nimium peregrinus & hospes.
 At, si certa sedent olim ; perstringis iniquo
 Communes Parcas, immotaque sædera questu.
 En age, noctifero si quisquam vespere, pronum
 Herculeas mergi aspiciens Titana sub vndas,
 Indignum, nullâque nefas ratione ferendum,
 Clamaret : Mundique vicem commotus, avaræ
 Iurgia Naturæ tanti pro crimine furti
 Diceret, immitem vocitans e matre nouercam ;
 Non illum capitis vacuum, & sine corde putares?
 Quid? Si, nimborum per inertia tempora brumæ,
 Lugeat exutos hic idem floribus hortos :
 Nec sectus, immani quàm vulnere fixus, Iniquis
 Heu me progenitum auspicijs, & Numine læuo?
 Ingemat. Vt semper nostris illudere gander
 Votis inuida sors? Vt pristina quæque malignis
 In caput hoc radijs collimant sydera? Dulce
 En decus hortorum, pictique superbia Veris,
 Per sua deiecti folijs marcentibus arua,
 Interiere, omni frustra quos sedulus arte
 Nutrieram, flores : liquidam de fonte propinquo

Ipse quibus vitam gaudebam affundere : templis
 Vnde honor, vnde mihi toties redolentia ferta .
 Proh crudelis hyems ! Proh barbara ! Nil adeo te
 Pulchra mouent ? Teneræ nil contigit illius ergo
 Pubis amor ? Tam formosos excindere foetus
 Immittes potuere manus ? Quonam tua ferro,
 Aut adamante rigent præcordia ? Talia si quis,
 Ploratu se tristi, & flebilibus lamentis
 Conficiens, rigidæ ingeminet conuicia brumæ,
 Nec laniare genas, passos aut vellere crines
 Temperet ; Anticyram non ocyùs ire iubebis,
 Quæsitum stolidæ purgamina mentis ? Ineptas
 Non risu excipies lacrymas, annique nivalis
 Perpetuum hunc morem , certa hæc constare docebis
 Tot sæclis iam iura ? Tuus dolor ille, receptas
 Dum grauiùs vitæ leges, humanaque fata
 Excipis : ostensâ ficti sub imagine luctus
 Ipse lates, moresque tuos tibi fabula verax
 Obtulit . Anticyram (quid cessas ?) primus adito ,
 Quæque Alijs caneres, tibimet solatia sumas :
 Rite memor sacramenti, in quod luminis oras
 Protinus intrantem Natura & Numen adegit ,
 Vt, si dulce foret nasci, mortalia ferres .
 Et veluti, si quando procul natalibus aruis
 Externum te ducit iter ; flagrantia solis
 Spicula, pingue lutum, ventos, vim pulueris, imbres,
 Fumosæque olidum serâ de nocte tabernæ
 Hospitium vacuo irarum fers pectore : tales
 Quod tibi nimirum casus prædixeris, & quod
 Hæc peregrinarum appendix consûeta viarum ;
 Haud secus in vitæ cursu, quæ tristitia cunque
 Obtigerint subeunda, pari fer robore mentis :
 Tale viæ genus hoc reputans, nec posse, per illam
 Ingressos, alijs homines decurrere fatis .

7. Altera quin etiam primo hoc de fonte, leuandos
 Ad luctus, medicina fluet : quod, tristitia rerum
 Fatali cum sustineas ex lege ; quibus te

Aduer-

Aduersis inimica premit Sors casibus, iisdem
 Et reliquum primo Mundi nascentis ab ævo
 Pressit adhuc mortale genus, neque secius, iisdem!
 Vsq̃ue sub extremos æui superantia cursus
 Sæcla premet. Solus communis in ordine vitæ
 Exemplum si triste fores; non prorsus egeret
 Tunc veniã causãque dolor: nunc lumina vastum,
 Quã Phœbo sub utroque iacet, dimitte per Orbem;
 Mentiar, innumeris si de Mortalibus vllum
 Inuenias, liquido cæli quem munere vesci
 Fata sinant impunè. Grauis iam tempore longo
 Incubat Huic, durisque premens complexibus angit
 Pauperies: patrijs detrusus finibus Alter
 Ignotos circum fines miserabile ducit
 Exilium: plenas Natis exanguibus urnas
 Ille fouet gremio lacrymans: lethalibus æger
 Hic podagræ, laterumque doloribus, inter acerbos
 Corporis exhausti morsus, cessantia fata
 Increpât, & vixisse, miser, quàm viuere mallet.
 Quid tibi iam species alias, & nomina dicam?
 Ictericos, elephantiacos, intercute lymphæ,
 Igne laborantes sacro, pleuritidis haustos
 Ense latus, durâ anginx vi guttura pressos:
 Horrida tot lethi simulacra, tot vndique tetras
 Morborum facies: numerum quẽis reddere si quis
 Fõrs velit; Ionij fluctus velit æquoris idem
 Percensere, vel, extremo referente Nouembri
 Intempestam hyemem, quàm multis, dicere, Pindi
 Vmbriferum caput, Apenninigenasque caducis
 Denu dent folijs Borealia flamina quercus.

8. Hactenus at vulgi clades. Quid? Luctibus iisdem
 Aurea misceri nunquam penetralia regum
 Cernimus? Humanos ignorat purpura casus?
 Fortunæque super nimbos humilesque procellas
 Impavidam cælo attollunt diademata frontem?
 Quin sors imperij, quò celsius edita, lapsu
 Hòc præceps grauiore ruit: maioraque quanto

In spatia immanem se porrigit; obuia tantò
 Insidijs, telisque magis. Non publica solùm
 Fata hominum subeunda: (licet subeantur & illa)
 Sed proprijs iactatur adhuc, vniue dolendis
 Turbinibus. Iam finitimi molimina regis
 Sollicitant, bellumque aduersum, & fortior hostis;
 Iam vulgi subitos rennentis fræna tumultus,
 Et dubias tremit ancipiti sub pectore fraudes.

9. Quæ quibus exëpla anteferâ? Discede Vetustas,
 Cum Priamis, Cræsisque tuis. Quid firmate nigro
 Funestam Oedipodis, finestam Agamemnonis aulam
 Obijcis? Haud nostro infelix hæc gloria sæclo,
 Haud diræ genus hoc famæ non suppëtit, Orbem
 Possë ruinarum ingentùm terrore superbo
 Concutere, & plures scenis donare cothurnos.
 Spargentem subitos angusta per atria luctus,
 Imaque mutantem summis, & fronte reuulsas,
 Vixque adeo non cum trepidâ quoq; fronte coronas
 Imposito pede calcantem sat vidimus Ipsi
 Fortunam: sunt & nobis sceralia, Thebas
 Quæ valeant, & quæ solari, exempla, Mycenæ.
 Testis, qui Geticum, subitus fragor, increpat axem,
 Pulsaque terrifico Byzanti Regia motu.
 Pangæas trepidare niues, Rhodopeaque saxa,
 Et dubijs video nutantem rupibus Ænima.
 Insonuere poli: diroque à littore cursum
 Territus in sese reuocans, fugientibus vndis
 Vix non oppositam texit Chalcedona pontus.
 Nec mirum. Odrysius, tot quondam gentibus, & tot
 Imperijs, regnisque caput sublîme, tyrannus,
 Nubifero immanis solij de culmine, centum
 Per medios, centumque gradus, quos altiùs, atque
 Altiùs extantùm series cumularat honorum,
 Præcipitem duxit fato impellente ruinam.
 Qualis, Peliaco extructam cum vertice molem
 Ingentisque Ossæ, atque Ossam calcantis Olympi
 Iratus trifido disiecit Iuppiter igni;

Pro-

Proxima nequicquam trepidanti apprehendere nisu
 Sydera, Taygeten, vel Parrhasiam Cynosuram
 Conatus, liquidum retro per Inane, Parentis
 Attonitæ in gremium, versâ ceruice, Typhoeus
 Corruit, & vasto tremefecit pondere Mundum.
 Quàm dispar facies? Primum qui nuper habenis
 Flectebat, mediumque diem: quem mille phalangas,
 Mille sagittiferos rapientem in bella maniplos
 Horruerat, tantis impar prope viribus, Orbis;
 Exutus tumidam raptò diademate frontem,
 Victus, inops, sceptrò, libertatique superstes
 (At tu iustitiam coleres, inuictaque magni
 Fœdere ne rupto tentasses Cæsaris arma,
 Perfide regnorum latro) seruilia mordet,
 Pars populi, iam fræna: angusto & carcere clausus,
 Carnificis dextram, laqueique ignobile fatum
 (En regni pretium) iugulo impendere tremiseit.

10. Atq; utinam meritos tantùm fors illa tyrannos
 Plecteret, indigni neque tristius Anglia fati
 Obijceret documentum. Heu qui te verberare surdo
 Eumenidum colubri; Cælo fidissima quondam
 Insula, nunc regi iuxta, Cæloque rebellis,
 Ad Tamesis ripam Geticòs transferre furores,
 Lymphatam pepulere? Axis quònam ille Britannì
 Sol abiit, tanto Cælestium munere fessis
 Donatus populis Princeps, quo sceptrà tenente
 Dæolor antiquum reuocari cæperat ætas
 In pretium? Iacobus ubi, tua gloria, certum,
 Iacobus, patrij còlumen, tutelaque Mundi?
 Illudne augustum caput, illam pondere quovis
 Curarum maiorem, & natam ad publica mentem
 Cònimoda ciuili rabie, & popularibus ausis
 Imperio extrudi potuisse? En perfidus, en quò
 Præcipitet mentes furor, atque in viscera lapsum
 (Ah Stygiam pestem! Ah Lernam eluuiemq; Malorù!)
 Hærcsis infandum virus. Pulsùm illicet omne
 Fas animis: nihil integri sub pectore sensus:

Nusquam dedecoris pudor, aut reuerentia famæ :
 Sed furia, indomitumque nefas, exutaque frænos,
 Ac sceleris mens tota sui . Communia nempe
 Iura hominum violare, & pactum rumpere sceptris
 Obsequium metuant, qui, Religionis auxilium
 Fœdera nil veriti, & sacros confundere ritus,
 Ipsa etiam summi imperia excussere Tonantis ?
 Iuratur facinus, dirum, intestabile, vecors,
 Horrendum facinus, quod toto non pater aluô
 Effusus Tamesis, non Naupactei Acheloi (a)
 Flumina, non, quantus quantusque est, omnibus vndis
 Expiet Oceanus . Stygio sœuissima cornu
 Dat dirum populis belli discordia signum :
 Exarsere animi ; cinctæ hinc serpentibus atris
 Immanes Cromuelli umbræ exitiale furoris
 Cordibus inspirant virus ; non segnior inde
 Sanguinolentum aperit iugulum, plenisque Momuthus
 Exceptum manibus, Nefee peste eruoris
 Tetrius, effundit vulgi super agmina tabum .
 Perfida iamque odia, atque animi patuere rebelles,
 Confessumque nefas . Sceptri spes nulla tuendi :
 Vix fuga, vix tutò fas est sua perdere regna .
 Quis tibi tunc sensus, regum fortissime, iniquis
 Cum populi furijs, & proditione Tuorum
 Nil grauius Patriâ, regnoque horrere coactus,
 Estensam thalami sociam, tam proxima cordi
 Pignora, partem animi tantam, genitumque paternis
 Nuper in imperij titulos, spem nominis vnâ,
 Et generis, Gnatum, cuius vagitibus Orbis
 Latus, Io, &, Io, lætus responderat æther,
 Deposuit pretiosum vndis pelagoque furenti
 (Proh quantum fati ventorum e lance pependit !)
 In quoscunque dares casus : telluris iniquæ
 Mox rabidas hyemes, peioraque littora ponto
 Effugiens, tumidi ipse etiam per stagna Profundi,
 Angustus sequerere, vndis miserantibus, Exul ?

Nil

(a) *Vide Quid. lib. 2. Pass. sub initium.*

Nil tamen hosti actum : pulsus fers omnia tecum :
 Instabile externumque Bonum, Fortuna recessit ;
 Sed virtus, tua Summa, manet : quin nuda videri
 Pulchrior est, meliusque suos dat nosse nitores,
 Dum nihil extra se mirum spectantibus offert .

Heros dimidijs sub Regnatore latebas :
 Nunc demum, qui sis, quantus sis, perspicit Orbis .
 Electum per vim folio quis credat auito ?

Deserti potius, condemnatique vocentur,
 Qui talem folio pepulere . Haud Principis istud,
 Exilium populi est . Quævis tu littora lustras,
 Orbe tuo, ceu Sol, semper conuerteris : ille
 Cum Patriâ, atque ipsâ, probro pœnæque relictus,
 Exulat in Patriâ . Vis vltima quæque minari

Sontibus ? Haud vltra rediturum in regna mineris .
 Sed redeas potius . Sæui iam pœnitet Ausi

Perfidiam : insanos iam damnat & ipsa furores :
 Iacobo nec regna, ereptum sed mage regnis

Iacobum, oppositas sortes, alternaque fata
 Iudicijs vero librans examine, discit .

Vosque adeo, o Superi, (trepidis fat cognita Virtus
 Casibus aduersa euicit, meruitque secunda)

Magnanimum Heroem, & plûs visum rege , paternis
 Dum caruit regnis, natiuz reddite forti .

Ceu Volucrum regem, & solis phœnica Volucrum
 Non perimit, renouat fœcundæ mortis imago ;

Sic regum phœnix fortunæ à funere, solis,
 Æterni absumpsit solis quam feruidus ardor,

Altera iam ducat rediuiuz exordia lucis,
 Inque Caledoniâ regnet felicius aula .

Euenient . Verùm hæc Alijs, quæis liber Apollo,
 Alius & plestri sonitu maiore canenda .

Sat mihi, communis fati ad solatia, duos
 Sceptrorum casus, inflictaque vulnera summis

Frontibus Æschyleo cantu retulisse, nec ipsas
 Immines rapidis fortunæ à motibus aulas . (pers,

11. Quidnâ igitur? Proprij nemo cû ponderis ex-

D 6

Nemo

Nemo suas Cæli pro respirabilis vsu
 Non lacrymas soluat; communia fallere solus
 Iura velis, durisque nihil dependere Parcis?
 Hoccine Mortalem fas poscere? Voluitur omne
 Fluctibus assiduis socium genus: & tibi luges
 Non parci? Querulis & vocibus astra fatigas,
 Quod non excipiant te de tot nullibus vnum?
 Dic, vbi frons tua? Quò sensus, ratioque recessit?

12. His adeo monitis Darij regis, ademptam
 Vxorem, viduosque toros sine fine dolentis,
 Saucia Democritus præcordia leniit. Egri (a)
 Scilicet augustum subiens penetrale tyranni,
 Desine perpetuis, Rex, desine fletibus, inquit.
 Namque ego dilectam (licet irremeabilis Orci
 Lucida fatali stagna exuperauerit alno)
 Vxorem liquidas cæli reuocare sub oras,
 Iniustamque nigro raptori auertere prædam
 Spondeo. Nec nimio munus tam nobile sumptu
 Poscit emi: gelido tria tantum nomina busto
 Incidisse hominum liceat, quæis tota secundo
 Tramite inoffensi series defluxerit xui;
 Dulcibus extemplo Superis, & reddita luci
 Ibat in amplexus cupidi Regina mariti.
 Tu Famulos (promissa mouent si gaudia) regni
 Quaslibet actutum patrij dimitte per oras:
 Felicem inueniant numerum, & signanda reportent
 Nomina. Prona fides dictis. Immenso cupido
 Quid sperare neget? Lecti, mora nulla, Ministri
 Oppida, tecta, agros, nota, atque ignota locorum
 Circumeunt, vigilique explorant omnia curâ.
 Nequicquam: vacuus labor omnis, & irrita cura.
 Ergo iter ad Dominum relegunt, triademque beatam
 Illicet à foribus primoque in limine iussi
 Reddere, per sacros ignes æternaque Mithræ
 Numina, (religio Persis quæ maxima) nullos,
 Humani cultus regio quæ conscia, iurant,

Non

(a) *Julian. Caesar ep. 37. ad Amer.*

Non obitos, non excussos sibi rite Penates.
 Vana tamen studia, irrisos cecidisse viarum,
 Atq; operum sumptus: nullo sub sydere quemquam,
 Candidæ perpetuæ vitæ cui Summa, repertum
 Terrigenam. Capto Sapiens tum tempore, Tanne
 Ergo vides, inquit, Regnantium maxime, cunctis
 Hanc adeo legem positam Mortalibus, vixis
 Quisque volens, nolensque suos pro parte virili
 Ut subeat casus? Quocirca, te quoque Divum
 Numina dum fragili voluerunt semine nasci;
 Ne tumidus nimium, vide sis, habere, tuique
 Oblitus generis, communia pendere vitæ
 Abnueris solus si vestigalia, teque

Fata hominum indignere hominem promiscua ferre.
 13. Nec mihi se plures quisquam vidisse reponat,
 Inscribi tumulo qui Regnatricis Eoz,
 Frustrarique sagax Graij Sapiientis acumen,
 Fortuito læsi nunquam discrimine, possent.
 Esto, aliquem genus id liceat producere; quid tum?
 Exempla hunc inter censebis, an inter habendum
 Prodigia, Hetruscis olim lustrata libellis,
 Degeneres vtero fœtus, matrique timendos,
 Sanguineosque imbres, pecudesque humana locutas,
 Et gemino de sole diem, dubitantibus astris
 Hinc, illumne patris dignentur honore? Sed ipsos
 Hos tamen, humanæ quos cœu miracula sortis
 Ignari colimus, quàm multis longior ætas
 Casibus obijciat? Liceat modò vivere; quanto
 Resistantùm miseros ventorum turbine volui
 Aspicias? Quæ venturis spectacula scenis,
 Materiem tragico quantam debere cothurno?
 Et tibi lata diu fœs illibataque primæ
 Fluxerat ætatis series: fœs & tibi plures
 Invidere, rotæ volucris de culmine, qui nunc
 Præcipitem sensu partim miserantur amico;
 Partim etiam fastu gaudent calcare protervus.
 Vidi ego, quæ, cæli toties secura, marisque,

Nam-

Nauifragas Libyæ fyrtes, Ægæaque saxa,
 Et Siculos velis impunè audacibus æstus
 Luserat, æquorei supremo in limite cursus,
 Littora dum nauis iamiam subeunda saluant,
 Sertaque festiuæ imponunt victricia puppi;
 Cautibus illisam cæcis periisse carinam. (a)
 Nil certum satis: ambigui periura fauoris,
 Usque sub emeritum multos Fortuna senectam
 Amplexu toto fouet, immensusque saginat
 Muneribus, titulos, & honorum insignia circum
 Accumulans: quod nempe suas (is denique finis)
 Rite coronato ducti mox vertice ad aras,
 Splendidior sæuis procumbant hostia Sacris.

14. Consule Romulidum fastos. Non litore talis
 Victimæ Niliaco Magnus? Non curia tali
 Victorem obstupuit Socerum procumbere pompa?
 Ille triumphati Dictator maximus Orbis,
 Bellorum, pacisque potens, lex vnica legum,
 Vnicus heroum phoenix, post addita Rheno
 Vincula, post domitum Oceanum, innueneramq; ruentis
 Thessaliæ in campis, vno certamine messam
 Palmarum segetem, vrbane (quis crederet?) ipso
 Pacis in amplexu. Sed cur notissima vulgo
 Vleridis monumenta sequor? Tu Græcia profer,
 Tu potius Samij fatum lugubre tyranni. (b)
 Vix hominum sese Dea cæca benignius vlli
 Credidit, admoto vix blandius vberem quemquam
 Fovit. Iter prouum captis, spes nulla secundo
 Fine carens, nullis longè sua copia votis.
 Ne multis morer; ipsum etiam fastidia tandem
 Mutati nunquam Superum cepere fauoris:
 Ipsum etiam faciles adeo per plana, sine vllò
 Obice, lassarant cursus: iamque esse timori
 Ille, nec immerito, præter moremque, modumque
 Cape-

(a) Fingitur visum, quod potuit contingere.

(b) Val. Max. lib. 6. cap. 12. & Herod. lib. 3. de
 Polyrate.

Cæperat immotus fati tenor . Ergo seuerum
 Sollicitus Nemesis numen, Diuûmque priare
 Inuidiam, cupiensque aliquo, inter prospera rerum,
 Quid dolor, explorare, & quid fors altera, gustu,
 Auulsam digito, sibi quæ carissima, gemmam
 Equoreas iecit, pretium mæroſis, in vndas .
 Sed vani iactus : neque sic lugere, volenti,
 Fas fuit . Oblati siquidem mox præcis in aluo
 Amissum reperit lapidem, gaudensque recepit .
 Quænam igitur tam securi meta vltima cursûs ?
 Feralis crux nempe, in quam crudelibus actus
 Idem odijs, varix documentum flebile sortis
 Præbuit, & nullum duras euadere vitæ
 Posse diu leges securum hilaremque probauit .

15. Quid? Quod vim rigide sortis nō singula tantum
 Per capita, ablato cæcæ discriminine, ferri ;
 Sed leuius tibi, quàm plerisque, incumbere cernes .
 Ecquid enim tam triste subis, abstergere fletus
 Quin grauiora queant te circum exempla ? Reuolue
 Sis animo, quot nunc, inopes, diuturna maligno
 Vix mendicatæ Cereris ieiunia frusto
 Solentur, Cereris, pressio quam dente resolui
 Indocilem rigidâ conspectam à Gorgone iures :
 Nec laris exiguæ saltem sit copia, seuas
 Ad Boreæ, Caurique minas, sed sub Ioue nudo
 Hybernas agitent, quæ nox deprnderit, umbras .
 Effera quàm multos arthritis, & acrius vrens
 Calculus ad mortis speciem, votumque fatigat ?
 Contemplator & Hos, piceâ, qui, nube sepultis
 Luminibus, toto proscripti sole dieque,
 Nulla diu roseæ delibant gaudia lucis .
 An, rogo, non tali collatus cum grege, felix
 Ex misero possis, atque inuidiosus haberi ?
 Quod grauius, quàm mortali pro robore, fati
 Incumbentis onus, nulloque Atlante ferendum
 Ipse vocas ; tennem non Illi ponderis umbram,
 Non lucrum, munusque suâ præ sorte putarint ?

Finis

16. His tua si sapiens, alienaque pendere fata
 Lancibus instituas; quàm tecum molliter actum
 Protinus agnosces: neque iam sic nubilus istam,
 Quæ vacuos humeros tenuis vix sarcina tangit,
 Obijcies Superis, meritos quin gratius honores,
 Pro maiore adeo ærumnarum parte remissâ
 Exoques, qua pressa virum tot millia cernis:
 Quæque, per humani generis communia iura,
 Nil fuerat, cur, præterito te, iustius illis
 Assignanda foret. Quod si, post talia, satis
 Inuisum te pergis, & vltima dicere passum;
 Hac querulum iusti scitâ ratione Solonis (a)
 Compellare iuvat. Summus, fac, rector olympi
 Omnia Mortales iubeat sua pondera, quæis nunc
 Hi grauius, leuiusque Alij torquentur, in vnum
 Communem pariter cumulum deponere, & inde
 Seu postam rursus sibi quemque assumere; iustam
 Seu potius cunctos, nullo discrimine, partem.
 Hæc si conditio detur; quæ mens tua? Fæcæ
 Num proprium retinere velis? An, fœdera legis
 Alterius subiens, ex illo vnde vnde coacto,
 Digestoque iterum totius foris aceruo
 Ducere cum reliquis partem Mortalibus æquam?
 Ni fallor, grauius multò noua sarcina frontem
 Tunc premeret: malletque adeo præsentia ferre
 Pondera, cen. melior fati, leuiusque futurus
 Sic miser, æquales quàm si pro parte virili
 Omnibus æumnas communis diuideret fors.
 Quin Alios igitur, iustâ quæis lance Malorum
 Abnueres par esse, animo proponis, & inde
 Opportuna refers duri solatia castis?

17. Retuleris sanè, Leporum si amentior ipso
 Sis grege: cui certam lux hinc oblata salutem
 Tamiammersuri tulit ipso in cardine lethi.
 Scilicet hos quondam (Æsopo si credimus: & quis
 Æsopo

(a) *Kal. Max. lib. 7. cap. 2.*

Æsopo ambiguus cunctetur credere ?) lucis
 Infanum vitæque odium, tot casibus actos,
 Obuia tot fata assiduo terrore pauentes,
 Supremum properare diem, atque occurrere Parci
 Impulerat. Quid enim sese ærumnosius unquam,
 Quid magis exosum Superis, grauioraque Titan
 Viderit iratæ obiectum ad ludibria sortis ?
 Quis nihil armorum : nullæ ægro in corpore vires,
 Nusquam animus præsens : sed, si quæ, tota salutis
 In pedibus ratio : bella hinc metuenda Ferarum ;
 Hinc hominum : trepidi semper sub pectore motus :
 Nilque parùm validum, seu frondea concitet Euris
 Murmura, seu viridis quatlet dumeta lacertus,
 Attonitas replere fugâ, & formidine mentes .
 Nec piget obstrictos tam duris legibus annos
 Ducere ? Funesti valeat quin ætheris usus .
 Sat luci, lacrymisque datum . Mors una Malorum
 Effugium . Moriamur, & ultro in fata ruamus .
 Instar habet si vita necis ; vitæ vltima finis
 Ortus erit . Finire necem, haud perijisse ; renasci est .
 Hæc alij passim, ante alios hæc plurimus omnes
 Taphrocharis (priscum genus olii, & clara parentum
 Nobilitas : sed facundæ præstantia linguæ
 Plus proprii addiderat decoris) clamore diserto
 Ingeminans, vulgi ad proceres, vulgumque fremebat .
 Tristibus ergo acti stimulis, cæcoque furore
 Præcipientes mortem iurant : bacchatur in omni
 Pectore mors : primus nasci, extremusque perire
 Lucis amor cessit . Stat, non poscentibus ultro
 Reddere depositum fatis : stat, quod super æui
 Parcarum net nigra manus, damnaque cæli
 Munera proieciße, & nil crudelibus auris,
 Nil ultra debere tibi, Natura . Palustri
 Haud procul vmbrosam complerat gurgite vassam
 Stagnum abruptum, ingens . Liquidè rapit illa sepulcri
 Spes animos : aduersa ruunt in fata, sequentim
 Quo neq; vim fugerent, cursu . Hic demergere vitam,
 Et

Et vitæ miseros vnâ demergere casus
 Fas erit : hic portus curis, hæc meta laborum :
 Salue optata palus . Sic illi, & triste subibant
 Iam littus, peritura cohors . Sed, parcere mitis,
 Æquius ignaris, quàm, quod per fata vouerent,
 Auxilij genus vnda tulit : vitamque relinquens,
 Nil nisi sollicitæ exhaustit fastidia vitæ .
 Vosque adeo, molli quas tunc herbosa fouebat
 Ripa sinu, taciti, ranæ, gens garrula stagni,
 Dum, sonitu impulsæ venientium, corpora notas
 Præcipiti hinc, illinc saltu vibratis in vndas ;
 Vos rabiem miseris infixam, ægrosque dolores,
 Ac lethi stimulos fluctu merfistis eodem .
 Hoc satis, hæc Leporum gentem seruauit imago .
 Mirantur, subito refugas, seque esse timori,
 Attolluntque animos . Iam non postrema videri
 Sors sua : quæsitæ iam deferuescere sæuus
 Mortis amor : solùm iam deesse, atrociam primus
 Qui reuocet Consulta, & viuere suadeat, author .
 Quis fuit is ? Cupido egregium da noscere vati,
 Calliope, Herois nomen : superesse nepotum
 Da memori famæ seruatoremque parentemque
 Auriti generis . Præsens tibi tota Vetustas :
 Sæclorum nos impliciti caligine : & atram
 Lethæa ante oculos glomerant obliuia nubem .
 Ergo animi prudens, nec seu genitore Podauro,
 Milophago seu fratre minor , dubia agmina spectans,
 Rhinomacer placido sic ore silentia rupit,
 Sic sociam diris pubem reuocauit ab orsis .
 At quæ nos properæ necis importuna cupido
 Sollicitat ? Nempe imbelles Natura creauit .
 En Alios, trepido quæis plus sub corde pauoris,
 Quæis minus attonito inseruit sub pectore cordis .
 Cur sortem damnare libet, quam suspicit, & cui
 Sese humili genus hoc impar terrore fatetur ?
 Viuamus Lepores, audent si viuere ranæ .

18. Atquæ maius adhuc , longèque potentius ægro
 Auxi-

Auxilium fuerint Aliorum vulnera, si, quo
 Illa ferant îdemi vultu, & quo pondere mentis,
 Insuper obserues : tranquillâ vt fronte dolorem
 Dissimulent : vt, vel lapsi afflictique, prementem
 Fortunam super assurgant, fatique ruinas .
 Talia, credo equidem, spectantem exempla pudebit
 Immodico questu casus vrgere minores :
 Nimborumque minas inter cœlique tumultus,
 Innubes roseâ pingi Thaumantide vultus
 Posse scies, animumque suo radiare Sereno .
 Nec tibi magnanimos heroas, & inclyta fastis
 Nomina, Anaxarchi letho insuperabile pectus,
 Crescentemque animis rerum per damna Catonem
 Obijciam . Mediæ vel plebis in ordine, siccis
 Luminibus multos ea passim fata subire
 Aspicias, quæis ipse, & adhuc leuioribus ictus
 Fœminea effundis bilem in lamenta, diemque
 Projicis, iratus Superis, vitæque, tibi que .
 Nam quæ tam miseri (libeat perpendere) lucas
 Materies ? Teneris illudit bruma racemis,
 Palladios fœtus decoxit fortior æstus,
 Inuida spem largæ Cereris rubigo scellit .
 Hinc dolor, hinc lacrymæ : Qui conclamatus, & omni
 Deiectus spe viuam ? O fœda inscitia, necdum,
 Qui viuas, didicisse ! At pronum discere . Viues,
 Omnis vt artificum pubes, vt nauita, sutor,
 Rusticus, vpilio, miles, generisque per Orbem
 Humani pars magna, foret queis copia diues,
 Quod tibi, post cladem, reliquum . Te parcior anni
 Vnius exanimat fructus, quem fœnore largo
 Excusabit agris ventura manentibus æstas :
 Haud stabiles illis reditus, haud iugera certi
 Vlla soli : vix, quod naturæ vota requirant,
 Suppetit : eximio sortis pro munere ducent,
 Si rigidos, quamvis crassa, atque hirsuta, Decembres
 Penula submoueat : si quantulacunque paratæ
 Frugis ad exiguum non desit copia victum .

Nec

Nec tamen exosam propero vel funere vitam
 Abijciunt, vel perpetuo mœrore fatigant :
 Quin curis miscere iocos, atque edere plausus
 Sæpe vacat : festæ in primis Solemnia lucis
 Cum redeunt, longoque modum posuere labori .
 Tunc etenim, madidi Baccheo nectare venas,
 Per virides incompositis iam motibus agros
 Subsiliunt ; bifori iam pastoralia buxo
 Alternant hilares modulamina ; iamque, torosis
 Pectora nodantes, & mutua colla lacertis,
 Pisææ veteri luctantur more palæstræ .
 Conscia festiuis circum clamoribus arua,
 Frondiferique sinus nemorum, collesque resultant .
 Latitiæ hac igitur pompâ præferre beatos
 Se liceat, quæis fulgor opum, quæis laeta supellex,
 Omnia quæis genij procul oblectamina, nullum
 Esse sibi gnaris, nisi de sudore diurno,
 Præsidium certum, & vitæ instrumenta tuenda ?
 Tu, cui res tantò melior, squalentia nigris
 Perpetuùm lacrymans obduces nubibus ora,
 Et tantùm Æmilij non pontis ab aggere mittes
 Damnatum caput : immodici quòd copia luxûs
 Haud superet, vanis sed parcens sumptibus, intra
 Naturæ positos cogaris viuere fines ?

19. Vnde hæc, scemineis vel sensibus inficienda,
 Mollities ? An dissimili tibi pectora finxit,
 Et reliquis natura luto Mortalibus ? An te
 Ex florum succis, aut illo condidit, æther
 Quo matutinus conchylia rore maritat ?
 Heu nimis indecores animos ! Scruissima sortis
 Fulmina, ceu fragiles, Alij, sine cuspidè thyrsos,
 Excipiunt : minimi ad speciem dubitabile vulnus
 Te culicis plorare iubet : confinia summæ
 Vix cutis exiguo districtus acumine, rumpis
 Clamorem, quantum neque Stentoris illa, læsus .
 Nec Diomedæa Gradius Homericus hastâ : (a)

Bac-

(a) *Homer. Il. lib. 5.*

Baccharisque furens, ceu, qui fallente securi
 Saucius, impulsis taurus diffugit ab aris.
 At quò Socraticis iterumque iterumque recocta
 Mens abiit studijs? Quò magni trita Cleanthis
 Porticus, & totas biberat quod pectus Arhenas?
 En stolidum vulgus, Sophiæ immortalia nunquam
 Tempa vel à primo cui limine cognita, laudis
 Te tamen in stadio victum post terga relinquit:
 Plusque illi ingenitus stupor & recordia præstat,
 Palladiæ tibi præstiterint quàm roboris artes.
 Mæta nec ignauo suffundere lumina fletu
 Desinis? Et turpes etiamnum cordis ab imo
 Rumpuntur gemitus? Graijs audita Lyceis
 Si nondum teneram firmarunt dogmata mentem;
 Vilibus in truijs quæ præstant obuia, saltem
 Confirment exempla. Illinc fas denique discas,
 Posse homini quovis fatorum in turbine frontis
 Lætitiam, nedum mentis constare vigorem.

20. Fac tamen, in duris sociorum fortia rebus
 Deficiant exempla; tuo num parua dolori
 Te penes, inque tuis opibus solamina restant?
 Aspera sit quamvis, nunquam sic funditus omni
 Sors hominem vacuat felicitis munere vitæ;
 Quin complura simul misero iucunda relinquat,
 Cætera quæ is lætus nescire impendia possit,
 Seque illis geniumque suum oblectare fruendis.
 Mors rapuit sobolem: sed prædia salua, cumentes
 Sed loculos rutilus pergit distendere Ganges:
 Quanta fluent illinc orbatis gaudia Canis?
 Res angustæ: operum felix at gloria, partum
 Et sophiæ studijs manet indelebile nomen:
 Aurea quo regum supra diademata frontem
 Erigis, &, tacitæ calcans obliuia Lethes,
 Perpetuos iam nunc vitam disponis in annos.
 Nulla parata mihi tam dulcis pignora famæ,
 In tenebris quin voluor, ais, præsentibus æquè
 Ignotus populis, ignorandusque futuris.

Non

Non alijs igitur famam excusare iacentem
 Præsidij opibusque licet? Quin aspice, fortes
 Quale tibi membrorum artus, immaniaque ossa
 Fulciat Herculeum robur, quot spondeat æui
 Lustra nihil Medico debentia, quàmque valenti
 Terreat, & longum voluendo stamine Parcas.
 Nullane tam pulchrum reris solatia censum?
 Ast illam, si quâ mercede parabilis esset,
 Non vnus toto supremæ munere sortis
 Duxerit, & sceptri pretio regnator emendum.
 Denique, cuncta licet mortalis Commoda vitæ
 Fatorumve, hominumve rapax iniuria tollat;
 Non tamen æthereos census, animoque repostas
 Diuinæ virtutis opes contingere siue
 Vlla hominum, seu fatorum vis audeat vlla.
 Fortunæ sacer hic fundus, mirabile donum
 Numinis, externis violari casibus vna
 Indecilis merces, externos quoslibet vna
 Delinire potens, largèque rependere casus.

21. Cur igitur plus amissi contristet egestas
 Vnius, alteriusque Boni, quàm cætera lætum
 Efficiat præsens implendis copia votis?
 Omnia naturæ cur præmia, donaque Diuinum
 Additus exiguae cladis corrumpat amaror:
 Nec magis hæc sociâ sese dulcedine tingat?
 Vnicus an lolij suffocat Gargara culinus?
 Tota perit læso Gauri vindemia botro?
 Hesperidum sylvis aut si felicibus vnum
 Aura nocens pomum perstrinxerit; ilicet actum
 De reliquis: nulli veteris iam gratia succi,
 Nulli priscus honor formæ: defluxerit omnis
 Autumnus vitio pariter confectus eodem?
 Fusus ab Hetrusco Dux Infuber hoste, paratis
 Suâ sit vbi iam sera dies accumbere mensis;
 Quam male tentatæ commouerat alea pugna,
 Turbidus in Famulos, inque obuia fercula bilem

Rustica

Ructabat, nihil irato non pectore damnans.
 Cui coquus impatiens sese ac sua munera sperni,
 Exitus aduersi certaminis, inquit, acerbo,
 O Here, confusum vitiat tibi felle palatum,
 Nec patitur syncero epulas dignoscere sensu.
 Sed, quosunque volet, pergat Mars texere ludos,
 Totaque sub signis conspiret Hetruria; nullo
 Vicerit id conatu, vt, noster fercula struxit
 Quæ labor, absurdi veniant culpanda saporis.

22. Adde, quodd vrgentis Fortunæ spicula, ritu
 Cuspideis Æmonia, feriant hinc quamlibet; ictos (a)
 Inde iuuant tamen, & cum vulnere vulneris vnâ
 Lenimenta ferunt. Nam cum Deus indole tali
 Seu Bona, seu Mala condiderit mortalia, nunquam
 Vt penitus diuisa fluant, sed fœdere certo
 Alterius semper sortis sors altera partem
 Contineat; Bona dum nobis extraria, Natos,
 Rem, fasces, titulos Fortuna volubilis aufert;
 Vnâ etiam stimulos animi, fastidia, curas,
 Et reliqua his adiuncta Bonis discrimina tollit.
 Nec secus, ærumnis quoties immitibus vrget,
 Famam onerat probris, languoribus inficit artus;
 His agnata Malis pariter compendia donat.
 Et tu, ceu vitæ rudis, imprudensque Futuri,
 Viribus inualidum, titulorum & honoris egentem
 Te quereris, pulsumque domo. quem corporis ægri
 Ni labor hic thalamo affixum retineret, obortâ
 Per ludum (quod sæpe vides contingere) rixâ,
 Fôrs male vitatum iugulo, vel pectore ferrum
 Exciperes: qui, sperati si culmen honoris
 Nactus eras; lapsum cælo Phaetonta referres,
 Sæua Ionis subiens irati fulmina: dulci
 Aut nido procul ignotis in finibus æuum
 Ni traheres; luxu facillè corruptus inert
 Ventura in rapidos iecisses semina morbos,
 Hæres ante diem patrij dicende sepulcri.

Quam

(a) Vide Pl. lib. 34. Hist. Nat. cap. 15.

Quàm miros Fortuna sibi componere gaudet
 Rebus in humanis ludos? Aduersa secundis
 Auspiciū quoties fecere, ruinaque felix
 In gremium lapsos sortis proiecit amicæ?
 Hostili medium transactus vulnere pectus
 Nil se iam Superis debere Pheræus Iason (a)
 Crediderat: vomicam tamen in Vitalibus altè
 Hærentem explicuit mucro, fidusque, salutem,
 Quam non attulerat Pæon, ferus attulit hostis.
 Quis non exitio hybernas fore duceret aruis
 Seminibusque niues? Atquæ noua ducitur inde
 Ad sobolem virtus: formandis fortibus aptus
 Dum calor, & viuax naturæ spiritus intro
 Cogitur, ac teneris radicibus insinuat se,
 Perficiens, quæ læta suo dein tempore pubes
 Exiliat, varijsque annum prouentibus ornet.
 Quid moror? Ipsa etiam morbis prodesse venena,
 Multa mouens hominum in dubijs solertia rebus
 Comperit. Exemplo est aconiti inamabile germen:
 Luminibus quo vix ægris præsentius vllum, (b)
 Importuna premant liquidos si Nubila visus,
 Auxilium venit, offusasque eliminat umbras.

23. Atq; hoc, perspicuâ, Graiæ immortale Minerue
 Lumen, Epictetus signauit imagine: rebus
 Dum medijs geminas hinc, illinc addidit ansas: (c)
 Dextram ynam, sine fraude licet qua apprehendere; læuâ
 Ast aliam, nulli vnde queant impune teneri.
 Nimirum sociæ ingenijs discordibus ansæ
 Oppositas rerum vires, effectaque partim
 Commoda, Mortales partim lædementia signant.

24. Quocirca id reliquū, ratio id planissima dictat,
 Infidi capulo vt lateris solerter omisso,

Dextro,

(a) *Plus. de capienda ex hostibus util. & Val. lib. I. cap. 8.*

(b) *Plin. lib. 27. cap. 3. Maiores oculorum medicamentis aconitum misceri saluberrimè promulgauere, & aperta professione, malum quidem nullum esse sine aliquo Bono.*

(c) *Cap. 58. Enchir.*

Dextro, quidquid adest, potius mens prouida sumat :
Scilicet, à rerum titulis peioribus acto.

Vt retrorsum animo, &, quantum licet, vsq; reducto,
Non, nisi quod sese placitum ostendit in iisdem,
Contempletur : apum ritu, quæ, florea Veris
Circum regna vagæ, virosis quamlibet herbis
Insideant ; gratum vel tali e fruge saporem
Excerpunt, operosa dein quo mella laborent,
Fragrantique suas distendant nectare cellas .

25. Nouerat id Cæsar : Libyæ squalentis in oras
Æmathiæ qui fortunam, & victricia signa (a)

Dum trahit, arrepto vix primùm in littore lapsus,
Haud lætis hostile solum tetigisse videri

Auspicijs poterat, ni tristem ad prospera casum
Flexisset, Teneo te, clamans, Africa: nostra es .

Nec ducis Oebalij dispar solertia : centum (b)

Qui simul Auroræ populos, totumque sub armis
Xersem ad Thermopylas pugna excepturus iniquâ,
Nescio quo, telis, ierente, hostilibus ipsum

Ilicet obnubi media inter prælia solem ;

Lethifero illo etiam in nimbo, Martisque procellâ
Aduertit sapiens, meritò quod posset amari .

Et, Bene, ait, narra : nimios certaminis æstus

Pertimui : leuat hac nubes me ferrea curâ .

Gratia Dîjs, hostique : aderit pugnantibus umbra .

26. Et verò, nisi tam dulci deuinxerat arte
Oppositas rerum formas elementaque Numen ;

Ipsa sibi discors nutantis machina Mundi

Haud, reor, immotâ posset compage teneri :

Sed ciuile nefas, æternaque iurgia scissum

Hinc, atque hinc furibs agerent immanibus Orbem .

Nam mediâ cum parte Sui contraria pugnent

Quattuor inter se Naturæ corpora prima ;

Si nihil aut his spectandum, aut occurreret illis,

Præter eam, disconueniunt qua singula, partem ;

E

Arida

(a) Suet. in Vita cap. 59.

(b) Plut. in Apophth. Lacœ, de Leonidæa,

98. *EVTHYMIÆ.*

*Arida nunquam equidem tellus, atque aridus ignis;
 Illa liquentis aquæ, liquidi consortia ferret
 Aeris hic : neque fida satis durare caloris
 Aerij, & gelidæ posset vicinia lymphæ .
 Omnia quæ nexu nunc apta ligantur amico,
 Cognatæ alterius fido quia glutine partis
 Se retinent . Flammæ similis calor aerà iungit :
 Communi fluxu lymphis adstringitur aer :
 Undaque frigus amat vicinæ frigida terræ .
 Corpora sic inter pignantia, disque fidentes
 Naturarum habitus æternùm læta viget pax,
 Innectitque sibi concors discordia Mundum .
 Hunc igitur, constant quo rerum fœdera, morem
 Ad vitæ regimen, Mundique minoris ad vñsus
 Conandum nobis traducere, quælibet inter
 Si certam retinere iuuat discrimina pacem .*

27. Plurima cum porrò aduersis hærentia fatis
 Commoda sint ; primum, longèq; ante omnia ponas,
 Heroum eximijs nusquam quodd latior ausis,
 Angusto quàm calle, aperit sese area : nusquam,
 Fortunæ glomerata inter quàm Nubila, virtus
 Plùs radiat. Quid enim rarum ac memorabile, fortem
 Si præstes animum, facili dum vita suoque
 Prouehitur cursu ? Nemo, discriminis experts,
 Hæsurum capiti Phœbeæ frondis honorem
 Rettulit . Æolij rupto cum carcere montis,
 Indomitæ rapidi certant Aquilonibus Euri,
 Arcturusque minax fundo maris æquor ab imo
 Eruit, impingitque rati ; tunc ars tua, Tiphys,
 In pretio, clauique sagax dignoscitur vsus .
 Agminibus nullus, fac, misceat agmina Mauors ;
 Fortis & ignaui perijt discrimen : Achilli
 Par prope Therfites . Nemeæ portenta, tricorpos
 Geryones, sus Arcadicus, fera bellua Lernæ,
 Iunonisque odium, nec mollia iussa perenni
 Amphitryoniaden misere in sæcula famà .
 Debeat vt multùm Thesèo, Alcmenæque parenti ;
 Plùs

LIBER III. 99

Plūs tamen Eurysthéo, plūs debuit ille nouercæ :
Plūs Ioue patre virum euexit Iouis aspera coniux .

28. Fortuiti quoties igitur quæcunque Mali vis
Aggreditur ; belli, fac, tempus adesse gerendi
Sis memor, armatumque inferri cominus hostem :
Quicum iam, terris, cæloque fauentibus, amplâ
Compositus velut in caueâ ingentique theatro,
Experiare manus . Tecum dêin talia : Vires
Promendum ; ambigui præsens vocat alea Martis .
Nunc agitur, qui sim : virtutis, desidiæque
Spectator Mundus . Quid tum ? Certaminis ipse
Immemor, abiectâ, cuneis ridentibus, hastâ,
Ceu trepidus puer, imbellis vel fœmina, turpes
Exquiram latebras ? Auertite sydera . Præstat
Quolibet arma tenentem infesto occumbere letho,
Dedecoris tanti quàm stigmatè nomen inuri :
Scilicet immotus sæuâ Gladiator arenâ
Prouocet aduersum nudis Vitalibus ensẽ,
Impaudamque animam per hiantia vulnera fundat ;
Me leuior duræ exanimet violentia sortis ?
Immo, age, crudeles, quantum libet, augeat iras .
Hoc iuuat : augebit palmæ decus acrior hostis :
Fama suis crescet cum cladibus : ingentemque,
Par mensura Virorum, ingentia vulnera prodent .
Nemo, suæ, doluit, quod plurima suppetat artis
Materies, faber . Ars Hominis pulcherrima, virtus ;
Ærumnæ, virtutis opus : ne gratuler illis ?
Tanta nec oblata complectar præmia laudis ?
Carior est, magno steterit quæ gloria sumptu .
Ipsa Mali, premit heroum quæ corpora, moles,
Nominis æterni stat nobile Mausoleum ;
Ipsæ illos calcanda vehunt super astra ruinæ .
Verberibus plagisque suæ explorasse feruntur
Stirpis Amyclidæ ingenium, qui fortiter ictus (a)
Exciperet puer, hunc patriâ fassî indole dignum .
Sic & sydereus Genitor per tristia prolis
Sumit adoptandæ specimen . Qui lege probari

100 EVTHYMIAE.

Hac renult, diæ renuit quoque stirpis honorem :
 At mihi ne quisquam genus immortale merenti
 Illacrymet . Perijt fortis patientia : casus
 Frustra omnes fuerit consumere ; si mea luctu,
 Non hilari virtus censetur digna triumpho :
 Infelix potiùs videor si dura ferendo,
 Quàm sacer . Ærumnæ vulgi plorentur inertis :
 Fortiter exhaustas lædit, nisi Mundus adorat .
 Plus homine est, humana animo qui pertulit æquo :
 29. Iuuerit hoc etiam, certo si certiùs omni
 Constituas, nihil inconsulto Numine magni
 Rebus in humanis posse, aut contingere parui .
 Non error, casusque rapit mortalia . Cæcum
 Fortunæ numen sceptro donauimus, Ipsi
 Veriùs heu cæci . Qui condidit omnia, iustis
 Omnia supremus naturæ temperat author
 Legibus, euentus dubios, inopinaque fata
 Ad certum per nota sibi compendia finem
 Circumagens . Vano trepidi quid volumur æstu ?
 Ipse sui nouit causas moderaminis : ipse,
 Quid magis expediat, rerumque quis aptior ordo,
 Perspicit . Adriacas pinu sulcante procellas,
 Nonne vides, vt vectorum manus inscia ductu
 Auspicioque sui volitet secura magistri :
 Vt nihil addubitet, se seque per omnia doctis
 Illius imperijs, & canæ præbeat arti
 Morigeram ? Si ductori, qui seu malefidus
 Fallere, seu falli potis est male prouidus, vltro
 Permississe iuuat nos, nostraque ; fidere summo

CUR

- (a) *Vide Plut. de Instit. Læcon. ubi, licet experimenti mentionem non faciat ; magna tamen gloria dicis Pueris fuisse, verbera fortiter excipere . Pueri per integrum diem flagellis cæsi, sæpe ad mortem vsque apud Dianæ Orthiæ aram, læti alacresque tolerant, atque inter se de victoria certant, in eo posita, quis diutius magisque perferat verbera ; victoremque summa consequitur gloria . Certamen id flagellatio dicitur, & quotannis habetur .*

LIBER III. 101

Cur dubitet quisquam Rectori, hominumq; Parenti :
Fata supercilij nutu qui condit, & zui

Perpetuos certo deducit tramite cursus :

Quem nihil ex Mundi serie vicibusque futuris

Præterit, & dulci qui nos dignatus amore,

Quidquid seu furor hostilis, siue aspera vitæ

Lex iubeat perferre, humana ad commoda flectit ?

30. Certè equidem, nostri quanquā nil vsibus Orbis

Prospiciens mortale genus per triistia quæque

Duceret ; in iustas etiam tum nulla querelas

Suppeteret ratio . Mundi ille æterna potestas,

Quidquid agat, nullo sub iudice reddere causas

Cogitur . An sua demoliri, perdere, iamque hos,

Si libeat ; iam diuersos, si malit, in vsus

Artifici flexisse nefas ? Si quisque suarum

Vindicat arbitrium rerum : diffingere nullo

Si figulus prohibente potest, quam condidit, urnam ;

Quidn̄ iuris idem in sua regna, suumque Tonanti

Concedatur opus ? Cur illi ex omnibus vni,

Prodūxit Domino quem vitæ ad lumina nutu,

Haud liceat dominis moderari nutibus orbem ?

Nunc placido summæ rationis pondere fata

Cum regat, & nostrā mitissimus omnia libret

Vtilitate Parens ; tam dulcia iura subire

Quis renuat ? Quis non patiatur, ametque regentem ?

31. Dura iubet : sed enim Patrem, vel dura iubendo,

Se probat . An dulcem curare fatetur alumnum

Tunc genitor tantū, cum pronas ad oscula tollit,

Aut gremio fouet, & blandis complectitur vlnis ?

Non mage adhuc patrij sensum declarat amoris,

Ingressum teneræ, cum, iam lanuginis annos,

Prætextam mutare sago, castrisque penates

Imperat : vt, sæui per honesta pericula Martis,

Noscendum famæ se præbeat, eximijsque

Testetur genus, ac tollat sublimiūs ausis ?

Hæc tua conditio : sic & tibi maximus author,

Vincenda obijciens discrimina, consulit . An tu

Vbera setosis etiamnum ducere labris,
 Inque sinu gerulo semper, ceu bimulus infans,
 Ludere, blanditiasque audire, & reddere poscis.
 Deficeres nimium genitoris ab indole. Fortis
 Illius in Natos amor est: ad grandia quæque
 Protinus imbelles annos, primamque iuventam
 Instituit: neque desidia turpique veterno
 Ingenuas patitur vires corrumpere, duris:
 Sed studijs, meritæque iubet clarescere famâ.

32. Nullos at video, referes, præsentia fructus
 Quos olim peperisse queant discrimina. Quid tum?
 Præonij quoque non raro medicaminis Ægrum
 Vis latet: occultam nec secius inde salutem
 Percipit. Est Recti, est aliquid, decernere, nobis,
 Quod, licet ignaris, Superum Sapientia possit.
 Aspice belligeras acies, Mauortia castra:
 Omnibus anne illic communis buccina prodit
 Consilium mentemque ducis: cur inter opaci
 Furtivas nemoris latebras considerare turmam
 Iusserit hanc; promptis illam vigilare sub armis:
 Cur subito moueat: celeres quò destinet alas?
 Præscriptas sibi quisque vices, & munia lætus
 Occupat, imperij quamvis arcana videndam
 Se ratio neget. Antiqui sat prouida nosse
 Gorda ducis: Belli mens totius ille, quid aptum,
 Vtiliusque, videt cunctis promissibus vnus.

33. Cur tamen in lussis Cæli grauioribus villos
 Ipse etiam nequeas fructus agnoscere? Nullos,
 Fac, pariant alios; hoc ipsum fortia ferre,
 Numquid vile Sui pretium? Nil gloria mentem
 Ergo mouet, pulchris merces amplissima factis?
 Nil virtutis amor, vinci quæ nescia, clades
 Lucra facit, geminatque suum per vulnera robur?

34. O Pater, o naturæ, immensique arbiter æui,
 Duc, age, duc Famulos: tua quò suprema vocarint
 Imperia, obsequij haud segnes, animisque parati,
 Aspera, seu mollis via sit calcanda, sequemur.

Nubi-

Nubibus immittas Alpes, rapidisque negata
 Vel Volucrum pennis audaci vincere nifu
 Saxa iubes? Celsarum inter pendere ruinarum
 Ilicet Abrupta aspicias. Fœcunda venenis
 Reptilibus Libyæ sitientis in æquora mittis?
 Jam Libyæ celeri signabimus arida gressu
 Æquora, serpentum socij. Sulcare frementem
 Nerea vis? Tamidis concurrere protinus undis,
 Oraque vel mediæ iuuet irrupisse Charybdis.
 Pauperiem duram, famæ dispendia, tristes
 Carceris indigni tenebras, vincla aspera, morbos,
 Quidquid acerbum, inuisum, atrox, immane, feremus:
 Tu iubeas tantum. Nostras tibi cudere sortes.
 Vis æterna dedit: nos iussa capeffere nati.
 Ignarus nimis ille Tui, permittere tanto
 Non nisi compertis qui se rationibus audeat
 Ductori, lætusque minùs per saucia dumis
 Tesqua, per Hyblæis pictos quàm floribus hortos
 It comes. Humanis tu singula prouidus aptas
 Vsis: ad lætos tu dirigis omnia fines,
 Vna salus rerum, lex totius vnica fati,
 Consilijque potens Ratio, mensuraque Recti.
 O dignos (Quid enim haud meriti tã fontibus ausis?)
 O dignos, quibus ad votum fluere omnia, quosque
 Auspicijs per praua suis & deuia ferri
 Iure sinas, quicunque tuis parere recusant!

35. Talia si vulgo consent oracula; plausu
 Iam celebri, nedum nullo mærore, sinistros
 Excipiat casus: quin ipsa & nomina mutet
 In melius: geminæque adeo discrimine sortis
 Funditus humanis sublato e rebus, iniqui
 Nil superet, nil non felix & rite secundum.
 Si tamen infirmam minùs hæc sapientia mentem
 Alleuat, æthereoque licet decreta Parenti,
 Tristia pergis adhuc lugendaque fata vocare;
 Ast aliâ, vitæ in medio quæ sensibus ipsis
 Contrectanda patet, sæuum ratione dolorem

Lenieris, reputans animo, quàm concita cursus
 Festinent Humana suos absoluerè : teque,
 Quantumcunque miser iam sis ; haud vsque futurum.
 Numquid enim propero vaneſcere gaudia tantum
 Fine putas ? Nihilò plùs longa doloribus ætas :
 Nec, seu difficilis, seu commoda, nouit eodem
 Stare diu fortuna gradu, variabile naſta
 Ingenium : qualis tumido nunc proluit æſtu.
 Littora ; nunc reſſuens in ſe maris vnda reſidit :
 Ferrea vel ſpeculis, & turribus addita, verti
 Qui iubeant, nullos non audit lamina ventos .

36. Paruane retrò hominum ſeries, de culmine rerù
 Quos dedit in præceps, mox altiùs extulit, atque
 Inſtabili ludo per ſumma, per ima rotauit ?
 Sat Marium fuerit meminiffe . Quot obijcit vnum
 Personasque, vicesque caput ? Vulgaris ab imo (a)
 Ordine militiæ paulatim munera ſummi
 Veſtus ad imperij, mox illo e vertice lapſus,
 Poſt trepidas ex Vrbe fugas, vluxque paluſtris
 Præſidium infelix, & ferrea vincula, Cimbri
 Tantum non gladio cecidit liſtoris . An ergo
 Terminus hic leuibus fatiſ ? E carcere ſoſpes
 Mittitur, ac noua fortunam in conamina ducit .
 Scilicet vt ruruſ ſugiat, Libyæque repulſus,
 Deiectæ vagus, æger, inops Carthaginiſ hoſpes,
 Mutua det Pœniſ ſolatia cladibus . Immo
 Acrior vt redeat, quos & iam fugerat, vltuſ
 Hoſteſ, Romuleo Conſul moriatur in oſtro :
 Hanc Marij fortem quiſquã putat ? Hæc Hominiſ forſ
 Perpetua eſt . Luſtuſ, alternaque gaudia vitam
 Diuiſere ſibi : iamque hæc, iam protinuſ illi
 Temporiſ orcheſtram repetunt, nec, qui modò lapſuſ
 Vultuſ erat, vultuſ eſſe ſinuunt labentibuſ horiſ :
 Continuatque ſuâ ſemper diuerſuſ in orbem
 Circumagi leuitate chorus . Quæ talia vitæ
 Diſcorſ ingenium, atque æui mutabilis ordo

Cum

(a) Vide Pin. in eiuſ Viſa .

Cum toties, totiesque iteret ludibria ; quidquid
 Infesti durique tulit Dea mobilis, ore
 Haud alio nobis spectandum, ac Nubila primos
 Sub Zephyri flatus euanida, noctis opacæ
 Aut horror iamiam Eoum reuehentibus axem
 Decessurus equis . Certè Mala, vix Mala, quorum
 Principio finis tam proximus . Indue lætas
 Spes igitur, neu cede animis . Post pauca dierum,
 Fors etiam spatia horarum, qui nunc grauis instat,
 Aufugiet dolor, & vacuas soluetur in auras .
 Erudiunt annos anni, præbetque sequenti
 Transactis documenta dies . Metire volutæ
 Hactenus ætatis seriem : quot casibus ægram,
 Quàm varios inter querulam fluxisse labores
 Comperies ? Rapido ablati qui temporis æstu,
 Nunc vbi ? Quaque Sui minimâ iam parte superfunt ?

37. Esto tamen, seros cursum producat in annos ;
 Sic quoque dicendus brevis est dolor . Vltima fati
 Nempe vbi lux aderit ; cum vitâ finiet omnes,
 Vita quibus premitur, casus . At quàm prope distans
 Terminus is, tangique celer ? Non publica vulgi,
 Doctorumque pari feruet querimonia sensu,
 Tam breuibns spatijs angustoque æquore claudî
 Viuendi nobis data tempora ; presserit vt vix
 Mortalis primo limen pede ; iamque supremas
 Miretur subitò ad stadij consistere metas ?
 Et merito : quid enim Pyliæ quoque cana senectæ
 Lustra, vel Euboici rugosos pulueris annos (a)
 Dixeris ; ad seriem immensam, numerosque patentis
 Longiùs æterni, toties & longiùs æui ?
 Nempe minus multò, stagna ad Neptunia roris
 Quàm matutini trepidantem in gramine guttam .
 Penè fuit, simul æ cœpit, cum tempore quidquid
 Labitur : in vastum quamvis se porrigat orbem ;
 Instar habet nihili, si limite definit villo .

Cur igitur vitamque breuem, immensumque dolorem

E 5

Con-

(a) Vide Quid. lib. 14. metamorph. v. 137.

Conquerimur ; nunquam patet hic si longiùs illâ,
Sæpe etiam gyro cursum breuiore coerces ?

Aut cur perpetuo manantibus vberè riuus
Flere iuuat, standi quæ nescia, tangere primos
Iamiam supremis properant occasibus ortus ?

38. Si, quoties rerum lætarum terminus instans
Obijcitur, mens ægra dolet ; cur, sine malarum
Proposito, non æqua ferat solatia ? Tristi
Gaudia quæ luctu breuitas confundit, amarus
Cur nequeat miscere pari dulcedine luctus ?
Pauca sub hæc, mortale quibus componitur æuum,
Horarum segmenta, manet nos altera, longè
Occiduas egressa vices, arctataque nullis
Limitibus, nullis obnoxia casibus ætas .
Quid Superis curare parem, quid legibus æui
Maiorem, genitamque æternæ in sæcula mentem
His breuibus Gyaris, perituræ hoc carcere vitæ
Stringimus ? Illa animo potiùs voluenda capaci
Tempora sunt, in perpetuum redeuntibus orbem
Temporibus conferta : illud sine fine refusum,
Complexumque omnes numeros, nec ab omnibus ipsum
Comprehensum numeris, totum æternumque putandû est .
Scilicet, immensis ibi cursibus vltiora
Mirati in spatia, vltioraque semper euntem
Oceanum, quidquid metas extremaque nouit
Littora, vix nihilo maius ducemus, eoque
Indignum, deceat cui mentem aduertere, cuius
Vel tenui stimulo sensus nos curaue tangat .

39. Denique, fortuitis si casibus vtilis ira ;
Si miseros lamenta iuuant ; irascere : bilem.
Euome per lacrymas, per iurgia : nulla querelis
Hora vacet . Quid adhuc cessas ? Vltro ipse iuuabo :
Clamemus . Rigidis proh durior Apennini
Sors scopulis ! Adeone iuuat scire ? Cruentam
Nullæ adeo clades exemplaue dira nocendi
Expleuere sitim ? Rapuisti dulcia, Natos,
Pignora, rem, titulos : inopem nudumque paternis

Iu-

Truxisti laribus. Quid iam, nisi spiritus æger,
 Restiterat, corpusque suis vix ossibus aptum?
 En etiam tristes has lædere noxia pergis
 Reliquias, miseræ fragmenta nouissima vitæ,
 Affixumque toro longis cruciatibus vrens,
 Ante necem spirante iubes putrescere bullo:
 Nilque mei, duras possent qui flectere cantes,
 Te gemitus, lacrymæ nihil, & suspiria tangunt.
 Quin age, iam totam semel, immanissima, profer
 Sæuitiem: neu quid supra tibi denique restet;
 Inuisum caput hoc quovis interfice letho.
 Sed parcis, video, laniandi sæua voluptas
 Ne pereat, mecum tandem consumpta: parùmque
 Infelix videor, letho si torquear vno:
 Nec tu infesta satis, mortes-ni mortibus addas,
 Extremumque diem nullâ non licet reducas:
 Ergo ego sum, cui nec permittunt viuere, nec dant
 Fata mori: totiesque vnum qui ducere funus,
 Lætitiz, cogor, vitæque, mihi que superstes?
 Heu miserum caput! Heu nimium crudelia fata!
 Talia cum semel, atque iterum, cum nocte, dieque
 Assiduus, totoque dolens iactaueris anno;
 Perdita num res, aut soboles, vel fama redibit?
 Num dolor, aut rabidi ponet violentia morbi?
 Nil minus. Inconcussa suo stant pondere fata:
 Irascique licet, non irascendo mederi:
 Quin potius querulis clamoribus experrectus,
 Admonitusque Sui, vehementior inde resurget,
 Paulatim quem longa dies sopiuerat, angor.

40. Et tu luctifonis indulges questibus, ictu
 Quod nimium nimiumque graui sis læsus. At ille
 Mitiùs hoc tolerandus erat, quod immitiùs vrget.
 Nam neque membrorum tactatio dura, nec asper
 Defixus laceris Vitalibus vnguis acerbum
 Viuidiore inbet sensu crudescere vulnus;
 Infestum ac violens exasperat ira dolorem.
 Cernis, vt acrias cursu delata sinistro

Aucupis in fraudes, prætentaque fila Volucris,
 Quò mage captivas infelix concutit alas,
 Argutumque mouet caput, & trepidantia crura;
 Firmiùs hoc visco, laqueisque tenacibus hæret?
 Casibus haud aliter mens irretita malignis,
 Dum furit immodicè, seque intolerantiùs æquo
 Versat agens, laqueos adeo non exit; vt iisdem
 Se magis, ac magis impediât, luctuque prematur
 Tristiùs ipsa suo, duræ quàm crimine sortis.
 Mitte igitur steriles gemitus, nullique futura
 Præsidio ad vulnus pueris lamenta relinque.
 Si verum excutias; tenuis plerunque dolere
 Causa iubet: facis ipse grauem nimiamque, dolendo.
 Est in Dalmatiâ (Plinî saltem fuit æuo: (.)
 Ille author fideique caput. Nunc duret; iniquas
 Senferit an leges mutantis cuncta senectæ,
 Indigenæ referant) altè submota recessu
 Vmbrifero specus, & pendentibus horrida tophis.
 Quò si sublatum per littora curua lapillum,
 Ponderis aut minimi glebam demiseris; ingens
 Protinus ex imo audiri fragor: omnia raucis
 Turbinibus mugire, erumpentisque procellæ
 Horrisonus latè furor increbrescere. Pulsu
 Cuspидis Æoliæ patuisse immania nimbis
 Clastra putes: rapidosque aduersa in prælia fratres,
 Vnâ Eurum, horribilemq; Notum, Boreamq; niuaalem,
 (Ne mea, ne pelago volitent tunc carbasa) fundi.
 Tot tempestatum fremitus, cælique ruinas
 Tantulus immissi lapidis ciet ictus: inertum
 Scilicet appositâ mores animosque virorum
 Effigie referens: quos quantulacunque sinistra
 Vis agitat sortis, minimoque extrinsecus icti
 Vulnere, turbatis clamoribus omnia miscent,
 Et cælum terris confundunt, æquora cælo.
 Cum Sapiens contra durissima quæque laborum
 Arduus, immotus, ceruicibus Atlanteis

Exci-

Excipiat : quantòque, suâ vi fultus, iniquis
 Promptior occurrit fatis ; vrgentia tantò
 Commodius ferat : intento ceu poplite nixus,
 Erectisque humeris, minùs ægrè Baiulus alti
 Pressum oneris durat : cui si ceruice remissâ,
 Nutantique gradu successerit æger, anhelans ;
 Obruitur, nimîaque impar sub mole fatiscit .

41. Id genus ad varios si quis solatia casus
 Comparet, aduerso & quoties fors ingruit ictu,
 Utendi celer expromat ; non seciùs illis
 Implacidos curarum ægro sub corde tumultus
 Leniet ; ac notæ blando poppysmate vocis
 Feruida latrantis componitur ira Molossi,
 Spirantemve minas, & squamea colla tumentem
 Thessalus artanis sopit concentibus anguem .

42. Nec mihi displiceat, qui, vulnere fixus acerbo,
 Dum nouus in cursu dolor est, dum cruda cicatrix,
 Seu doctis animum studijs inuoluit ; opaci
 Seu virides ruris latebras per Tuscula Tempe,
 Perque tuas Anio sequitur placidissime ripas :
 Quâ tepidi soles, & cæli purior haustus,
 Sylvarumque placens horror, muscosaque saxa,
 Et Volucrum dulci resonant nemora auiâ questu .
 Iamque, latus socijs itipantibus, ad leue murmur
 Diffugientis aquæ, molli proiectus in herbâ,
 Ingenuos mittitque sales, lætusque remissos
 Excipit, & gratis fallit sermonibus horas ;
 Iam fidium, vocumque hilari discrimine luctus
 Temperat: Eumenidû ceu quondâ Oeagrius Orpheus
 Immites animos, terque allatrantia monstra,
 Et Iouis inferni non exorabile pectus
 Permouisse, lyram quo mouit, carmine fertur .
 Scilicet ad numerum componens cuncta modumque
 Omnipotens faber, immensum cum fingeret Orbem,
 Nescio quam nostris impressam condidit altè
 Sensibus harmoniam, modulis quæ dulcibus ista
 Respondet commune melos : sique absona fortè
 Dissi-

Diffideat sibi ; concentum numerosque priores,
 Externo præcunte sono, iam læta resumit,
 Iam memor ipsa Sui . Quocirca sæpiùs ægris
 Auxilium præsens tulit artubus, inque cubantes
 Depulit arguto modulamine tibia morbos, (a)
 Abderæ nisi vana fides : iuuenisque furorem,
 Igne Cupidineo, stimulisque effrænibus acti, (b)
 Pythagoras medico potuit compescere cantu .

43. Sed tamen hæc, læsis extrinsecus addita fibris,
 Haud par frangendo penitùs medicina dolori est .
 Sopierit crudum potiùs, quàm debeat hostem :
 Et breue suspensi certaminis interuallum,
 Non integra feret mansuræ gaudia pacis .
 Sola igitur præsens animi fidumque leuamen
 Rebus in aduersis Ratio : conuellere sola
 Indomitos imò poterit de pectore luctus .
 Numinis hæc sacrum munus, panaceaque, nullam
 Non facilis pepulisse luem : hac immania quæque,
 Veriùs, Herculeæ ficto quàm robore clauæ,
 Monstra cadunt : Phrygiæ hæc mirabilis illa tyrannâ
 Dexterâ, felici in pretium quæ vertere tactu
 Vel fliceis, dumosque, ac rerum asperrima nouit .



EVTHY-

(a) *Geol. lib. 4. cap. 13.*(b) *Quintil. lib. 4. cap. 10.*



EVTHYMIÆ

Liber Quartus.

PÆONIO tristes olim qui munere morbos
 Exierant, genus auxiliij, nomenque vetustam
 Prolis Apollinæ cum testarentur ad aiam;
 Marmoreis descripta adytis medicamina.
 In memores fertur Senior retulisse tabellas: (Cous.
 Moxque suam, rapido cum debacchata furore (4)
 Haussisset medicum pestis Vulcania templum,
 Per populos vulgasse, recens Asclepius, artem.
 Corporeis curam quam præstitit ille, fugandis
 Hanc mihi mens morbis animorū impendere. Vosq;
 Vos adeo, Sophiæ sacraria, quæ neque flammæ
 Bacchantis vis vlla, nec xui iniuria soluat,
 Auxilij celeres succos, diuinaque vati
 Ad medicos vsus præbetis pharmaca. Quorum
 Plurima cum facili iam carmine noster Apollo,
 Omnibus in commune Malis latura leuamen,
 Prodiderit; nunc, quæ certis magis apta medela
 Casibus, & quid opis sibi vulnera quæque requirant,
 Expediam. Qualis barbatus sæpe Machaon,
 Instantis medius lethi, vitæque Sequester,
 Publica languentium per diuersoria, Xyste
 Seu tua, seu fertur tua Cælie, porticibusque
 Dispositos hinc, inde toros ex ordine lustrans,
 Curam alijs aliam, pro disparis indole morbi,
 Præcipit: huic venas solui; purgantibus illi
 Tergeri stomachum, limosæque viscera succis.
 Scammonææ tu sextantem torbebis. Amaro

Abfin-

(2) Vide Plin. lib. 29. H. St. Nat. cap. 10.

Absinthî mergenda lues tibi rorè . Nouenos
 Te glutire croci trita cum polline myrrhæ
 Orbiculos lex nostra iubet . Præcordia crasso
 Huic Arabum gummi, aut violæ, nardique fouentor
 Vngvine . Cantharidum mordaci puluere contra,
 Inductoque sinapisino distringere suras
 Huic melius . Pendent circum distantis ab ore,
 Singulaque excipiunt calamo præcepta Ministri .

2. Ergo age, Fortunæ duro qui saucius ictu
 Fixa cruentatis circumfers spicula venis,
 Huc ades, & cæci stimulos causasque doloris
 Alto exprome sinu : quod conuenientia possim
 Vulneribus notis adhibere malagmata . Nullus
 Tam grauis est, penitusque sedens in pectore morbus,
 Nulla lues adeo tractantibus aspera ; victrix
 Cui fidum nequeat sapientia ferre leuamen,
 Rectori docilem tantum se præbeat Æger .

3. Censibus angustis & paupertate malignâ
 Vexor, ais . Confide : nisi quid tristius vrget ;
 Ærumnam subitò licet hanc exire volenti,
 Et plenis iam nunc inopem dediscere gazis .
 Nemo vocandus inops, cui par opulencia votis
 Contigerit . Non sine Midas, seu latius ipse
 Possideat Plutus . Contentus viuere paruo,
 Rebus & exiguis æqualia fingere vota
 S potes ; hæc tibi præ manibus iam copia : fortis
 Iam nihil ad cumulum superest : sub paupere testæ
 Terrarum latè dominos, rerumque potentes
 Diuitijs superas . Inopes causatiùs illi
 Se doleant, tantò quos importunior angit
 Pauperies, imis quantò plus fixa medullis .
 Aspice, quàm multis egeant, vt semper anhesi
 Plura inhient . Num, quos votorum & cordis inanes
 Vsque vides, meritò locupletes dixeris ? Arcæ
 (Nomina pro rerum ingenio si fingimus) Arcæ
 Illorum, ditesque domus iactentur, Eois
 Quas opibus Ganges, & plurimus arctat Hydaspes :
 Non

Non Domini, quorum mens indiga : cum tibi contra,
Fructibus exiguis saturo, domus, arcaque tantum
Censeri mereatur inops, plenissimus Ipse .

Exime te sapiens fatis : si finxit auara

Sors inopem ; ditem subito mens æqua refinget ,

4. Pauperiem quereris. Fundorum aurique parata.

Nempe cares . At mentis opes, sapientia, virtus,

Ingenium, moresque adsunt . Quam rara supellex

Hæc homini, quam non pretij vulgaris aceruus ?

Ergo queat fului locupletem Summa metalli

Fingere ; non animi valeant tot munera, nullis

Munera Achæmenidum gazis venalia regum ?

5. Pauper es. Ipse ultro tam lætam inuadere sortē

Debueras, Cræsum nasci si fæta dedissent .

Democriti præijt sapientia : qui bene multa (a)

Re locuples : totam Xerxis sub signa coactam

Vt pater Auroram, omnigenum, innumerabile vulgus,

Plusquam regifico posset molimine structis

Excepisse epulis ; tam larga fauentis olympi

Dona, tot eximios fructus, melioribus instans,

Deferuit, lucris, & transfuga nobilis almæ

In paupertatis se dulcia castra recepit .

Proh quantum sorti debes ! Cum dotibus amplis,

Pabula nequitiae, & scelerum fomenta remouit .

Non quantum optares, tribuit : sed munere parco

Edocuit, quantum Sapientem optare deceret .

Sollicitum est lautos census seruare, molestum

Perdere . Dum dedit exiguos, vtrumque remisit

Hoc onus . Agnosce vltiora negantis amorem,

Et missis grates meritas persolue querelis .

6. Pauper es . An solus ? Iungendi fœderis inter

Romuleos Patres, Plebemque Menenius author (a)

Talis erat : talis summo quæsitus honori,

Versaret patrijs dum Quintius arua iuuentis :

Et quos præterea longum est percurrere clari

Nomi-

(a) Val. Max. lib. 8. cap. 7.

(b) Id. lib. 4. cap. 4.

Nominis heroes . Sua si non obfuit illis
 Ad decus, & vitæ Summam felicitas egestas ;
 Nec tibi, crede, oberit : tantum mens æquior adfit .

7. *Æqua foret mens, inquis : opum si nescius usq̃*
Perpetuum squalorem inter sordesque paternas,
Creuisssem æqueuâ cum paupertate : sed aulam
In patriam sortâ vix primùm e matre cadenti
Supposuit molles Opulentia blanda lacertos,
Ipsaque dein tenero lac præbuit, inque iuuentam
Patricijs medios produxit cultibus annos .
Cum subito, ignarum quo, versis turbi e fatis,
Iniecit sors nigra manum, luxûsque prioris
Nil misero, ingratum præter meminisse, reliquit .
Hinc dolor : hoc stimulis præcordia tristibus vrit .

8. *At genus id stimulos facili ratione retundes,*
Si nihil exacto noris præsentia damna
Augeri, quin & multum decrescere fructu .
Nam cur sit miserum possessa relinquere tandem,
Quæ foret haud miserum nunquam tenuisse ? Dolori
Ergo fauet, lætum fortunatumque fuisse ?
Obstet potius . Cur, quæ solatia mæsti
Ducere par fuerat casus, mæroris iniqui
Argumenta facis ? Nimum sua, mensor auarus,
Ah nimium curto definit gaudia gyro,
Nec nisi præsentis fruitur qui sorte, nec vllâ
Præteritos æui fructus in parte reponit
Lætitia . Volueri delabitur ocyor æmne,
Singula perque perit cursim momenta voluptas :
Quæ fuit, haud superest ; quæ præsens, ordine eodem
Jam fuerit . Digna hæc lacrymis si fata videntur ;
Nunquam hominû generi, nunquâ heu nô flere vaca-
Ceu nouat illa suas nullo nô tempore mortes. (bit;

9. *Sed neque Fortunam contra sit iustior iræ*
Materies, olim indultos, sua pignora, census
Legitimû Dominæ quodd pro ratione resumpsit .
Diuitias tibi, vel puero, fac, dura negasset,
Libera ceu poterat, multis ceu dura negauit ;

Nil

LIBER IV. 115

Nil tamen Astræ ad lances & iura vocandum,
 Prætoris rigidâ nil dignum admiserat urnâ,
 Parca quidem, rerum sed non nisi parca suarum.
 Vnde igitur lites, si denique sera reposcit,
 Annuit utendum tanto quod tempore, posset
 Cum tamen utendum nunquam permittere, munus?
 Ergone, quod facilis, culpetur? Præmia spargens,
 Probra metat? Rea non fieret, si parciore esset?
 Arguis iniustam. Quantò tu dignior huius
 Nominis inuidiâ: pugnes aliena, verante,
 Qui, Domino, retinere: dati neque pignoris usum
 In merito, sed onus reddendi in crimine ponas?

10. Esto, infida tamen te læserit, ut memoras, fors:
 Cur ideo noceas tibi nec crudelius ipse?
 Abstulit illa suos; rerum vilissima, census:
 Cur reliquos fructus, melioraque, prodigus ultro,
 Ad cumulum damni abijcias tu munera, dulcem
 Lætitiam, sophiæque iubar, cordisque vigorem?
 Hæc hominum felix possessio, quam sibi recta
 Mens parit: hanc, duri quævis iniuria faci
 Externas populetur opes, sit cura tueri.
 Magnanimi exemplo est virtus Stilponis: ab hoste (a)
 Direptis patriæ, qui, mœnibus, undique plangens,
 Undique dum tristis volitat dolor, & sua nemo
 Ciuibus e reliquis non desset damna; rogatus,
 Quæ sua privatim communit in turbine clâdes,
 Dij meliora, inquit. Clades procul omnis. Avaris
 Nil rerum eripuit prædo, eripietve mearum.
 Quæ prius obtinui, vel nunc intacta supersunt.
 Scilicet incoctam generoso robore mentem,
 Sublimesque animos, & docti pectoris artes,
 Hæc sua vir sapiens rebatur: cætera, sortis,
 Quæ, breue depositum, nunquam Stilponis in ære
 Duxerat, haud ablata sibi, sed reddita sorti
 Credebat Dominæ. Parili ratione cauendum
 Et tibi, ne proprii læsum quid fortè peculi,

Amis-

(a) Sen. epist. 9. & Laert. in eius vita.

116 EUTHYMIAE.

Amissumve reare, simul Dea lubrica, standi
 Impatiens, iam vasa legit : neu tristior æquo,
 Perfidia furtique leuem dum crimine damnas,
 Quas neque sustulerat, potuit neque tangere, sacras
 Compositæ tibi mentis opes, verissimus Ipse
 Fur, rapias . Dic, à seruo fugiente relictus
 Quod Cynicus . Iactura levis : cretatus agaso (a)
 Me caruisse potest ; vili non ipse libenter
 Mancipio caream ? Sine me sibi sufficit ille ;
 Non ego sufficiens mihi sim, desertus ab illo ?
 Turpe nimis, fastu quæ nos Fortuna superbo
 Negligit, eximiam nobis pulchramque videri .
 Redde pari par . Te fugiens aueritur ? Æquè
 Auersum sciat esse sibi . Fastidit amantem ?
 Mutua despecti referat fastidia . Curæ
 Quid tibi sit, curâ quæ te proscripsit ab omni ?
 Res habeat sibi rite suas : discatque, vicissim
 Se sine, posse tuis hilarem te viuere rebus .

11. Haud mihi pro magnis Fortunæ præmia, sensu
 Nec nimio levis hæc animum iactura moueret,
 Alter ait . Thalami, at sociam, dulcesque requiro,
 Altius impacto confossus vulnere, Natos :
 Heu Natos, sociamque tori, quos dura supremam
 Coniugis, & patris e gremio Libitina reuellit .
 Audio . Sed quidnam cognato in funere flendum
 Obijcitur ? Vitæ blandis quod fructibus illos ;
 An te quod potius Natura orbauerit illis ?
 Quidquid erit, neutri desunt fomenta dolori .

12. Exanimos luges, ceu dira & tristia passos ?
 Nempe ideo, reor, occiduo quia corpore functis .
 Nil vapor æstiuus, nil fert iam bruma negoti :
 Vel quia pauperiem, morbos, totque aspera sortis,
 Aspera naturæ iam tandem vindice letho
 Imperia egressi, nullas communibus ultra
 Cogentur fatis lacrymas impendere, nulla
 Coniugis aut sobolis pullati funera ducent .

Hecci-

(2) *Lacti. in vita Diog.*

LIBER IV. 117

Heccine sunt, manes vnde arbitrere dolendos?
 Demens! Ceu multò non iustiùs ipse videri
 Manibus infelix mereare, vrgentia mille
 Quem rapido circumueniunt discrimina ponto;
 Illorum ac ploranda tibi sint funera, certos
 Emeritâ portus qui iam tetigere carinâ.

13. Sin tua te potiùs mouet intercepta voluptas,
 Frigentemque torum, desolatosque Penates
 Non alio prorsus, fundi quàm damna, vel auri,
 Prosequeris gemitu; iacturas quæ modò tales
 Flentibus admoui, solatia nil opus ægro
 Hic iterum cecinisse. Illis e funere crudo
 Ortum, rite memor, poteris lenire dolorem:
 Haud Lachesi damnans, ictu quòd præcoce Natos
 Sustulerit, qui, mortales, quandoque perire
 Debuerant: magni statuens quin muneris instar,
 Quòd, inuenum florem rapido dum demetit vnguî,
 Vere tuos Fufis pergat viuacibus annos.

14. Funditus at periit domus, & spes tota nepotum.
 Dirum equidem memoras vulnus, crudele, nec vllis
 At flendum lacrymis. Nusquam genitoris imago,
 Paruulus Æneas, claræ qui nomina stirpis
 Excipiat, reparetque genus, in resque paternas
 Orte pari subeat. Villas, fundosque vacantes,
 Cruatosque diu census, cumulataque parcis
 Umpribus, haud parcis etiam sudoribus æra,
 Nescio quis, dignusve tuo quàm nomine, certè
 Externus, subitò veniens, inuaserit Hæres.

15. O cæcas Hominum curas! Rationis inanes
 Gemitus! En quid, busto nigrâque fauillâ
 Alterior, funestum adeo & lacrymabile ducas.
 Cilicet, occiduo postquam de carcere, vitæ
 Cælitis in sortem, fortunatosque Deorum
 Lenenis, humanis iam casibus altior, orbes;
 S, reor, æterno perfusam nectare mentem
 Conficiet stimulis gaudere vetantibus angor,
 Num consanguineâ quisquam de gente superfit,
 Nomi-

Nomine te referens : aut quis tibi posthumus hæres
 Contigerit, serusque tuâ dominetur in aulâ .
 At Cynicus moriens haud tantùm quærere spreuit,
 Fortiter ignarus, cui nam versatile tectum (a)
 Linqueret : aut quosnam, senij deductor, in vsus
 Mittendus post se baculus foret : ignibus esca
 Cederet ; an viduæ exciperet connubia vitis ;
 Sed neque, quid vacuo fieret de corpore, duxit
 Ad curas spectare suas : exanguia nudo
 Sub Ioue membra iubens, cippi sine munere, dulcem
 Vulturibus prædam statui, rabidisque Molossis .
 Si Cynicum tamen, agnati, veteresque sodales,
 Audent rabido contingere dente Molossi .

16. Illud ad hæc possis, sapiens, tibi dicere: Quid, si
 Contigerat Natos fesso succedere patri
 Incolumes ; ideone domus, se stirpe recenti
 Vsque nouans, longæ nesciret damna senectæ ?
 Seriùs, aut citiùs nascentia quæque supremum
 (Sic fatis placitum) properant contingere finem .
 Claudia nunc vbi gens ? Vbi magni sanguis Iuli ?
 Quis mihi Scipiadùm, Marcellorumque nepotes,
 Aut quis ab antiquis monstret superantia Gracchiis
 Germina ? Vel primi tot quondam nominis vrbes
 Heu pessum cecidere . Iacent Carthaginis altæ
 Mœnia, confusis vix agnoscenda ruinis .
 Pro Solyma Solimæ locus est . Viguisse Mycenæ
 Non oculis, famæ iam credimus . Ardua nusquam
 Pergama . Cadmeus cecidit labor : æquora nec te
 Bina, Ephyre, texere satis ; quin Romulus ignis .
 Congestas tot opes, tanto molimine ductas
 In cælum excidio fatali absumeret arces .
 Parua tamen loquor, ars hominum quæ struxerat, æui
 Vastantis miserum tandem iacuisse trophæum .
 Immo age, qui latè nos circumplectitur, Orbem
 Aspice, terrarum tractus, vndosaque regna,
 Ventorumque domos, cælique meabilis axes .

His

(a) *Vide Laert. in vita Diog. & Cicer. in l. Tuscul.*

LIBER IV. 119

His pariter suam (quis crederet?) ordine certo
 Nec sua Parca diem: nec longè sæcula, quando
 Hoc etiam triplicis Mundi, in quo cætera cursus,
 Interitusque suos peragunt, immane theatrum,
 Turbine flammifero exhaustum, in seseque sepultum
 Corruat. Et, lustris rapientibus omnia, fungi
 Nos quoque sorte pari mirabimur? Inter & altos
 Regnorum cineres, sonitumque extremà ruentis
 Naturæ, perijsse domum quis fleuerit vnam?

17. En Alius, tacitis mæroribus anxius, æger,
 ratusque sibi: socios rumore secundo
 Quodd celebres latè populi volitare per ora
 Num videat; nullo famæ plaudentis honore
 Indicet ipse suum Lethæis nomen ab umbris,
 Obscurum tacitumque agitans inglorius æuum.

18. Quisquis es, o, talis mentē cui cura remordet,
 Disce age, quàm tenui frauderis munere, quàmque
 Et etiam, licet ignoto penitusque latenti,
 Nil vitæ ad fructus, sinceraque gaudia desit.
 Quidquid abesse doles, summo quoque defuit Orbis
 Auctori, minimo nec tempore defuit. Ante
 Illicet e nihili æternis quàm promeret umbris
 Te genus Superum, ac mortalia sæcula; nullum,
 Nus fama sibi, & spectator, & omnia, testem
 Extra habuit decorum, miratoremque suorum.
 Num minùs idcirco sese tunc lætus in ipso,
 Num minùs externo vixit sine teste beatus?

19. Exemplis videor nimium sublimibus uti.
 Non decerne vitæ e medio propiora. Tonantis
 Inque aulam, nostrique redi ad commercia Mundi:
 Quot subito occurrent, priuato qui lare clausi
 Rigu is facilem naturam fructibus explent:
 Dimissaque Alijs miserà ambitione parandi
 Que togæ, seu bellorum per munia clari
 Lominis, ex sese ducunt suà gaudia, iuxta
 Nesciri populo, & populum nescire parati?

20. Sed quid ego, vitæ felicitis ad otia nullo

Esse

Esse opus illustris, doceo, tibi murmure famæ?
 Cum manifesta fides, vix otia sæuius vlllo
 Conficiat, famæ insignis quàm murmure, lædi.
 Angeris, exiguus volites quòd sermo, nec vllus,
 Te digito signans, Hic ille, admurmuret, hic est?
 Scilicet, angorum quòd causæ & semina desint,
 Angeris. Heu quantò plùs pectoris anxius esses,
 Sublimem, latè populi si tolleret aura?
 Quæis foret excubijs, & quàm non deside curâ
 Tunc opus, ingenio semper ne lubrica vanos
 Defereret furtim complexus gloria: neu quod
 Fortè nouum exoriens maiori lumine sydus
 Versa in se subitò vulgi traduceret ora?
 Anne quati miserâ toties formidine pectus:
 Luminis aspectu, quod proijcit æmula virtus,
 Non secus ac tedis Furiarum ardentibus, vri:
 Ex leuis aduerso, vel amico murmure vulgi
 Sollicitum pendere: illinc desumere mentis
 Omnem habitum, lacrymas illinc, & gaudia: ne quid
 Immemor exhibeat gestus, vox, vitæque, famæ
 Quod minùs ad veteris normam respondeat, l'oris
 Omnibus obseruare: palàm te prodere nunquam:
 Nil agere ex animo: ad speciem componere vitam,
 Id iuuat? O Superi me nunquam talibus, oro,
 Infensi, mattate Bonis. Inglorius æuum
 Traducam, dum securus, liberque, meusque.

21. Secretæ o vtinam libassent gaudia vitæ,
 Ambitio quos cæca insano turbine versat:
 Plaudenti procul à vulgo scenæque remoti
 Degere, non æquo duntaxat pectore ferrent;
 Sed vel prensantes vltro, spernique dolentes,
 Auerfi, effugerent titulos. Tam triste subiri
 Scrutium est, quo Fama suos exercet Amantes,
 Tamque onerosa humeris, præclarum, sarcina, nomen
 22. Quidnâ igitur? Referes. Neq; si perstringar ama-
 Scemmate, si ludus fiam, probrisque laceffar; (ro
 Vlla aderit iusti vel tunc mihi causâ doloris?

Nulla

Nulla equidem . Vel enim feriunt inimica merentem
 scommata ; vel temere iactis traduceris insons .
 Si primum , fers digna : nec iræ suppetit ansa ,
 Lætitix at potius : quando vel ab hoste doceris ,
 Quid caueas , nullaque tibi est mercede repertus ,
 Sumeret arcanis qui te , Podalirius , ultro
 Purgandum vitijs . Neque enim præsentius vllum
 Antidoti genus infectos detergere mores ,
 Quàm censura iocis mordacibus illita : sensu
 Tristior illa quidem : sed amica in munera vires
 Hinc habet , haud medicæ tantum latúra opis , ægras .
 Si minùs austerò morsu peruelleret aures .

Vtere felici auxilio : vitijsque remotis ,
 Fœda simul meriti abstuleris contagia probri .
 23. Ludibrijs iustam nullo sin crimine causam
 Obtuleras : rationis inops sed turba maligno
 Immeritum risu , dictisque procacibus vrget :
 Siue quòd , attonitis oculis vultuque supino
 Dum graderis , totam sublatus in ardua mentem ,
 Securum , pingui via quâ densissima cœno ,
 Strauerit offensi gressus iniuria corpus ;
 Siue quòd , hinc illinc laxo pendente galero ,
 Hirsutisque supercilijs , Afroque colore ,
 Et naso enormi , ac vitreis specularibus aucto ,
 Insolitam exhibeas speciem : nutricula qualem
 Ploranti puero Empusam , horribilemque minatur
 Manducum ; nullo genus id iocularia sensu
 Præterijssè licet . Quis enim , modò sanus , ineptas
 Amentum voces inter sibi seria credat
 Ponendas , hilari neque risu explodere malit ?
 Atquì sic habeas , vanam quicunque , ferendis ,
 Rerum in iudicijs , speciem sectantur , auitis
 Ut libet insignes titulis , & plebis honore ,
 Stultorum genus esse , haud multò sanius illis ,
 Quos Antoninæ spectans monumenta columnæ
 Verberibus , iustisque domat custodia vinclis .
 Finge illos te fortè lares inuisere , & omnem

F

Ridi-

Ridiculam venienti actutum illudere turbam :
 Hunc in composito linguam exertare cachinno ;
 Spumifero illum oris nimbo, putrique salivâ
 Ninguere ; lentandis Tyrrhena per æquora tonsis,
 Ad Centumcellas alium, & pœnalia transtra,
 Prætoris velut edicto, te mittere : fronti,
 Nec dēesse, affingat qui cornua, quique latronem,
 Periurumque , Magumque, trifurciferumque salutet.
 Talibus an xenijs titulisque acceptus, iniquâ
 Mente domum, lætoque minùs discesseris ore ?
 Haud reor, insulsæ vitio ni mentis eodem
 Desipias : quin ridentes illa inter Amicos
 Iurgia mox iterum ludens, iterumque referres .
 Cur aliorum igitur, medijs impunè vagantur
 Qui triuijs, Agamemnonidum Amphiaraidumque
 Altiùs impresso feriant te sibila morfu ?
 Anne isti numero quia plures ? An quia ferri
 Vincula procul, nullusque tenet quòd carcer ? Inepre :
 Hic veluti res summa foret . Non vincula stultos,
 Non numerus, sedesve probant ; sed turbida mentis
 Iudicia, & species prauæ, & rationis egestas .
 Hoc si morbo hominum plerique, per omnia latè
 Compita, perque domos, capti non seciùs, ac quos
 Hellebori succus, succoque potentior omni
 Fraxineus fustis secreto in carcere curat ;
 Nil equidem superest, pretij discrimine cur hos
 Secernas alijs : animi vel dispare sensu
 Cur dignanda putes, patulis quæ faucibus aut hî
 In ventos, aut hî temere conuicia iactant .

24. Despiceris, vultu ceu subniger, inque venustus.
 Despice tu contra, vt fatuos & mentis inanes .
 Cautus id imprimis, ne, si commotior æquo
 Ebria vesanz excipias diſteria turbæ ;
 Illius in numerum venias, ridendaque sanis,
 Futiliter plorans, de te spectacula dones .

25. Nam quæ spectatùm ad lusus sic facta phrenesis,
 Ceu stolidi questus ? Non reddidit ille salutem :
 Impu-

Impulit in latus : assueto fraudavit honore :
 Exclusit foribus : plausum famamque dicacis
 Ad socios ausus de me sibi querere, foedis
 Immeritum fannis, & nigro dente momordit .
 Talia cum querulos irato effundere vultu
 Audis ; num tremulo spleni imperitare, tumentemque
 Aggeribus risum potis es cohibere, per ora
 Ne subito, & nares sese prorumpat aduncas ?
 Arguti nullus me certè Roscius oris
 Plus mouet : Eupolidis nulli maiore cachinno
 Sollicitant lusus, Thymeleave pulpita, vanus
 Quà dolor, & genus hoc lacrymæ. In præcordia totus
 Irruit extemplo, pulmonemque occupat imum
 Democritus . Frustra est labijs infigere dentes,
 Frustra animæ effugia & laxos operire meatus .
 Quò magis aduersum pugno ; hoc inuisa laborat
 Acrior emouisse repagula : donec ab ipso
 Obice luctatuque immensum viribus auctis,
 Nec iam se capiens (ceu longà coercitus annis,
 Si liquidum tandem per claustra negantia rupit
 Eluctatus iter) conuulsis denique victor
 Profiliat septis, vacuasque exundet in auras .

26. Sed neque, si docto fatui delira popelli
 Verba supercilio despexeris ; æquior vlla
 Hinc ægri saltem ratio queat esse doloris ;
 Quòd vel Socratico fors quisquam de grege, vultus,
 Incessusve tui ad speciem, subriferit . An tu
 Eripias splenem sapienti ? Turpe, doloris
 Vnde procul morsus, leni præcordia tactu
 Vellicat : hæc illis dedit irritamina blandi
 Pruritùs natura . Aliquid si tale notauit
 Vel sapiens ; quid mirum, humani conscia sensus
 Ingenito sua prodiderit quòd pectora motu ?
 Num pro Sileno te fingere Parthenopeum
 Debuerat ? Num naturæ dediscere morem,
 Ut risum, ridenda videns, nesciret ? Amorù
 Percussus facie gelasimum claudere dentem

Ille quidem haud valuit : nullo perstrinxit iniquus
 Te tamen hinc morsu, veri nil dempsit honoris :
 Rite superficiem solido secernere doctus,
 Nec formâ metiri hominem, sed mente animoque .
 Contemptum quod rere, fuit non liber anhel
 Pulmonis fremitus . Caue, ne te veriùs ipse
 Despicias, si, quodd lepidam pulmonibus infert
 Spectantùm facies tua vim ; tibi vilior inde,
 Ac pretij sophiæ in trutinâ videare minoris .

27. Quin Alijs accede libens ridentibus : &, cum
 Ignea visceribus bilis tumet, inque doloris
 Fermento est animus, speculi tuum læuis in orbe
 Aspice, quàm vultu occurras gestuque facetus,
 Quam graphicè vnguiculos à vertice ductus ad imos.
 Nempe, ioci segetem variam argutique leporis
 Inde metens, animum simul oblectabis, & hosti
 Præripies, in te iaceret quæ, tela : Vatinî
 Non aspernando ritu : qui, scurra disertus, (a)
 In faciem strumasque suas diætaria passim
 Ingeminans, vix ansam Alijs, qua inuadere possent,
 Vix quidquam hostili carpendum liquerat iræ :
 Cum pudor infestis, morsumque parantibus esset,
 Rodere, quæ falso prior ipse notauerat ore .

28. Deniq; plûs nimidò tenerum, expertemq; vigoris
 Se probat, imbellis quem risus, & aura volantis
 Æthera per vacuum, solido sine pondere, verbi,
 Haud aliter, quàm tormento displosa curuli,
 Excidium muris, ac turribus, ænea moles,
 Sternit humi . Lamenta, miser, quid inania perdis ?
 Quò dolor, & lacrymæ ? Vocis, non fulminis ictu
 Læderis . Erraui : neque vox te læsit, inermi
 Allabens sonitu . Numerasis corporis artus ;
 Nullus abest : nusquam minimi vestigia præfers
 Vulneris : haud villo es viduus, nisi quem tibi, plorans,
 Iratis manibus fors vulseris ipse, capillo .
 Scitè olim Augustus, iuuenum maiore Neronum

Indi-

Indignante, Remi quòd plebs impunè proteruis
 Vocibus auderet Dominū allatrare, Quid, inquit, (a)
 Friuola sollicitant adeo te murmura? Tales
 Anne parūm nos esse, in quos nil feruidus aufit,
 Ultra verba, furor? Tenuem patiamur auitæ
 Hanc libertatis superesse Quiritibus vmbra.
 Dummodo ne fræna imperij ceruice rebelli
 Excutiant; linguis laxent effrænibus ora.

29. His animaduersis, ludibria vana, iocosque
 Imbelles facili haud tantūm superaueris ausu;
 Sed neque te dignam censebis, tantulus hostis
 Quam dederit, palmam. Quis enim Mauortius heros,
 Hostili male compositam quòd in æquore fudit
 Agricolūm turbam, titulos deposcat, & arcus,
 Digneturve suis hæc annumerare triumphis?
 Annibalem si quem, si Pyrrhum Marte cruento
 Perculerit: bimaris si mœnia celsa Corinthi,
 Cadmeasve solo victor deiecerit arces;
 Tunc sibi mansurum præclaro nomen ab hoste
 Induit, & curru latè sublimis eburno
 Præfert, quam Latius Mars non irrideat, & quam
 Antiquis conferre velint Capitolia, laurum.
 Haud aliter Sapiens portenta immania, lethi
 Horribiles formas, regum suprema minantūm
 Scæuitiam furiasque truces, certamina sese
 Digna putat: sannas, irrisus, scommata, ludos
 Ceu faciles, animo exiguæ nil laudis egente
 Despicit: Ecquænam, referens, mihi gloria, vanam
 Longè allatrantis rabiem spreuisse catelli?
 Hasne ergo in pugnas, huicne vt securior hosti
 Congrederer, tanto Sophiæ munimine pectus
 Cura fuit texisse? Huc illi denique sumptus,
 Exhausta huc studia, & longi recidere paratus
 Armorum? Pudet heu: consumimus impare robur
 Materiâ. Date, cui deceat concurrere fortem.
 Fulmineus prorumpat aper, maculosaque tigris,

Seu leo, siue alius Libycis par terror ab antris :
 Tunc firmabo gradum contra, & venabula nixo
 Tendam recta genu : tunc me virtutis egere
 Atque animi credam : Quò nunc ea pectora ? Tantus
 Quò vigor ? In fœdam Venerem proiecta Iuuentus,
 Expleat infani brutos dum pectoris æstus ;
 Censorum virgas, & nigræ sibila famæ
 Proterit . Vfuris & largo fœnore sortem
 Eutlio dum geminet ; qualis iactetur in vrbe
 Fabula, collisis lætoque crepantibus ictu
 Explodit digitis, quævis ludibria, quosvis
 Fortiter irrisus vulgi exorbere paratus .
 Et Sapiens magno spernenda ad talia nisu
 Indigeat ? Vanum es, vanum, Sapiencia, nomen,
 Si minùs ad curas animo fers roboris, auri
 Quàm scelerata sitis, vetitæque libidinis ardor .

30. Ridenda hæc igitur verborum spicula . *Cura*
 Plus alij medicæque manùs fortasse requirane,
 Quos scelus, & grauior peperit violentia, luctus .
 Nempe, ais, haud intra fatuas iniuria voces
 Constitit : illis tergo quoque fustis : in ipsum
 Irruit os furibunda manus, pugnoque trabali
 Marcentes oculos, ginginam liquit inermem .
 Nec dolor hic mentem fodiat ? Plagasque superbi,
 Et turpes ignominias victoris inultus
 Dissimulem ? Expleti successibus ille furoris
 Iactabundus, ouans, indigno e crimine plausus
 Colligat, erectâque hilaris ceruice triumphet :
 Victus ego, contemptus, inops, nebulonis amari
 Ludibrium vulgo ferar, insiliendaque colla
 Subijciam tumido plusquàm seruiliter hosti ?
 Non patiar . Bene ais . Neque ego te probra subire
 Ista velim . Sed, ne subeas, mentem erige, teque
 Maiorem, quàm qui victus succumbere possis,
 Concipe . Cur doleas, vulgo ceu spretus inerti ?
 Nec sperni potis est Sapiens, nec spernere vulgus .
 Crede mihi, nimio fatuos dignaris honore,

Si

Si certâ ratione putas errare, nec ausus
 Præcipientes bacchantum, & facta improvida cæcis
 Casibus annumeras. Hic, qui modo, pectoris impos,
 Audaces indigna manus tibi misit in ora,
 Iudicij nil delectu, mentisque suasu
 Constituit: nil siue Tui, seu conscius egit
 Ipse Sui: sed, vecordi rapiente furore,
 Tanquam effrænis equus, percussus vel stimulo bos,
 In latus aduersi vagus irruit. Impetus amens
 Stultitiæ fuit ille, feras quem fortiter, æui
 Ceu reliquas sortisque vices; non dedecus, vltum
 Quod, veluti contemptus, eas, hostique reponas.
 Socratis in mentem veniat, qui, calce proterui (a)
 Pulsatus Iuuenis; tranquillo immobilis ore
 Perstitit, inficiens læsum: mirantibus æquam
 Tum socijs mentem, securaque pectora, Tali
 Nam quid; ait, potius faciendum in tempore? Num, si
 Obuius insecto sonipes te læserit ictu,
 Sublatis contra depugnes calcibus, in ius
 Aut hostem rapias, & causam dicere cogas?
 Non secus hunc ego, præcipientem, tumidumq; inuentâ,
 Quàm calcitronem Arcadico de semine pullum,
 Intueor. Bruti posthac sit cura cauere
 Incursum Bipedis: nunc æquâ est mente ferendus.
 31. Cuncta igitur, quæ stultorû furor improbus an-
 Non aliter, quàm fortuito venientia casu, (det,
 Excipias. Certè, si, quam temerarius hostis
 Vim tulit, euentus subiti Fors cæca tulisset:
 Si, quas ille manu plagas inflixit, easdem
 Ipse tibi, prono seu scalas vertice mensus
 (Avertant Superi) ; incertas seu fortè per umbras
 Postibus offendens caput, aduersoque tigillo,
 Indideras; misera hæc duræ ludibria sortis
 Irarum vacuus, sedato & pectore ferres.
 Cur igitur, petulans hominum violentia si quid

(a) Vide Laert. in eius Vita, & Plutarch. de Liberis
 & duc.

Tale pati cogit ; minùs arbitrere ferendum ?
 Anne tuis aliena Malis insania pondus
 Adjicit ? Anne tuum sit dedecus, alter iniquè
 Quòd furit ? Aude animis . Nemo contemnitur, ipse
 Ni sese prior abijciat . Succumbere tristem
 Ludibrijs ; non illa alacrem perferre pudendum est .
 Vim subijsse doles, irasceris, oraque luctu
 Deijcis ? Indigno cessisti protinus hosti :
 Nil superest, fastu quin te contemnat amaro,
 Quin miseri insultet cervicibus, vtque subactum
 Proterat . Iniuste bacchantem, & toruà frementem
 Despice, consilium, inuictamque amentibus ausis
 Obijciens virtutem ; omnis transibit in illum
 Iam terror, cladesque : ipso se iudice victus,
 Terga dabit ; populi te plausus, & inelyta curru
 Quadriiugo supra nubes victoria tollet .

32. Nequicquam sauos rabies assurgit in ictus ;
 Nequicquam stygij manantia felle veneni
 Spicula liuor iners obliquo dirigit arcu :
 Vulneribus Sapiens imperuius . Altiùs illum
 Extulit, infani quàm quòd pertingere flatus,
 Et scelerata queant odij conamina, Virtus .
 Attentare licet, non lædere . Spumea ponti .
 Barbarus iniectis puniri regna cæcenis
 Mandet Achæmenides ; stolidos irriserit ausus (a)
 E vitreis longè conclauibus Ennosigæus .
 Quin &, compedibus festa ad ludibria versis,
 Inter seque, velut restim saltantibus est mos
 Transmisisse, datis, choreas per libera passim
 Æquora cum lætis plaudent Tritonibus vdx
 Nereides, Panope, Xanthoque, & glauca Lycoris,
 Opisque, Clioque, Pherusaque, Cymothoeque .
 Tu quoque, stulta odij, quid Cælum in prælia poscis ?
 Humentis quid nimbo, & opacis, Terra, laboras
 Auricomum Phœbi extinxisse vaporibus ignem ?
 Vana moues, quin auctori nocitura . Palustres

Non

(a) *Vide Herodotum lib. 7.*

Non perimunt, imo iubar immortale sed Orbi
 Eripiunt nebulae. Malefani desine coepti.
 Quam vomis in Superos, tibi nox superincubat vni.
 Telluri similis vulgi dementia, fumo
 Egregium nebulisque suis Sapientis honorem
 Dum violare furit; tenebris se damnat. At ille
 Celsior interea, piceamque ex æthere noctem
 Despiciens, rutilum Conuexa per ardua Mundi
 Urget iter, cæcam rabiem satis ultus, iniquo
 Quod, dum negligitur, lucem non commodet hosti:
 33. Iamne vides igitur, causæ nil esse, malignis
 Cur scelerum furij adeo moueare, suamque
 Cur fonti retulisse vicem pro crimine pergas?
 Vindictæ procul ansa, procul si noxa: nec vllò
 Improbis (Sapiens modò sis) te crimine laxat.
 34. Verùm, age, sit fatuis meliorum in vulnera virtus:
 Nec volucres auras, ipsum te iniuria certo
 Perculerit iactus: nullâ ratione repones
 Hanc melius, quàm si fastu sapiente superbum
 Vulneris authorem spernas. Quid pectoris illi
 Esse putas mentisque, (vllâ si mente mouetur)
 Dum furit, atque odijs in te grassatur iniquis?
 Hoc agit, vt læsus doleas, atque receptum
 Vindictæ studio fateare in pectore vulnus.
 Tolle voluptatem hanc hosti; iamq; ultus abunde est.
 Quæ tibi munitam pulsarunt irrita mentem,
 Artificis cor tela sui redeuntia figent:
 Quod te torquere haud potuit, torquebitur, ægra
 Mente ferens, nec vindictam se posse mereri.
 Detuleris nimium Stulto, si irascere, fassus
 Talem, cui liceat Sapientem attingere. Discat,
 Neglectus, sese vel pœnâ iræque minorem.
 35. Adde, quod ipse sui primus iam damna furoris
 Pertulit, externoque dedit sine Vindice pœnas,
 Quis nil Cecropius Draco, nil seu, Romula, siue,
 Gens Ætnæa, tui grauius statuere tyranni.
 Omnibus vsque adeo flagris, vncisque, rotisque,

Tedisque, & lamnis candentibus acriùs ipsum
 Se cruciat scelus, & sceleris mens conscia : nulli
 Quod non extemplo subeunt lacrymabile Sontes,
 Iniustâ quandoque Alios vi lædere certant,
 Supplicium : similes vobis, redolentis Hymetti
 Melligenæ ciues : alieno tela cruore
 Audaces nimium quæ tingere, ponitis ægram
 Cum telis minimo toties in vulnere vitam .

36. Denique vindictâ nil proficis . Exige quodvis
 Supplicium, sæui, lania, grassare per omnes
 Irarum lethique vias : nec facta cruenti
 Sit pudor Oenidæ, moresque referre Cyclopum; (a)
 Attamen hostili nunquam tua cæde coibit
 Plaga, nec, admorso Menalippi funere, venis
 Manantem cohibebit atrox vindicta cruorem .

37. Vlcisci iuuat? Haud teneo. Vlciscare, sed hostē,
 Qui propior, grauiori animum qui vulnere lædit .
 Ira animi mentisque bonæ est acerrimus hostis :
 Huic meritum par redde, hanc iustis obrue pœnis .
 Demonacta furens quis nescio verbere crudo (b)
 Perculerat . Cum iudicium, pœnamque Nocentis
 Turbati magno fremerent clamore sodales ;
 Quò mihi, præsidium legum , Themidisque tribunal ?
 Subiecit Sapiens . Sententia Iudicis ictos
 Nil releuat, docti sed cura Machaonis artus .
 Hunc mihi, si qua fides, actutum quærite . Pœnam
 Cur hostis propriæ libeat præferre salutis ?
 Ille fugâ procul auctus, nec iam nocet : hostis
 Nunc meus est, pergit quod lædere, vulnus : in ipsum
 Cura sit auxilijs potiùs pugnare Medentùm .
 Te quoque par eadem sentire, calentibus ira
 Quandocunque feròx stimulis præcordia versat :
 Hanc hostem censere, & signa infesta mouenti
 Viribus aduersis, totoque occurrere nisu . (scit

38. Perge Hygieia potens, Ratio. Curâ altera po-
 Auxi-

(a) *Stat. lib. 8.*

(b) *Apud Lucianum in sine vita .*

Auxiliumque lues . Sunt, quos haud molliter angat,
 Dulcis ab amplexu Patriæ, carisque Propinquis
 Diuulsos alio sub sole senescere, gentes
 Inter inhumanas, & linguâ, moribus, omni
 Dissimiles vitæ cultu . Sulmone creati
 Quanta hinc materies elegis ? Dolor ipse canenti
 Ingenium facit, & maior, quia tristis, Apollo est .
 Nasoni Senecam, Sapientem opponere vati
 At licet . O, patrio, vitam, seclusus ab orbe
 Vitalem quicumque negas, tersura parentis
 Quæ miseræ lacrymas Cyrneo nobilis exul
 Condidit inclusus pelago, monumenta reuolue ; (a)
 Non spernenda tui inuenies solatia casus .

39. Exul es. An genus id pœnæ nunc nescere primum
 Incipis ? An solus comprehendi hoc nomine censes ?
 Quilibet, ætherei dias ubi luminis oras
 Attigit, in miserum confestim nascitur Infans
 Exilium, longè cognatis deuius astris .
 Vnica, si nescis, Mortali Patria, cælum est :
 Illic certa domus, generisque exordia nostri .
 Quid refert, hæc, illa colas an littora ? Quovis
 Tantundem Superi terrarum cardine distant .
 Exilium mutare tibi, haud indicare possunt
 Hostes, haud patrio te pellere longius axe .

40. Exul es . Antiqui cunabula scilicet ortus
 Nulla vides, neque carpis adhuc, quas aduena vitæ
 Impuleras primis auras vagitibus . Hoc si
 Exilium dicendum ; hominum pars plurima sponte
 Exulat . An paucos videas ubicunque locorum,
 Diuersis procul aduectos e finibus ? Urbem
 Subiecti caput hanc Orbis, generisque theatrum
 Humani percurrere oculis . Quæ saxa Seriphi
 Exilibus sic plena ? Ad nomina danda citentur
 Si fors Romuleo veteres e sanguine ciues ;
 Vix, puto, diuersæ fuerint pars tertia turbæ .
 Sed quid opus priuata sequi monumenta ? Vetustis

En etiam effusi turmatim sedibus ipsi
 Externam populi Patriam, penitusque remotos
 Quæsiuere lares. Italo sic littore magna est
 Græcia : sic Gallos Asiæ tenuistis opimo (a)
 Pingua culta sinu : sic longum vecta per æquor
 Massiliam Rhodano adiunxit Phocæa Iuuentus : (b)
 Nec noua dæest vltra Herculeas Hispania metas.
 Cessisset pecudum squalentibus inuia lustris.
 Magnâ parte sui Tellus ; si prima virorum.
 Abnuerat soboles gentilia linquere tecta.
 Exilijs adeo debet, regione quod omni
 Iam patuit, vacuus nusquam cultoribus, Orbis.

41. Et verò quidni pudeat, fusi vndique circum
 Orbis in imperium genitos, natalibus aruis,
 Vnius & certæ regionis limite vitam,
 Non secus ac Gyaræ scopulis, includere ? Trunci
 An sumus arborei, quorum qua quilibet egit
 Radices primùm tellure, senescit eâdem ?
 Sint alijs aliæ gignundis stirpibus oræ
 Felices : oleas hæc educet ; altera linum
 Plùs amet : hæc Cereri respondeat ; illa Lyæo :
 Nulla hominum generi tellus non hospita, nullos
 Non illi tractus voluit Natura patère.
 Si plures numerare domos, & prædia pulchrum
 Ducimus ; vna iuuat cur tantùm Patria ? Cordi
 Si locus est, quem prima dedit nascentibus hora ;
 Quin placeat, quem fors, ratioque assignat adultis ?
 Exulat infelix, totius transfuga Mundi,
 Angustis glebæ spatijs qui clausus auitæ,
 Perpetuò sedem fouet, ac circumspicit vnâ.

42. At locus exilij subtristior. Esse paternum
 Id tibi finge solum ; ridebit protinus. Iisdem
 Indigenæ tecum cerè veteresque coloni,
 Haud, reor, exigui numero, versantur in oris :
 Hosne etiam patriæ regionis pœnitet ? Omni

Quin

(a) *Zinins lib. 38.*

(b) *Strab. lib. 4.*

Quin illam præ sede putent cæloque colendam.
 Nec fors illusi genio, atque errare volentes:
 Nulla etenim tam prorsus inops damnataque tellus,
 Quin eadem proprijs lætetur se dotibus. Arua
 Hic segetum ieiuna; poli sed purior haustus.
 Iuppiter inclemens alibi cælumque palustre;
 At placidi regnant mores, & mitia gentis
 Pectora. Non illic pecoris, non copia lactis;
 Pensabit vacuam felix vindemia mulctram.
 Turba minor; tantò libertas plenior. Auri
 Fulgor abest; aberunt auri quoque crimina. Tardis
 Sensibus obtusi, atque iratâ Pallade nati
 Indigenæ: Sophiâ qui tinctus, quique liquore
 Labra Caballino abluerit, vix vnus, & alter.
 Pulchrius id: sine riuâli, sine puluere certam
 Ipse feres palmam, & subsellia prima tenebis:
 Omnis, ceu tripodem, populus te consulat vnum.
 Cur quod abest curas, nil respicis obuia? Disce
 Deteriora Bonis, & damna rependere lucris.
 Sub quocunque die, quocunque sub ætheris axe
 Viuere fas. Plus poscis adhuc? Sub sydere quovis
 Viuere non tantùm; felicem viuere fas est.

43. Sed tenui in plagâ nimis hæreo. Carceris atri
 Tempus erit latebras inuisere. Squalidus illic
 Nescio quis miseris vrget sua fata querelis.
 Nec tam illum (licet is fodiat quoque pectora luctus)
 Fœda loci facies, claustrisque obnoxia mordet
 Libertas; quàm quòd, Themidem sortitus iniquam,
 Damnetur fontum pœnis & legibus insons.

44. Vt priùs hâc animo experiar tibi vellere curâ;
 Falleris egregiè, vacuum si crimine pectus
 Innocuasque manus momentum fortis acerbæ,
 Non lenimen habes. Morituro à Socrate fas est
 Illustre oppositi documentum sumere Veri.
 Cecropidum quis sæua odia, addictamque Nocentium
 Supplicijs Virtutem, & in vno nesciat omne
 Perversum ius fasque viro? Proh tristia fata!

Infec-

Infelix laniata genas, laniata capillos,
 Cum gemitu, lacrymisque, & foemineo vlulatu,
 Clamabat coniux. Quid mens ignara nocendi, (a)
 Quid virtus, moresque iuvant? En criminis expers,
 Integer en vitæ, rigidi præceptor Honesti,
 Vir moreris. Sed non hos illam perdere luctus,
 Propositi retinens, pœnâque & iudice maior
 Sustinuit Reus. Irato muliebria vultu
 Reiecit lamenta: &, Num, vanissima, furti
 Me potius, vel cædis, ait, pro crimine turpem
 Optâris meritæ pœnam exorbere cecitæ?
 Quid virtus moresque iuvant? Vt luce peractâ
 Triste chaos Erebi, funestaque Tartara vitans,
 Infontem Elysijs assignem cœtibus umbram:
 Vt, qui iudicio infando nil tale merentem
 Addixere neci, damnandi hominumque, Deûmque
 Iudicijs nullo causam non tempore dicant:
 Omnibus exemplum venturi gentibus æui
 Magnanimæ ferar vt mortis, labemque sepulto
 Hæsuram cineri, & fati opprobria demam.
 Hæc adeo recolens, indigni tu quoque duras
 Supplicij solare vices: sique aspera ferre
 Angit; at innocuum, releuet saltem, aspera ferre.

45. Sed neq; concretis æternum fordibus horrens,
 Nigro mæsta situ, viuarque imperuia luci
 Sollicitet sedes. Purâ ceu lampade Titan
 Illuuiem flabulorum, & putri informia limo
 Stagna subit; tetri Sapiens sic fornicis umbris,
 At pingui squalore adeo nil tingitur; afflet
 Vt pretium magis ipse loco, propriumque nitorem:
 Scilicet, elapsi quo Morus gloria sæcli
 Delituit, rigido vallatus militè postis
 Immortale viri nomen caligine turpi
 Prefferit? Haud illud, tanto tunc hospite plenum,
 Supplicij potuit claustrum deforme videri:
 Limen erat Sophiæ, Musarum regia, templum

Palla-

(a) Vide Lacti. in eius Vita.

Palladis, immensum decorum laudumque theatrum:
 Clarius ipse ubi, quam solio, tu Henrice, Britanno,
 Enituit, sacrumque iubar, latèque micantes
 Nobilis exempli radios, quàm peruia Soli
 Orbita, Memnonium, Hesperiumque refudit in axem.

46. Quid referam, quòd mens, Nostri pars optima,
 Seu stringi nexu potis est, siue aggere claudi? (nullo
 Dura licet corpus Vigilum custodia seruet;
 Terrarum quoscunque sinus, vndosaeque regna,
 Altaque stelliferi percurrit mœnia Mundi.
 Quin etiam rerum nunquam sic libera, nunquam est
 Arbitrij sic tota sui; ceu, deuia lucis
 Cum mediæ à turbis scenisque forensibus intra
 Arcani tacitum Veri penetrabile refugit.
 Tunc etenim, nullo sibi se rapiente tumultu,
 Officijs vitæ reliquis curisque soluta,
 Aut varias rerum causas, penitusque latentis
 Inuia naturæ rimatur semina; libris
 Aut Veterum vacat; aut molitur & ipsa vicissim
 Grandia quæ feri voluant monumenta nepotes.
 Sic Ticinensis carcer tibi, magne Boethi,
 Inclyta Cecropiæ referebat limina Stoa.
 Scilicet hîc, strepitu semotus diuitis aulae,
 (Arctior illa bonæ quantò est custodia mentis?)
 Libera dilectis sacrabas otia musis.

Hîc per inaccessos calles, humilique negatum
 Vulgo iter ingenij pennis sublimibus acto,
 Syderaque, & Superos adeunti pectore, totam
 Præbebat sese rerum Natura videndam.
 Hinc etiam, pars illa tuæ non vltima famæ,
 Compositi Sophiæ coram dictante libelli
 In medium venere diem, quos nectare dulci,
 Nectare Pierio madidos informibus umbris
 Nulla vaporiferæ fuscabant Nubila Lethes,
 Nullaque non memori celebrabant sæcula plausu.

47. His igitur tantâ saturis dulcedine cures
 Tu quoque si mentem studijs assuescere; tristem
 Illicet

Ilicet obruerint sensum poenæque, locique :
 Nec tibi iam tetro cohiberi limine, dulcis
 Quin Academiæ virides errare per umbras,
 Doctaque Pierij laureta videbere collis .
 Ac veluti, meritis, quas lucri sedulus olim
 Vectabat pelagi nimbosa per æquora, gazis,
 Eximias Zeno soluisse rapacibus vndis
 Naufragij optando fertur pro munere grates :
 Vilibus à curis quòd sese, opibusque reuulsum
 Ad Sophiæ placidos portus, doctique Cratetis
 Impulerant gremium : mox illum Porticus vnde
 Exosum Cynicos mores, propriique futurum
 Agminis authorem rapuit ; sic tristibus ipse
 Acceptum latebris non aspernabile munus
 Hoc referes, quòd, futilibus discedere iussis
 Nequitiz illecebris, meliora capessere tandem
 Compulerint, dignasq; animum excoluisse per artes :

48. Hactenus externæ contra molimina fortis,
 Et sceleris rabidos mentem firmauimus ausus :
 Naturæ propiora sequar iam vulnera . Primum,
 Nec mora, Boeoti crassus stupor ingenij se,
 Pancratio factis ceruicibus, auriculisque
 Tempora vix non tota hinc, inde umbrantibus, offert.
 Margitæ faciem agnosco : nec forma repugnat
 Interior . Socij vix effudere quadrigas
 Carceribus ; metamque tenent : tu, verberare multo
 Ignauum frustra pecus, & calcaribus vrgens,
 Palladio restas postremus in æquore pulvis .
 Sanguis iners, gelidi sensus : non mentis acumen,
 Occultas liceat qui rerum attingere causas :
 Eloquij non vena fluens, non lætus ad artes
 Impetus Aonias, Phœbique capacia corda .
 Et licet extremi nil indefessa relinquat.
 Sedulitas operis, duram tundensque, retundensque
 Ictibus ineudem assiduus ; conamina venti
 Diripiunt, vanisque perit labor irritus orsis .

Docta-

(a) Fide hæc. in eius vita .

**Doctarum nam quidquid opum meditantur, legentur
Pectoris in gazâ stipaueris, ocyùs vndæ
Instar abit, vacuis repetunt quam Belides urnis.**

**49. Egregium, fateor, munus Natura negauit.
Tolle animos tamen: hoc quamvis sine munere, felix,
Parua loquor: potes his etiam felicitior ipsis
Degere, quæis puri viuaces ætheris haustus,
Quæis animi florem, & potioris semina flammæ,
Seque adeo tenui totam sub pectore Pallas
Miscuit. Eximijs rarò ambitiosa cupido
Non comes ingenijs: nec plurima scire videtur
Sat pulchrum, nisi Scire tuum sciat alter. At ista
In venas ubi lapsa lues; quæ gaudia, quosve
Iam liceat solidæ fructus decerpere Pacis?
Pulsa quies: tedis flagrantibus æmulus instat
Vsq; calor: longè requies. Spes hinc, timor inde
Alternò quatiunt sibimet contraria motu
Pectora. Certamen, quo non operosius vllum,
Perpetuò miseris sudandum: prima referre
Dum loca, rinalis tantoque ex agmine turbæ
Nullum non famæ in stadio superare laborant.
Nequicquam. Eloquij censu Hic est ditior: Ille
Promptior ingenio: doctrinæ fascibus Alter
Eminet: Hunc procerum cœtus numerosior ambit:
Declamantem Alium pleno conferta theatro
Suspiciunt, resonis & plausibus agmina tollunt:
Quæ dedit Ille typis vigilata volumina famæ
Plus referunt, crebroque magis lectore teruntur.**

**50. Vt procul inuidiæ, procul ambitionis amarus
Sit furor; ipsa fames Veri, augendique paratas
Mentis opes nouus vsque, & inexaturabilis ardor
Anne leuis stimulus, tot adhuc intacta recludi
Nusquam omnis Sophiæ cernentibus æquora: tantò
Maiores iam collectis occurrere gazas:
Vltima nulla immensi operis fastigia: nunquam
Non similes sese tyronibus: vndique vastum
Crescere iter: refugos portus, semperque petendi
Plus**

Plus aliquid ? Tam duro hic certè pectora morsu
 Splendidus absumit dolor ; vt vix altera vitæ
 Occurrat ratio grauioribus anxia curis :
 Lætius & pingues insulsi ruris alumni
 Septe trahant æuū, quàm Palladis, Aonidumque
 Ingeniosa cohors . Adeo per pabula vires
 Ægra capit fitis : &, quantò quis doctior ; idem
 Tantò plura sibi nesciri, pluraque sentit :
 Quæ neque mortali fas sit comprehendere capta
 Omnia ; nec, si non plenè obtineantur, in vlllo
 Limite sollicitis requiem contingere votis .
 Viderat id, mendax non semper, Fabula : sacri
 Dum raptorem ignis, diuinæque munera terris
 Importare ausum, & mortali iungere limo,
 Caucasæ nudum cecinit præbere Volucris
 Viscera, in assiduam sese reparantia pœnam .
 Æthereas arces peruadere, raptaque Soli
 Deuēhere in terras cælestis semina flammæ
 Haud aliud (Veri si quid mihi gnarus Apollo)
 Innuit ; ac, Sophiæ penetralia mente volucris
 Ingressum, populis deprensa Arcana referre .
 Quod qui conetur, (Proh tristitia nobilis Ausi
 Præmia !) Caucasæ findi ceu vulture pectus
 Sentit inexhausti maiore cupidine Veri :
 Nec sperare licet crescentibus otia fibris .

§ 1. Esto tamen, conatus & acris cura sciendi,
 Ingenijs, tinxæ ritu, melioribus hærens,
 Nil noceat : certè haud etiam conducere multam
 Lætitiæ ad cumulum potis est vitæque beatæ .
 Nam quid opus varios cæli cognoscere motus :
 Omnibus euentis causas, euentaue causis
 Reddere : fastorum monumenta omnemque capaci
 Pectore transacti seriem complectier æui :
 Argumentorum laqueos seu nectere, contra
 Seu nexos celeri occurssu dissoluere : linguam .
 Nosse vetustorum lapidum : nullam esse repostam
 Vsq̃ue adeo vocem, cuius non inuia sensa,

Ceu

Ceu tibi germanum valeas depromere nomen :
 Eloquium tereti verborum claudere gyro :
 Et iam Rhetoricæ spatiosa per æquora pleno
 Effusum volitare gradu ; iam legibus orsa
 Pierijs , nexuque pedes vincere decoro ?
 Aerios famæ strepitus, ventosæque vulgi
 Murmura quem Ratio docuit contemnere, norit,
 Nesciat hæc, minimo sanè in discrimine ponet .

52. Heu quibus incassum studijs mortale fatigat
 Se genus ! In reliquas si quantum temporis artes
 Consumpsisse iuuat, medicandos pectoris ægri
 Ad morbos, sensusque animi ratione regendos
 (Par vbi curarum pretium) conferre liberet ;
 Vt facili planoque magis tunc tramite vita
 Curreret ! Vt breuius quæsitæ ad lumina pacis
 Ferret iter ! Quò nunc per tædia longa viarum,
 Mille per ambages, labyrinthosque meatus,
 Vix serò (atque vtinam vel serò) appellere fas est .
 Quærendâ sic materie, qua gaudeat, ipsum
 Absumit, gaudere animus quo debuit, æuum :
 Quàmque frui , steriles mauult vsque addere fructus .
 Quid per multiplices adeo discurretur artes ?
 Quò tantus labor, & sitis infinita sciendi ?
 Scire sat est, Homini syncera ad gaudia nullis
 Cecropiæ, aut Latîæ studijs opus esse Mineræ .

53. Quis verò ille gradum, deiecto nubilus ore,
 Corripit ? Incessus quantum, vultusque minatur,
 Fabricio ne defiliat de ponte, verendum est .
 Compellare hominem iuuat, atque exquirere causas .
 Heus bone, quæ tanto miserum sors aspera luctu
 Exagitat ? Retices ? Cunctaris ? Lumina vertis ?
 Iam satis est : miserum ne coge in verba pudorem .
 Quod petimus, certis facies tua vocibus vltro
 Eloquitur, peragitque vices sermonis imago .
 Rem teneo, licet ipse neget . Hic nempe nigranti
 Concretus Meroe color, hæc tubercula frontis,
 Necnon phlyctænis atque exanthemate rubro

Cor-

Corrosæ nares, breuior mensura sinistri
 Tum pedis, & scapulæ gibbi appendice tumentes,
 Cur tibi displiceas, faciunt, cur ora December
 Vestiat, imbriferâque oculi se Pleiade soluant.

54. At videsis, toto quàm tramite deuius erres.
 Hæc eadem tibi lætitiâ suadere, bonosque
 Debuerant vultus. Si tetrica namque dolori
 Est facies; torui cur hanc impensius atrâ
 Nube supercilij horrifices? Neque sedulus omni,
 Quâ licet, ingenio & nisu mollire labores?
 Ira, dolor, rugæ vel pulchrum Nireâ mutant.
 Therpsitem an deceant? Quantò distortior ergo
 Contigerit vultus; tantò hunc diffundere maior
 Cura sit. Haud tali desunt solatia formæ. (Almas)

55. Turpis es. Æsopo numquid Phryge turpior?
 Informi quas ille tamen sub cortice dotes
 Occuluit? Quàm pulehra animi monumenta reliquit?
 Mitte queri, lepidum caput, & circumspice, qualem
 In numerum venias. Vultu male pictus opaco,
 Pingua crura tumens, Pharizæque vocamen adeptus
 Clematidis, magnæ populos in limina Stoa (a)
 Citius induxit Senior. Ludibria vano
 Socratis hircinæ nares, taurinaque vulgo (b)
 Lumina præbuerant. Claudio quis rectior Æqui
 Author Episteto? Mediæ frons luminis orba
 Pellæi minimum titulis gestisque Philippi
 Obsuit. Annibalem luscum videre cruenti
 Cædibus Ausonijs Thrasymenus, & Ausidus: ipsa
 Talem Roma suo vidit pro limine, lусi
 Nec, puto, ridendam faciem sibi credidit hostis.
 Adde his Speusippi curuum caput, Antigonique (c)
 Degeneres famæ vultus. Quis posthuma tanti
 Censeri doleat pars agminis? Euge: Vetustas
 Hæc tibi nunc memoranda offert exempla: futuris
 Exemplum fors ipse olim memorabere sæclis.

Turpis

(a) *Vide Laert. in vita Zenonis.*

(b) *Vide Plag. in Theæseto.* (c) *Sen. de Ira lib. 3. c. 22.*

LIBER IV. 141

56. Turpis es. Haud tibi, sed populo. Res ista vult
 Nec sua formoso blanditur Adonidi; toruū (dentū,
 Nec sua Cyclopem facies deterret. Vterque,
 Tristitia, læta, Alijs tantū spectacula præbet.
 s doleat, sine, qui talem fors obuius horret:
 Cui dirum facis ingratis occurribus omen.
 Vnde tibi hîc luctus, niueo cui lilia frontem,
 An ferrugineo pingant vacinia fuco:
 Acidis, Ætnæi an venias pastoris imago,
 Nullo est, dum speculum vites, deprendere sensu.
 57. At spernere. Quibus? Vulgo nempe: omnia solis
 Librat, mentis inops, qui sensibus, occiduaque
 Totum hominem externi meretur imagine limi.
 Hoc melius. Nullos, nisi sanæ mentis, Amicos
 nuenies: socio quisquis tibi fœdere iunctus.
 deserit, haud fluxum formæ vernantis honorem;
 Virtutem, mores, animum, te diligit ipsum.
 58. Turpibus hæc sunt solacia. Restat amicâ
 Nunc fouisse manu, lentis quos cedere morbis
 Crebra valetudo, gelidius præcordia circum
 sanguis, & exhausto tenues in corpore vires
 morte sua prohibent contentos viuere: tanquam
 robore vique lacertorum tranquilla parentur
 gaudia, non Sophiæ nisu mentisque vigore.
 59. Vanus & iste dolor. Quid enim? Tlætania mēbra,
 immanesque toros, & brachia Polydamantis
 fors negat. Athletam Pisæum fingere nempe
 soluit, aut duris operum te addicere pennis.
 Cur ideo mens ægra? Solum si frangere rastris,
 triticeas versare molas, excidere saxa
 non datur, & cunctis moliri pondera dorso;
 t superant, quibus incumbas, meliora, viroque
 signa ministeria. Arcanas aperire licebit
 ingenio causas, ius dicere ciuibus, vrbes
 consilio regere, imperijs frangere cohortes.
 Edibus in magnis Famuli ceu munia rite
 diuersi diuersa, illi prout quisque, vel illi

Aptio

Aptior, accipiunt : hic à rationibus ; alter
 A cyathis : struit ille dapes ; hic limina seruat :
 Mox alij, atque alij, scriba, opsonator, agaso,
 Villicus, artoptes, fullo, rhedarius, auceps ;
 Haud secus in magno, qui Regia Numinis, Orbe
 Partes cuique suas, & idonea maximus author
 Munera distribuit . Valido tu robore polles ?
 Exercebis humum fossor : ceruice torosâ
 Baiulus excipies clitellas : aspera miles
 Bella geres . Rennunt tantos tibi membra labores ?
 Non deerunt, quas, affecto vel corpore, possis
 Impleuisse, vices ; tibi res sit publica curæ,
 Consilium, linguam, vim pectoris exere : ritus
 Sacrorum, officij leges, mysteria Diuûm
 Ignaris aperj : causas age, iura tuere,
 Prouida ciuilis teneas moderamina clauj .
 Officijs nemo sic omnibus utilis vnus,
 Nec quisquam nullâ diues producitur arte .
 P'is caput esse ; pedes alijs, vel brachia certo
 Iure datum . Capitis voluit si munere fungi
 Te Natura ; suos cur inferioribus actus
 Inuideas membris ? Anne omnia solus obire,
 Omnia posse velis ? Satis esto, summa tenere
 Quod licuit, priusque refers quod in ordine partes
 Tu fortes regis infirmus : tibi, corporis absint
 Vt reliqui vires ; at deseruire laborant .

60. Nonne vides, pretio quæ conspicienda, vigere
 Sæpe minùs ; solido vulgaria robore niti ?
 Hortorum sydus, reginaque veris odori,
 Vix teneram pubem redolenti vestijt ostro,
 Puniceosque sinus cælo, pompamque comantem
 Explicuit ; primos Rosa contabescit ad Austros :
 Austris illa cadit, vel solibus : horrida messis
 Interea, tribuli, lappæque, & carduus asper
 Camporum per aperta vigent impunè, nec illos
 Seu rapidi soles, nimij seu læditis Austri .
 Apenninigenâ quid firmitus illic, sæuq;

LIBER IV. 143

Ventorum durare ausus, hyemisque rigores?
Nec tamen humanos victus iuuat illa, secundis,
Aut parit, imponi deceat quæ, munera, mensis.
At malum Hesperiam felici pondere curuam
Diuitis autumnî (centum licet vndique seruet
Auriferam syluam vigillum tutela draconum)
Hyberni quoties flatus, tristesque pruinx
Vrunt, & rigidi grauis inclementia cæli?

61. Adde, quod in vegeto vitiorum pabula gliscunt
Corpore, degeneratque hebeti confecta saginâ
Mens animi. Quæ non stolido molimina voto
Aggreditur, quibus vrgendis vis improba cœptis
Abstinet? Hinc Phlegmæ acies, consertaque tellus
Syderibus, montes aggesti desuper altis
Montibus, & pauidæ vasta ad conamina nubes.
Donec ab immani reiecta potentiùs auso,
Cumque suis, frustra emensum per Inane, voluta
Molibus horrendum in præceps, iisdemque sepulta
Et cælo meritas pubes temeraria pœnas,
Et terris, Superos ne impunè laceßere quisquam
Posse putet, dedit exemplum memorabile. Vires,
nunc, indomitas, roburque exposce superbum.

72. Equior illorum gemitus, quos lucis egentes
Perpetuùm squalens, nullique domabilis astro
Plusquam Cimmerijs nox circumplectitur alis.
sed tamen his pariter sua sunt collyria, sortem
Quæis miseram, tristesque ferant moderatiùs umbras.
Nempe dies oculos si fugit & aureus æther;
Nà etiam ingrati occursum, & dira videri
pectra latent. Nusquam stricti Mauortia ferri
aux aciem, nusquam criniti syderis horror
vulnerat, aut piceis prorupti nubibus ignes.
Non maris insani rabiem, non faucia fœdis
Corpora vulneribus, putrique fluentia tabo,
Non, quæ sæpe venit letho funestior ipso,
stantis faciem coguntur cernere lethi.

63. Iam quantum lucis pretium fatearis ademptæ,
Obuia

Obstia tot scelerum irritamina, tot male blando
 Mortiferas visu pestes nescire? Dolosis
 Heu quoties oculi captiuam in retia mentem
 Illecebris egere? Lues quàm sæpe nefasti
 Criminis hoc aditu in cordis penetralia fluxit?
 Fortunati equidem, qui Visa nocentia, pressis,
 Quandocunque locus monuit, transcurrere norunt
 Luminibus: Sicuti ceu monstra canora Profundi
 Ceratis vitasse cohors Ithacesia fertur
 Auribus. Hic multò sed fortunatior, omnem
 Cui genus id curam facilis Natura remisit:
 Quique fores animi non, anxius hoste propinquo,
 Tum demum trepidè obstruere ac munire laborat;
 Usque sed æterno obstructas munimine seruat.
 Si, Cæcos qui sponte imitantur, crimina vitant;
 Commodius quantò Cæcus vitauerit ipse? (1122,

64. Quid memorem, sceleris quòd pars non vltima,
 Furta, doli, cædes, totque his affinia probra,
 Absque oculis, animi ducibus operumque ministris,
 Inuia tentari? Non vt modò lumine cassis
 Peccandi studium; ipsa etiam prope copia desit.

65. Sed neque me leuius compendia frontis opacæ
 Illa mouent, nullis venientium extrinsectus ista
 Mens quòd imaginibus rerum, formisque caducis,
 In sese penitus conuertitur ipsa, suasque
 Liberiùs promit collecto robore vires.
 Iamque, memor, percepta olim, & sub pectore fido
 Condita naturæ Verique Arcana reuoluit;
 Iam noua, progrediens sensim, ratione sagaci
 Eruit, & varias agilem se mittit in artes;
 Ardua iam superans audaci sydera nisu
 Iungitur ordinibus Diuinum, rerumque supremum
 Authorem nitidâ immensæ caligine lucis
 Arcentem visus (Mortali attingere quantùm
 Fas Superos, nostrisque patet conatibus æther)
 Aspicit, & primi se pascit imagine Pulchri.
 Quæ paria his tellus, pontusve, aut mobilis aer

Lumi-

luminibus præbere queant spectacula ? Formas
 Nos humiles, pingui concretaque corpora limo
 Cernimus ; augustæ species, diuinaque Cæco
 Panduntur simulacra . Angusto limite noster
 Clauditur obtutus ; sepiri nescius vllis
 Minibus immensi volat ille per aua Mundi .
 Fas oculis tantum præsentia tangere ; sæclis
 Omnibus ille infert animum, aspectuque sub vno
 Temporis elapsi seriem, seriemque futuri
 Colligit . Externo rerum se cortice frontis
 Pascit hebes visus ; naturas ille repostas,
 Claustraque vel Phœbi radijs imperuia lustrat :
 Ut non immeritò Diuinum præfagia, vatis
 Finxerit Ogygij tenebris patuisse Vetustas .
 Luminis orbus erat . Nemo cælestibus alter
 Aptior alloquijs, longique capacior æui .

66. Et crassæ iubar hoc lucis, Mundique iacentis
 Exiguum, ac pecudum vulgo commune theatrum
 Corporeis vetitam se attingere sensibus, ægra
 Mens queritur ; tantò meliori luce rependi
 Nubila cum frontis soleant, potioraque tantò
 Luminibus clausis animus spectacula cernat ?
 Non sic Abderæ sapiens, qui, penè reuulsis,
 Dum toties ridenda videt, pulmonibus, & iam (a)
 Ludicra pertæsus vani proscenia vulgi,
 Eternùm Soli dixit lucique valere :
 Proiectisque libens oculis, tranquilla recepit
 Deposita sese in puri commercia Veri .
 Visque adeo haud miseros externi luminis orbos,
 Felices potiùs sed credidit, inque videndos .

67. Fortia nunc locus, inprimisque valentia poscit
 Pharmaca : lethifero manus est adhibenda dolori :
 Firmandusque animus, lanienam vt corporis inter,
 Dum podagræ sæuit rabies, dum calculus atrox
 Intima crudeli carpit Vitalia morsu,
 Diraque barbaries ferro grassatur, & igni ;

G

Lati-

a) Gel. lib. 10. cap. 17.

Lætitiam stabilem, securaque pectora seruet .
 Durum opus, & quo vix aliud Sapientia maius
 Audeat . Hic animis opus, & conamine toto .

68. Non tamen, ut cladis sensum vel nesciat ista,
 Vel nullo referat virtus, seu nescia, motu .
 Quamquam etiam tanti spectacula rara vigoris
 Plurimus Ausoniae exhibuit gladiator arenæ . (a)
 Vosque o, vos adco plus rara dedistis olympos,
 Ætherei pugiles, fortissima pectora, cæli
 Indigetes nunc, terrarum miracula quondam,
 Atque erebi formido : hilari quos barbara vultu,
 Pro Christi imperio, pro Religionis honore,
 Supplicia excipere, insultare doloribus, iraque
 Hostili, & sacræ pasci dulcedine mortis
 Nequicquam indignantium animis, vinciq; frementium
 Carnificum attonitus stupuit furor . O adamante
 Incidenda perenni ! O ipsis digna notari -
 Syderibus virtus ! Huc albos, Fama, iugales,
 Huc omnes conuerte tubas . Quid murmure tanto
 Regulus, ambustæque immotus Scauola dextræ
 Tollitur ? En Mundi meritos consumere famam,
 Cælestes heroas, & heroum phœnicas :
 Integra quos laceros, armata expauit inermos
 Barbaries : ludus quæis vulnera, gaudia pœnæ .
 Hos Helicon, Pindusque sonent : his nectere frontem
 Ambiat, & rota in sertum se nectat Idume :
 Hos Hyperionio sublimes gloria curru,
 Innumeris Laudum pleno circum ore sonantium
 Agminibus cincta, & Plausuum Decorumq; sequacem
 Pone trahens turbam, per subdita regna, per vrbes,
 Perque reuersurum assidue circumferat æuum .
 Sed vigoris rarum cæli, & mirabile munus,
 Nec nostræ portenta docent, sed pharmaca musæ .

69. Per me equidè Sapiens hominè non exuat artus
 Contrahat, in gemitum laxet præcordia, rectos
 Immutet vultus . Miserum se dicere tantum,

Formi-

(a) Vide Cicer. lib. 2. Tuscul.

Fœmineosque, Malis impar, effundere questus,
 Temperet : Inniçti gemitus, & mascula duri
 Pectoris ex adyto resonent suspiria : qualem,
 Afer vbi toto descendit in ilia ferro,
 Horrendis animam singultibus exhalantem,
 Luctantemque Malis, & adhuc in morte minacem,
 Massili trepidant nemoris Conuexa leonem .
 Denique tristis hyems vultus (hac vsque dolori
 Fas prodire) tegat ; frontis sub nube serenus
 Interiora dies teneat : corpusque caducum
 Deficiat ; mens nixa suo sibi robore constet .

70. Nec ratio procul, id liceat quì ducere robur .
 Vel siquidem parcente manu sua spicula torquet ;
 Vel totis dolor aduersum se viribus infert .
 Si primum ; pudeat mediocria vulnera, quæque
 Vix summam strinxere cutem, Sapiente, Viroque
 Indignis deflare modis . Vbi fortia dicta ?
 Pectus vbi Sophiæ inuicto munimine clausum ?
 Non aries sæuus, non, quem Telamonius Ajax (a)
 Misit in aduersum tormenta æquante lacerto
 Priamidem, lapis, Herculeis aut viribus acta,
 Monstrorum exitium, claua, exitiumque gigantum ;
 Iunceus imbelli calamus te cuspide sternit .
 Vel tenuem questu iuuat exatiare dolorem ?
 Exatia : sed, quò deceat conuertere questus,
 Disce prius . Querere exiguo in certamine perdi
 Nequicquam factos bella ad maiora lacertos :
 Nil Meriti laudisque capax occurrere : Sorti
 Plus nimò te despectum, visumque pusilli
 Bellatorem animi, cui tam vulgaria fata
 Obtrudat vincenda . Hinc causas nobilis iræ
 Duxeris : hic dignus Sapientis pectore luctus .

71. Sin nimium contra certamen, vique supremâ
 Res geritur ; bene sit : Sophiæ non limina nullo
 Triuisti pretio : quæsitæ plena facultas
 En decoris : quod Palladiæ inter gymnadis vmbas

Sis nactus, medio licet in discrimine robur
 Promere . Sat dictis huc vsque animosus & acer
 Fata laceffisti parcentia . Tempus agendo
 Virtutem sancire, & factis verba tueri .
 Id Superi de te expectant, hominesque : tabellis
 Id tñ signatis repetit sapientia . Paruis
 Non licet in rebus consistere . Maxima quæque
 Ni præstas ; reus es famæ, vitæque prioris .

72. Respice & authorem fati. Non barbarus hostis,
 Ipse Deus, Deus ipse suâ, pater æquus, amanti
 Te ferijt dextrâ . Anne illum vitæque Bonique
 Supremum artificem indignis gaudere Suorum
 Luctibus : an, crudi Læstrygonis instar, acerbis
 Funeribus censes & viuo sanguine pasci ?
 Vulnerat, vt profit : sceptri sunt pignora clades :
 Iridis æternæ risus e nube fugacis
 Mæstitiæ parit . Ac veluti, spirante metallum
 Impleuisse Deo meditans, lectissima, seu quæ (a)
 Delos habet, seu Myrmidonum quæ Patria, doctis
 Exudare Myron fornacibus imperat æra,
 Non odio, sed materiæ melioris amore :
 Vt rutili patiens tortoris massa verendos
 Transeat in vultus maiestatemque Tonantis,
 Artificisque, suumque decus fulgentibus aris
 Inuehat, & longè ventura in sæcula mittat ;
 Æthens sic ille faber, peiore metallo
 Compositos, vulgare genus, venæque secundæ
 Præterit : egregios, Diuinorumque capaces
 Tristibus imperijs subigit, versatque premendo,
 Dum sese penitus dignos effingat, & omni
 Corporeâ terfos ad purum facie, beatiss
 Cœtibus adscribat Superum . Quis vulnera tant
 Horreat auspiciū decoris ? Sæuissimus vt sit ;
 Iam celeri fugiet cursu dolor : ocyus ille,
 Qui grauior : nullâ sed tempestate, dolores
 Quam refugi pariunt, Diuum est cessura voluptas .

Æter-

(a) Vide Plin. lib. 34. *Histor. nat. cap. 2.*

Æternùm, piguit quæ ferre, tulisse iuuabit.

73. Vltimus ille labor vati, trepidantia corda
Soluere vicini miserâ formidine lethi,
Et, reliquis vitæ domitis iam casibus, ipsam
Quæ superest, simili mortem duxisse triumpho?
At quibus inuisum, & nulli superabile monstrum
Vincetur telis? Num, qui te, cærule Python,
Explicuit, longè iaculantis Apollinis arcum;
Anne colubriferæ tepefactam cæde Medusæ,
Horridior pestis, Cyllenida sentiet Harpen?
Nil opus. Ex ipsis præsens medicina venenis
Ad virus fatale fluit. Quos hæcenus hostes
Pertulimus, cuncti hæc sociant in prælia vires,
Cuncti armis opibusque iuuant. Si namque Malorum,
Quæis adeo humani series circumfluit æui,
Supremus mitisque venit, Mors, terminus; illa
Qui timet, hanc minimè flendam sibi duxerit: æquum
Ad tumuli gremium nihilò quin seciùs ibit;
Ac qui, turbinibus ventisque furentibus alto
Pulsus in Ionio, vel spumifero Ægæo,
Eminus optatas cæca inter Nubila terras
Aspicit, & fido properat se condere portu.
Et verò quod Myrtoi, Icarijve Profundi
Indomitæ adeo ventorum flatibus æquor,
Fortunæ vt rapidis iactatur vita procellis?
Luctus vbi, curæque, inconsumptique labores
Vndique perpetuâ miseros indagine claudunt:
Nulla quies: longè portus: plena omnia monstris,
Vorticibus, scopulis: nusquam non multa Charybdis,
Scyllææque canes, & concurrentia saxa.
O penitus fortisque suæ, vrgentumque Malorum
Immemores, quibus, hæc inter discrimina, Parcæ
Plüs nimidò celeres, & portum tangere pœna
Ducitur, haud pœnæ requies, optandaque finis.

74. Bistonidæ meliùs, dilectæ funera prolis (a)
Ad citharam quibus, & lætos producere plausus

G 3

Mos

(a) Herod. lib. 5.

Mes erat : egressos cum contra in luminis oras
 Lucifono gemitu, & flebilibus lamenſis
 Exciperent, nempe ad lacrymas, & funera natos .
 Iure equidem . Tot enim momenta in ſingula duris
 Caſibus hic luitur perituri temporis uſus ;
 Protinus exortis ut ſi Mortalibus æui

Tota ſui fatigue daret ſe forma videndam ;
 Crediderim, pauidos retro ad genitalia clauſtra
 Ocyùs infaucto raperent à lumine grefſus :
 Illius exemplo pueri, quem priſca Saguntus, (a)
 Vixdum luce ſalutatâ, genitricis in aluum
 Expauit remeare, omen ſibi cladis, eodem,
 Primitiæ Libyci Martis, quam pertulit anno .

75. Iratos igitur vitæ, mortisque pauore
 Attonitos iuuat his affari vocibus . Vnde
 Tam noua, Mortales, animi diſcordia ? Triftem
 Hinc proferre piget ; piget hinc dimittere vitam .
 Iam miſeram nimiùmque grauem ; iam iuſtiùs æquo
 Culpatis volucrem . Si manſerit ; aſpera fertur :
 Inuida ; ſi fugiat . Qua veſtris, dicite, poſſit,
 Qua tandem Natura Malis ratione mederi ?
 Dum munus, Mala quo vitæ ſimul omnia tollit,
 Ceu ſummum, reliquisque Malum par omnibus vnum
 Horretis . Cur vota ſibi contraria pugnant ?
 Cur dolor eſt, citiùs cauſas tranſire dolendi ?
 Candida ſi fati ſeries, optandaque molli
 Tramite vita fluit ; ſit magnis gratia Diuis ;
 Carpite, io, læti felicia munera, amicam
 Intempeſtiuo ſortem nec lædite queſtu .
 Sin alius rerum tenor, abſinthique deinceps
 Obruit vnciolam blandi ſors aſpera mellis ;
 At gaudete, Mali quòd fæx iam proxima fundo,
 Nec longè eſt, tantos quæ ſinuat, hora, dolores .

76. Verùm, age, nil miſerū terreni corporis hoſpes
 Vita ferat ; quantum vel ſic, rogo, mortis habendum
 Munus erit, vitæ quòd cælitis oſtia pandens

Erep-

(a) *Plin. lib. 7. Hiſtor. nat. cap. 3.*

Ereptos terris animos inducit olympto ?

Non toti (procul ex animis temerarius error :

Stulta quid immerito sese mens funere damnet ?)

Non toti fuimus, nutantia lumina postquam

Ferrea nox clausit, deploratique supremum

Nervos atque cutem tristi concessimus urnæ .

Nil Lachesi diuina animorum in semina iuris .

Quod dederat, tellus repetit : quod fluxit ab alto

Æthere, perpetuum cineri, taboque superstes,

Non defecturos vitam producit in annos .

O niueus ! Quater o felix, gemmâque notandus

Ille dies, lutei quo mens compage soluta

Carceris in Patriam cognataque sydera fertur,

Cælicolum iungenda choris ! Vt lumine puro

Vescitur ! Ingenuos ut promptius exerit actus !

Vt dulces agitat curas ! Vt læta suo se

Restituit fonti ! Non flamma volatilis æquæ

Profilit in patrij Conuexa nitentia cæli :

Non Tyberim pelago, aut rapidi par impetus Istrum

Deuehit ; ipsa suum vinclis ac libera ferri

Gessit in authorem, flagrantique incita nisu,

Iungere sese illi, ac penitus miscere laborat .

Qua, rogo, tunc igitur fruituram forte putandum est,

Flammiferos cum tandem æstus, inhiantiaque ora

Nectaris ætherei optato iam proluet haustu :

Inque suo sincera bibens, immensaque fonte

Gaudia, perpetuum pascet lætissima, nunquam

Non auidi, nunquam non pleni, cordis amorem ?

77. Me certè hæc animo reputantè abrupte nexus

Ocyus inuisos, pigrique morantia claustra

Corporis, & tantæ iamdudum accedere sorti,

Flammeus, haud capiens sese, vinclisque teneri

Nescius ardor agit . Quid enim iam longius inter

Tot gemitus, & viua morer tot funera, cari

Numinis amplexu, & dulci fraudatus amore ?

Quo sine tam nullam mihi fas sperare quietem ;

Mota suis nullum quàm sedibus ossa leuamen

Accipiunt, tactusque chalybs Magneside gemmâ
 Stare negat, sydus donec tueatur amicum .
 Cælum vota petunt : cælo suspirat in vno
 Anxius æger amor . Nescit, mihi credite, nescit
 Quid Superum domus alma, procul felicibus oris
 Plena sibi speranda putat qui gaudia : censer
 Aut aliam, nisi mortali quam lumine functis
 Inchoat æterni Solis præsentia, vitam .

78. O mihi fatali desponsa sub arbore coniux,
 O æui melioris ades, Mors, pronuba . Turpi
 Te licet exesam macie, nudisque rigentem
 Ossibus exhibeant pictæ mendacia telæ ;
 Bis raptâ venies Helene mihi pulchrior . Ipsa (a)
 Quin tibi si geminis ausit comitata Deabus
 Se formâ conferre Venus ; me iudice, palmam
 Continuo tibi cum geminis Venus ipsa Deabus
 Cesserit . O adsis pulcherrima . Quas ego, tanti
 Muneris, extremique potens iam denique voti,
 Sic meritæ grato persoluam carmine laudes ?
 Sponte suâ numeri venient (dant gaudia vires
 Ingenio) discentque hilares plus posse Camœnæ ;
 Solis inoccidui tu Phosphorus, vnica mentis
 Sollicitæ requies, curarum dulce leuamen,
 Votorum portus, pacis sinus, anchora fessis
 Cursibus, & patrij limen diceris olympi .
 Hei mihi quid cessas, & adhuc pia vota moraris ?
 Illis lenta veni, toto qui Nestore, toto
 Qui procul Euboici te pulueris aggere vellent . (b)
 Has illi duxisse moras, hanc ferre iubendi
 Crudelem veniam . Satient se tristibus annis,
 Aspiciantque suos secum canescere luctus .
 Inuiso pereat cur munere, cur alienis
 Mactetur votis, qui te flagrantibus vsque
 Sollicitus studijs vrget, venatur, anhelat :

Cui

(a) *Vide Ouid. in epist. OEnon. ad Paridem.*(b) *Æno scilicet Sibylla Euboica, de quo vide Ovidium lib. 14. Metam.*

L I B E R IV. 153

Cui tu primus amor, spes vnica, summa voluptas .

79. Culpa sed vltices, reor, hæc stimulauerit iras:

Quòd, vitæ curare lues dum molior, vnâ

Non tulerim cunctis, ceu fas, ex morte medelam .

Erranti, fateor : iamque, vt sis mitior, omnis

Te luctûs morbique vnâ sat grande leuamen

Vociferor . Vos o, crudelibus aspera cunque

Imperijs quos exagitat Fortuna, supremum

Accipite hoc hilares, nulli non vtile fato,

Auxilium . Paucos vbi sol conuerterit orbes ;

En aderit, duris quæ vos mitissima soluat

Casibus, & fide (tantum ni pergitis vltro


Corrupisse Bonum) statuât Mors denique portu .

Hoc Superûm tanto donati pignore, longos

(Cætera nulla adsint curarum vt pharmaca) questus

Definite, & mortis spe tristem absoluite vitam .

Occiduos, facilis labor est, spreuisse dolores .





EVTHYMIÆ

Liber Quintus.

NON tamen, ad plenę felicia munera Pacis,
 Fortunã satis, externosq; retundere casus,
 Hac operosa tenus ratio quã tradidit artē.
 Maior adhuc belli moles, crudelior hostis,

Cordibus infixæ pestes, agnataque restant,
 Et penitūs fibris stabulantia monstra sub altis :
 Regnorum fax Ira, loci sortisque secundæ
 Ambitus impatiens, Veneris teterrimus ardor,
 Culpaque Lernaëo absumentis præcordia tabo.

2. Ah genus id Furias incanto pectore si quis
 Excipiat miser ! Ah cupidis si fræna relaxet ;
 Quas non (exitium, Superi, prohibete) ruinas,
 Turbineo impulsæ, impellentesque omnia motu
 Miscuerint ? Quos non in præcipites anfractus
 Infelicem animum, & serò sua fata videntem
 Abripiant ? Monumentum ingens Climeneia proles,
 Ambustusque dies : currus implere paternos,
 Frænaque mortali cupidus radiantia dextrâ
 Dum Iuuenis tractare, alti per devia callis,
 Flammipedum quâcunq; vagus tulit ardor equorum,
 Non rector, sed præda ruit. Temeraria Natæ
 At tu consilio moderari vota, regendos
 Vecordi malles puero quàm credere, Titan,
 Igniferos axes. Roseæ pro munere lucis
 En rapida attonito spargentem incendia Mundo
 Aspicias : en medijs reuolutum e tramite cæli,
 Inuisum populis execrandumque bidental,
 Eridani toto lacrymaris gurgite. Casus

Nom

Non alios, non triste minùs sibi quisque paratum
 Nouerit exitium : iuuenili feruidus æstu
 Libera præcipiti quoties moderamina tradit
 Stultitiæ, nec solerti ratione gubernat
 Indomitos animi sensus, effrænaque vota .

3. Scilicet ignarum Pyrois, & Eous, & Æthon,
 Igniuomusque Phlegon violentiùs æthere pronò
 Distulerint Phaetonta ; suis quàm conceita flammis
 Imperij frænique rudem per deuia mentem
 Ira trahit ? Summo, fac, vertice siue nivalis
 Abfissum Rhodopes, seu cæliseri Atlantis,
 Immensum montique parem vitiosa Vetustas
 In præceps subitâ lapidem vi trudat . Vt ille
 Abruptum per iter, procurrentesque minantùm
 Umbones scopulorum innato pondere cursum
 Præcipitans, aliasque alijs e rupibus actus
 In rupes, validos quatit huc saltus, quatit illuc !
 Nec mora, nec requies . Tremat illis resonò mons :
 Dant arbutta locum : attoniti de colle propinquo
 Pastores, inhiantque greges, quibus irruat anceps
 Exitium syluis, Dryadum quæ tecta refringat .
 Donec, cum nemorum strage, immanique tumultu,
 Finitimæ vallis gremium delatus in unum
 Arua cauat lapsu, socijsque, suisque ruinis
 Latè operit . Densus circum undique puluis in auras
 Nigranti se nube leuat : procul Auia voces
 Ingeminant, pulsusque fremit clamoribus æther .
 Sæuior, irati quem pectoris urget erinnys,
 Effrænoque magis quæcunque per obuia fertur
 Turbine, tam sitiens alienum haurire cruorem,
 Quàm facilis præbere suum . Non ferreus agger,
 Non ignes, non saxa queant immanè ruentem
 Sistere . Flammato desint si tela furori ;
 Se telum faciet, summis e turribus audax
 Æthera per vacuum pronò descendere saltu,
 Subiectum, pariter frangendus, vt obruat hostem,
 Misceat & socias (ea tantùm sœdera) mortes .

Vna fedet cordi, totam rapit vnica mentem
 Vltio : cura Sui, ratio, ius, vtile, rectum,
 Ingenium sensusque hominis, pietasque, fidesque
 Funditus exturbata . Sacri per quidquid olympo est,
 Obtestare . Precum vanus labor : ocyùs ater
 Audierit trepidæ ratis infelicia Nereùs
 Vota, vel eiectos surda Acroceraunia nantas .
 Omnia terrorum prome argumenta, luendas
 Iam soboli immeritæ pœnas, iam publica famæ
 Iurgia, iam rerum obijciens discrimina . Nempe
 Vincetur ? Rapidum Borean, Austrumque furentem
 Aggesto citiùs frænaris puluere . Tanti
 Omnia sunt, clamat . Pereat res, fama, domusque,
 Et super ipse . Iuuat vindictæ atrocibus ausis
 Orchestram quatere, & tragicum mueruisse cothurnũ .

4. Quinã igitur, rogo, quàm violens tristisq; putan-
 Hic æn̄ tenor, vsque atrum fel mandere, toruas (dus
 Rerum inamabilium species, vim, iurgia, rixas,
 Sanguineos chalybes, feralia vulnera, cædes
 Noctibus attonitum, attonitum versare diebus,
 Insidias pariter struere, extructasque cauere,
 Bacchari, fremere, horrendo recubantis in antro
 Cyclopis de more, vel immanis basilisci,
 Nulla hominum iucunda pati commercia, nulli
 Fidere ? Proh miseram sortem ! Vitalis haberi
 Anne potest, nullo quæ, vita, fouetur amore ?

5. Exterior facies animum depingit, & omnis
 Hoc solet in speculo se promere cordis imago .
 Cerne truces Iræ vultus ; quàm turbida regnet
 Intus hyems, quæ cæcam agitet vesanla mentem,
 Haud tardum sit nosse . Flagrant, ceu dira Cometæ
 Fax, oculi : torua accendit rubor igneus ora :
 Nubila frons : saluunt venæ : fluitantia labra,
 Et calidos spumis videas albescere rictus :
 Mutua dens teritur : spissum vomit vnca vaporem
 Naris : inæquales gressus, crebro pede tellus
 Saucia, complosæque manus, tremebundaque ceruix .

Iam

Iam gemitu fera corda quati : iam spiritus æger,
 Turbidus, abruptis pressi mugitibus oris
 Nil certum humanumq; sonans. Quòd si qua viam vox
 Repperit explanata magis ; quid tristius illâ,
 Eumenidû propius quid vocibus ? Haud sibi parant,
 Haud soboli, haud Superis infanda extrema precari
 Omnia . Quàm tetrum atque immanem dixeris intra
 Sese animum, cuius tam formidabilis ipso
 In vultu effigies ? Talem tibi finge, mouendam
 Ad Superûm qualis pacem ex Acheronte profundo
 Effera Tisiphone ruit, immanisve Megæra :
 Dexterâ cui trifidam fumanti vertice taxum
 Concutit, & similes iaculantur lumina flammæ :
 Innumeri, toruæ crudelis gloria frontis,
 Tempora squamiferis præuelant orbibus angues :
 Parsque humeros ferrugineos, & torrida lambit
 Colla, iacens ; pars ad vulnus librata supernè
 Erigitur, nigramque animam, piceoque veneno
 Sibila tincta vomens, rapidæ micat agmine linguæ .
 At iuxta geminum quatiens Discordia ferrum,
 Et lethi furialis amor, Luctusque, Pauorque,
 Diraque Sæuities, cæcoque Insania vultu,
 Insidiæque, Minæque, cohors inuisa, sequuntur .
 Talis, vel si quæ truculentior altera fingi
 Forma potest, Iræ est animum versantis imago .

6. Iam quis inhumanas clades, lugendaque pestis
 Tam rabidæ valeat memorando exempla referre ?
 Hinc celeres ad tela manus, collisæque campis
 Agmina, sanguineis turbati fluctibus amnes,
 Sæuitum in procures, immissa incendia tectis,
 Funditus excisæ miseris cum ciuibus vrbes,
 Iusque datum gladijs, latèque per obuia ductum
 Gutture, nullo xui, aut sexûs discrimine, ferrum .
 Quin mors visa levis, naturaque tota sagacis
 Barbariæ ingenio, & lentis seruire coacta
 Supplicijs . Proh quæ (tantum nescisse fatentur
 Eumenides, purgantque suas hoc crimine tedas,

Nec

Nec pudor est vinci, proh quæ noua funera, quasque
 Infandas hominum, ah hominum furor extudit artes!
 Quæ natura dedit, pardi, Eibycique leones,
 Sringitis arma. Procul torquendi infana voluptas
 Extremæ quamvis, mors vnica sufficit iræ.
 Quin citiùs rabies, fuerit quò immanior, explet.
 Illata se cæde. Vtinam sæuire liberet.
 (Huc feritas quando iam tristia vota redegit)
 Sic homini. Sed præcipitis compendia lethi.
 Muneris ille loco statuit, damnatque Ferarum,
 Ceu mactare rudes, iras. Lasciuia tardi
 Funeris arridet: virtus hæc maxima, primus:
 Hic labor, & studium, Libitinæ obtundere falcem,
 Et, vitam quibus eripiat, suspendere mortem..
 Mens adeo, brutum antè imus quo munere vulgus,
 Nil super irato præstat, nisi degener ut sit.
 Hòc hominè magis, & Brutis truculentior ipsis.
 Ergo Aliùs (Pietas, Naturaque, parcite vati:
 Impia, dira canam) ferrato pectine sulcos
 Vndique sanguineos iterans pendentia carpsit.
 Corpora; damnatis aliis potabile lethum.
 Miscuit ignito liquentis gurgite plumbi.
 Hic pice perductos, insuere ad lampadis vsum,
 Longa profanatis iussit dare pabula flammis,
 Attonitamque rogo viuenti frangere noctem..
 Quid compulsa loquan sæuire cadauera, putres.
 Amplexus, vitamque nec per tristia iunctam.
 Fœdera? Quid plenos Natorum funere patres,
 Et consanguineos tumulos? Non, si mihi centum
 Ænea Stentoreis resonarent vocibus ora,
 Ingeniumque, fluens rapido torrentiùs amne,
 Spumea Mæonijs in carinina fontibus iret;
 Tot scelernm immanes ausus, tot barbara monstra
 Expediam cantu, & dignis ploratus æquem..
 7. Nec tamen, externis funestans cædibus Orbem,
 Nullos dira lucus casus, non vltima sæpe
 Fata sibi, peperitque Suis. Lætiissima bello
Agmina

Agmina cum signis quoties amissa : trahendi
 Dum sapiente morâ certaminis impatiens dux
 Haud dubias, cæco auspiciū faciente furore,
 Irruit in clades ? Quoties temeraria verba
 Per iugulum rediere, animâque & sanguine toto
 Constatit ardenti retinacula soluere linguæ ?
 Ira furor brevis est, Venusino iudice : longi
 Non semel in morbum sed transijt illa furoris .
 Exemplum Telamone satus : cui cæca phrenesis
 Interitum, cæcam violens tulit ira phrenesim .
 Ergo minor mentis, nec iam suus, edita campis. (a)
 Plurima Balantum post funera, Dulichiumque
 Riualet vanâ pecoris sub imagine cæsum,
 In sua lethiferum præcordia condidit ensē .
 Quid referam, medio penitus quæis corde recepta
 Vis eadem, indocilisque premi, ceu turbidus atræ
 Qui tegitur gremio nubes vapor, obvia quassu
 Fulmineo fragilis vitæ penetralia soluit,
 In lethum satis una ? Acri sic feruidus æstu
 Dum furit, & male se capientem Sylla tenere (b)
 Nec longum potis est rabiem, neque protinus omnem
 Egerere ; abrupti per dissilientia claustra
 Pectoris, & laxos venarum atque oris hiatus,
 Sanguine mistam animam, furisq; minisq; frementem
 Evomuit : dubium foret ut spectantibus, ecquid
 Syllæ vita prior ; prior an defecerit ira .
 Dignum equidem factis retulisti, barbare, lethum,
 Indigno, dederas qui tot ciuilia letho
 Corpora . Debueras proprium vomuisse cruorem,
 Cum Latio toties macularis sanguine Tybrim .
 Quæ scelus, ira, tuum fuerat, fuit ipsa nocenti
 Supplicium . Non Tisiphone, non Cerberus, aut, qui
 Immortale iecur Tityi depascitur, ales
 Sæuior hac, tantisque foret par cædibus ultor .
 Credite, posteritas : Syllanâ iustior ira

Nulla

(a) Vide Sophoclem in *Atace* Elagell.

(b) Valer. Max. lib. 9, cap. 3.

Nulla fuit : Syllam grauiâ atque extrema furentem
 Perdidit . Immanem vix non absolvere cogor
 Horrendamque luem . Quantumlibet impia cladis
 Humano tulerit generi, tot millia ferro
 Dum metit ; haud minùs humanâ de gente mereri
 Fôrs potuit, Syllam letho dum sustulit vnum .

8. Et genus hoc vitij tetrum, longèque videri
 Implacidum, qua vi humanos, quo turbine sensus
 Misceat, ex ipso pronum dignoscere vultu .
 At non perspicuum pariter, quàm lampade frêuâ
 Heu miseras vrât Cythereia flamma medullas .
 Nam quid ibi non nectareâ dulcedine tinctum ?
 Blanditiæ molles, incendia grata, lepores
 Idaliij, faciles risus, genialia ferta,
 Latitiæ flos ipse, voluptatisque medulla .
 Id teneri certè sperare Cupidinis ætas,
 Id vultus, placidæque iubet clementia formæ .
 Nulla supercilij nubes, nil fronte fœnerum,
 Nil habitu . Puer est, quo non spectatior alter,
 Ingenuus, comis, simplex : certantia puris
 Lumina syderibus : labris exundat Hymettos,
 Hyblæusque latex : totam sincera Venustas
 Purpureo Nati descripsit in ore parentem .
 Et, vehitur iunctis ad gemmea fræna columbis :
 Et, quamvis nunquam non spicula tractet, & arcum ;
 Aureus est arcus, perfusaque spicula melle .

9. Sed procul o, si quæ, miseri, vos cura salutis,
 Si Vestri quis amor tangit . Sub melle venenum,
 Pestantis Libyei fallunt sub floribus angues .
 Scitulus hic, tanto formæ blanditur honore
 Qui, puer (ah oculis malè tutum credere) monstrū est,
 Monstrum horrendum, atrox, quo non tunc estior vlla
 E Phlegetonteis olim ructata caminis
 Pernicies liquidas cæli prorupit in auras,
 Cognatique erebi misero plus intulit Orbi .
 Splendida fucatam nudent Insignia frontem ;
 Gorgonei rictus, furialiaque ora patebunt

Proth.

Protinus, & Stygijs vndantia lumina flammis.
 Falsus honos : rutili per eburnea tempora cirri
 Vipereos vmbrant nexus : squamosa draconum
 Pectora sunt molles ad gemmea fræna columbæ.
 Væ, cui pennigerâ violarit arundine pectus
 Ille nitens rosæ in speciem Thaumantidis arcus.
 Quale trahet subitò virus ? Quantum ossibus ignem,
 Tabida quæ furere arcanis contagia fibris
 Sentiet ? Hinc frontis pallor, maciesque genarum,
 Et varij vultus, defixaque lumina terris,
 Luctantemque animam suspiria crebra fatigant.
 Attonito similem videas, similemque furenti :
 Iam rapido ferri ceu turbine ; figere mota
 Iam, velut obiectu subito, vestigia : rarus,
 Et gemitu abruptus sermo : commercia vitat,
 Dimidius vel adest, facieque absentis, in vmbris
 Secessuque cauo nemorum sese ipse, suasque
 Crebrior affari curas . Non otia ludo
 Fallere, non spissâ virides indagine saltus
 Cingere, non Graijs iuuat insudare palæstris .
 Strati dura quies membris : nil dulce palato :
 Difficiles somni, longissima tempora, noctes
 Implacidæ, nigrique dies : mens corporis exul,
 Dulcibus officijs vitæ semota, Suique
 Deuia . Vefanos ne quisquam credat Amantes
 Ludere, dum querulis toties ploratibus vno
 Ætnæas se ferre sinu brumasque, facesque,
 Et iam perpetuo sibi vulture diminui cor,
 Iamque Ixioniâ iurant vertigine volui .
 Nil animus veris, nil heu cruciatibus addit :
 Certa fides : non ingenij ; sunt verba doloris .
 Dum nimij rapidos explere Cupidinis æstus,
 Et summo properant votorum fine potiri :
 Dum, vice ne iustâ redamentur, mutua ne sint
 Cura, timent, neu riuallis felicior ægri
 Fors sibi præripiat fructum, aut delibet amoris ;
 Dicere vix vlli promptum, quæ corde sub imo
 Pæna-

Pœnarum miseri exempla, & quæ Tartara cludent.

10. At morbi fôrs languor iners, soloque veneni
Desidis afflatu, & segni marcere timendus.

Fallimur. Haud pestis violentior altera cædes
Per medias hominem, per tela inimica, per ignes
Præcipitat, stimulisque agitans, & verberare torto,
Ultima quæque iubet cæcum nescire pericla.

Jilius impulsus furijs, de nocte profundâ

Nil timeat nudo iuuenis sulcare natatu

Bosphoreas hyemes : totum licèt horridus Auster
Suspendum liquidis aduersa natantis in ora

Montibus impellat mare : formidentque vel ipsi
(Tam violens decimæ circumfilit impetus undæ,
Tale ciet murmur, sic spumeus æthera lambit)

Natiuâ immanes scopuli ab radice reuelli.

Sub pedibus ratio, nusquam timor, omnia fœdam

Post Venerem. Indomiti tantùm se pectoris ardor

Expleat : id fixum, & quavis mercede parandum :

Cætera pro vili, quòcunque vocauerit anceps

Alea, supremis irrumpere casibus, atras

Bellorum sparsisse faces, excire quietos

In ferrum populos, florentia vertere regna,

Luctuque, & rapidis miscere tumultibus Orbem ?

11. Nonne vides, vt stare negans exundet equorum
Impetus, hæc simul in cæcas vis lapsa medullas ?

Ac neque iam scopuli, neque sæua ruentibus obstant

Flumina, quæ veteres sylvas, quæ rustica tecta,

Dimidiasque rotant spumanti vortice rupes ?

Tunc vr̃s furor insolitus : truculentior errat

Tunc campis leo : tunc serpentum immanior ira,

Et gemino feruent præcordia tincta veneno.

12. Proh rabiem cæcam! Humanæ tot funera vitæ

Quæ parit, obscœnis populatur corpora morbis,

Seruitio infando miserâque tyrannide mentes

Obruit, eximium famæ præstantis honorem

Turpibus opprobrijs maculat, ius omne reuellit,

Æthereos sensus, & diæ semina flammæ

Inter-

Interimī, genitumque poli ad commercia putri
 Cœno hominem mergit. Quid par *Ææa* nefandis
 Carminibus *Circe*, vel tristibus ausa venenis?
 Corporis illa habitum (vt verax sit fabula) brutos
 Induere in vultus, Superisque erecta tuendis
 Ora solo potuit reflectere : sœuior, ipsam,
Circe, acclinat humo mentem damnosa libido,
 Totumque in pecudes hominem dirâ arte refingit .
 Ah non ex nihilo maciem, lethumque, laboremque ,
 Impia furtiux post munera lampadis, ægro
 Incubuisse ferunt Orbi . Si vera fatendum ;
 Hic ignis fuit ille : omnis comitata Malorum
 Hunc series . Longè tamen, vt de sedibus haustus
 Credatur superis : tetro quin sulphure pinguem,
 Et picei glomerantem vndosa volumina sumi
 Tartareus *Phlegeton* superas in luminis oras
 Euomuit : nostroque luto admouere sorores
 Anguicomæ, ne quid tellus differret auerno .

13. At quænam aerijs hæc turgida plausibus, inter
 Illustres decorum phaleras, titulosque sequaces,
 Admiranda Sui vulgo dispensat hiantē
 Lentiùs ingrediens spectacula ? Fallimur ? Ipsa
 An laudum famæque subit ventosa cupido ?
 Ipsa subit certè : non fallimur . Aspice, quantā
 Cyclade verrit humum, quantam fert ardua frontem .

14. Ne tamen ignarum fallacis imagine pompæ
 Te capiat . Vicio nil immansuetius illo,
 Nil magis *EVTHYMIÆ* libertatique cauendum .
 Nam qui *Trinacrias* vrbes, vrbesve *Pelasgas*
 Seruitij grauiore iugo pressere tyranni ;
 Ac sibi deuotas crudelis gloria mentes ?
 Diuitijs miserum nudari . Nudat alumnos
 Illa suos, per magnifici dispendia luxûs,
 Quantosunque breuî consumere prodiga census .
 Triste, voluptati genioque indicare bellum,
 Assiduûs frangi curis, nullasque laborum
 Nosse vices . Quàm non paucos his illa fatigat

Impe-

Imperijs, hominum, rerum, vitæque, Suique
 Immemores Heliconiadum in secreta relegans
 Sylvarum exilia, & taciturnæ Palladis umbras ?
 Fumosis ubi, blattarum de more, libellis
 Perpetuò impliciti cerebrosa silentia, viuos
 Sæpe etiam iratis corrodant moribus ungues :
 Nullaque somniferæ libantes munera noctis,
 Exigui saturent oculos fuligine lychni .
 Scilicet hinc clarum veniet Sophos, ingeniumque
 Illa Cleanthæ populatrix flamma lucernæ
 Ex humili tineâ Assyrium in phœnica refinget,
 Æterno victurum ævo, vulgique per ora,
 Et memores abiturum illustri nomine fastos .
 Quid Patriæ procul à gremio, amplexuque Suorum
 Martia signa sequi, grauibz sudare sub armis,
 Sternere castrensi duos super aggere somnos,
 Vix summis extantem humeris tranare sonoros
 Præcipitur fluuiorum æstus, dubiasque paludes,
 Contra ignes, gladiosque, & mille volantes ferre
 Fata gradum, hic oculum terebrari cuspide, cæsa
 Illinc dimidium pro lucro euadere dextrâ,
 Crura alibi minui stridentis pondere saxi,
 Non graue non dictu miserum ? Comprehendere turbæ
 Vix tamen est numerum, tantos quam voluere casus
 Sanguinei facilem decoris spes improba cogit .

15. Infelix igitur, durisque laboribus ægra
 Perpetuò est, rigidi quæ triste recepit honoris
 Vita iugum : quanquam vel sit toleranda, decus par
 Si meritis, curas si præmia digna manerent .
 At quæ operum merces ? Mittamus, quælibet auris
 Gloria quod leuibz, tenuique simillima fumo,
 Bulla crepans, vanum sine re, sine pondere nomen,
 Nullis siue animos, seu corpora fructibus explet ;
 Hanc ipsam, rogo, quàm paucis apprehendere laruam
 Permissum est ? Quàm sæpe suos frustratur Amantes ?
 Seu quia diuersis Mortales sensibus, & quod
 Altera dat laudi, dat idem pars altera probro ;

Seu

Seu quòd præcipuè sublimia fumeus vrget
 Inuidiæ vapor, ac nebulis sordentibus afflat ;
 Seu demum quia fama leuis, temeraria, mendax,
 Ambiguique per ora volans discordia vulgi,
 Futilium variam rumorum hinc aggerat inde
 Colluuiem : rituque amnis, quò fusa vagatur
 Latiùs ; hòc magis insyncera & turbida serpit,
 Non sua præclaris admiscens crimina factis .

16. En tibi Mars Libycus. Per plura pericula nomē
 Quis petijt , meruitque ? Inimicam vt vinceret armis
 Italiam, vincenda fuit Natura . Niuosum
 Hospita condentes caput inter Nubila non tam
 Ignique, ferroque, & vi mordacis aceti,
 Ipse suis quàm perfregit sudoribus Alpes .
 Post tamen illatam vim rupibus, aruæque densis
 Stragibus insignita, & Pœni militis ipsa
 Vsq̃ue sub attonitæ nutantia mœnia Romæ
 Terrorem perlatum, oculi post damna palustri
 Sub Ioue, moxq; aliud, Fratrem, sibi lumen ademptum,
 Emerito quæ digna duci stipendia soluit
 Posteritas ? Tantos quæ fama remunerat ausus ?
 Scilicet indecori myrto mutasse vocantem
 Tarpeij laurum Iouis, aspirantibus vti
 Nesciuisse Deis, Capuæque ad mœnia, Cannas
 Nempe suas, rerum tam læta exorsa, priorum
 Tot fructus operum, sudatique vltima Martis
 Præmia corrupisse, Futuri improuidus, audit .

17. Nec Ducis Æmathij melior fortuna. Coruscis
 Quid procul e cunis Ganget idos Amphitrites,
 Auroræque sinu captiuum abducere solem,
 Et sua vix orto superaddere fræna dici
 Profuit ? Audaci quid classe extrema secantem
 Æquora, spumosi litem de iure tridentis
 Cæruleo intentare Ioui ? Quid maxima centum
 Vnius imperij in molem coniungere regna ?
 En per mille peti dignus certamina, tanti
 En pulcher Victoris honos : quæ strennus egit,

For-

Fortunæ meritum vocat Hic : temerarius Illi
 Arguitur stolidèque ferox : sine pulvere bella,
 Et nimium faciles nullo discrimine sunt qui
 Despiciant palmas . Quid? Quòd pars plurima laudis
 Gestarum in comites rerum, bellicque Ministros
 Spargitur . Vtique Alios habeat, sua fortia facta
 Qui celebrent, meritoque ferant ad sydera plausu ;
 Plus tamen hi quoque luxuriam, plus barbara iussa,
 Indignasque neces comitum, fastuque profano
 Quasites homini Superùm execrantur honores .
 Tam rarum, neque Mortali sperabile, plenam
 Quantovis sortiri operum molimine famam .

18. Anne igitur leuibus credendū est pectora curis
 Ambitiosa teri : dum, quam certamine tanto
 Nancisci properant, venantur & omnibus vnā
 Aucupijs, incertam adeo tenuerūque secundi
 Murmuris excipiunt auram : contraque, Malorum
 Quod miseris summum, mordacibus vndique carpi
 Iudicijs sua facta vident : nec, amica referre
 Quī tot Censorum liceat suffragia, quamvis
 Rumpantur, ratio sese aut spes obijcit vlla ?
 Quā graue seruitiū, quā dura & iniqua foret fors
 Mancipij, octonos pressā ceruice ferentis
 Tam malè concordēs Dominos ; vt, i:sa capessens
 Vnius, immites Aliorum protinus iras,
 Iurgiaque, infestasque manus, & flagra subiret ?
 Durius heu vani quicumque petitor honoris
 Captiuā fert mente iugum, seruire coactus
 Innumeris, animi, naturæque indole prorsus
 Oppositā, Dominis : quot scilicet ipse suarum
 Admiratores rerum, decorumque laborat
 Præcones habuisse : virū genus omne, senilis
 Canitiem menti, primæ lanuginis æuum,
 Sarranas procerum tunicas, plebisque lacernas,
 Externos, ciues, doctum, rude vulgus adorans,
 Obseruans, metuens, cunctorum sedulus vsque
 Ad varios habilem sese compone re nutus ;

Ni faciat, dominæ confestim verbera Famæ
 Laturus : nihilò infelix quæ mitius horret ;
 Vllus quàm scuticæ vibices Dauus herilis .
 Si vel fræna suæ miserum est admittere ; quantò
 Tristius externæ sub iura libidinis ire ?
 Finge adeo fragili Mortalem corpore ; quovis
 Alterius flatu, obtutuque vt possit iniquo,
 Saucius immanis clauæ ceu pondere, sterni .
 Num, rogo, vel fatis eductum talibus inter
 Postrema haud referas miserorum exempla; vel ipsi
 Haud geminum ponas, adeo cui roboris expers,
 Iunceaque est animi vis, vt percellere nulli
 Non liceat minimæ abiectum vel murmure vocis ?
 O semper tremebundam ! O nullam, tam tenui spe
 Quæ vitam trahit, afflatu variabilis auræ
 Circumagi subitò leuis in contraria, sortem !

19. Adde, nihil quòd cœcessu immoderata superbis
 Destinat ambitio conatibus : ardua quæque,
 Inuia, summa petit decorum fastigia, nullum
 Laude parem, nedum patiens habuisse priorem .
 Quinam igitur sublime adeo iaculantibus Ausis
 Terminus, aut requies ? Quænam fiducia voti
 Cum summis hominum, quos vel prior vlla creauit,
 Nostra vel antiquis heroibus addidit ætas,
 Assiduè decertanti, & sic mente parato,
 Tranquillam neget vt vitam, curisque vacantem
 Ducere, ni primum tot de rivalibus Vni
 Exorata decus sors annuat ? Heu sibi quantum
 Difficilem mortale genus, tardique paratùs
 Lætitiâ facit, in medio quam prodiga cunctis
 Exposuit natura ? Suæ proh nescia sortis
 Pectora ! Cum, dubij citrà discrimina Martis,
 Se facilem det amica quies ; oblata recusant
 Munera, ni tali rapiant e puluere, certâ
 Victorem nulli fas vnde recedere palmâ .

20. Quod, procul extremâ Ditis sub nocte sepultû,
 Funditus humanæ turbanda ad gaudia sortis,

Te

Te vomuit chaos, execrabilis, impia, vecors
 Ambitio? Quàm (tu sineres) pacatior Orbis
 Degeret? Antiquo starent vt sæcla metallo?
 Non miseræ toties per mutua funera gentes,
 Impia non fratrum caderent per vulnera fratres,
 Certantesque duos inter lacerata ruinas
 Plorarent tot regna suas. Tu buccina Martis,
 Irarum fomès, Libitinæ calcar, hirudo
 Sanguinis innocui, fraudum scelerumque magistra,
 Per versum fas atque nefas, per publica damna,
 Ad solium properare iubes. Tu, conditus imo
 Terrarum ceu sæpe sinu, rapidumque sub auras
 Vi subitâ meditatus iter Vulcanius ardor,
 Compagem solidam Mundi trepidantis ab imo
 Eruis, immani latè obuia quæque tumultu
 Concutiens, gelidosque metus, tristesque ruinas,
 Et miseròs toto propagans æthere luctus.

21. Heu quâti Romæ, (Quid Romæ diximus?) Orbi
 Heu quanti stetit insani ambitiosa cupido
 Cæsaris? Inde citos per Thessala rura, per vrbes
 Hesperias, Nilique domos, Libyæque calentis
 Equora præcipitans currus, avidumque cruoris
 Circumquaque rotans ensen feralis Enyo
 Implevit terras, implevit stragibus vndas:
 Romaque cum centum populis regnisque subactis
 Concidit, infelix vnus victima noxæ.

22. Quid reliquas memorè pestes? Sat carmine dictu
 Iam proprio, quantis agitent præcordia curis
 Formido malefana, immensus & ardor habendi:
 Nec setus has contra Eumenidas, contraq; nocentem
 Tristitiam quid opis Ratio, quæque arma ministret,
 Ultima nunc subit, & longè sæuissima, toto
 Pectore diuulsam penitus proscribere pacem,
 Criminis admissi ante oculos feralis imago.
 Hæc illa est, hominum quæ noxia corda, flagello
 Vipereo insultans, Acherusia torquet Erinnyes:
 Hæc rota, tergeminusque canis, iecorique renato

Penni-

Penniger assiduus tortor . Quid plura ? Manentis
Tartarus hæc vitæ . Proh dirum, triste, nec villo
Non lethale magis fatorum vulnere, vulnus !
Fidum alijs ratio solamen casibus : ipsâ
Ex ratione, quibus mentem crudeliùs angat,
Culpa trahit vires . Alij nouere dolores
Interualla vicesque : hæc iugi pectora letho
Conficiens, nullam roseæ seu tempore lucis,
Siue per umbriferæ pacata silentia noctis
Sontibus indulget requiem . Vix languida serus
Lumina permulsi sopor ; en Rhamnusia vindex,
Iratique torum Dîj maiestate seuerâ
Concutiunt . Mæstus timor vndique, & vndique diræ
Pœnarum facies . Tenui si murmure fœta
Intonuît nubes ; actum est : iamiam omnia suprâ
Se ruiturâ putant armamentaria cæli .
Proxima, si, rapido teritur dum semita curru,
Subsilijt paries ; violentior ima fatigat
Ossa tremor, moto ne cardine terra laboret,
Præcipites impulsa trahant ne tecta ruinas .
Concubiâ fôrs increpuit de nocte tigillus ;
Heu stygij lemures adsunt, in tartara viuos
Iam rapiunt . Iter ingressi, virgulta moueri,
Exiguâ dumos inter trepidante lacertâ,
Audierint ; spiris horrendum immanibus anguem
Cæcus adesse pauor fingit . Quæ tuta Nocentes
Otia, quam sperent infesto Numine pacem ?
23. Prona igitur cupidis adsint licet omnia votis ;
Ingenium, vires, regum fauor, ampla supellex,
Censusque, & tituli, & plaudentis munera famæ :
Tonsilium quamvis nemorum frondentibus umbris,
Irriguâque leuent infestos Naiade soles :
Nec blandi comites, citharæ, spectacula, ludi,
Phasiacæque dapes, Gauranaque pocula desint ;
Nil curas lenire satis . Phineia dulces
Diripiunt portenta dapes : generosa Falerni
In Veientanam migrat vindemia vappam :

H

Nautæa

Nautea sunt Arabum succi : mulcentibus aures
 Neruorum modulis tristi mens conscia planctu
 Obstrepit : ingrati comites : inamœna virentum
 Scena theatrorum . Medio sub pectore stridens
 Vna est ante oculos funesti criminis vmbra,
 Vnam animus sentit . Talis frondentia præter
 Mænala, vel gelidis nemorosæ in vallibus Idæ
 Cerua fugit, volucris quam certus arundine fixit
 Venator : neque iam lusus, herbosaque cordi
 Pascua, non liquido manantes vbera riui,
 Aut scruposarum caua frigora speluncarum .
 Pulsus amor nemoris, camporum oblita voluptas :
 Aprici colles, lasciua exercita cursu
 Prata, greges socij, quæque olim dulcia cunque
 Incolumi, iam nusquam . Infelix altera pectus
 Cura fodit, sensusque omnes sibi vindicat, hærens
 Traiecto penitus lateri crudelis arundo .

24. Expertus nimiùm lanienam hanc efferus vrbis
 Ille Syracosæ Pluto, sed pectoris Orcus (a)
 Sæuior ipse sui, & nullo se fine beatum
 Iactanti, Superisque parem monstrauit Amico .
 Nota satis cœnæ regalis munera, notus
 Attonitis super incumbens ceruicibus ensis,
 Viuida culpæ, animos gaudere vetantis, imago .
 Tu quoque, Cæsarei in probrum diadematis hæres,
 Supplicium quàm triste nocens animus ferat, & quàm
 Nulla iuuat fontes fortunæ opulencia, sæuo,
 Delicias Caprearum inter blandosque recessus,
 Lymphatus, Tiberi, monstrorum horrore fateris. (b)
 Cuncta tuis elementa quidem vestigial amicum
 Soluebant votis : fortunæ in culmine stantem
 Orbis adorabat : felices reddere nutu
 Innumeros vno poteras, sed reddere nullis
 Heu te felicem poteras conatibus vnum .

Scili-

(a) *Cic. 5. Tuscul.*(b) *Vide Sueton. in vni. vita cap. 63. & 67. & Tac. lib. 6. An. cap. 6.*

Scilicet, arcano penitus suffusa veneno,
 Impia mens sibi tortor erat, vultuque minaces
 Gorgoneo (sat supplicij vel posse videri)
 Eumenides stygios vibrabant cominus angues
 Nequicquam refugo, vertentique ora, manusque
 Tendenti contra, & veniam lugubrè roganti .
 Plus igitur scelus in poenas, ad gaudia totus
 Quàm potuit Cæsar : tantique superbus honore
 Imperij, visus terrarum Numen, & Orbis
 Fatum vnum, placidæ iucundo munere pacis,
 Quo neque pannosi fæx indiget vltima vulgi,
 Infelix meritò, & nulli miserandus, egebas .
 Talibus (I, lentam, i, Nemefim, gens impia, ride)
 Supplicijs miserum exercent sua crimina pectus .

25. Has igitur Furias, erebique immania monstra
 Excantare sacro Sophiæ me carmine cœpti
 Lex operis iubet : auulsis, quæ pectora turbant,
 Funditus vt caulis, sua cordibus otia, seque
 Annuat, & iugi Pax temperet ora Sereno .
 Qualiter, Astræi rapido cum turbine fratres
 In pelagus cecidere, imâque à sede refusos
 Conglomerant, secumque ferunt per Nubila fluctus :
 Iamque adeo, ablato rerum discrimine, volui
 Æthera cum ponto credas, cumque æthere pontum ;
 Neptunus liquidis si fòrs. caput extulit aruïs,
 Regalesque comas, formidatumque tridentem
 Concutiens, Vnde ista licentia? Vos ego : sæuùm
 Increpuit Pater ; attoniti subitoque pauore
 Præcipites, hinc Eurus atrox, hinc turbidus Auster
 Certatim Æolijs properant sese abdere claustris .
 Fit fuga : deseruere fretum : simul horrida cedunt
 Nubila, turbati ponunt simul æquoris vestus .
 At Genitor, placido lustrans vada cœrula curru,
 Reliquias irarum, expirantisque procellæ
 Supremos lenit fremitus : quem candida circum
 Phyllodoce, Xanthoque, & Nereidum chorus omnis,
 Glaucusque, Phorcusque, Athamanteusque Palæmon,

Tritonesque citi, cum squamifero comitatu,
Compositas latis exercent plaussibus undas.

26. Et primùm indomitis bacchantē ardoribus Iræ
Ut teneas; rapidi procul auertisse memento
(Tutius id, quàm commotas dein sistere flammæ)
Nutrimenta Mali. Nemo non prætulit armis
Otia Dux sapiens. Quò ferrum hostemque laceffas,
Cum dubij possis nescire pericula Martis?
Audenti, fac, certa paret victoria laurum:
Num semper felix, semper sine sanguine laurus?
Ferreæ sit quamvis, longo certamine sensim
Atteritur virtus: neque tantùm bella ciere,
Ipsam etiam bello toties vicisse fatigat.

27. Nec te ideo vacuis nemorū penetralibus quum
Abdere, cessantem penitus, vitæque remotum
Officijs iubeam, vel rege exempla cauendi
Sumere ab Ismario, oblata haud ignobilis artis, (a)
Materiæ sed sollicitæ, minimèque fidelis
Pocula comminui qui protinus omnia iussit:
Ne, si mox aliquo pretiosa toreumata casu
Vecordis famuli fregisset lubricus error;
Exciret calidum iactura inopina dolorem.

28. Plura tamen iusto miscere negotia, seque
Vrgendis caueat penitus mens tradere rebus.
Nemo etenim subitas adeo procliuis in iras,
Instantùm ut densis qui voluitur officiorum
Fluctibus, immodicæque operum sub mole fatiscit.
Tunc in fermento est bilis: tunc quilibet illam
Occursus, strepitusque agit. Ceu trita calorem
Corpora; sic, varijs teritur quæ sedula curis,
Irarum rapidos mens concipit acriter ignes.

29. Proximus hinc comitū delectus, quos tibi dulcis
Nexus amicitiae coniungat, & arctior usus:
Ingenio ne difficiles, neu naribus vncis,
Elateque supercilio. Vitentur &, ultra
Queis Rectum calor, ac nusquam nisi tota voluntas,
Iurga-

Iurgarique vltro faciles, quosque anxia semper
 His modò, iamque alijs ex vano conceitat vmbis
 Suspicio . Agrestes quid moribus, aut cerebrosi
 Commemorem capitis? Quid mollia pectora, quorum
 Audiri celeres minimo irritamine questus?
 Moribus his longum concordì fœdere iungi,
 Rixarum expertem, nimio plus ardua virtus .

30. Sed neq; si procul externa hæc fœmēta remedia

Tunc etiam cæcos flammati pectoris æstus
 Nesciet, ignauo cultu blandisque foueri
 Artibus à primo quisquis consueuerit æuo :
 Nam, veluti nunquam tot desæuire coruscis
 Fulminibus nimbos, quot tempestate videmus
 Autumnâ & vernâ, quæ pars clementior anni
 Quo fit, vt autumno propius, vernoque tepori
 Italiæ cælum vrgeri quoque sæpius illis,
 Quàm Scythiæ gelidum latus, & Pelusia regna,
 Prodiderit vasti rimator Plinius Orbis ;

(a)

Sic & fœmineum vulgus, sic corda virorum
 Proxima fœmineis, parilique eneruia luxu
 Sæpius, & causâ videas leuiore moueri .
 Nil miseris non infestum, subitoque dolore
 Turbandis validum . Quæ corporis, hæc eadem fons
 Est animi . Solitos hyemem defendere testis,
 Nec cælum, nisi lene, pati, victumque diurnum
 Delectu nimio, medicâque expendere lance,
 Et seruare modum vitæ, rerumque tenorem
 Perpetuum, quævis mox inclementior aura
 Afficit, insuetus quivis labor obruit, omnis
 Ægrotare iubet paulò robustior esca .

Non secus, ad votum semper cui viuere, molles
 Inter adulantùm comitum, sortisque secundæ
 Contigit illecebras, quisquis sua vota moretur
 Deû casus, teneris quidquid minùs auribus aptum
 Acciderit; turbari animo offendique necesse est .
 Ad rigidos igitur mens obduranda labores,

H 3

Non

(a) vide lib. 2. *Hist. nat.* cap. 50.

Non nihil & duri in vitâ quandoque ferendum
Sponte homini : callum donec patientia sensim
Ducat, & hac vires priuatâ gymnade contra.
Externos paret assultus, inopinaque fata .

31. Quod superest, turbis hominû, rebusq; gerendis
Ne mihi se virtus vnquam committat inermem :
Omnia quin secum priûs exigit, in medio quæ
Pulvere versanti sese deîn tristitia possunt
Obijcere, & stomachi subitos attollere fluctus .
Nempe velut si quis properanti segnior obstat,
Iniiciatque moram medius : si naris obesæ
Cessatorque secus peragat mandata minister :
Si minûs vrbano, immodicus lusisse, sodalis
Offendat mitu, vel scommate . Disce remotum
Frangere consilijs hostem . Vincetur, vbi instet :
Parua loquor : victa est, ratio quam præuenit, ira .

32. Si tamen ignarum vel sic, exorta repente,
Aggrediatur, & insanis præcordia verset
Motibus; haud vitreû (docuit quod Sextius) orbē (a)
Sumere tunc iubeam : crystallo iudice, tetros
Illius vt coram possis dignoscere vultus .
Sint alij speculum, simili quos turbine mentis
(Et præsens aderas) meministi sæpiûs actos .
Quæ miseris facies ? Tragici non instar Orestæ,
Non toties verum spectare Athamanta putasti ?
Anne Alijs igitur pariter lymphatus haberi,
Vitandæque velis speculum te fingere formæ ?

33. Quin potiûs, toto rationis pondere nixus,
Fige gradum contra . Pugnæ brevis alea . Primo
Te nisi concursu violens deiecerit hostis ;
Vicisti . Tumidos iamiam subsidere fluctus,
Immanisque rogi, Mundumque haurire parantis
Nil gelidam præter videas superesse fauillam .
Impetus est, vitamque trahit furor omnis agendo :
Ex motu vires, animique . Quiescere cogas :
Occiderit, frangetque suis se viribus ultro .

Ergo,

(a) Vide Sen. lib. 2. de Ira cap. 36.

24. Ergo, calet dū pugna, recēs dum mœnia circum
 Hostis adest; quodvis, sapiens, inhibere memento
 Flagrantis decretum animi. Quid postulet vsus,
 Quid ratio velit, haud pronum dignoscere tantā
 Pectoris in trepidi vertigine: ceu minūs olim
 Exaudita sibi ciuilia iura, tubarum
 Horrisonum clangorem inter, bellicque tumultus,
 Rettulerat Marius. Da rebus, da breue cordi (a)
 Turbato spatium. Maturis omnia tecum
 Mox statues, cum, composito certamine, tota
 Mens aderit sibi. Nequitia commotus inertis
 Mancipij Archytas, Virgis iam terga caleres, (b)
 Improbe, ait, si non animi flagrantior essem.
 Quæ scire Alios iubet indignatio, pœnas
 Hæc eadem prohibet me sumere. Pectoris impo
 Ipse sui, officium male sumit herile. Furori
 Nil liceat, iusto quia vult sibi plura licere.

35. Dissimulare etiam surgentē in pectore morbum
 Proderit. Ægra tumet circum præcordia bilis?
 In vultus saltem ne prodeat. Indue pacis,
 Indue lætitiæ speciem: molliſſima tunc vox,
 Tunc gressus placidi, & motus sit lenior omnis.
 Dum sanum simulas, facies. Eliditur ignis,
 Nulla vbi præcluso patuit via. Socratis iram
 Haud alijs solitam deprendi certis, oris
 Ac minūs in verba effusi, vocisque remissæ,
 Indicijs memorant. Visus cum lentior esset; (c)
 Succensum rapidis scires tunc pectora flammis.

36. Nil tamen his actum monitis, si nescia fraudis
 Pergit adhuc, vitæ quin utilis ira videri. (d)
 Quæ mihi (Aristotelem quamvis præscribat, & αὐτὸς
 Ἀντὸς ἰσπ., tripodis crepet æmula Pythagorei)
 Legitimo excutienda foro, librandaque restat

H 4.

Ponde-

(a) Plut. in vita Marij.

(b) Cic. 4. Tuscul. & Plut. de Liberis educandis.

(c) Vide Sen. lib. 3. de Ira cap 13.

(d) Idem ibid. cap. 3. & lib. 1. cap. 9.

Ponderibus iam rite suis sententia . Iustam,
 Nec male de vitâ meritam tu dixeris iram ?
 Qui ? Rogo . Nimirum fontes vlciscitur, æquas
 Et malefacta iubet pœnas persolvere . Fontes
 Quin potius facit, & iusti seruare tenorem
 Nescia supplicij, quæ vindicat, Ausa vel æquat,
 Vel superat . Nullo motu iactetur, oportet,
 Astrææ geminas æquato vt pondere lances
 Dexterâ sustineat . Ratio, non Ira luendis
 Constituit leges, & digna piacula noxis .

37. Cur, ais, irasci nequeam peccantibus ? Ipse
 Haud proprij vacuus quia criminis . Excute pectus,
 In medios descende sinus : quàm multa pudebit
 Cernere ? Quot subito obijcient se probra, seueri
 Censoris puncto, & tristi carbone notanda ?
 Ah nemo veniæ non indigus : vlcera nulli
 Non sua flenda . Negas Alijs si parcere ; saltē
 Parce tibi . Cur hanc properas inducere legem,
 Ipse Nocens, ne sit fas ignouisse Nocenti ?

38. Esto tamen purum vitio tibi pectus ; acerbū
 Anne ideo in fontes odijs bacchabere ? Sæuus
 Proh nimium ! Sic ergo parum miserabile mentis
 Supplicium sua culpa ? Parum fors flenda, proteruū
 Præcipitem ferri vitiorum turbine, fœdis
 Inseruire libidinibus, rationis egere ?
 Saucia Pæonijs non odit membra minister,
 Sed molli fouet arte, lues quod fœdior, Ægrum
 Hòc miserans magis : &, ferrum si fortè, vel ignem
 Expugnari aliter renuentia vulnera poscant ;
 Triste ministerium solâ pietate coactus
 Aggreditur . Fas hinc exemplum ad crimina ducas :
 Pæona te, Fontes morbis lethalibus ægros
 Concipe : nec furor, in pœnas cum cogeris ire,
 Aut odium, sed ducat amor, studiumque iuuandi .

39. Indolis at prauæ interdum vecordia sæuæ
 Vrgeri terrore petit . Non mollia verba,
 Compositi non tunc vultus, non ipsa coercet,

Ni

Ni violens, animique grauem testata furorem,
 Pœna fatis . Fateor . Frons ergo scruat, at non
 Mens pariter . Sit vox irati, pectus amici .
 Quò verus sub corde calor, cum fictus in ore
 Sufficiat ? Quò vesanum stimulare furenti
 Bile iecur : cum, quidquid opis furor ipse ministrat,
 Compositi præstet non seciùs vmbra furoris ?

40. Restat, vt hoc saltem afflatu, discrimina contra,
 Aduersosque obices, virtutem ignescere credas .
 Cecropij sic nempe vetus cortina lycei,
 Nicomachi soboles docto pronunciat ore . (a)
 Nequicquam . Genus id stimulos audire recusat,
 Ipsa sibi calcar, virtus . Si cordibus addit
 Robur, & impauidas quæcunque ad fortia mentes
 Ira ciet ; quidni paribus succendere flammis,
 Plùsque etiam nudi valeat respectus Honesti ?

41. Cur tamen inficias abeam ? Stat vera fateri .
 Calcar, & heu nimium violens impellere calcar
 Turbidus est menti furor . Irritamine cæco
 Scilicet illam vltra Recti finemque modumque
 Abripit : vt, nec rite suas disponere vires
 Gnara, nec hostiles metiri prouida, certis
 Irruat exitijs, nimioque ardore nocendi
 In quæcunque ferat nudum discrimina pectus .
 Consilij pendente gradu, & moderamine lento, (b)
 Artibus ignotis iræ, labefacta priorum
 Vesano feruore ducum Tarpeia fata
 Restituit Fabius . Septeno e culmine præceps
 Decideras, Roma, & Iulci fors fræna subisses
 Victoris, cæco dederat si fræna furori
 Maximus, imperij columen, speciosaque rectis
 Consilijs tanto potiora in cardine rerum
 Duxisset . Sed nulla viro seu feruida Iussa
 Instantum socium, & pugnam clamore frementum ;
 Seu Tyrij conata ducis, nunc Marte propinquo

H 5

Vallum

(a) Vide Sen. loc. supra cit.
 (b) Idem de Ira lib. I. cap. II.

Vallum assultantis ; nunc circumiecta per arua
 Cogentis prædas, ferrumque ignemque ferentis,
 Propositum excussere animi, studiumque salutis :
 Et vicit, prius Annibalem quam vinceret, Iram .

42. Nunc, age, quid contra diuersû tegminis hostē,
 Quaque veneniferos ratione Cupidinis areus.
 Effugias (Nulli fas tutum hîc fingere, nulli
 Plus, quam securo, pugna hæc metuenda) docebo .
 Prima adeo larvam speciosi nominis, atrox
 Qua tegit ingenium, ferali demere monstro
 Cûra sit . Heu quantâ resperfit labe, quibusque
 Opprobrijs castum, syncerâ nomen Amoris
 Polluit, huic illud primus quicumque ferendum
 Attribuit morbo . Nil fœdum, vile, eaducum
 Ingenuus meditatur Amor : nil purius vsquam,
 Nil magis agnatum cælo, & rationis amicum .
 Hic sacer ille calor mentis, quo percita sese
 Egreditur, votisque leues aptantibus alas,
 Æternum sequitur sua per vestigia Pulchrum :
 Hinc cordis vigor, hinc alacres ad fortia sensus,
 Et Recti modus, & vitæ cælestis origo .
 Ergo caue, pulchri ne te consortia ducant
 Nominis in fraudem, stygioque bitumine olentem,
 Corporeæ lucis pariunt quam fulgura, flammam
 Syncero geminum quidquam arbitraris Amori .
 Nil dispar adeo . Tenebris Phœbeia lampas
 Congruerit citius, sapiantque aconita Deorum
 Ambrosiam . Rabies hæc perdita, cæca phrenesis,
 Nefleum virus, cœni Camarina nefandi,
 Exitium mentis, vitæ pudor, halitus Orci .
 Quid nobis heu verba damus ? Compulsisse decoram
 Quid scelus in speciem iuuat, & superaddere clavis
 Syderibus, cuius pudeat vel Tartara, monstrum ?
 Scilicet egregios inspiret eordibus ignes,
 Heroumve calor possit, genisque videri
 Terra lues, Brutis hominem quæ miscet, inertem
 Affigitque Solo diuinæ semina mentis ?

Ta

43. Tu meliùs sapias : talemque in imagine verâ ,
 Tot cinctam colubris, tam detestabile virus.
 Faucibus, efflantemque oculis tibi finge ; vel ipsa
 Infandi vt timeant commercia nominis aures .
 Tum simul hac diri se quisquam tabe veneni
 Saucius (heu nusquam non plurima turba) videndum
 Obtulerit ; licet Assyrios procul vndique nimbos,
 Seplasiæque forum expiret : licet omnibus ille
 Munditijs talos à vertice comptus ad imos,
 Cirratus, rosæ nitidus fulgore iuuentæ,
 Totusque e speculo, Cypriæque e pyxide, blandas
 Mille serat gestu charites ; haud nausea menti
 Sit minor, ac putri cælum nidore grauantes
 Projecti canis exuias, dilapsæque tetram
 In saniem laceri membra aspexisse caballi .
 Obuia quæ si Fors tulerit spectacula ; vultum
 Ocyûs auertis, properasque euadere, totam,
 Non sine rugoso concussu, in lumina frontem
 Declinans, animæque premens spirabile limen,
 Nequa veneniferæ irrumpant contagia pestis .

44. Hoc odio imbutus ne protinus omnia blandi
 Euasisse putes morbi discrimina . Nullus
 Fortior arcanâ vi mentem impellere vocis
 Æmonia sonitus : cælo aurea sydera quamvis
 Effuget, inque suos mutata retorqueat ortus
 Flumina . Securæ nequicquam dulcia pacis,
 Hoste semel victo, præsumimus otia . Belli
 Non alius, quàm corporei qui, terminus, zui,
 Vnaque mors requies . Natiuo à semine ductum,
 Congenitumque imis vitium fatale medullis
 Humano penitûs succidi robore nescit .
 Quin, vires animosque nouans per vulnera, lapsus
 Fortius Antæo, cæsæque perennius Hydræ,
 Victorem petit vsque suum : & ni cura resistat
 Peruigil ; infestis toties assultibus vrget,
 Tot mouet insidias, tot fraudibus vndique cingit ;
 In sua captiuum postremò vt vincula cogat .

45. Quas ego, quas herou animas, fortissima quodã,
 Et centum memoranda trophæis nomina, foedum,
 Intueor subiisse iugum? Præstantibus en qui
 Herculeam titulis gestorumque agminæ famam
 Transierat, gemino spoliatus lumine Sampson,
 Viribus abrais, oneri pœnæque reuinctus,
 Marmoreum, nouus Ixion (an Sisyphus?) orbem
 (Sæuus Amor, Cyprisque iubet sic perfida) voluit.
 Monstrorum en Alter domitor, Iesseia proles,
 Monstrorum à puero domitor, cladesque gigantum,
 Captiuis Paphium tandem ceruicibus hostem
 Accipit, inuicto ex heroe, cruentus aduker.
 Tune etiam, nemorum & squalentis sydus eremi,
 Tune etiam, Iacobe? Ah notas exere vires: (a)
 Ah illum reuoca Iacobum, subdola quondam
 Fœmineæ fraudis qui tentamenta, Pudoris
 Victima, bellatorque, manu fumante repressit,
 Fortior & geminos superauit Mutius ignes.
 Quis furor, heu, fusi toties in vincula Ditis
 Laurigeras præbere manus? Huc grandia Cœpta,
 Hæc igitur canæ recident virtutis honores:
 Vt, sacri post dena quater stipendia Martis,
 Hostibus, heu, ludus ridendaque fabula, turpis
 Nequitæ tyrocinium nunc denique, fugis
 Sulcatus, ponas, senioque incuruus Amator?
 Nil agimus: cassi monitus: decorisque, Suique
 Oblitus Senior, modò quam crudelibus Orci
 Arreptam Furijs dirâ obsidione, puellam,
 Soluerat, ipse animum Furijs peioribus actus,
 (Eloquar? An fileam?) rapti post damna pudoris,
 Virâ etiam dulci, timidus crudeliter, & bis
 Iniuſus, viduat, Prædo. Specus hospita ab imo
 Contremuit: visæ nemorum expallescere frondes:
 Attonitosque suos, ventis cessantibus, horror
 Increpuit ramos. Tum luctifoni plangores
 Aurarum, & vacuis ingens vlulatus in aruis:

Quique

(a) Vide Iurium 28. Jan. in eius Vita.

Quique per umbriferam vicino gurgite vallem
Riuulus herboſi ſerpebat marginis altor,
In caput auerſas reuocauit territus undas.
Necdum etiam vanos, moniti, ſubmittere faſtus
Diſcimus? Immixtæ cælo capita alta, ruinam
Heu cedri traxere: humiles trepidate myricæ.

46. Omnibus ergo animi excubijs, vigiliq; cauendâ
Prouiſu eſt, auido quidquid fomenta furori
Suppeditat. Multos oculorum deuius error
Cypridis in laqueos, & ſerò cognita duxit
Exitia. Incauti dum papilionis ad inſtar,
Obutu cupido circùm ſua fata volantes,
Eximix repetunt lumen ſpectabile formæ,
Securo ſubitas rapuerunt pectore flammas.
Tu vetitum cerni credas, quod amare vetaris:
Nec gladiatorum crudeli in gymnade tantùm, (a)
Sed magis hæc animi blanda inter prælia, primos
Scito oculos vinci. Per lumina tritus in arcem
Pectoris eſt cæco iam pridem ingreſſus amor.

47. Nil tamen obſtruxiſſe fores has proderit hoſti,
Turpibus interea mimis, Paphioque lepore
Inſectis vacuas donec ſi cantibus aures.
Sirenum ſcopulos noſti, Eumenidesque canoras:
Ne nimiam diſtare putes: quocunq; ſub axe,
Quæ perimant animos, vocalia toxica miſcent:
Præcipuè in reſonis Thymeleo actore theatris,
Inter ubi choreas, blandùmque ſonantia ſila,
Molles nequitix, & caſus referuntur Amantùm.
Heu quot naufragijs famoſa hæc littora? Caſti
Quos iuuenes, primo quotque xui in flore puellæ
Syrtibus his teneri puppim allifere pudoris?

48. Adde parùm caſtos, Heliconia crimina, vates,
Per quos virginibus iam non licet eſſe camænis,
Inque Dioneum migravit Cyrrha lupanar.
Naſonem Geticas meritò proſcripſit ad oras

Roma

(a) Tac. de German. Primi in omnibus prælijs oculi
vincuntur.

Roma vetus . Tu Nasonum (damnata propago
 Vivit adhuc, semperque novam numerosior exit
 In Sobolem), quicumque docent peccare, libellos
 Exilio simili trans & Garamantas, & Indos.
 Ire iube : neque concinna lepor aureus artis,
 Aut numeri teretes, & byssina verba morentur .
 His lenocinijs animos sibi dira libido
 Præparat : &, quantò sentiri lenior intrat ;
 Plus tantò sedet, ac mentes permanat ad imas .
 Dictio dum placet ; insipiunt quoque dicta placere .
 Horrebas quæ nuda prius, fucata nitore
 Castalio, minus atque minus nunc probra timoris
 Incutiunt : tam non tibi, mens adamantina : primum
 Tam rigor inflecti sensim, nimiusque videri :
 Tam natura Venus potiùs, quàm culpa : iuventæ
 Tam condonandus furor est . Quid restat, ametur &

49. Præterea nulla alterius vis dira veneni
 Latius, aut citius sua per contagia serpit,
 Impuri scabies quàm tetra Cupidinis . Omnem,
 Ni fugis occursum, ni sedulus omnia vitæ,
 Alloquiique cautes commercia, sedere si quo.
 Ingeris obscena tactis lue ; protinus haustum
 Et tua grassari flebis per viscera morbum .

50. Quod modò præcipiam, mortalia credere non
 Verba, sed Euboicæ carmen fatale Sibyllæ .
 Vaticinor, moneoque . Deus, Deus ora canenti
 Temperat, & Delphis animum mellioribus implet .
 Prima Cytheriacæ simul ac præludia tabis,
 Impellique novâ dubium prurigne pectus
 Senseris ; erige te, vigila, afflatumque recentem,
 Ceu subitum, apprensus qui vestibus hæserit, ignem,
 Excute . Nec fallat, primò quòd serpere lenis
 Ille calor turpem nondum fateatur amorem .
 Si tenerum exigui foueat mora temporis ; in quæ
 Bacchantum subito flammaram incendia surget ?
 Quos animo tenuis pariet scintilla Vesuvios ?
 Biblis in exemplo est . Nascentis semina morbi,

Et malè conceptos ah sedula protinus ignes
 Obrueret ; non, irriguo liquefacta dolore,
 Nunc etiam veteres, post tot iam sæcula, luctus (a)
 Perpetuus Lycijs in vallibus egereret fons .

§ 1. Otia tunc (quamvis nunquam nō otia lædunt)
 Sed tunc præcipuè moneo fugienda . Tenaci
 Ceu piger aruorum gremio qui desidet humor
 Turpia mille parit luteis animantia stagnis,
 Fertilitate suâ infelix : motuque carentem
 Ceu putris situs, ac tinxæ pascuntur edaces
 Materiam ; molli sic desidiosa veterno,
 Nec varijs operum studijs exercita, fœdum,
 Quo miserè pereat, sibi mens producit amorem :
 Sic illam surdo caries hæc improba morsu,
 Paulatim minuens, depascitur . Otia tollas ;
 Continuò infracti periere Cupidinis arcus,
 Nec facibus vis vlla . Imbellem languidus vmbra
 Persequitur, mollesque toros puer ille : laborem,
 Sollicitos actus, operosa negotia, sæuum
 Non aliter pubes quàm prætextata magistrum,
 Deuouet . His residem, quidquid causabitur, vrge
 Strenuus imperijs ; næ, tristia iura perosus,
 Sarcinulas furtim leget, hospitiumque molestum,
 Inque salutatum comitem, mora nulla, relinquet .
 Ergo vel indomitum poteris tunc flectere gyro
 Cornipedem ; vacuis vel retia tendere syluis :
 Iamque sequi celeres frondosa per auia ceruos ;
 Iam formidatis excire cubilibus vrsos .
 Aut, patrijs si cura magis delectat agelli ;
 Inspice, quot prælis seruent vineta racemos,
 Quanta premat ramos vinci Pomona volentes,
 Nectare quo vernas stipent examina cellas .
 Nec pigeat riguis plantaria credere sulcis,
 Currentemque oleri ieiuno adducere riuum .
 Mille operum causas, mille oblectamina menti
 Fert ager . Hic socium vitis deserta pedamentis ;
 Hic

(a) Quid. lib. 9. Metam.

Hic rastros seges ; hinc poscent viridaria falcem .
 Quidquid agis, sat erit, dum ne nihil, otia pellat
 Dum labor, Idaliisque, fauent quibus otia, curas ;
 Præcipuè Sacris musarum operare . Voluptas
 Hæc simul illiini captam dulcedine mentem
 Imbuerit ; nedum Veneris mala gaudia ; sensum
 Vel dapis, & somni coget sibi cedere . Clauus
 Truditur ut clauo ; docti sic entheus ardor
 Carminis obsceni stimulos excludit amoris .

52. Multa super tradenda forent præcepta: sed vni
 Extremo sub fine viæ iam vela legenti
 Sat retulisse : suis nihil in certamine tanto
 A studijs opibusque homini sperare relictum ;
 Ni fragiles animos cælo labentis amoris
 Viuidus ignipotens calor, & vegetabilis aura
 Roboret . O hominum, Diuinique beata voluptas,
 Sancte Amor, arcano coniungens omnia nexu,
 Omnibus insinuans animam, sensumque, vigoremque,
 Immensi natura Boni, spirabile Numen,
 Tu potes antiquæ penitens contagia labis
 Tergere : tu, cæcis quos subijcit ossibus, ignes,
 Insidiosa Venus, meliori vincere flammâ .
 O Generantis ades, Genitique reciprocus ardor
 Numinis : o totas animorum illabere fibras .
 Quid tum, si Stygius flammantia tela Cupido
 Ingeminet ? Quid tum, ruptis fornacibus æstus
 Fumiferos iniunice vomant si Tartara ? Flatûs
 Vna tui mentes leniuerit aura : caloris
 Vna tui totum scintilla extinguet auernum ;

53. Ambitio superest . Huius releuare superbo
 Aggredior iam colla iugo . Tu, libera si mens,
 Vindicæque iuuant ; solerti ante omnia curâ,
 Fac, reputes, famæ de moribus ingenioque
 Carminis haud falsus cecinit quæ nuper Apollo ;
 Ut sua crudeli pretio connubia vendat,
 Mille subire procos discrimina, mille laborum
 Tædia ferre iubem : ut, vel post talia, paucos

Digere

Dignetur thalamis, multos exosa repente
 Destituat, nulli syncera atque integra constet :
 Ut demum, stabili quamvis se lege fruendam
 Annuerit ; solidæ nil tunc quoque frugis habenti
 Ferre queat, vani simulacrum futile somni,
 Aerius vapor, vmbra levis, resonabile murmur,
 Pictaque mentitæ Iunonis imagine nubes . (a)
 Quæ penitus si nota habeas, creberque reuoluas ;
 Fluxam adeo, tenuemque, & Veri pondere cassam
 Obuia per quæcunque sequi discrimina mercem,
 Haud minùs insani duces rem pectoris ; ac si
 Mactandum se ferro Aliquis, vel præbeat igni,
 Dum similis viuo docti per vulnera scalpri,
 Aut per Apellæ superet mendacia telæ .

54. Nec te decipiat, magni quod nominis ardet
 Viuida nescio quæ iaculatur fulgura mentis
 Nobiliore typo excusæ, & celsissima quæque
 Ad decorum stimulis plusquam vulgaribus actæ .
 Diuersi penitus mores : Vulcania cœu si
 Arma humeris sudans inulctum spiret Achillem
 Therfites, Libyci fuluâ seu pelle leonis
 Arcadicum genus, & naturæ opprobria velet
 Gestator, Silene, tuus . Nempe ardua vota,
 Præstantesque fouere alto sub pectore sensus
 Credatur, studijs qui se famularibus vltro
 Deuouet ? Haud alius famæ captator . Herile,
 Aspice, quàm timidè nutus obferret : amica
 Ut demissus emat populi suffragia : quantis
 Artibus in vulgus se commendare laboret :
 Gaudia, spes, curas omnes ex illius ore,
 Iudicioque trahens . Phrygiâ quis Datus ab hæc ?
 Patriciæ titulum si turba hæc indolis aufert ?

55. Sed neque votorum præstans, sua fortia facta
 Egregiosque ausus minimâ mercede rependi
 Qui ferat . Anne igitur non talis, maxima vitæ
 Præmia cui plebis digitus, tritumque susurrus

Mobi-

(a) Vide Natal. lib. 6. mythol. cap. 16.

Mobilibus nomen? Proh veræ inscitia laudis!
 Siccine curarum pretium tibi vile tuarum?
 Siccine, quos toto Numen dignatur olympo,
 Sat lenibus censes fumis, vanoque labores
 Pensari sonitu? Dignam te concipe mentem:
 Maior es. Haud tanti mea, dic, molimina vendo,
 Iudice me vilis. Præstantior ambitus vrit,
 Metaque contento signatur celsior arcu.
 Sat præsens Deus, & Recti mens conscia. Vestram
 Nec sic reijcio, tanquam haud sit debita gestis
 Hæc quoque nobilibus, famam: prensare caduca
 Sed pudet, agnatum Superis, cælique capacem.
 Sydera cur paleis mutem? Non astringit, aufert
 Eximio pretium merces indigna labori.

56. Deniq; adhuc magnæ titulum si ducere mentis
 Pergis avaritiam famæ; cur sedulus omni
 Hanc studio premis, & clausam sub pectore servas?
 Cur tuus hic, laudum quo munera prima referre,
 Inter & æquales conniteris altior ire,
 Obscuris pauidus latebris se continet ardor?
 Nonne ideo, ne deprensus ludibria vulgo
 Debeat, & risus, narrandaque fabula fiat?
 Ipsa igitur, cæco latitans pudibunda recessu,
 Se nihil egregij ambitio spirare fatetur.

57. Alter adhuc, ficti larvam cui demere Verâ
 Experiar, multis fucum facit, & malè cautas
 Sæpe dolis mentes irretit dulcibus error.
 Sexuimus populo, nobis quia multâ fauentem
 Credimus, & flatu spirantem ad vela secundo.
 Hinc adeo miros de nostris vndique rebus
 Misceri famæ sonitus, per compita nostrum,
 Perque domos celebri nomen discurrere plausu,
 Nos designari digitis, & ad æthera tolli,
 Grata sibi faciens animus spectacula (qualis
 In vacuo soliti mentem oblectare theatro
 Argiui veteris fuerat dementia) fingit.

(a)
 Nec

Nec modus, vltro ipsas plaudentū, atque, Euge, Beate,
Clamantum voces quin exaudire putemus.

§ 8. At tu Socratico vigilantum hæc somnia risu,

Non secus ac, lepido vestit quos fabula socco,
Pyrgopolynicas, ampullososque Thraſones,
Excipias, hominum, gnarus, sua quemque morari,
Cætera curarum segnem, ac nescire paratum.

Splendida nec moueant, vani quæ sæpe sodales
Præſenti tumidis faciunt præconia buccis.

Nam quis Amicorum vaſtras sub nomine vulpes,
Et paraſitantis nescit tectoria linguæ?

Officio functi laudatum protinus omni

Ablegant animo. Quorum sub pectore, quorum
Assiduum memori te viuere credis in ore,

Absentis nullâ tanguantur imagine: sisne,

An fueris, longos nunquam ineminere per annos.

Ex populo, rerum celebri rumore tuarum

Attonitum plenumque tibi: quem errore superbo

Fingis, pleraque pars neque natum in lumina vitæ.

Audiſt: ex facie reliqui, vel nominis aurâ

(Nil vltra) nouere. Latini maximus author

Eloquij, ſuadæque oraclum, non hominis vox,

Tullius id proprio, quàm vellet certiùs, uſu.

Comperit. Ætæno diſcedens littore Quæſtor, (a)

Haud aliam terras omnes, maria omnia circum

Crediderat, niſi de geſto ſibi munere, famam

Feruere. Puteolos igitur deuectus, amicis

Plauſibus ac titulis, queis obuia turba merentem

Exciperet, lætas iamdudum arreſerat aures.

Ecce autem tumidâ ſe credulitate ferenti

Per medios, quâ conferti viſ plurima vulgi,

Spargentique graues huc illuc, publica laudum)

Vndique colligeret ceu veſtigalia, viſus;

Nescio quis verbis ſeſe communibus offert

Ardelio: &, Quid ab Vrbe noui, dignique relatu,

O Bone? Mirari, ſtomacho erumpente, ſuperbus

Arpi-

(a) Vide eius Oras. pro Plancio.

Arpinas. Quid enim? Thusco tibi littore prorsum
 Nunc videor soluisse? Adeone ex omnibus vnum
 Præterit, externas quàm pridem missus in oras:
 Vnde redux? Lepidus tum percontator, Vt, inquit,
 Exciderat! Sed da veniam: nunc denique, qui sis,
 In mentem redijt. Libycâ digressus ab actâ
 Nempe venis, quæ Prætori prouincia dudum
 Obrigerat. Fugit demissis frigidus Hospes,
 (Aspersâ Volucer ceu gallinaceus vndâ)
 Cristarum phaleris, & strictis ocyûs alis,
 Indignans, atque, O mores! O tempora! mussans,
 Siccine præstantiûm memoranda exempla virorum
 In tenebris squalere? Nouis quæ littora cunque
 Sol radijs, curru vel discedente salutat,
 Plena meæ rebar Quæsturæ laudibus. Auras
 Vt subito in tenues incundus vanuit error!
 Ecce Dicarchei vicinâ in littoris orâ,
 (Vix aures sibi, vix credit mens auribus) ipso
 En prope in aspectu Siculæ telluris, an vnquam
 Quæstor eò appulerim, latet, admirabile nedum
 Quidquid, & eximium gessi, populisque loquendum.
 Heu miseras hominum spes, conclamataque vota!
 I nunc, sollicitâ famam virtute mereri
 Nitere. Perpetuis, i, frange laboribus æuum,
 Vt tibi inocciduos pariat labor improbus annos.
 En, quæ magnanimis respondet gloria factis.
 En, quæ nostrarum (pudet) ignorantia rerum.
 At bene, quòd vel sic sapui. Ventosa valete
 (Sat surdis huc vsque piget cecinisse) theatra.
 Nil vulgo, quid agam, curæ? Nil & mihi, vulgus
 Quid blateret. Virtus hinc protinus vnica finis,
 Et merces operum. Quid frustra sedulus, omnis
 Quos penes interiit meritorum gratia, nullus
 Officij quos tangit honos, seruire laborem?
 59. Illius errori sic experientia finem
 Attulit. Euentu sed dedignata doceri
 Præuenit errores Ratio; studiumque tuarum

In populo rerum metiri protinus illo
 Te iubet, externas quo res curare vicissim
 Ipse soles . Tanto clarorum ex agmine, seu quos
 Prisca tulere, ferunt seu tempora nostra, virorum,
 Quantula pars, rogo, vel tenui tibi murmure nota ?
 Hanc ipsam vt rarus seu voluis pectore ; fando
 Seu memoras ? Vt iners & languida tunc quoq; pulsat
 Retractantem animum species ? Vt parca, brevisque
 Mentio ? Quàm nō cuncta probas ? Quàm plura seueri
 Lance supercilij, & naso suspendis adunco ?
 Qui tuus erga Alios igitur, hunc noris eundem
 Omnibus erga omnes, naturæ fœdere certo,
 Esse animum . Solum tu te miraris, amasque,
 Et populo eximium censes mirumque videri,
 Quæ præclara alibi, seu quærere lentus, iniquo
 Seu fastu spreuisse celer . Cur ergo superbum
 Me minùs intentumque mihi, cur indole quemquam
 Dissimili credas, alioque numismate cusum ?
 Vnus nempe tibi tu carus ? Fallere : cunctis
 Hunc pariter natura Sui commendat amorem .
 60. Præterea, quod priuatim delegimus ipsi
 Ad famam studij genus, id præstare videtur
 Omnibus vnum. Hederas laurosque; Heliconis alumnus;
 Rostra, forum, causas Rhetor stupet : Ille superbis
 Fascibus ; Hic sæuo bellorum in puluere lectis
 Nil æquale putat palmis . Quid multa ? Laboris
 Quisque sui pretio capitur, diuersa sequentes
 Negligit : vt proprio quantumvis munere claris
 Vix, nisi paucorum, quos vna ars iunxit eodem
 In stadio, curas liceat, plaususque mereri .
 At non Hi faciles rivali plaudere, seque
 Victos, quòd socium mirentur gesta, fateri .
 Scilicet expectes, primæ dum laudis honorem,
 Præripuisse tibi quem nititur, Æmulus ultro
 Deferat ? Expectes frustra . Sub pectore nulli
 Non commune salit votum, victoria : nec tam
 Obtusis homines famæ dulcedine tangi

Nasci-

Nascimur ingenijs ; vlli submittere falces
 Vt libeat . Quidquid præclarum & nobile visum
 Fors alibi, extemplo id titulis componere nostris
 Cura subit : tum, si minus in certamine, factu
 Calcamus tumido ; si par, liuore maligno
 Deterimus . Sic quisque, locum tenuisse priorem
 Dum properat, seseque vnum circumspicit, in se
 Totam vno mentem, totumque absumit amorem ;
 Ex socijs paucos sensu dignatur, eosque
 Collatos sibi iam spernit ; iam liuidus odit .
 Talia purgato expendas si pectore ; vani,
 Credo equidem, nimius frigescet nominis ardor :
 Teque vltra, refugis tendentem retia ventis,
 Frustratum irrisumque operæ insudare pigebit,
 Et cum spe famæ simul ipsa cupido residet .

61. Illud ad extremum moneo, ne dulce periculum
 (Lotophagi ante oculos sint, & sirenia saxa) (a)
 Attentare velis . Facile est non quærere famam
 Absentem ; graue quæsitam dimittere . Nam quem
 Inuenias, semel insigni qui nomine parito,
 Non vtrâque manu proprium retinere, secundas
 Non hominum de se spes impleuisse labores ?
 Liber erat, donec populo secretus . Iniquos
 Iam subiit frænos : iam, quod ferat vsque coactâ
 Fronte, ingum (licuit quondam non sumere: sumptum
 Haud etiam fas pro libito excussisse) recepit .

62. Hinc adeo fieri videas, vt Pallade tincta
 Sæpe leui, primo studiorum in limine, pubes
 Nil circumfusi cuneos atque ora theatri
 Formidet, recitans ; dum, qui Permessida totam
 Immenso bibit ore, sacri vetus accola Pindi,
 Rostraque iamdudum emeritus qui triuit agendo
 Orator, populi se se auribus experiundum
 Dat quories, in principijs palleiscere sandi
 Cernitur, & vix voce sibi, vix pectore constat .
 Hoc etiam causæ, ignoti cur lentius ora

LIBER V. 191.

Nos spectatoris moueant : sin conscius alter,
 Nostrarumque diu rerum experientior adsit ;
 Ad trutinam cautâ pauidi formidine cunctos
 Libremus, ne quid fors ille coarguat, actus .
 Nulla quod à Primi arbitrijs iactura timenda
 Nempe sit ; Hoc multum minui sub iudice possit .
 Acrior vsque adeo parti, quàm cura parandi
 Nominis est : leuiusque homines ditescere nullâ,
 Quàm veteri, assertaque ferunt decedere famâ .

63. Ergo, tui dum iuris adhuc : dum littore tuto
 Cimba sedet ; plausus ne te leuis, auraque fallax
 Inuitet rapido permittere lintea ponto .
 Haud facilis retro cursus . Ratione fugatâ,
 Ambitio inuadet regimen : quò se magis altos
 Induet in fluctus ratis ; hòc violentior æstus,
 Hòc tellus speranda minùs . Gliscentibus auctu
 Scilicet optato famæ prouentibus, vnâ
 Sollicitus pauor, & tristes sub pectore gliscunt
 Curarum stimuli, ne facta sequentia primis
 Degenerent : ne dissimiles, veterumque probemur
 Inmemores laudum : de nobis neu sua porro
 Iudicia elusi damnent, qui maxima quæque
 Expectant, nosque in primis mirantur Amici .
 Heu miseros operum fructus ! Non aspera saxa,
 Immensum proris famæ qui finditis æquor,
 Non sæuum Hippotadem, nimboſaque sydera ; ventos
 Ah potiùs faciles, cursusque horrete secundos .

64. Huc igitur vires, huc arma: his pestibus omni
 Conatu & validæ obluendum robore mentis .
 Pax belli pretium . Vitijs, noxisque remotis,
 Nil iam intus trepidi, nil, quod purissima turbet
 Gaudia, tristitiæ suberit : longèque flagella
 Ultricùm Furiarum, & Cerberei latratus,
 Quis fontes animos terret sua culpa, sonabunt .

65. Atque vtinam innatos, æternaq; bella cientes
 Auspicijs æquè detur felicibus hostes
 Irangere ; barbaricos pugnacem vt nuper ad Istrum
 Edo-

Edomuit fastus, orbemque implere minantis
 Perfida Bistoniz Leopoldus cornua Lunæ
 Fatali retudit dextrâ, & victricibus armis,
 Maximus Europæ vindex. Quæ sæcula tantum
 Ausa forent sperare decus? Vix gaudia credunt
 Nostra sibi: vix ipsa capit victoria sortem,
 Qua fruitur: necdum funesti tota recessit
 Temporis effigies, quo centum Thracia regnis,
 Centum Asiæ populis curua ad vexilla coactis,
 Diluvium horrendum Martis, totumque Memetem
 Hungariæ infudit trepidanti. Immensa sub armis
 Æquora delituere. Tuum iam Græcia Xersem (a)
 Credidimus, sicciosq; vadi Lissumque, Scamâdrumque,
 Iosâ superante siti. Non axe niuali
 Barbarus hostilem fremitum atque immania turbo
 Murmurâ continuit. Germana ad claustra tonantem
 Eridanus longè pater audiit, audiit ingens
 Larius, & totis horrescens Albula ripis,
 Quique supra Hesperiam pontus, quique alluit infra.
 Et potuit forsan, Latix sanctissimus Urbis
 Ni Pater inuictis flexisset sydera votis,
 Austriaci, heu, potuit columen sub pondere tanto
 Imperij cecidisse: Arctoo e vertice pronus
 Hesperijs potuit Strymon se infundere campis,
 Mæoniumque Istro Tyberim, septemque Latinas
 Edomitibus septem iunxisse Trionibus arces.
 Sed timor hic olim. Melior nunc altera versis
 Rebus adest facies: plenum post Nubila solem
 Cernimus. In vacuum tam sæui turbinis horror,
 In ventos tumidi crepuerunt vota tyranni.
 Cælestium arbitrijs, & ferro iudice, subter
 Belligeram Mundi decisa est causa Viennam.
 Momentum fatorum ingens, arx vna sequestris
 Mœnibus Occiduum hinc texit; confregit Eoum
 Inde Orbem. Clypeo tua mansit tuta sub illo
 Libertas, Europa: tuus subsedit ad illum,

Barba

(2) *Vide Herodot. lib. 7.*


Barbaries, scopulum fastus . Nempè agmina mille,
 Excitusque Oriens, bellicque immensa supellex
 Addiderant animos . Retro lapsa omnia : totum
 Mouisti imperium, tota vno ut Marte perires .
 Insonnere tubæ . Hinc Bauarus, Lotharingius illinc
 Heros præcipiti densa inter millia saltu,
 Disploso geminum ceu quondam ex æthere fulmen,
 Quà ferrum, flammæque, & Martis plurimus horror,
 Irrumpunt . Socio irrumpit Victoria gressu,
 Et iustus Furor, & dignis iam læta probari
 Funeribus Virtus . Quis te, turbata ruentem
 Agmina, Sarmaticus Maiors, cladesque Getarum,
 Prætereat, Sobieschiade ? Quàm sæuus in armis,
 Quàm feralè rubes ? Nimbosum haud tantus olympo
 Sustollit mucronem, & sydera terret Orion .
 Agnosci, vicisse tibi est . Certamina terror
 Nominis inuicti peragit . Dant terga pauentes,
 Ut primùm sublimis apex, cristataque notæ
 Lux fulsit galeæ . Nemo expectare tremendum
 Fatiferi pondus chalybis : nemo ignea vultus
 Fulgura luminibus ferre . Et se grandior Heros
 Illo fortè die, assuetumque excedere visus
 (Seu cæli noua vis, ardor seu Martius auxit)
 Sobieschum . Plus ora micant, plus ardua ceruix,
 Surgentesque humeri, & bellatrix longiùs vmbra
 Campū operit . Trepido iamq, omnia versa tumultu:
 Misti equites, peditesque, abiectis vndique signis,
 Ordinibus nullis, per plana, per ardua cæcos
 Præcipitare gradus, sociosque impellere, si quā
 Se liceat fati rapuisse vrgentibus . Actum est :
 Occidimus Thraces : spes nulla : euadite : totus
 Terga premit Boreas . Sic illi . Haud segnior instat
 Attonitis, iamque hoc, iamque illo in sanguine Victor
 Exatit dextram . Mutato nomine, bellum
 Fit fuga, fit cædes . Sternuntur barbara passim
 Agmina : confusus riuo deuoluitur vno
 Ponticus, Assyriusque cruor, quemque amne niuali
I
Nutrie-

Nutrierat Tanais, rapido quemque Africa sole
 Torruit. Excitæ varijs tot partibus Orbis,
 Tam diuersa procul naſtæ cunabula gentes
 Vno Danubij ad ripas iacuerè ſepulcro,
 Fœdum alijs aliæ glomeratâ in ſtrage ſepulcrum.
 Pande triumphales portas (non improbus vltra
 Inclufæ trepidis ceruicibus imminet hoſtis)
 Auſtriaci arx Tarpeia Iouis. Fas ire per altos
 Innumeræ cædis cumulos: fas barbara caſtra
 Securo luſtrare gradu. Quid gaudia ceſſant?
 Haud ceſſant: hilarem totis victoria portis
 Effundit per aperta urbem. Votum omnibus vnum,
 Cernere præteriti coram monumenta timoris.
 Circumeunt, monſtrantque locos, diſcuntq; viciffim,
 Attonitis defixi oculis. Tendeſbat equeſtris
 Hic acies: fræna en etiam, phaleræque ſuperſunt:
 Hic Ianifferûm florentes ære cateruas
 Explicuit campus: velorum hîc diuite luxu
 Ornarat ſibi caſtrenſem Veſirius aulam.
 Aſpicias hunc tumulum? Rapidas flammata vomebant
 Hinc tormenta neceſ. Viden hos telluris hiatus,
 Nigrantesque ſpecus? Infernum hæc ſtruxerat hoſtis
 Mœnibus exitium. En, Lotharus quo limite caſtra
 Vi ſubiit prior. En, conſoſſo vbi Goſtare, ſignum.
 Sobieſchus Getici rapuit lunare tyranni.
 Vndique certatim diſcurritur: vndique lætis
 Mirantùm ſtudijs, & plaufibus æquora feruent.
 O digna æterno in faſtis adamante notari!
 O æuo par vna dies! quæ funera, luſtus,
 Terroresque, minasque à noſtris barbara vertit
 In capita: innumerosque auſus, cladesque, rapinasq;
 Atque Orbem euerſum, & tot Thraci ſæcla rependit,
 Grande triumphorum auſpicium. Nam quæ noua ſati
 Protinus excepit ſeries? Quantum inde cruoris
 Barbarici, horrendum belli vectigal, in Iſtrum
 Victorem Euphrates, Tanaiſque effudit? Ahenis
 Quot validæ clauſtris, ſoſſisque vndantibus arcibus

Caſa-

Cæsareum subiere iugum ? Non ardua Budam
 Mœnia, non triplicis textit custodia valli,
 Armorumque, virumque obices. Duræ æmula Troiz,
 Quo subigi posset, maiorem inuenit Atriden,
 Atriden Lotharum . Quid seu, Strigonia, seu te
 Inclyta commemorem regalibus, Alba, sepulcris,
 Nesseliumque, & quæ stagnantem, Eſechia, Drauum
 Longo ponte domas ? Hinc sicco Marte subactos
 Victori referant Sighetum, atque Agria muros,
 Bellantùm olim ingens pretiû, nunc palma sedentùm;
 Inde moras Fabij, cunctatoremque Gradium
 Pertæsus, rapidâ Taurunum Boiarius vi
 Scipiades ferroque aperit . Nil fortibus obſtat,
 Nil validum clauſumque ſatis . Victoria, pleni
 Gurgitis in morem, quâ pronos æqua dedere
 Fata ſemel curſus, torrente refunditur aluèò,
 Perrumpitque obices, ſecumque morantia quæque
 Conglomerat, nec, quid ſint ripæ, aut littora, nouit .
 Iamque adeo exundantem armis non Pannonis ora,
 Non Dacus, Myſusque capit . Thrace, impia Thrace
 Poſcitur : illò auidi curſus . Sæuiſſimus ante
 It pauor, & totum trepidis rumoribus Hæmum
 Concutit : inuiſtum Aſtriaden, leſtiſſima bello
 Agmina, ferrum, ignem, excidium, ſupremaq; iam iam
 Gentis fata canens . Nec falſò , I, maxime Cæſar,
 Quò Superi ſtrauere viam, quò proſpera ducunt
 Omina, tantùm audens, quantum timet anxius hoſtis:
 Perge triumphato viſtricia ſigna tyranno,
 Fatalesque inferre aquilas : perge, auſpicibus Dîjs,
 Extremas Aſiæ in latebras, Scythicoſque recessus,
 Funditus Europâ auulſum, exturbare Memetem .
 Hæc tibi ſors decreta : tuis hanc gloria dudum
 Temporibus nutrit laurum . Iamque illa comantem
 Altior in ſyluam excreuit, maturaque tantis
 Laudibus auguſtam properat conſcendere frontem .
 Felices, quibus id victori neſtere ſertum
 Ingenij vis alta, & par ſublimibus orſis

Calliope annuerit : qui te, diuisa iugantem
Imperia, & gemino clarum diademate, victam
Post Asiam, Europam assertam, exarmataque bella,
Pegaseo temone super plaudentia Pindi,
Austriaci iam Pindi attollent culmina : seu quos
Verius ipse super Smyrnæ culmina famæ
Grandibus auspieijs, immenso & nomine tolles .
Felices iterum ! Angusti me conscia flatûs,
Heroas spirare, & tantum audere canendo
Musa vetat, tenui contentum dicere plectro
Interiora animi secum certamina, quasque
Colligit arcano Virtus in puluere palmas .





EVTHYMIÆ

Liber Sextus.

I Amque tot emensus vada cœrula, condere festinus
 Illicet optato meditabar littore pinum,
 Et longi comites cursûs dimittere musas.
 En alij fluctus, aliud maris æquor arandum.

In medium reuocor. Sacris attollere visa
 Ex adytis caput, ipsa novos Sapientia vati,
 Plenius vnde trahant, docui quæ cætera, pondus,
 Augusto monitus Dea suggerit ore: tuisque
 Hæc, ait, appendix veniat suprema libellis.
 Parendum Superis. Reflectite lintea, iustos
 Neu pigeat mecum (brevis est via) tendere cursus,
 Aoniæ Comites. Illimi gurgite purus
 Bellerophontei sic vobis Præpetis humor
 Vsq̃ue fluat: sic ipsa suas concedere vestris
 Faticinas iubeat quercus Dodona viretis.

2. At quæ prima nouo reuocamur in æquora cursu?
 Hæccine, tot circum quæ consista puppibus, & quâ
 Nautarum assidui cursus atque agmina feruent?
 Nulla minùs. Quin ipso adeo hoc de limite primùm
 Auerfis nos Diua iubet decedere proris:
 Nec magis aut Siculo latrantia monstra Profundo,
 Aut concursurâ horrendos Symplegade fluctus,
 Quàm comitum tot vela, ducemq; horrescere turbam.
 Ambiguus igitur (prima hæc oracula) regendum,
 Tranquillæ cui pacis amor, se credere vulgi
 Sedulus auspicijs caueat: neque rectius illud,
 Errantium quod plura notant vestigia, dulcem
 Ad metam sibi fingat iter. Prænestæ supinum.

Si petis, Herculei gelidas vel Tiburis artes ;
 Præ reliquis quæ trita, eadem tutissima ducet
 Semita . Iunge alacer præeuntibus ordine turmis
 Te comitem : certi nunquam frustrabere callis .

• *EVTHYMIÆ* secreta gradum ad delubra ferenti

Dux alius . Nihil hic populo confidere tutum :

Indicium pravi numerus : quo tramite pulvis

Altior, & maiore pedum, maiore rotarum

Pulsa sono tellus ; cæcis ibi fraudibus error

Accubat : insidias, præruptaque certiùs illic

Sperandum . Non læta adeo, fatale Parentis

Post scelus, humano generi fortuna relicta est,

Non ea naturæ vis ; vt meliora probentur

Pluribus . Aerij celso de culmine montis

Si libeat terras infra aspexisse iacentes ;

Attonitis, heu, quæ subito se scena recludet

Luminibus ? Quodnam aspicias miserabile, discors,

Immensumque chaos ? Ruptis volitantia frenis

Crimina, fas versum atque nefas, dira vndique bella,

Furta, dolos, cædes, periuria, nilque relictum

Exitij : infandis erroribus omnia latè,

Omnia vesano scelerum confusa tumultu .

Hæc Hominum cerni studia : his temeraria passim,

Consilijque experts iactatur vita procellis .

Nec timor in tales socium descendere fluctus,

Cum liceat tuto secretum e littore fœda

Naufragia, & tristes errantùm cernere casus ?

3. Quid numero fidis comitum ? Fiducia vecors .

Scilicet, affusâ medium stipante cateruâ,

Tutior ad rapidi fueris contagia morbi .

Aut minùs hoc vereare luem, non singula tantùm

Quòd capita, ac plenas turmarum demetit vrbes .

Haud scelus imminuit peccantum turba, sed auget

Perniciem : quantòque in plures diditus exit ;

Tristior est tantò, non excusator error .

4. Sit pecorum, sit, quos pecori rationis egestas

Associat, quacunque gradum fecere Priores,

Con-

Consilij sine lege sequi ; cur ire gregatim
 Ipse velis, quem nobilior sapientia vulgo
 Eximit ? Errantem raperis cur agmine, princeps
 Agminis intactos poteras ostendere calles
 Qui socijs, turbæque facem præferre sequenti ?
 Hunc, age, flammiuomam cælo qui lampada portans
 Æternos relegit sua per vestigia cursus,
 Partitisque diem, mensor certissimus, horis
 Temperat, & Mundo sua finit tempora, solem
 Aspice . Non illum summi rapidissimus orbis,
 Præcipiti sese, & subiecta volumine torquens,
 Impetus aduersas prohibet, quò tendit, Eoum
 In latus, ire vias . Raptis vertigine tantâ
 Syderibus, proprium innato decurrere nisu
 Pergit iter . Vano sic per deuexa ruente,
 Stultorum quâ consensus, morisque recepti
 Turbidus æstus agit, vulgo ; contrarius vrget
 Propositum Sapiens . Alij ditescere raptis ;
 Vel proprios census Hic deserit . Vlteriùs spes
 Vlteriùsque Alijs semper procurrare ; simplex
 Huic voti, natura, modus . Quodcunque videri
 Exteriùs blandum, defixis protinus Illi
 Luminibusque, animisq; inbiant; Hic pendere formas,
 Veraque fucatis secernere doctus, in ima
 Lynceos adigit rerum penetralia visus :
 Cumque, quid eximium, quid contra, lumine puro
 Cominus inspicat ; talparum credere nocti
 Abnuit : obliquâ, nec, quos regione vagari
 Cernit, eos vitæ ductores deligit : vltro
 Errantem quin castigat deliria . Quonam,
 Vefani, quò, vociferans, temeraria vota
 Spargitis ? An fraudum laqueos, an lubrica nondum
 Exitia, & serum lapsis sapuisse videtis ?
 Nulla viæ merces : bifori dimissa elephanto
 Attonitos sensus species deludit : inanem
 Prensatis miseri, pro corpore, corporis vmbra .
 O reuocate gradum : nequè vos exempla Priorum

Indociles Veri rapiant, & mentis egenos,
Sed Ratio, fallique negans Prudentia, vitæ
Certa per Ionium dubijs Cynosura carinis.

5. Nec mora : semotam turbis errantibus, ipsa,
Ipsa ultro regere, anteuolans, Sapientia mentem
Aggreditur, supraque imi iam præcipit Orbis
Eniti celerem spatia, & quodcunque caducum :
Altiùs ut spirans, diuina æternaque secum
Incipiat meditari, & puro lumine latas
Cælicolum sedes, magni Conuexa Tonantis
(Quantum non fragiles onerosi corporis artus
Impediunt) iam nunc pernicibus occupet alis.

6. Scilicet ex illo stellantis vertice Mundi,
Nil ubi non æternum, ingens, mirabile, summum,
Terrarum exiguan molem, subiectaque longè
Regna videns, minimi in speciem coeuntia puncti,
Quàm tenui sese in spatio contendat inanis
Ambitio laxare : quibus compressa malignis
Nequicquam tumeat mortalis gloria claustris :
Quantula pars nihili sit, quod certamine tanto
Finitimas inter per mutua vulnera gentes
Diuiditur, nullis iam visum hebetantibus umbris,
Certius hoc noscet ; spectat quò longiùs absens .
Magnorumque adeo ambitiosa negotia regum,
Dispositas classes, cumulata æraria, iunctos
Fœderibus populos, valido seu Marte subactos,
His positas ; illis delectas finibus arces,
Immanesque alios, sonitu plaudente per ora
Qui volitant, trepidumque vagis rumoribus Orbem
Concutiunt, genus hoc operum rerumque paratus
Non alio sanè spectabit lumine, pubis
Quàm teneræ curas, quoties, molimine magno
Incumbens operi, exiguas attollere gaudet
Viminibus calamisque domos . Hic sedulus aruis
Materiam legit, & gremio complexus anhelum
Vectat onus ; spatijs æqualibus Alter acutos
Figit humi vallos, transversaque tigna supernè

Illaqueat : cœno studium solidare tenaci
 Huic laterum textus ; paleis & frondibus Illi
 Sternere summa labor . Discurritur undique : pensum
 Pro se quisque suum velox urgere : nec vlla
 Seu mora, seu requies dextris . Ad culmina ductum
 Mox hilares fusi circum (ceu septima muri
 Coctilis Assyriæ portenta crepidine ripæ
 Extulerint) mirantur opus, fixosque tuendo
 Expleri nequeunt oculos, potuisse superbi .
 Indolis heu simplex ætas ! At quælibet illud
 Dissipet Æolij impulsu iam flaminis aura :
 Ni, cupidæ vernos paleâ sibi texere nidos,
 Excidium infesto Volucres abiectis vngui,
 Aut virides candâ tulerint trepidante lacerti .

7. Sed neque tunc sævæ fortis discrimina, morbi,
 Exilium, carcer, tenuis res, orba senectus,
 Et, quos præterea infelix fert vita, labores
 Incoctum æternis animum, plenumque Futurum
 Afficient : neque, si lætis successibus auctam
 Vim scelerum tumidâ passim ceruice vagari
 Viderit, indignis contra succumbere victam
 Eversamque dolis virtutem ; fræna dolori
 Soluet in ingrati querulus conuicia sæcli :
 Anxius aut dubio librabit pectore, Nostra (a)
 Curentur Superis ; nullo an moderante Deorum
 Præcipites euenta rotent mortalia casus .
 Proh nimium tenues animas ! Crateris in orbe
 Exigui tantas labefacto corde procellas
 Quæ subeunt : tanquam præsentis finibus æur
 Res hominum clausæ, aut ingens mortalia sæcla,
 Quantovis numero labentibus addita sæclis,
 Momentum faciant . Sortem post fata repostam
 Anticipans, latèque vagantem, & littora præter
 Omnia diffusum, claudi renuentibus undis,
 Temporis æterni Oceanum lustrare volueri
 Sedula mens nisu, quascunque coercitus aræis

I s Noster

(a) Claud. in Ruff.

Noster hic euripus spatijs attollit ab imo
 Spumiferas fortunæ hymes vix æquat anhelis,
 Vadantemque somum, bullasque cientibus, ignem
 Ad circumpositum, exiguæ fervoribus ollæ.

8. Sed quia sublimes etiam præsentia tangunt
 Sæpe animos; proprio, curandum, ut noverit æquis
 Saltem quisque frui (iubet id lex tertia) censu:
 Nec querulus musset, Cur ille, vel ille senator;
 Plebs ego? Festino cur illum flammea Sidon
 Ambijt obsequio nascentem cingere; nostra
 Vilibus in pannis infantia vagijt? Illi
 Ingenium velox, perque omnia fusile; crassam
 Cum præter, nil contigerit mihi pingue, Minervam?

9. Illicet hæc hominum totam dementia vitam
 Turbat agens. Propriæ detrectant gaudia sortis,
 Quidquid abest celeres mirari, & fingere maius.
 Dumque Alios præ se censu potiore beatos
 Quisque putat; nulli superest vixisse beato.
 Hinc adeo, quia, quæ felix iucundaque tantum
 Condicio est aliena, libet perpendere: contra
 Nuda suis, omni præcul appendice Bonorum
 Sepositâ, in rebus contraria nomina spectant.
 Heu miseri! Quos, si sani pars vlla maneret
 Pectoris, inversa penitus ratione decebat
 Sola suæ lætos compendia, sola vicissim
 Externæ sortis meditari incommoda: quoddque
 Hæc præcul; illa adsint, meritas persolvere grates.

10. Nam quæ viuendi ratio tam prospera, nullo
 Temperet ut luctu sua gaudia? Dulce triumphi
 Optandumque decus: quanto venale cruoris
 Sit pretio, reputes. Magnarum lumina stringit
 Fulgor opum: subeant animo curæque, metisque,
 Servandique labor. Fasces regimenque supremum
 Imperij cuperes: speciosum nescius ambis
 Servitiûm. Fac obtineas: hæc deinde licebit
 Esse tuum: rapiant aliena negotia totam,
 Agmine perpetuo sibi succrescentia, mentem.

Præ-

Præbendæ querulis Miserrorum vocibus aures :
 Improbilas cohibenda : arcendus finibus hostis .
 Annonam esuriens vulgus, stipendia miles
 Flagitat : Vnius pax, bellum, publica iura,
 Et populi fortuna omnis ceruice recumbit .
 Crede mihi, quos inuidiâ dignaris, eodem
 Te sibi præponunt ægri liuore, suamque
 Mutârint tecum, detur modò copia, sortem .
 Mentiar, ipse etiam ni conditione potitus,
 Quæ stimulis animum tantis nunc vellicat absens,
 Oppositam indueres mentem, votique peracti
 Ingratus, subitò malles ad prima reuerti .
 Vndique mæroris Stultus trahit, vndique causas:
 Lætitiz, rebus dexter præsentibus vti .
 Non quid agas refert, sed qualis . Spargitur vno
 Hinc felix panacea ; hinc tristis rore cicuta .
 Illa sed in medicos vertit communia succos
 Pabula, lethiferum quæ is educat ista venenum .

11. Obscurum sed iter vitæ, nec limite in arcto
 Promendis par materies virtutibus . Erras :
 Ipsa sui modus est operis Sapientia . Vires
 Qui Lacedæmonias Cadmeus perculit heros, (a)
 Plebeium non æqua sibi cum Patria, tanto
 Indignumque viro munus committeret ; altam,
 In quascunque vocaretur, demittere mentem
 Sustinuit, curas : præstantibus euicturum
 Pollicitus (neque certa fides non constitit) actis,
 Natiuz nihil vt labis sibi rite gerenti
 Turpe ministerium allineret : quin protinus ipsum,
 Deterfis maculis ignominiaque priori,
 Ex sese decus ac pretium memorabile ferret .
 Quid Cincinnatos, quid te, Serrane, paternis (b)
 Semina condentem referam Cerealia sulcis ?
 Ausoniam vestri puduit num vomeris vnquam
 Historiam à Domiti respersos puluere campi

(a) Valer. Max. lib. 5. cap. 7. de Epaminonda.

(b) Plin. lib. 18. Histor. nat. cap. 3.

Anne ideo imperia, & Latix spreuere curules?
 Non illis, rigidos solitis versare ligones,
 Infestus belli quateret cum mœnia terror,
 Roma suas vltro manibus permisit habenas?
 Vtique adeo, quamvis operum & discrimina rerum
 Plurima sint; meritis tamen exporrectus vbique,
 Ac decori limes recluditur: vtque Mironis
 Non minùs ars vili totam se prodit in ære,
 Quàm si Callaico donet spirare metallo,
 Includatve adamante Iouem; sic quælibet æquam
 Materiem vel supremæ sors infima laudi
 Suggestit: artificis tantùm solertia dextræ
 Aspera felici doceat mansuescere cultu,
 Et rudibus formæ tribuat præstantis honorem.

12. Ingentis verique hominum respublica mimæ
 Instar habet. Scenis oculos aduerte: quot illic
 Actorum species? Regali Hic symmate verrit
 Pulpita; cretatis subit in proscenia Dams
 Hic pedibus: mercatorem gerit Ille severum,
 Ille leuem scurram, personam militis Alter.
 Multiplices habitus, diuersaque nomina: lætus
 Quisque tamen studet impositas absolvere, quantæ
 Ingenij, quanta est studij solertia, partes.
 In medio decus, & palmæ sors omnibus æqua:
 Nec rarum explodi regem, Dauumque secundis
 Plausibus aditantem sublimem ad sydera tolli.
 Ergo, quem tibi vel Natura, vel imposuit Sors,
 Temporis in scenâ gestandum, & dramate vitæ,
 Amplexare libens habitum: potiora nec vlli
 Inuideas, proprij sed Summam implere labores
 Muneris, &, quibus inferior sis ordine, primum
 Eripere his victor palmæ viridantis honorem.
 Quid refert, famuli gestes, an schema tyranni?
 Sub quocunque licet potioris præmia famæ,
 Et circumfusi plausus meruisse theatri.

13. Quod sequitur, geminū modò dictis. Fige trabali
 Propositum clauo: quævis oblata repente

No

Ne species discordem animum nouitatis inani
 Abripiat lenocinio, & per plurima verſet.
 Scultorum hæc exempla, nihil conſtanter amare,
 Nulli hæerere diu ſtudio, quæ nuper anhel
 Quæſierant, rapido mutati pectoris æſtu
 Iam fugere, &, ſubitæ quòcunque cupidinis aura
 Impulerit, totis curſum reflectere velis.

14. Urbanos ſtrepitus en ille perofus in arua
 Eſſugit. Hic etenim vitæ tranquillior ordo,
 Hic ſecura quies: procul hic ciuilibus vndis,
 Componam niueos iucunda per otia ſoles.
 Iamque foro longum dixit, populoque valere:
 Iam, quosunque ſibi Lachæſis torquebit, opaci
 Ruris in amplexu traducere deſtinat annos.
 Vix tamen optatis nemorum ſe condidit vmbriſ,
 Primaque conſumpta eſt nouitatis gratia; iam ſe,
 Iam ſua vota lenis damnare: abſentia quærit
 Mœnia: deſertæ iucundior vrbiſ imago:
 Et, Quid ego, ſocij generis commercia vitans,
 Obſcurum iuſodio latebris nemoralibus ærum?
 Sint Voluerum loca ſola domus, ſint regna Ferarum:
 Vrbſ hominum ſedes. Paucaſ en abſumus horas;
 Ignauoque ſitu ruris mens torpet. An vltra
 Exilium tam triſte feram? Stat protinus vrbi,
 Cœtibꝯ & ſocijs me reddere. Viuite ſylvæ.

15. Aſpice & hunc, pelago mutâdas ducere merces
 Cui labor. Inſanum perpeſſus Ortona, vixque,
 Pallida poſt vota, & decies ſpem cardine ſummo
 Depositam, laceris aduectus littora velis,
 Pauperiem curis vacuam, exortemque pericli
 Non ceſſat laudare, ſuo, par voque futurus
 Deîn locuples. Vetito citiùſ ſe tinxerit Arctos
 Æquore, quàm dubij repetat discrimina ponti.
 Credimus? Haud ego: tænarix licet ille paludis
 Vmbriſeros (iuſiurandum inuiolabile) fontes
 Teſtetur, totumque chaos. Vix lucida Phœbe
 Æquatiſ vacuum reparauit cornibus orbem;

Conti-

Continuò grauis illa quies : sopita resurgit,
 Viuidiusque calet lucri sitis . Ocyùs alnum
 Aptari velis, rumpique à littore funem.
 Imperat, Æthiopum spolijs, Arabumque beatis
 Diuitijs inhians . Nil saxa latentia terrent,
 Nil iubar Olenij graue syderis . Irruit audax
 Naufragijs, toto nec palmo à morte remotus,
 Velinolos iterat quæcunque per æquora cursus .

16. Musarum quid cultor? Epos sublimè Maronis,
 Smyrnæamque tubam gustauerit ; entheus ardor
 Carminis, & totus subitò præcordia Phæbus
 Irruere . Ænean aliquem, mora nulla, nouumque
 Concipit Æaciden : præstò numerosa papyrus :
 Solus, apud socios, per compita, fana, tabernas,
 Ægrotet, valeat, celebret spectacula, ludat,
 Dormiat ; immanes distento pectore versus
 Vsque agitat : resonum vsque chaos, Phœbeaq; miscet,
 Crabronis ritu, aut grauius resonantis aëli,
 Murmura . Castalios penitus deplere minatur
 Prima sitis latices . Nondum tamen altera fluxit
 Pagina ; cum, satur Aonidum, sublimia cœpta
 Deserit, extremo nascentis ab ordine Mundi
 Ad sua perpetuis deducere tempora fastis
 Historiam meditans . Operis libamina prima
 Sumpserit ; extemplo Ciceronem, & rostra, forumque
 Plus probat : hæc pariter mox damnaturus eadem
 Ingenij leuitate, sibi constare negantis,
 Eque alio sine more aliud, sine fine sequentis .

17. Sic noua, continujs vicibus subeuntia, totam
 Inter se Amentis dirimunt fastidia vitam .
 It, redit, ædificat, subuertit, vota retexit,
 Alternat curas, nulli mage, quàm sibi, discors :
 Et semper cœpisse piget, neque desinit vnquam
 Incipere . Haud aliam ob causam, nisi rebus in ipsis
 Quòd certam requiem, augurio delusus inanis,
 Constituit : quàm cum generi Prudentia nostro
 Sola ferat, nusquam inueniens, palantibus vsque
 Irritus

Irritus, heu, curis loca per diuersa requirit.
 Non secus ac, nimio febris cui torrida venas
 Igne coquit, toto fastidia cæca cubili,
 In faciem nunc ille iacens, mox deinde supinus,
 Perque vices iam læua tori, iam dextra fatigans,
 Circumagit : si quæ fessi in statione recumbant
 Mollius, & finem inueniant cruciatibus artus.
 Nequicquam : thalami non hac in parte, vel illa,
 Sed medijs hæret fixus Vitalibus angor :
 Quem non idcirco mutatis deserit Æger
 Sedibus, at verso pariter cum corpore defert
 In latus oppositum, nihilo moderatiùs illic
 Tristia sollicitis facturum tædia membris.

18. Ergo, velut, contra ventorum flamina, prensis
 Mellificas Volucres cursum librare lapillis (a)
 Cernimus ; ambiguos sic sustentanda per æstus
 Immoti valido libramine consilij mens :
 Ut, sibi quem Sophia legit semel auspice, callem
 Vsq̃ue sub extremas decurrat sedula metas :
 Orsa nec ad trutinam toties reuocare, sed acri
 Ad calcem potiùs curet deducere nisu.
 Nam quis erit modus, aut operi quæ summa coronis,
 Instabilem quæcunque leuis si causa probatis
 A studijs animum subito in contraria vertat?
 Pensandis sua sunt, sua tempora rebus agendis.
 Quid fieri satius, dum res examine pendet
 Ambiguo, dum tu medius, Prudentia secum
 Exigat. Huc postquam lanx, aut deflexerit illuc ;
 Præstandum sibi, quod superest, Constantia poscit,
 Decreti iam tota sui. Quà mobilis aer
 Vi subita impulerit, paleæ, frondesque iocosas
 Ludibrium volitent Zephyris. Conuellere cælum
 Iuratas Aquilonum hyemes, totumque repellit
 Hippotadem subnixa altis radicibus illex.
 Haud aliter, curis animum variantibus anceps,
 Voluitur huc illuc sua per fastidia vulgus ;

Propo-

(a) Virg. Georg.

Propositum retinet Sapiens, & mole sua stat :

19. Pondus ut hoc animo veniat; lex illa tenenda;
Humanæ placidus vitæ quæ nititur ordo :
Nil aded ut subitâ nimîæque cupidine præceps
Instituas, neu te violens in rebus agendis
Impetus abripiat, ratio sed prouida ducat .
Phœbeas hæc nempe rotas imitata quietos
Continuat nunquam diverso tramite cursus ;
Ille sibi discors, Libyææque incertior undâ,
Quod fluit, inde celer refluit, variosque per ætus
Voluitur; in solâ constans leuitate, Suique
Hoc tantum similis, nunquam quod primus, & idem .

20. Et graue principio fuerit, per deuia fuerum,
Quæ vagus errandi stimulat calor, æquora ferri,
Exiguus genium spatijs includere : durum
Luctamen, fateor, nihilòque remissius, ac dum
Indomitus primis pullus parere lupatis
Cogitus, imperiumque pati, nec feruida præter
Descriptum volitans vestigia spargere gyrum .
Durius ac quantò, momenta in singula cæcis
Æstibus huc, illuc, sine lege, sine ordine volui,
Turbinis innati prædam ? Per Cæcula qualis
Fluctuat Ionij sulcatrix cimba Profundi,
Quam rationis inops, clauum rapiente procellâ,
Depositam cessit victricibus arbiter undis .

21. Quadrupedem tenerum fræni si lege seuerâ,
Nil parcens, moderere ; haud longo tempore singas
Rectori facilem : sin duro, & fronte superbâ
Iussa recusanti primas laxâris habenas ;
Indomiti quâcunque ruet cerebrosa libido,
Vel nolens, cogare sequi . Vix spes super vlla
Obsequij . Dextrum sit iter ; læuâ ille vagari .
Cessantem porro impellas ; vestigia retro
Circumaget . Tritâ horteris regione viarum ;
In fossas, fluuiosque, importunasque paludes
Perditus absiliet . Facili moderamine posses,
Vixque adeo offensâ domitum perducere virgâ :

Sponte

Sponte suâ ferri assuetum non vlla mouebunt
 Verbera, non stimuli, calcariaque addita costis :
 Irritare prius dabitur, quàm flectere . Surget
 Arduus, insanis lacerabit calcibus auras,
 Parietibus ferns impinget, fræna aspera rumpet,
 Sessorem excutiet . Tali scito indole prauos
 Quosque animi motus . Væ, si quis mollior illis
 Cedere . Permissio firmatis viribus vsu,
 Nequicquam frænis reuocantem in Deuia secum
 Rectorem abripiunt : quos si compefcere primò
 Cura sit ; inmodicos flatus, mora parua, remittent,
 Nec rigidâ ceruice iugum patientur herile,
 In quamcunque velis, dociles iam tendere, partem .

22. His adeo impletis, operâ non seciùs vnâ
 Id quoque contigerit, verborum pondere tanto
 Quod Sophiæ proceres vitæ inter prima beatæ
 Præcipiunt elementa, incauto pectore ne quid
 Attentare iuuet, seris quod deinde peractum
 Damnetur lacrymis . Nam quid furiosus, eque
 Brutorum magis ingenio, quàm sola tueri
 Obuia, venturisque nihil seponere curæ :
 Expleuisse Bonis genium præsentibus, & qui
 Mox ideo maneant, vltro nescire dolores ?

23. Suâserit ingluuius ; centum licet inde Galeni,
 Pæones hinc totidem Parcas, & cruda minentur
 Funera ; securæ famis Helluo fumina, rhombos,
 Pauonem, lepores, damas, conchyliâ, turdos,
 Quidquid alunt sylvæ, tellus parit, educat aer,
 Æquoraque, flumijque, auidam demerget in aluum,
 Omnibus ille lupis, rabidisque voracior vrsis .
 Ambitio velit ; in seruos, præsepia, vestem
 Assyriam, Coasque manus, fuscâque Corinthum
 Cæsareas alacer, nedum profundet equestres
 Nomentanus opes . Moneas, Heus optime, sumptu-
 Hic loculis maior : modulo metire tuo te :
 Luxuriam grauis à tergo comitatur egestas ;
 Fabula narratur surdo : nil creditor instans,

Nil

Nil inopes terrent cani, quærendaque frustra
Mors misero, cum nec laquei iam copia, nec, quæ
Exoret stygiam, tenuis mercedula, cimbam.

Turbinis igniuomi in morem, quo, Roma, beatam
Irradias Petri noctem, dum splendida vulgi
Luminibus de se exhibeat spectacula; ventis
Ludibrium fastu iamiam crepuisse caduco,
Inque leues solui haud renuat per Nubila fumos.
Præcipiti sic bile iecur flammante, superbis,
Fortunæque suâ maioribus irruet audax
Regum inimicitijs Alius. Vox caldior vna
In seros quoties gemitus, longasque Malorum
Exijt Iliadas? Permittere verba feroci
Ingenio, libuitque audum expleuisse furorem?
En, quales brevis illa tulit vesania fructus.
Exul, inops, vagus, assiduis terroribus ægram,
Ac longo similem letho traducere vitam
Cogeris. Hæc olim cautus, prudensque Futuri
Spectastès; vacuus curæ, & discriminis expertus,
Inter amica Soli natalis gaudia, lætos
Cum gnatis ageres, charisque sodalibus annos.

24. Haud igitur crudos Zenonas, & hispida nunc te
Præcipiam torui responsa audire Cleanthis.
Ipse, voluptatum patronus & arbiter, ipse
Esto Neocrides viuendi hic norma: futuros (1)
In dulci spectare iubet qui semine fructus:
Anticyram procul ablegans, præsentia nullo
Qui Bona delectu arripiunt, quæcunque, parati,
Sensibus in votum veniat genioque voluptas,
Protinus indulgere: licet mox illa dolorum
Fœcundam gemino pariat cum fœnore messem.

25. Sed neque vitandus minùs est contrarius error,
Aut minùs Anticyram plenis potare iubendi
Hi quoque sunt cyathis, alios qui semper in annos,
Iratum nacti Genium, sua gaudia mittunt,
Et, similes porro victuris, viuere nunquam

Inci-

(1) *Apud Laert. in Vita Epicuri.*

LIBER VI. 211

Incipiunt . Nunc æquoreos, ait ille, per æstus,
Memnonidum scrutator opum, Gangetica longè
Ostia, teque petam, merſi quæ funera Solis
Gentibus excuſas, alioque, America, rependis
Sole, parens rutili, & felix Aurora metalli .
Stat quidvis tentare operum, & ſubiſſe laborum :
(Hac emitur mercede quies) ſtat fortibus auſis
Tranquillos placidæ portus aperire ſenectæ .
Mox, ubi ſucceſſu pleno, aſpirantibus & Dijs,
Fundarit patrios melior fortuna penates ;
Dulcia tunc poſitis ſuccedent gaudia curis :
Inter & egregios cenſus, famæque nitores,
Iam lætus peragam, quæ ſedulus otia feci .
Tunc, ais ? At cur non potiùs tam dulcia Diuinæ
Anticipes iam nunc tibi munera ? Qui malus error
Ingratas iubet æſtutum præſumere curas,
Gaudiaque extremo vitæ iam debilis æuo,
Et nunquam fòrs venturis ſeponere canis ?
Vix ſatis expediam, quàm multis nescia fructùs
Optati ſic luſtra fluant . En, aspice tantum
Hoc hominum quovis cæli ſub cardine vulgus,
Turbam infelicem, æternis quos vana cupido,
Neptuni dubio, dubio vel in æquore Martis,
Perque fori ſyrtes, infidaque limina regum,
Attronitos curis, feſſosque laboribus vrget .
Quò tam ſolliciti curſus ? Qui terminus ? Aut quæ,
Speꝝ alijs alias, ceu fila, intexere gaudens,
Immenſam hanc adeo miſeris nec callida telam
Penelope ? Verum ſi reſpicias ; omnibus vnus
Longorum hic operum ſinis proponitur : omnes
Nescio quæ meliora ſibi dèin tempora ſpondent,
Tot quibus emenſi ſcopulos, & dura viarum,
Eluſtiuagos tuto componant littore curſus .

26. Heu ſteriles Veri ! Tanquàm non tẽpore quovis,
Ambiguos citra errores, pelagique tumultus,
Illà homini liceat ſtatione quieſcere : longo
Nec niſi circuitu Euthymiam comprehendere detur,

Quam

Quam (votis adeo occurrit) voluisse, tenere est :
 Sanius o quantò foret, anxietate, metuque
 Depositis, facili confestim nubere Diuæ :
 Quique per incertum sinuosis flexibus æquor
 Optantur, placidos iam nunc inuadere portus .

27. Nec fugit hoc ipsos tandem, si dura repente
 Non expectati supra caput astitit hora
 Funeris, & Parcæ iam deficientia nigro
 Pollice fila legunt : Retro tunc scilicet actæ
 Ætatis seriem, consumptaque tempora vanas
 Frustra inter curas supremo à fine remensi,
 Consilij, heu, se nimium fallacibus vsos,
 Ignarosque Boni, cordisque fatentur inanes :
 Æthereâ quòd sorte frui, dum fata sinebant,
 Abnuerint : Parcasque adeo euasisse minantes
 Si liceat ; posthac non irrita munera Diuûm,
 Nilque datæ iurant periturum e tempore vitæ .
 Quæ ne vicini supremo in cardine fati
 Ipse etiam doleas ; quam postera cunque recentem
 Addiderit pensis Clotho vitalibus horam,
 Protinus illam æui confer præsentis in vsum,
 Dilatò vacuam prohibens transcurrere fructu .

28. At quænam ista genus vecors sapientia, (clamat
 Hic aliquis) foedam niueæ sub nomine pacis
 Segnitiam laudare, & natos rebus agendis
 Indecori, æternoque animòs sopire veterno ?
 Fallitur . Haud quasvis, steriles deponere tantùm
 Præcipimus, sortis quas importuna caducæ
 Spes glomerat, curas . Alacri nam cætera motu
 Quem lateat refici mentes ? Ceu lampade quassâ
 Viuidius micat ignis, &, inter confraga rumpens
 Saxa viam, similes vitro, electroque liquenti
 Riuus agit (credas tunc primùm erumpere) lymphas .
 Da rectis animum (Per me mora non erit : vitro
 En etiam præeo) studijs . Grassare per artes
 Ingenuas : dubij seu te penetralia Veri,
 Obstrusosque iuuat naturæ attingere fontes ;

Seu

LIBER VI. 213

Seu magis, umbriferi lustrantem culmina Pindi,
Musarum celebrare choros, & Apolline dextro
Condere perpetuos victurum carmen in annos.
Latus ubique operum campus. Sint publica curæ
Munia, sint leges: neutri non æqua Mineræ
Seu calamum, seu belligeram manus occupet hastam.
Dummodo quisquis erit, quocunq; in pulvere cursum
Strenuus vrgebit labor; haud incerta senectæ
Præmia respiciat, quin, sese latus in ipso,
Præsenti iam nunc foueat dulcedine mentem,
Ingratum nec onus, sed opus videatur amicum.

29. Quæ facile in medijs contingent gaudia curis,
Si non plura tibi, aut grauiora negotia, quàm quæ
Ferre pares humeri, imponas: neque nominis ampli,
Fortuitive sitis lucri tentare laborem,
Vnicus at puri iubeat respectus Honesti.
Sic etenim liber sapienti lege modoque
Tempora dispones tecum, rebusque gerendis
Tantum operæ impendes, natium expromere quantū
Ingenij valeat, non absumpsisse vigorem.
Rusticus exercet tellurem: exercuit & rex,
Ut memorant, Cyrus, curuâ nunc ille fluentem (a)
Falce premens umbram; nunc tecum, Bacche, maritans
Vlmosque, platanosque: & iam plantaria sulcis,
Iam noua inutilibus committens germina ramis.
Rusticus ast opera hæc, sudans seruiliter, vsque
Sub noctem roseæ profert à limine lucis:
Nec tempestiuâ requie dispungere curas
Improbis, aut festis nouit cessare diebus:
Non nisi regales cum fallere Persicus heros
Quæreret hortensi curas, & tædia cultu.
Haud secus, instinctu assiduo cui pectora famæ,
Famæ, siue lucri spes irrequieta fatigat,
Vrgendis totum miserè se mancipat Oris.
Ille & sollicito trepidus sua, seque tumultu
Impediet, nimioque licet sub fasce laborans,

Tem-

a) Sic. de Senect. & Xenophon in Oeconom.

Tempora temporibus coniunget, pensaque pensis,
Nunquam operum leuior, nullam sibi pace sequestrâ
Immunem assidui tribuens moliminis horam.

Æmulus at Cyri Sapiens, rerumque, Suique
Rite potens, medijs interseret otia cœptis :
Iamque aliquid, ratio ceu visa monere, negoti
Sumet ; iamque, eadem hortari ceu visa, remittet .
Nulla cui pensum quippe est implere diurnum
Cura, sed ingenuo mentem excoluisse labore .

30. Proderit huc aliud, sacri quod carminis instar,
Græcia victuro Delphis signauerat auro, (a)
Æbalij oraculum Sapientis, auariùs æquo
Quidquam optare vetans . Nec inanis pabula tantùm
Hic mihi luxuriæ, gemmas, atque æris aceruos,
Supremosque magistratus, dominasque curules
Concipias . Nihil humanæ inter præmia sortis
Immodico Euthymia cupidis ardore vouendum :
Non dexter studiorum, ad quæ vel sedula virtus
Impulerit, successus : opum non copia, simplex
Quas sibi mortalis vitæ desiderat vsus :
Non animi non ipsa quies . Quid talia namque
Rettulerit iusto votorum limite claudi :
Si nihilò secus, ac, vanis quæ cætera vulgus
Prosequitur votis, inhiantia pectora turbent ?
Gemmeus, an luteus crater nil distat ; vterque
Noxia dum pariter labris aconita propinet ,
Qualibet anxietas descendat origine ; nunquam
Non erit anxietas, nunquam non triste venenum .

31. Nec mihi mens ideo Sapientem fingere, durâ
Mnasiadæ qualem fingebat porticus, omnis
Indocilem sensûs : qui funera spectet eodem,
Quo ludos, animo, nihil & discriminis inter
Bella putet, pacemque , Procul tam tristitia inonstra,
Deucalionci totum de semine primo
Marmoris ingenium crudis retinentia fibris .
Æmula non adeo anguicomæ fert oribus ora

Gorgo-

Gorgonis ; vt rigido mutet Sapientia saxo,
 Quos propiùs videt : ingenitos neque corde reuellit,
 Sed cultu meliore iubet mitescere sensus .
 Noster, quidquid opum poscit mortalis egestas,
 Id sibi cum reliquis Sapiens commune putabit,
 Exquiret, cupiet, felicem frugibus annum,
 Fœturam pecoris, census sine litibus, æui
 Tranquillam seriem, synceros corporis artus,
 Dulcis amicitia concordia fœdera, purum
 Dedecoris nomen : placidè tamen omnia : ne, si
 Feruidior careat quæsito sine voluntas ;
 In sese vim vertat, &, acri incensa dolore,
 Ipsam etiam perdat, post perdita vota, quietem,
 Præcipuum quæ votum, omnisque est regula voti .

32. Et quia sæpe etiã externis vehementiùs æquo
 Afficimur, ceu parua domi sit copia, curis ;
 Edico, teneris præsertim mentibus, in se
 Remque suam visus defigere : cætera, stulti
 Quæ procures, stultum quæ miscet plurima vulgus,
 Et quibus in melius reuocandis nil sibi promptum
 Auxilij, surdis transcurrere sensibus . Hoc si
 Præceptum docili seruauerat Heraclitus
 Pectore ; non, largos adeo resolutus in imbres,
 Tabida perpetuo vexasset lumina fletu :
 Nec Pandionius, pronam si vocibus aurem
 His dederat, funesta adeo meruisset iniquo (a)
 Communis naturæ odio sibi nomina Timon .

33. Id metuens, auidas intra sua limina curas
 Claude, nec externos circum patiare penates,
 Densaque multiuago palari compita gressu .
 Sin aliquid vel nolenti se fortè videndum
 Obtulerit, quod (ceu passim Mortalia) turpe
 Indignumque putes ; dic tecum protinus : Ista
 Plus nihilò obseruare meum, quàm, quæ glaciales
 Thyrsagetæ peccant, vel areniuagi Nasamones .
 Respicerem, populi si prætor, iudicis aut si

Funge-

(a) Vide Plut. in Antonio, & Laert. lib. 1. & 9.

Fungerer officio . Quid nunc aliena capeſſam
Munera ? Fac ringar ; bilis tamen irrita . Summus
Cælicolũ iuſtis hæc aſpicit omnia Rector
Luminibus . Tanti Priuatum iudicis iras
Præripuiſſe nefas . Sua cuique negotia ſunt :
Conandum mihi rite meas abſoluere partes .

34. Credere vix poſſis, quantã irarumq; , dolorumq;
Hæc animo excindet ſapiens incuria ſyluam .
Eheu, cur Noſtri immemores per proxima vano
Huc, illuc rapimur viſu ? Ceu pyxide clauſos
Tunc ſolũ rediuiuz oculos inducere fronti
Fertur, cum notis Lamia e penetralibus exit, (a)
Cæca domi . Sic ergo parum in ſe quiſque negoti,
Quo teneatur, habet : populo nec deuius vlla
Inuenit explendis animus ſpectacula curis ?
Felix ! Qui cupidos rimandi plurima ſenſus,
Fortiter ignarus, cohibet . Quãm dulcia ſecum,
Otia lætus aget ? Rapidos vt nesciet imbres,
Ventorumque minas cæli per aperta furentes,
Ipſe domi latitans, teſtoque incluſus amico ?

35. Ergo nocet, quid agant Alij, ſcrutari : at non,
Felices vt agant, pariter curare nocebit :
Maiori quin nulla animum dulcedine complet,
Ac pulſis Inopum quæ cladibus orta, voluptas .
Hæc igitur primas inter ſit cura, virili
Humani cauſam generis pro parte tueri,
Quæ mala quiſque ſubit, communia ducere, flentũ
Ærumnas lenire, ægro huic ſolatia ferre,
Illiꝯ anguſtos cenſus laxare, ſalutis
Ancipitem ſæuis alium ſubducere Parcis,
Nullum non patrio complecti pectore, nulli
Non facilem, quæcunq; premat vis, tendere dextrã.

36. Anne Duces quæris ? Circuſer lumina: quantos
Ilicet heroas, quantis reſonantia famæ
Plauſibus obijciat mirari exempla Vetuſtas ?
En tibi, deliciæ ſubiecti, Flauius, Orbis,

Viueret

(a) *Plat. de Curioſit.*

Viuere cui tantum, humanâ de gente mereri, (a)
 Nec suus, aut æui numerandus in ordine, si quis
 Fortè dies proprij fluxisset muneris expers .
 En, centum populis regnator maximus, at plûs
 Regnatore pater, Cyrus, non lætior, hoste (b)
 Cum domito spolijs diues remearet opimis ;
 Quàm, socios inter fausti cum præmia Martis,
 Largus opum victor, diuiserat, hæc sua fassus,
 Quæ daret, his auctum sese ornatumque videri,
 Auctior vnde aliquis comitum atque ornatio iret .
 Nec, qui Cecropijs Auroram terruit armis, (c)
 Miltiadis magni soboles certissima, quamvis
 Nil vltra ciuem, privato & limite clausus ;
 Munifico haud tantos æquauit pectore reges .
 Equis-enim (testare fides antiqua) nouercam
 Expertus Sortem, haud sensit Cimona parentem ?
 Cui misero non ille salus ? Quem rebus in arctis
 Deseruit, trepidumque sinu haud excepit amico ?
 Nulli clausa domus : ieiuni huc vndique cœtus
 Confluere, hinc alio saturi discedere vultu .
 Quid loquar expositos sublati sepibus hortos,
 Diuitias faciles ? Properate ad publica, ciues,
 Gaudia . Quidquid alit tellus, fas omnibus æquè,
 Seu fruges, seu poma hilari decerpere dextrâ .
 Nocte, dieque patens aditus : custodia nusquam :
 Nil vetitum, & Domini proprium. Quin ipse, morari
 Impatiens, sua vulgus inops dum limina quærat,
 Ærumnisque ardens cessantibus obuius ire,
 Profuso quos ære leuet, per compita passim
 Vestigat ciues, passim sua munera lætis
 Lætior obtrudit . Qualis, cum Sole recepto
 Feruidus ignium vrît Leo faucibus annum,
 Longaque semianimes pallent ieiunia sulci ;
 Camporum fecunda altrix, sitientia latè

K

Arqua

-
- (a) *Suet. in vita Titi Cas. cap. 1. & 8.*
 (b) *Xenophon de instit. Cyri lib. 3. 4. & 8.*
 (c) *Vide Plut. in eius vita .*

Arua super medio nubes volat æthere, iamque his,
 His modò vitales succos, animæque virentis
 Nutrimenta cauo diffundit ab ubere terris.
 Aut qualis, Pharizæ terrenus Iuppiter oræ,
 Gurgite fœcundo siccos descendit in agros
 Nilus, & æliuo Pelusia rura Tonanti
 Succensere vetat. Pandit gauisa beato
 Diluvio Ægyptus gremium: quæque aureus egit
 Annis iter, sparsitque gradus, socia agmina iungunt
 Alma Ceres, myrtisque Pales, viridesque Napææ,
 Cumque opibus, Spes discinctæ, Cultusque, Decorq;
 Et resoni plausus populorum: iamque novatas
 Hortatur falces: iam sedulus horrea laxat,
 Flauentemque tibi mesior promittit, Osiri,
 Flauentem tibi, Nile, tuo de rure coronam.
 Haud secus Aethiæ totam se diuidit urbi,
 Perque inopum gremium exuperante refunditur alued
 Nescia stare Viri pietas. Nil explet amantem:
 Nil animo satis: augetur, dum spargitur: &, quò
 Latior excursus; (dictu mirabile) maior
 Impetus est. Dandi semel explorata voluptas,
 Pulcher hydrops, alijs sitiens, noua pabula quærit,
 Nec donasse putat, geminet ni munera: iamque
 Plus debet, qui præstat opem, plus accipit ipse,
 Largiturque sibi. pleno ceu gurgite tota
 Pectus in authoris redeat, quæ pluribus inde
 Per populum latè manarat didita riuis,
 Gaudiòrum etiuuies. Cur non huic prodiga cunctos
 Lydorum, atque Arabum census, & quidquid vbique
 Flumina seu voluunt auri, seu ducitur alto.
 Omniferæ matris gremio, Fortuna, dedisti?
 Crede mihi, humanum poteras, dum consulis Vni,
 Demeruisse geaus. Communia nemo negaret,
 Communis spargenda parens quæ, dona, tulisset.

37. O meritos gazis animos æqualibus vti,
 Quàmque velint, haud posse minùs! O pectora curie
 Regnorum, & vasti imperio dignissima Mundi!

Vt

t libet, infano Caij, tumidique Neronis
 Regia certatim vacuent æraria luxu :
 Vndantem terris pelagum, vndantique vicissim
 inducant pelago terras : hic surgere valles
 Montibus ; ærios plano subsidere montes
 Hic iubeant : vnis iuga per septena refusam
 Urbem Cæsareis absumant ædibus : vnâ
 Imperij, Mundi que vorent patrimonîa cœnâ ;
 Maximus, & longè ante alios iucundior vnus
 Fortunæ præstantis honos, benefacta per Orbem
 Spargere, felices facere, instaurataque vitæ
 Auspicia, & melius miseris procudere fatum .
 Hæc cælo meritos heroas gloria tollit : (tas.
 Hæc regû est propria, hæc vel Numine digna volup-
 38. Omnibus atq; vtinâ hic sub pectore nobilis ar-
 Vueret . Vt subitò venæ melioris in æuum (dor
 Aspera deterso remearent sæcula ferro ?
 Vt nouus annorum consurgeret, omine fausto
 Conditus, auspicijsque fluens melioribus ordo ?
 Bella, metusque procul : niueis Pax aurea bigis,
 Et lætæ Charites, & pleno Copia cornu
 Lustrarent agros, lustrarent oppida : nec tu,
 Iam genus infidum, terrasque exosa nocentes,
 Sydercos populis vultus, Astræa, negares .
 Nunc totâ licet armiferæ Sors nube pharetræ
 Ingruat, & sæui denso circum agmine casus,
 Omniaque in nostras iurent elementa ruinas ;
 Nulla hominem lædit, quàm quæ promanat ab ipso,
 Vis grauius . Duris possemus parcere fatis,
 Duraque fòrs nobis didicissent parcere fata ;
 Ni furor humanus stimulis vrgeret, & hosti
 Adderet externo vires ciuilis Enyo .
 39. Vltima lætitia, sed princeps, regula, parque
 Omnibus vna, Deo hærere, illum mente tueri,
 Perpetuo illi nexu, & amoris fœdere iungi .
 Venimus ad summum:procul hinc cureque, metusque:
 Intima quæsitæ dudum penetralia Pacis

En tandem patuere : en ipsa in limine sacros
 Expedit amplexus, Thaumantide cincta perenni,
 Cœlicolum & qualis mentes beat. Aspice, quantus
 Frontis honos, placido quæ vernat gratia vultu :
 Vt nil syderibus concedunt lumina, blandæ
 Nectar ut hyblæum superat facundia linguæ .
 Penelopem agnoscas diuinam, cui procus Orbis :
 Nec dispar dominæ sedes . Mitissimus aer,
 Sponte ferax tellus : procul imt res, fulmina, nimbi :
 Ignoratum quid hyems, quid cœli flammeus ardor :
 Autumnus totos, totos ver' occupat annos .
 Mille voluptatum species, mille obuia passim
 Lætitie argumenta : hic fernere lacteus amnis ;
 Melleus hic spumare latex . Circùm vndique festas
 Implexæ manibus Charites, blandique Lepores
 Exercent choreas : plaudentibus vndique circùm
 Nectarei volitant Ritus, & Gaudia pennis .
 Hæc nobis iam meta : huc remi, & carbasa toto
 Accelèrent nisu : nil iam debere procellis,
 Nil pelago superest : tam dulci in littore proras
 Perpetuò religandum . O cordis plena voluptas !
 O vitæ sincera quies ! Libare Deorum
 Ambrosiam, puro satiari Numinis haustu,
 Æternumque auidis illud constringere votis,
 Vnum implet quod vota, exceditque omnia, Pulchrum .
 Quis dolor, aut quæ tam læto intercedat amori
 Anxietas ? Vllamne sitim, aut fastidia norit,
 Nectaris ætherei potor, conuiuia Tonantis ?
 40. Finitis quicunque Bonis amor imminet, æstu.
 Ambiguo nunc huc volitans, nunc spargitur illuc :
 Instar apïs, quæ per saltus gentilis Hymetti
 Iam thyma ; serpillum iam circuit, & modò glauco
 Rore maris ; niuci pendet iam flore ligustri,
 Singula delibans auidè, subitòque relinquens .
 Quid faciat ? Patulo quanquam aggeret vtraq; cornu
 Hinc natura suos, illinc fors æmula census ;
 Nil satis, immenso vacuum dum Numine pectus .
 Nam

Nam neque plena quies votis, integra Bonorum
 Obtigerit nisi Summa; nec, extra Numinis alveum,
 Hæc alibi iunctis fas confluere omnia riuis:
 Hostili cum se excludant infensa vicissim
 Diffidio: vix ut quodquam sit prendere, multis
 Interea nisi posthabitis longèque relictis.
 Omnia sed socio, fac, demum fœdere iungas;
 Non tamen hic idem, varijs tot fructibus aptus,
 Perfectumque adeo immensis complexibus orbem
 Efficiens, fortis cumulus sat nectare largo
 Explerit sitientem animum. Vel scilicet vno
 Congeriem totam simul amplecteris amore:
 Totque idem distractus amor per dona, nec vsquam
 Integer, haud pleno libabit singula sensu;
 Vel proprios cuiusque Bono diuiseris actus,
 Et rerum numerum numero exæquabis amorum:
 Nec plene tunc ullus amor satiabitur, vni
 Hærens quippe Bono: cum, quod minus omnibus, illo
 Sit pariter minus. Vni igitur iungenda voluntas,
 In quo non Bona conueniant modò cuncta; sed vnum
 Prorsus idè sint cuncta Bonum: quod, Numine dempto,
 Sollicitis nequicquā animis circum omne quod vsquæ
 Terrasque, & maria, & superos rimaberis axes. (est,
 41. Adde, quod æterna seiunctum ab origine, præter
 Quam mutilum, quodcumque Bonum, neque cordibus aptum
 Implendis; multam hærentem contagio Malorum
 Inficitur: totum ut nequeat, totoque requiri
 Pectore: diuersis animos sed motibus vrgens
 Hinc cupidos trahat; hinc refugos auertat: amorque
 Illius haud leuiore odij sit pondere mistus.
 At tibi, inexhausta è hominum, Diuinique voluptas,
 Summe Pater, quæ mista Mali contagia? Toto
 Aut quid ibi non conatu & vi mentis amandum,
 Nil ubi non summum, ac solidè plenèque beatum?
 42. Præterea, certum nobis propriumque perennet,
 Quidquid id est, felix quo vita impletur, oportet:
 Nec quidquam proprium magis immotumque fruendi,

Ac Deus. Inuitis alios nam denique census
 Fortunæ, duræque rapit violentia mortis.
 Villane seu sortis, seu lethi iniuria possit
 Hunc rapere, occiduo cui nunquam est limite claudi,
 Quoque frui nobis haud tempore certiùs villo,
 Occidui quàm sub finem conceditur æui?

43. At metuas forsan, ne nil tibi iuris in ipsa.
 Parce metu: plùs ille tuus, quàm cætera, rerum
 In censu quæcunque putas numeranda tuarum,
 Fida licet domino, & nunquam peritura manerent.
 Omnis Amans in ius sortemque euadit Amati,
 Et tantùm iuris, quantùm vis crescit amoris.
 Atquæ nemo Tui, quàm Numen, amantior: haud sis
 Carior ipse tibi. Quid enim vel fingere tantum
 Noueris, aut optare Boni, quin plura Parentis
 Ætherei immensus dederit, det, spondeat ardor?
 Hoc, quodcunque vides, tam vastis vndique circum
 Diffusum spatijs, varijs tot partibus aptum,
 Ordine tam miro digestum, & foedere iunctum,
 Hoc totum bonus ille tuos effudit in vsus
 Naturæ communis opus. Tibi Cæcula ponti,
 Æthereosque orbes, infixosque orbibus ignes,
 Regnaque terrarum, & terris quæcunque, vel vndis
 Sparsa meant, volucris findunt vel Nubila gyro,
 Brutarum iussit famulari sæcla Ferarum.
 Hoc liquidum iubar, hic cæli spirabilis hauritus,
 Tot variz rerum species, tot Commoda vitæ,
 Illius omnia se testantur munus. Amanti
 Quid deerat, nisi tantorum vt suprema coronis
 Ipse operum foret, atque suis se denique donis
 Adderet? Hoc etiam non enarrabile munus
 Apposuit: totumque homini, post omnia, sese
 (Nulla quod ausa forent, vtcunque capacia, vota
 Poscere) inexhausto profudit amore. Nec illum,
 Nominibus tantis, perque hæc tibi pignora nexum,
 Pleniùs esse tuum, quàm sis tuus ipse, fateris?

44. Hinc adeo, nemo cum nos impensius illo

Alter

Alter amet ; noua se ratio, manifestaue prodit,
 Cur illo pariter iucundiùs alter amari
 Nemo queat . Nam nec dulcis, nisi mutuus, ardor ;
 Nec, nisi Amatorein æthereum quo pectus anhelat,
 Mutuus ex toto calor est . Da Thesea, da, quem
 Eurialus Niso, Pyladi præponat Orestes :
 Quisquis erit, cum plura simul cogatur amare,
 Iamque sibi hæc animi partem, iamque illa requiramus ;
 Haud vni, quantus demum est, se impendet Amico :
 Sic hominis mens, sic illam sua limite curto
 Includit natura . At non & maximus Author
 Finibus his cogi . Quamvis simul omnia curet ;
 Vsq̃ue tamen toto se curat singula . Plenum
 Ceu rutilus (si nostra illi componere fas est)
 Astrorum genitor nullis non partibus ignem
 Commodat, in partes quamvis simul influat omnes :
 Aut animæ ceu vis pereuntibus indita membris .
 Non secus extremos vngues, tenuesque capillos,
 Ac reliquam vegetat, solida indiuisaque, molem .
 Nusquam se minor est, nusquam non vndique plenus .
 Immensi fons ille Boni : ceu Numine toto
 Omnia ; sic toto quoque singula Numine complet .
 Tu frueris, fruitur simul hic, simul ille, fruuntur
 Innumeri : nihil inde tibi, aut decerpitur vlli :
 Omnibus vnus amor par, omnes efficit vnum .
 Riualis non ergo metus, non inuida mentes
 Cura coquit : quin tam largo, immensoque, nec vllam
 Non hominum superante sitim dulcedinis haustru
 Iam saturis noua fit socios habuisse voluptas . (cum,
 45. Quid referâ? Sortē quod amor permiscet Ama-
 Alterutri fuerint quæ vel Bona, vel Mala cunque,
 Ambobus faciens communia . Noscere promptum
 Vnde etiam, quanto reliquis discrimine præster,
 Æternum primumque Bonum qui respicit, ardor .
 Nempe alibi, lætis coeant cum tristitia, parsque
 Sæpius hæc illam præponderet ; amplius ægro,
 Quàm gaudî, mæroris adest vestigal Amanti .

Ilicet infelix, cumulo crescente Malorum,
 Cum sua vix portet, damnatur & illa subire,
 Vnanimum lugenda premunt quæ, fata, sodalem.
 Haud ita, supremo, tedis melioribus ardens,
 Cælicolùm Regnatori qui iungitur. Ecquid
 Scilicet in tali lugendum occurrat Amico?
 Ecquid non penitus felix, non vndique lætum?
 Ipse sibi vita, & gaudii immortalis origo,
 Totius mensura Boni, immutabile Pulchrum,
 Externis nusquam causis obnoxius, vno
 Naturæ, fortisque viçes, diuersaque nutu
 Fata regit, nullis per tot labentia sæcla
 Siue minor damnis; siue auctior incrementis.
 Penè Deum viues, dià tibi lampade pectus
 Si caleat: tot tam miræ, quæ is ille beatus
 Perpetuùm, dotes tua fors, tua gaudia fient.
 Talis Amans, qualis suus est amor: accipit omnis
 Hinc habitum formamque animus. Telluris opacæ
 Cur gremio cæli tam nobile pignus, honestum,
 Eximiumque adeo, & generosum pectoris ignem
 Defodis, ipse luto simul infodiendus eodem:
 Illius audaci cum vectus in ardua nisu
 Æternæ penetrare queas sacraria lucis,
 Cælicolùmque auram spirare, & Numinis ænum?

46. Nec labor huc nimius consurgere. Sponte sua
 Ilicet vt sacri excepit primordia flatus, (mens,
 In Superos festinat, humum pertæsa, suoque,
 Vnde genus trahit, exultans se iungere fini.
 Quin etiam, vano quoties illusa decore
 Corporeis hæret formis, sub imagine fictâ
 Nescio quid magni vel tunc Genitoris anhelat.
 Omnibus hic vnus stat votis terminus: omnis,
 Deuius vtcunque, & varijs anfractibus errans,
 Huc tandem redit, huc animi conuertitur æstus.
 Singula quippe Boni tantùm ratione voluntas
 Cum petat, inque Bonum quovis se dirigat actu;
 Haud pote, quin summi occurrat ratione Parentis
 Cuncta

Cuncta petat, quin summum actu quocunq; Parentem
Respiciat. Nempe ille Boni forma integra, & omne
Illius est levis umbra Bonum, quo cætera quæque
Insignita placent: Sic Numen in omnibus vnum
Ignaros trahit: ignotum sic Numen amatur.

47. Impetus hic igitur mentis ratione iuandus,
Vt norit, quid amet: riuisque, & inanibus umbris
Posthabitis, ipsum omnigeni apprehendisse decoris
Exemplar primum, immensæ dulcedinis ipsum
Iam quærat sitiatque æternum attingere fontem.
Nonne vides, vt, quæ sol sydera pinxerat absens,
Obscuret præsens? Vix cælum emensus, Ibero
Gurgite flammantem currum, igniuomosque Iugales
Condidit; en vacuo Mundi radiare theatro
Astrorum formosa cohors, Saturnius ignis,
Iamque nitens medio; iam pleno Cynthia vultu,
Er Venus, & Mauers, & cum Ioue lucidus Arcas.
Quàm rutili crines! Quàm viuida Solis imago!
Inscia miratur tellus: totidemque, creatos
Lucis in imperium, & redituri fræna diei,
Iam patrio credit temoni assuescere Phæbos.
Sed satis hæc fulsisse tenus: iam subdite fasces,
Noctiuagi procul o soles iam cedite. Magnus
Ecce diem verum lucis pater aduehit: Orbem
Ecce suo coram manifestus lumine ditat,
Fulgida stellarum nox, occasusque nitoris,
Quem dederat. Simul umbriferæ caliginis horror
Deterfo fugit axe; simul, vibrantia cæcum
Per chaos, obtusis vanescunt sydera flammis.
Vnum sat cælo spectari Hyperiona: tantas
Ætherei fulgoris opes, tot splendida lucis.
Argumenta suæ ipse oriens obnubilat vnus.
Haud secus, æterni veniens ab imagine Solis,
Discolor hæc mundi species mirantia grato
Lumina suspendit visu, dum maximus author,
Et Pulchri fons omnis abest. Sese ille videndum
Præbeat, innatis quantus fulgoribus ardet;

Ocyus immensâ perfusis lampade totus
 Ex oculis, nebulæ, fumique volatilis instar,
 Nocturnus rerum decor effluit: obruta blandæ
 Fax Veneris: nusquam lucris Cyllenius ardor
 Dulcè micans: nusquam tua, Mauors, fulgura: nec tu
 Fascibus ambiris iam, Iuppiter: vna renidet,
 Vna animum summi præsentia Numinis implet.

48. Felix, cui medias terreni carceris inter
 Hæc tenebras exorta dies: qui lucis avaræ
 Occiduum iubar, & sublustri in nocte micantes
 Astrorum radios diuino sole rependit:
 Furatusque oculos scenis pereuntibus, vnum,
 Limite comprehensum nullo, miratur, amatque
 Immortale Bonum, se totius vnde propagat,
 Natiuo velut e pelago tot didita ritus,
 Vena Boni: proprium nunquam tamen illa relinquens
 Principium, neque fontis opes tam perpetue fluxu
 Imminuens, viuo sed gurgite plenior intus
 Stagnans, & cumulo in sese vberiore redundans.
 Ergo non humiles illum curæque, laboresque
 Exagitant. Alijs peregrino e litore merces
 Ducendas, licitandum Alijs per bella, superfit:
 Quod cineri, nomen, rapiendaque sceptrâ relinquit.
 Sat cælum sibi, sat regni immortalis honores.
 Votorum pax alta: suo mens pondere nixa,
 Blanditijs iuxta, ac terroribus inuia: nusquam
 Ignani gemitus, & frontis nubilus aer.
 Vt libet, horrendos moueat Dea cæca tumultus:
 Eripiat census, laribus detrudat auitis,
 Prostituat dominâ spoliū venale sub hastâ;
 Nil quascunque minas, nil quævis damna moratur.
 Turbinibus nullis vitæ, sortisque procellis
 Læditur: humanis sed casibus altior, instar
 Ventosque, pluuiasque superuadentis Olympi,
 Aeris hanc imi illuuiem, cælumque palustre,
 Et, quibus infelix crassæ vicinia terræ
 Concutitur, trepidos qui renouabilis æstus

Sub

Sub pedibus linquens, telluris transfuga, cuius
 Astrorum, maior mortali, Numine plenus,
 Iam fruitur meliore polo, iam lætus anhelat
 Syncerum iubar, atque aurai simplicis ignem.

49. Hanc olim in sylvis, inter deserta Ferarum,
 In sylvis, Ægypte, tuis, quæ deuia cunque
 Hospitium, dulcesque daret spelunca latebras,
 Bene omni abiunctam perituri à corporis usu,
 Corporeo quamvis inclusæ carcere, vitam
 Illustres duxere animæ, gens nescia fraudum,
 Reliquiæ infantis sæcli, veterisque metalli.
 Longè illis studium lucri, famæque cupido:
 Nulla Venus, thalamisque sedens genialibus Hymen.
 Degeneres cælo sensus, hominemque caducum
 Exuerant: neque seu victus, seu pigra soporis
 Cura Deo fixas poterat diuellere mentes.
 Durus vita labor, corpus graue pondus, amarum
 Exilium tellus. Tu, cæli arcana voluptas,
 Pascebas animos: tu, flammiger halitus, imis
 Sensibus incideras: te votis omnibus vnum
 Ardebant, toto te pectore suspirabant.
 Sorte quid hac melius? Quæ fortunatior æui
 Conditio? Anne alia occiduo iam lumine sanctos
 Vita manet; Superumque æternâ in sede receptos?
 Nonne amor hic diæ cumulus, mensuraque sortis?
 Nonne hoc, Cælicolam satiat, cui pectora, totus
 Nectaris immensi gurges de fonte redundat?

50. O Pater, ô magni maior mens, vitaq; Mundi,
 Principium sine principio, sine limite finis,
 Unde omnis natura oritur, quodque orta recurrit,
 Tu nostris requies, & meta nouissima curis,
 Tu primus, tu solus amor: te, fluminis instar,
 Per scopulos, obicesque, per æqua, & iniqua viarum
 Acceptum pelago properantis reddere censum,
 Antiqui memores ortus, ripæque minori:
 Iudociles cohiberi, auido perquirimus æstu:
 Nec modus, optatum donec iam prendere litus,

Permissosque tuo contingat in æquore mergi.
 Est suus, est certè cunctis decor, vndique circum
 Spectantur quæ fusa tuæ miracula dextræ.
 Pulchra maris facies, placidè stagnantibus vndis,
 Pulcher inextinctis radians fulgoribus æther:
 Nec tellus non pulchra satum tam diuite florum,
 Florumque, & segetum. Quantò at tu pulchrior ipse,
 Diuini cuius tellus, mare, lucidus æther
 Nil nisi sunt umbræ, nisi somnia vana decoris:
 Hòc tantùm formosa, tui quòd luminis instar
 Obijciunt, quòd tu, Pulcherrime, pictus in illis.
 Te mihi Sol radijs, vernis te prata colorant
 Muneribus, te noctis opacæ mysticus horror
 Umbrat, te Zephyri spirant, Volucresque loquuntur,
 Arguto vitrei referunt te murmure fontes.
 Quidquid vbique vident oculi, mens protinus illic
 Te simul, & multò plùs te videt: omnia plena,
 Magne, Tui: tacitis clamoribus omnia latè
 Ingeminant. Quid spectra inhias euanida? Summum
 Artificem quære: Artificis metire perennes
 His umbris radios, & non imitabile lumen.
 Ille tuos, qui te, qui nos tibi finxit, amores
 Postulat: ille habeat, mundi primæua Venustas,
 Forma que formarum, Summarumque vltima Summa.
 Nil tamen externis opus est mihi vocibus. Ipse
 Sat monet hoc animus, tibi, Formosissime, factum
 Se penitus, neque lætitiæ vitæque beatæ
 Synceros latices alio sibi fonte petendum.
 Ipse meo conceptus amor sub pectore, cui par
 Nil alibi rerum, totius amabile Pulchri
 Te petit exemplar, puri te luminis orbem,
 (Quà licet è mediâ miseræ caligine terræ)
 Sublustrî procul in nebulâ clausumque, micantemquæ
 Vsque ardens miratur, & indefessus anhelat.
 Nil super optandum: sordent Mortalia, sordet
 Ipsa etiam, quanquam radiantibus intertexta
 Astrorum formis, quanquã vndique, & vndique gemmis
 Fug-


Fusilibus conflata, alti domus ignea cæli,
 Ah quoties, gelidis cum rarefcentibus umbris
 Purpureo rediitua dies consurgit Eoo,
 Sol ubi, vociferor, meus est? Quandoque licebit,
 Illum, illum pulsas tandem spectare tenebris,
 Cuius inoccidua roseus præ lampade Titan
 Vix hebetæ radij, vel semianimis scintillæ
 Instar habet? Quoties, Lethæis humida succis
 Incubuit fesso cum non altissima Mundo,
 Suspirantem audit, quod adhuc æterna moreris,
 Sollicitas, animi requies, componere curas?
 Omnia te sine pro nihilo, plusque ipse vel vnus
 Omnibus es. Cupidas irritant cætera mentes,
 Tu solus satias, solus dulcedine verâ
 Perfluis, immensosque sinus immensior imple,
 Lætitiæ cumulus, cordis cor, vitæque vitæ.

51. Exorere o igitur nostræ, lux aurea, nocti,
 Disiectisque, quibus miseras incitias mentes,
 Horrida primæuæ soboles, incitias, culpæ,
 Excæcat, nebulis, radiorum gurgite viuo
 Attonitos sensus, inhiantia lumina comple.
 Noui ego, lætitiæ quantus Mortalibus ardor:
 Quam dulci tormento, & quæ is præcordia verfer
 Illecebris agnata Boni Pulchrique cupido.
 Per freta, per scopulos auidi, per tela, per ignes,
 Illius vnde vnde inuitet leuis umbra, sequuntur.
 Quos capient motus, quantò maioribus ibunt
 In prædam stimulis, synceri ubi cominus ipsa
 Obtulerit se forma Boni? Rimantur inertii
 Obscænos marcore, & pumicibus ieiunis
 Sudatos latices, melior quia fallit hiantem
 Vena sitim: qualis nimij sub sydere Cancræ,
 Puluerulentum iter, æstiferumque viator anhelans
 Æthera, perspicui longè si copia Cydni,
 Martiaque, aut Virgo; liuentibus arida stagnis
 Proluit impatiens, crassisque paludibus ora.
 Te liquidum, nulloque arctatum litore noscant
 Ambro-

Ambrosiæ pelagus ; tenues in puluere riuos,
 Protinus auerſis meliora ad pabula votis,
 Incipient, putres & fastidire lacunas .
 Tuque adeo fibras, & corde vacantiæ ſolus
 Implebis : ſolum ſagrantibus. vſque medullis.
 Te ſitient : quam quæſierant per plurima, in vno.
 Omnimodam naſti requiem, æternùmque fruendam.
 52. Cuius ego arcanos operoꝝ indagine fontes
 Veſtigare orſus, quæ iam vſus æquora liſtrem ?
 Quosque nouos inueni curſus ? Hic plena voluptas :
 Hic quodcuque alibi palantia vota requirunt :
 Omnia hic animi ceu tenditur vltima curis
 ꝑacta ; ſic noſtris quoque meta laboribus eſto .
 Soluite (iam lætos tetigerunt carbasa portus)
 Soluite littoreis, Muſæ, ſua munera Diuis .

Finis.







S V M M A T O T I V S O P E R I S

Singulorum Librorum contextum
per distincta suis numeris
Capita exhibens.

L I B. I.

*In quo de Fortuitorum Bonorum
contemptu agitur.*

1. **O** P E R I S propositio, & in præci-
puas duas partes divisio.
2. Inuocatur Ratio celesti lumine
adiuta.
3. Immo & ipsum Verbum Divinum, totius
rationis, sapientiæque integerrimus fons.
4. Honores ei persolendi per allegoriam
describuntur.
5. Prima Tranquillitatis regula affertur,
nihil ex fortuitis atque externis Bonis mirari.
6. Qui enim talia magni faciat, miserá hunc,
& so-

& sollicità illorum acquirendorum cupidine,
continenter vrgeri.

7. Alexander Macedo exemplum, irrequie-
tus ac mærens, quod nimis angustè intra vnus
Mundi fines se imperare arbitretur.

8. Reprehenditur infani Regis ambitio.

9. Eadem reprehensio ad cæteros quoslibet
Fortuitorum amatores extenditur.

10. Nec quisquam ab eâ immunis, etiamsi
moderata, & facîle parabilia se dicat optare.

11. Nam omnis eiusmodi rerum cupido in-
explebilis, &, licet initio modica, per votorum
successus augetur.

12. Probatur id ex vanitate talium Bono-
rum, vtpote nihil solidi habentium, quo ani-
mum satient.

13. Vnde necessariò consequitur, vt ille,
adhuc vacuus & esuriens, ex alijs ad alia quæ-
renda se portigat.

14. Adde, quod Bona fortuita non solum,
vt vana, insatiabili cupiditate plura acquirendi;
verum etiam, vt caduca & fragilia, continenti
solicitudine acquisita seruandi admiratores suos
torquent. Quæ illorum fragilitas hic fusè ex-
plicatur.

15. Tum ex eâ possidentium anxietas & for-
mido colligitur.

16. Postremò lætitia, & satietas, cuius gratiâ
Fortunæ Bona exquiruntur, potius pauca appe-
tentibus, quàm multa possidentibus solet con-
tingere.

17. Quanta igitur eorum stultitia, qui multis
egere perpetuò malint, talia sine fine appetendo;
quàm paucis statim expleri, supernacua eorum
vota abscindendo?

De-

18. Describitur Sapientis felicitas, qui externa contemnat, nihil ideo sollicitus de Magistratibus & imperijs, cum longè præclarius, & verius, inani absque pompâ, in seipso regnum obtineat.

19. Eiusdem magnanimitas in diuitiarum, neglectu, deridendisque Mortalium circa gemmas, metalla, & id genus crepundia puerilibus studijs.

20. Securitas demum, qua cætera omnia, Fortunæ Bona susque deque habet, ceu superuacua, nulloque pacto comparanda cum animi Bonis, quæ sola homini ad lætitiâ & quietem sufficiant.

21. Aliquod huius sapientiæ specimen in Diogene Cynico.

22. Eadem sapientia in Socratis exemplo adumbrata.

23. Inducitur per Prosopopœiam Socrates, iustâ, & ad libri vsque finem productâ Oratione demonstrans, synceram felicitatem, animique lætitiâ nemini ex quantâcunque Fortuitarum copiâ sperandam.

24. Admiratur igitur primò vulgi vecordiam, extra se suam emendicantis quietem: cum tamen pax solida in externis consistere, & donari à Fortunâ minimè possit.

25. Affert huius Propositionis argumentum certissimum, & totâ Oratione confirmandum: quia nemo felix, integræque compos lætitiæ, nisi eximijs, & certis, suisque fruatur Bonis: quæ vtraque conditio Fortunæ muneribus, tum per se se exiguis, tum extra vtentis arbitrium positis, abest.

26. Abesse primam probatur, ostenso, quàm vilis

vilia paruique pretij illa sint, per comparationem cum præstantioribus multò diuitijs, quas Natura nemini Mortalium non fruendas exposuit.

27. Affertur Aduersariorum responsio, contententium Bona Fortune, esto interiora còmunibus Naturæ diuitijs; pretio tamen ijs antestare, utpote ad proprium vnius domini fructum spectantia. Cui responsioni dupliciter obuiamitur: primò, quia nihil inde amplificatur possessæ rei fructus, immo clariùs elucet, quàm sit angustus & tenuis, cum ad plures simul nequeat pertingere.

28. Secundò, quia falsò iactatur, fortuitarum Bonorum fructum à dominis solummodò percipi: cum magna illius pars ad populum, etiam pertineat: ut liquidò apparet in vestium, villarumque magnificentia, & cæteris de hoc genere quibuslibet Bonis, externam solummodo in speciem paratis.

29. Neque rursus respondeant, præter huiusmodi pompam, ac speciem, qua populus ex æquo fruatur, superesse alios in Fortunæ opulentia pulcherrimos, & proprios Diuitum fructus, honorem nimirum, & voluptatum cuiusquemodi copiam.

30. Nam, ad voluptates quòd attinet, si de naturalibus, puta cibi, atque somni, loquamur; negatur ampliores eas fortunatis hominibus, quàm pauperrimo cuique suppètere.

31. Patet id in cibo, atque potu, quorum suauitas ex vtentium potius naturali indigentia, & syncerâ habitudine; quàm ex saporum delectu, sumptuosisque apparatus profluit.

32. Nec minùs in somno, quem non fragu-

lorum

lorum opulentia, & mollities, sed corporis lassitudo, & securitas mentis conciliat.

33. Si verò de alijs voluptatibus superuacuis, aut etiam inhonestis, turpibusque sit sermo; esto, illis diuites largiùs circumfluant. Nihil id certè ad commendandas diuitias; ad infamandas plurimum valet.

34. At, qui Fortunæ copijs excellunt, vulgi pariter admiratione, atque honore præminent.

35. Quid tum? Nihil hoc honore inanius, & sapienti expetendum minùs: cum nullo accipientis merito nixus, ex solâ deferentium stultitiâ originem trahat.

36. Additur ex abundanti, Fortunæ munera non modò non ingentium Bonorum; sed neque Bonorum nomen mereri; quin veriùs Malis esse accensenda: utpote quæ plus noceant, quàm profint. Operæ igitur pretium fore, damnorum ex ijs profluentium grauitatem perpendere, cum fructuum tenuitas iam ex dictis abundè constiterit.

37. Morbi primò se obijciunt, ab immoderato voluptatum vsu, qui opum copiam plerunque comitatur, manantes.

38. Sequuntur insidiæ, nunquam ijs non, timendæ, qui magna penes se necis suæ præmia habent: adeo ut nè coniunctissimis quidem tuto au sint se credere, quin eos sæpe infestissimos omnium experiantur.

39. Nec eòdem non pertinent luctuosa tot urbium excidia, quas infelix opulentia luxu eneruatas facilem hosti prædam obiecit: cum contra Scythas inopia sua ab hostium incurfionibus tutissimos seruet.

40. Declarantur yberius modò dicta exemplo,

plo, siue fabulâ Nucis, quæ fertilitatem, quâ olim gloriabatur, serò tandem, vt noxiam, deuouit.

41. Succedunt postremò eâdem ab radice, pullulantes animorum teterrimæ pestes, arrogantia, vecordia, crudelitas, communisque iuris impatiens, & nihil sibi vetitum ferens libido.

42. Hæc autem omnis Fortunæ indulgentis malignitas à contrario fuculentius ostenditur: compositâ cum infelicibus præsentis æui diuitijs, innocentia & securitate, quæ veteris aureæ ætatis pauperiem beauit.

43. Quâ occasione indignatus Socrates, rem adeo noxiam tantâ in admiratione, & honore apud homines esse, obiurgat eorum stultitiam, qui, in ferendo de rerum bonitate, vel malitiâ iudicio, multitudinis potius opinionem, quàm rationis ductum sequuntur.

44. Neque verò sola pretij magnitudo, vt hætenus euictum est; sed altera quoque Bonorum felicitatem constituentium nota, certa nimirum dominij proprietas, in fortuitis possessionibus deest: vt ex eo planissimè euincitur, quòd illas retinere pro arbitrato minimè possumus, sed, vel inuiti, toties amittimus.

45. Hinc adeo, ceu ritè probatum, colligitur, fortunatos homines, quantâcunque in externarum opum affluentia, maximâ laborare domesticæ pacis inopiâ, vtpote quæ nonnisi præstantissimis, maximèque certis innititur Bonis.

46. Hæc igitur Bona, contemptis fortuitis, Euthymia studioso quærenda, immo, vt veriùs loquamur, fruenda, cum vtrò se ingerant, intraque animum ipsum nascantur, nec alio, quàm nostræ voluntatis, emenda sint pretio.

LIB.

L I B. II.

*In quo aduersus præuisa Fortune
Mala animus communitur.*

1. **F**elicitas hominis, ex eo potissimum nomine, quòd Animi tranquillitatem, latitiamque, extra Fortunæ vel fauentis, vel aduersantis arbitrium, in Sapientiâ, Virtuteque suâ positam habeat.

2. Cuius primam effati partem cum in superiori libro perspicuè ostenderimus; reliquum est, vt secundam in hoc, & consecuturis duobus pari perspicuitate ostendamus: ac, quemadmodum ibi nullam fortuitorum affluentiam Bonorum fundandæ Sapiientis lætitiæ vel necessariam, vel idoneam euicimus; sic nullam deinceps fortuitorum violentiam Malorum eidem labefactandæ parem esse euincamus.

3. Neque tamen propterea opus ducimus, ad splendida de huiusmodi Malorum ingenio figmenta confugere: quasi nullam nocendi per se vim habeant, sed tota hæc ipsis, cæteroqui insontibus, ab inani hominum opinione affingatur,

4. Illud potius, tanquam propositionis allatæ fundamentum, statuimus, magnam humanæ menti vim esse ad externos sibi casus tristiores asperioresque reddendos: quòd in ipsis nimirum malignitatem seu falsam effingat; seu veram amplifcet; seu, quæ admittis (vt semper contingit) Bonis mitigatur, puram, & à meliori parte seiunctam concipiat: adeoque,

L

qui

qui hæc mentis vitia sapienter correxerit, posse illum ita externorum Malorum acerbicatem lenire, vt nihil tranquillitati suæ obsint.

5. Id porro perspicuè comprobari videtur dissimillimo animi habitu, quo diuersi eisdem sæpe casus excipiunt, alij ad extremum marem deiecti; alij suâ nihil è quiete dimoti.

6. Cum enim res vtrobique eadem sint; non aliunde protectò, quàm ex dissimili circa ipsas iudicio ea oriri animorum, atque affectuum diuersitas potest.

7. Propositæ modò rationi noua lux additur tum illius exemplo picturæ, quæ diuersas diuerso è latere spectantibus imagines reddit; tum prægnantium foeminarum, quæ, quas animo species concipiunt, eas teneris sæpe foetibus solent imprimere.

8. Iam uero hæc mentis peruersitas, fortuitos aduersum se casus opinione suâ roborantis, nusquam manifestius elucet, quàm in sollicito eorundem absentium timore. Quid enim tunc externi vim infert? Quidue animum, nisi ipsemet animus, fodit?

9. Reprehensio eorum stultitiæ, qui vano, & inutili futurorum, immo & nunquam fortasse futurorum discriminum metu, omnem sibi præsentium Bonorum lætitiâ, atque fructum corrumpunt, perpetuisque seipsos, ac penè tartareis cruciatibus torquent.

10. & seqq. vsque ad 26. Quos ideo cruciatus in fabulosâ Mycenæ Andremonis imagine expressos proponimus.

26. Quanquam parùm poeticis, ad eos adumbrandos, commentis sit opus: cum plurimorum in vitâ perpetuis agitâ inanum formidi;

midinum laruis , citra fabulam , passim occurrant .

27. Atqui nihil hisce terroribus stultius , & rationi oppositum magis : primò , quia nullum afferunt euitandis Malis præsidium : quin ea potius anticipant , atque longius producant .

28. Deinde , quia plurima nobis obijciunt fida , & nunquam euentura infortunia , non alium propterea relaturis improvidæ formidinis fructum , nisi , ut inanium sollicitâ expectatione , Malorum verè tristes , ac miseri simus .

29. Postremò , quia plus sæpe cruciatus ex Mali prouisi metu , quàm ex ipso Malo præsentē percipimus : cum eo ingenio sit timor , ut & maiora veris concipiat , quæ procul intuetur , Mala ; & quouis temporis puncto totam eorum longitudinem colligat , collectâque adeo vehementius animos torqueat .

30. Quæ ultimo loco proposita ratio ut planior ad intelligendum sit ; statuitur quauis in re aliud esse amplitudinem spatij , aliud vim , & vehementiam naturæ , nec , qui dolor sit longior , cum esse propterea acriorem censendum . Nam , cum nullo temporis puncto præteriti , futurique cruciatus , utpote absentes , sensu percipi valeant ; nullo etiam temporis puncto plus doloris re ipsâ percipitur , quàm , si vnicum intra temporis punctum ille totus desineret .

31. En igitur quo pacto Timor sibi Mala congeminet . Nimirum , cum quouis momento totam ille sibi præsentem efficiat , & simul intra animum colligat futurorum seriem dolorum ; totâ illâ coniunctim , multòque propterea vehementius , quàm eorum innata vis ferat , quouis tempore animum cruciat .

32. Vnde colligitur, nullum esse intestino hoc tortore funestiores tyrannum: utpote qui barbaram, nec ab ullis unquam Tyrannis inventam, grauissimè simul, diutissimèque torquendi artem & vnusinuenerit, & in eos, quos sibi obnoxios habet, continenter exerceat.

33. Perpensâ iam illius immanitate, facilis, & nulli non obuia ad eam retundendam praxis proponitur: si nimirum, cum anxia futurorum cura pulsare animum cœperit; hæc nobiscum ritè agitemus: primò, nihil Mali adesse in præsentia, quod vel corpus, vel animum premat. Cur igitur angamur potiùs Malis, quæ absunt, quàm fruamur Bonis, quæ suppetunt?

34. Secundò, licet multa possint aduersa euenire; incertum tamen esse, an sint euentura. Cur igitur certum incertis de Malis præsumamus dolorem?

35. Tertiò, etiamsi, quod metuimus, inenitabili lege subeundum sit; non defuturum, tamen mox tempus dolendi. Cur igitur anticipare, & producere illam vitro tristitiam velimus? Cum è contrario, quantò illa grauior mox erit; tantò par sit nunc solertiùs prospicere, ut præsentì compensetur securitate, & lætitiâ.

36. Importunis timoribus per hanc praxim resectis, plusquàm dimidium recidi ex humanæ miseræ cumulo ostenditur: cum illius longè maior pars in futurorum curâ, quàm in præsentium Malorum sensu sit posita.

37. Falsò igitur de Naturæ, Fortunæque scintillâ homines queri, iustius sui accusaturos timoris dementiam, qua vtriusque tum Bona corrumpant; tum Mala congeminant.

38. Non tamen propterea omnem futurorum casuum

casuum præmeditationem, cum Epicuro, Sapienti interdiciamus.

39. Quin illam prudentiæ consentaneam, instruendisque aduersus ventura Mala animis apprimè opportunam censemus.

40. Falsò quippe Epicurus docebat, ex eiusmodi prouisu nihil aliud, quàm vanas formidines, & ægritudinis incrementum, referri: cum veriùs Malorum inde sensus, atque terror soleat imminui.

41. Id verò multis, apertisque rationibus confici potest. Nam Inscitia, ceu nox, semper trepida: prospectisque multò leuius, quàm ignotis percellimur: eodem planè pacto, quo minùs in luce, quàm nocturnas per vmbras, trepidi sumus.

42. Exemplo esse potest securus Alexandri Macedonis, sub ipsam horam ineundi cum Dario certaminis, somnus, quem vigil de futurâ pugnâ meditatio præcesserat.

43. Atque hinc prima ratio nostræ aduersus Epicurum propositionis eruitur. Qui enim casus impendentes prospexit, illorum iam vim, naturam, & magnitudinem cognitam habet, minùs idcirco ad subitam aggressionem trepidaturus, quàm qui, nihil eiusmodi antea cogitatus, vel leuissimâ, & sæpe inani consternatur, ignota pro maioribus ducens, occurstantis discriminis specie.

44. Afferuntur nonnulla exempla inanium terrorum, qui ex rerum obiectarum ignorantia oriuntur. Qualis ille, quo suos Heliogabalus conuiuas affecit, exarmatis leonibus intricinium immisiss.

45. Nec non Panicus, apud Tacitum, Romanis

nis in castris tumultus, quem perturbatus, trepidèque ruens equus conciuerat.

46. Altera ratio, cur Mala prauisā leuius afficiant, ex eo deriuatur, quia minùs violens est transitus à prouisu doloris ad eiusdem experimentum, quàm ab omnimodā securitate ad subitum, & totum simul ingruentem oppositæ sensum mæstitiz.

47. Cui rationi affinis est Tertia, nimirum assuetudo, & quoddam veluti callū, quo animus, crebrò secum Mala pertractans, ad eorum horrorem, ac sensum paulatim obdurescit.

48. Postremum argumentum, quo rerum aduersarum præmeditatio non solùm suadetur; Verùm etiam, qualis debeat esse, explicatur, in eo positum est, quòd per ipsam locum, & opportunitatem nanciscimur, idonea aduersus prospectos casus comparandi præsidia: quo in apparatu vel tota, vel precipua vtilitatis est ratio. Si enim ita quis futura Mala præuideat; vt nihil de infringendā opportunis armis illorum vi cogitet, quin potiùs ea cæco timore aduersum se augeat, ac roboret; optimo sanè iure huiuscemodi curam, tanquam supervacuum, & noxiam, Epicurus potuit reprehendere: nec nos minùs in priore libri parte eam prorsus euellere pro virili contendimus. At si non solùm de Malis, quæ possunt accidere; sed simul etiam de rationibus animus cogitet, quibus illa possit tutius excipere; huiusmodi præmeditationem animorum tranquillitati nequaquam officere, quinimmo rationi maximè congruam, & ad moderandos timores accommodatissimam esse nemo Sapiens negauerit.

49. Et talem protectò expertus est Acheorum for-

fortissimus Imperator Philopœmen, cuius in hoc genere solertia describitur.

50. Neque nos vtilem experiemur minùs, si, illius exemplo, quidquid in gerendis negotijs, vitæque in usu aduersi potest contingere, sedulo cogitatu assuescamus prospicere: tum statim, quæ cuique casui leniùs ferendo aptissima sunt, conquiramus Sapientiæ præcepta, ijsque velut armis mentem tegamus.

51. Horum verò præceptorum copiosa in duobus, qui sequuntur, libris supellex promittitur.

L I B. III.

Vbi generalia fortuitis quibusque casibus leniendis afferuntur remedia.

1. **P**œsim ab otiosis, & futilibus nugis, quæ nativam illius nobilitatem nimium quantum infamant, ad sublimiora reuocandam, humanæque felicitati profutura argumenta: idque adeo in præsentibus libellis nos agere, Socratis exemplum sequentes, qui Philosophiam primus à curiosâ rerum physicarum indagine ad vtiliorem morum, vitæque disciplinam traduxit.

2. Cum igitur in superiori libro aduersus impendentium Malorum formidinem opportuna remedia attulerimus; ea iam tradituros, quibus Sapiens instructus vel præsentium Malorum tristitiam lenire, & in quâvis Fortunæ acerbitate tranquillum animi statum valeat tueri: quæ multò tum excellentior, tum operosior sit fortitudo, quàm absentes, & remotos tantummo-

dò casus citra perturbationem prospicere.

3. Cauendum igitur ante omnia esse plurimorum stultissimum morem, qui, peruerso quodam miseræ veluti ambitu, suis calamitatibus fauent, easque tum assiduè respiciunt; tum in atrociores sibi speciem conantur effingere.

4. Immo contra pro virili enitendum, ab infortunijs suis, quàm longissimè liceat, mentem auertere, deque ijs potius cogitare, quæ inflicti vulneris dolorem imminuant.

5. Afferuntur iam communia solatia, quibus cuiuslibet Mali mitigari acerbitas possit: primumque adeo illud, vt cogitemus, quæcumque nos premunt Aduersa, perpetuas vitæ leges, & naturalia humanæ conditionis onera esse.

6. Quocirca præter rationem de iacturis siue rei, siue sobolis homines queri: perinde quasi non vtramque hac acceperint lege, vt scirent, posse sibi aliquando subduci: aut quasi mirum censerì vlli debeat, & à Naturæ consuetudine, abhorrens, mutabilia, atque incerta deficere.

7. Quin eodem hoc ex fonte alterum solatii genus emanat, nempe societas dolentium: cum similibus fatis, vtpote ordinarijs vitæ vexitigalibus, vniuersum latè prematur hominum genus.

8. Neque inferioris solùm ordinis, atque loci Mortales, sed vel ij, quos benignior Fortuna in summo humanarum rerum fastigio constituit, sceptris, & imperijs superbos: quorum conditio adeo communes mortalitatis ærumnas non exit; vt alijs etiam proprijs, & grauioribus pateat.

9. Afferuntur recentia exempla, primumque Mahometti Turcarum Imperatoris, ciuili Suorum seditione in custodiam è solio detrusi.

Nec

10. Necnon alterum Serenissimi Britanniae Regis Iacobi, rebellibus Populi furijs paterno nuper ex imperio emigrare compulsi. Licet tantum Heroem sua potius ornet calamitas, magnanimae pretium Virtutis: interque singularia recenferi mereatur diuinæ Prouidentiae exempla, Fortunam illi obijcientis vincendam, vt vel in ipsam, quæ regnorum arbitra vulgò appellatur, suos porrigat fasces, perque aduersorum experimenta, secundis digniorem se, probet.

11. Cum igitur nemo vnus Mortalium ab ærumnis intactus occurrat; quàm superbum, iniustumque, & pudoris expertem dicemus, qui communem omnium sortem se queratur subire?

12. Memorabilis Democriti ars, qua hoc idem argumentum Dario Regi, amissam vxorem impotentius dolenti, proposuit.

13. Neque quisquam obijciat, nonnullos reperiri, aduersi cuiuslibet casus ignaros. Nam, vt verum id esse admittatur; & tam pauci huiusmodi occurrunt; vt inter prodigia potius, quàm exempla, mereantur referri; & nisi mors maturationa prospexerit; corruptam ipsi quoque, nemini non paratis in longiori curriculo offensionibus, qua in præsentia superbiunt, felicitatem dolent.

14. Probatur id plurium exemplis, quos, propter diu cursu prouectos, longior vita in extremum miseriarum præceps deduxit.

15. Quid, quòd, si ritè perspicimus, non nostras duntaxat, sed longè etiam nostris grauiores ærumnas in plurimis passim Mortalium intueri licebit?

16. Vt profectò gratulandum sit iustius, quòd

quòd à peculiari plurimorum sarcinâ nos immunes Sors fecerit; quàm expostulandum, quòd communia omnium onera subire compulerit.

17. Declaratur vis huiusce consecutionis Leporum Æsopiorum fabellâ.

18. Quanquam plus etiam leuaminis alienæ fortis contemplatio nostris casibus feret, si securitatem insuper animaduverterimus, quam plurimi passim vel vulgares homunculi in assiduis, & grauissimis calamitatibus præferunt.

19. Hanc enim spectantes indecoræ in leuioribus tolerandis ærumnis mollicitæ, eruditos præsertim homines, & sapientiam professos, pudebit.

20. Sed quamuis ex alienis infortunijs deessent solatia; adhuc ex nostris alia facultatibus suppetunt: neque enim quisquam adeo calamitosus; ut nihil siue externi, siue interioris Boni possideat, quo suum oblectare animum in doloribus possit.

21. Cur igitur Mali amarities huiusce possessionis suauitatem corrumpat: nec potius illius hæc ægritudinem iucunditate suâ temperet, ac mitiorem efficiat?

22. Adde, quòd non in Bonis duntaxat, quæ possidemus; sed in ipsis Malis, quæ patimur, fomenti, & solaminis plurimum ad ea æquius toleranda reperire fas est: cum præsentis cui Bona, atque Mala ita Deus temperauerit; ut nulla tam immanis calamitas sit, quæ nihil admisti secum fructus, atque commodi ferat.

23. Quam rerum diuersam temperationem non absurdè Epictetus per duas dissimiles ansas vtrinque ijs adiunctas expressit, asperam vnam, quaque citra noxam nequeant apprehendi; com-

mo-

modiorem verò alteram, & quæ arripientes nîl lædat.

24. Debere igitur Sapientem ad omnia, quæ sibi à Fortunâ porriguntur, ita se aptare, vt dextrâ potius ansâ, leniore, & innoxîâ, quàm oppositâ res oblata apprehendat: nimirum vt in ijs, quæ Bona duntaxat occurrunt, respiciat; ab alijs verò, quæ lædunt, mentem prorsus auertat.

25. Exemplum eiusmodi sapientiæ in Iulio Cæsare, & Leonidâ Spartano proponitur.

26. Eadem suadetur exemplo Naturæ, cuius discors in elementis concordia non alio, quàm huiusce artis, ingenio tam immota, atque stabilis permanet.

27. Ex omnibus porrò tristioris Fortunæ fructibus illum longè præclarissimum esse, quòd materiem illa Virtutis, gloriæque occasionem suppeditet.

28. Varia proinde argumenta ex honestate, atque gloriâ eruuntur, quibus ad inuictam, & hilarem Aduersorum tolerantiam excitare se, animus possit.

29. Proderit etiam quamplurimum, meminisse, ac pro certo statuere, nihil in rebus humanis sine Dei nutu euenire: cuius prouidentissimo, amantissimoque regimini Mortales omnes deceat se penitus tradere.

30. Si enim adeo plenum ille obtinet in rerum conditarum vniuersitatem dominium, vt, quamuis, nullâ Boni nostri ratione habitâ, Mundum gubernaret; æquissimo tamen animo illius ferri deceret imperia; quantò æquius subeunda nunc sint, cum non ad suum commodum, sed ad subiectorum vtilitatem, pro parentis potius, quàm domini more, colliment &

31. Neque obstat, quòd seuerius aliquando de hominibus consulat: cum patris erga filios amor non in blanditijs solummodo; sed sæpe, ac plùs etiam in durioribus imperijs eluceat.

32. Neque item, quòd vtilitas sæpe nulla cernatur, cuius gratià hæc, aut illa de nobis deernat. Satis quippe ad omnia pacatissimè excipienda esse potest, illius benignitatem, ac sapientiam exploratam habere, quæ, Medici peritissimi instar, opem ferre vel remedij rationem ignorantibus nouit.

33. Quanquam neque nos ipsos omnis Aduersorum ratio, & vtilitas latet. Cur enim meritum, virtutisque incrementa, quæ inde animus capit, non & nobis amplissima tam gloriosos labores perferendi merces; & iustissima Deo eosdem imponendi sint ratio?

34. Sacramoris iustissimi ardor, quo voluntas impulsæ supremo Regnatori, & Parenti se, omnino moderandam, quæque libeat ducendam permittit.

35. Et quidem hæc diuinæ voluntatis notæ, quibuslibet in euentis rite obseruata, nedum Mala vt moderatè feramus; sed vt nihil etiam, quod subire compellimur, malum, atque noxium ducamus, persuadet. Si quæ tamen adhuc mentis infirmior vel ea, quæ summi Parentis arbitrata acciderint, tristitia pergit, & lugenda censere; at aliâ certè ratione solari se facile potest, perpendens nimirum, quàm citò humana quæuis tum Bona, tum Mala soleant deficere, & oppositis locum concedere.

36. Cuius rei testimonio esse possunt cum Fortunæ vicissitudines, quibus C. Marium per prospera, atque aduersa iactatum accepimus;

cum

tum alia haud prorsus dissimiles, quarum varietatem & in plurimis passim videmus, & in nobis saepe experimur.

37. Immo, quamvis per vniuersam hominis vitam se dolor porrigeret; adhuc parui faciendus esset, vt brevis; cum, omnium confessione breuissima humani aui sint spatia: quin etiam quiduis finitum, quantumcunque pateat, si cum aeternitate conferatur; vix puncto possit longius videri. Vt sanè manifestò sibi homines contradicant, dum hinc de vitæ breuitate; illinc verò de longitudine doloris queruntur.

38. Debere igitur quemlibet spe finis iam iam adfuturi praesentium cuiusquemodi ærumnarum sensum lenire, immensumque, & æternum, quod propediem inchoaturus est, æuum iam nunc mente praesumere: ad cuius aspectum, quidquid vilo fine concluditur, vix nihilo maius videbitur, indignumque adeo, quod vel tenui nos curâ sollicitet.

39. Vltima æquanimitatis ratio ex iracundia inutilitate desumitur, vt quæ nullum prorsus vulneribus ferat leuamen.

40. Quin è contrario natiuam illorum acerbitatem, quam animi fortitudo, & patientia solet minuere, agitando, premendoque vehementius irritet.

41. Hæc itaque in promptu habenda solatia: his quasi armis cum Fortunâ pugnandum: quæ ira illius ictus retundent; vt tranquillè iam pacatèque, & citra animi perturbationem excipii possint.

42. Innuuntur & alia doloris fomenta, vt literariæ occupationes, amœni secessus, Amicorum colloquia, & Musicæ in primis dulcedo,

ad

ad sedandos tum animi , tum corporis morbos aptissima .

43. Sed omnibus tamen externis id genus auxilijs præferendam esse Rationem statuitur : quæ , tanquam præsentissimum non sopiendis tantum , sed & abolendis quibusque doloribus pharvacum , ex Providentiæ dono Mortalibus contigit .

LIB. IV.

*Vbi propria , & singulis accommodata
infortunijs præbentur solatia .*

1. **Q**uemadmodum Hippocrates è sano Æsculapij peculiarium morborum medelas olim descripserit ; sic è Rationis sacratio deprompta singulorum nos animi morborum remedia hoc in libro exhibere .

2. Inuitantur Mortales , tuas vt quisque ægri- tudines proferant , certam , & præsentissimam singulis recepturi medelam .

3. Paupertatis solatia , primò , quia nulli non integrum è pauperrimo statim opulentissi- mum fieri , modò rebus desideria adæquauerit .

4. Secundò , quia interioribus alijs Sapien- tiæ divitijs externorum fas est inopiam Bono- rum rependere .

5. Tertiò , quia Paupertas curarum , & ne- quitiz fomenta subducit : adeo ut , non modò æquanimitè ferri possit ; sed ultro etiam deligi , & quouis pretio mereatur parari .

6. Quartò , quia præstantium Virorum exem-

exemplis cuincitur, nihil ipsam Sapienti ad felicitatem, & gloriam obesse.

7. Solatia Alijs, qui indignè ferunt se ampliori ex Fortunâ ad inopiam delapsos.

8. Iniustum esse illorum dolorem probatur. Cur enim lugendum sit, diuitias post vsum amittere, quas lugendum non esset, nunquam accepisse? Cum è contrario præteritus Bonorum vsus, illorum priuationem, vtcunque dolenda esset, suæ iucunditatis memoriâ solari, & rependere potius debeat, quàm acerbiolem efficere. Qua occasione ostenditur, Sapientis esse, non ex præsentibus solùm, sed ex præteritis quoque Bonis lætitiæ fructum haurire: alioqui breues plùs nimio voluptates, immo & dolorem perpetuum fore, si præterita Bona mæroris potius, quàm lætitiæ inter causas ponantur.

9. Pari ratione, iniustas eorundem esse, aduersus Fortunam querelas, ostenditur. Quo enim pacto accusari mereatur, quia munerum suorum vsum non perpetuum concesserit, quæ, vel si nullum concessisset, accusari iure non posset? Aut cur illius crimen potius ducamus, sua tandem resumere, quàm meritum, tandiu vrenda annuisse?

10. Quanquam, etiamsi Fortuna nos iniussè laxisset, repetendo, quæ dederat; stultum tamen foret aduersus ipsam irasci: cum per hanc iracundiam multò maiora nobis ipsi eripiamus Bona, quàm Fortuna vel rapuerit, vel possit attingere: Pacem nimirum, Sapientiam, Virtutem. Hanc esse propriam hominis possessionem: hâc retentâ nihil solidi, sui que Boni illi decedere. Relinquenda igitur magno animo Sorti sua munera, & in nostris acquiescen-

scendum, Stilponis Megarensis, ac Diogenis Cynici exemplo.

11. Solatia Natorum mortem lugentibus. Neque enim ipsi vel suâ causâ deflendi, vel nostrâ.

12. Non suâ, ut qui, moriendo, vitæ Mala, ac pericula omnia semel euaserint: quæ tanta sunt; ut nos ipsis potius miserandos efficiant.

13. Neque iidem nostrâ, ob rationes cum alijs Bonis externis communes, quorum supra iacturam solari sumus.

14. At, simul cum illis, tota posteritatis familiæque propagandæ spes occidit.

15. Quid tum? Nempe is nobis post interitum labor erit: ea cura in aternitatem iam transcriptos urgebit, neminem in terris superesse nostri nominis, atque stirpis heredem?

16. Præterquamquod, etiamsi posteritatis spes in sobole superesset; quandiù tandem ea incolumis foret? Paulò quidem serius, sed tamen aliquando deficeret: cum non modò tot illustres olim familiæ, primariæque Urbes occiderint; sed ipsummet Mundum, in quo minores reliquas mutabilium rerum decessiones, successionesque peragi cernimus, suus tandem interitus maneat. Ut planè ridiculum sit, tantas inter ruinas, vnius familiæ excidium lugere.

17. Solatia indignantibus, abesse sibi nominis, famæque claritudinem, qua alios fulgere intuentur.

18. Neque enim solida felicitas vilius indiget famæ præsidio: nisi fortè minus plenam Dei beatitatem fuisse arbitramur æterno illo tempore, quo, ante rerum procreationem, vnus ipse suorum sibi decorum testis, externâ omni gloria penitus caruit.

Quam

19. Quanquam nec opus exempla tam sublimia conquirere : cum plurimos intueri passim homines liceat , qui , procul ab omni famæ pompâ , atque strepitu , tranquillam in obscuro vitam , alijs opibus lætissimi , degunt .

20. Parum tamen foret ad gloriam spernendam , quòd abesse citra pacis , lætitiæque possit iacturam . Plus est , quòd adesse citra illius perturbationem vix possit , assiduis nimirum , molestissimisque æmulationis , invidiæ , timoris , idque genus curarum aculeis animum fodiens , ac vetans quiescere .

21. Adeo ut non modò absens , tanquam superuacuum munus , desideranda minimè sit ; sed vel ultro se offerens declinanda , tanquam grauissimum onus .

22. Solatia ijs , qui non solum se gloriâ carere ; sed ludibrio insuper esse , atque irrisui queruntur . Vel enim id genus ludibria suâ culpâ ; vel immeriti subeunt . Si primum ; nulla est causa irascendi , pro suo merito acceptis , quin potiùs gaudendi , quòd ex aliorum censurâ suorum foeditatem vitiorum , cautiùs ea deinde vitaturi , cognouerint .

23. Sin nullum ob suum meritum , sed fortuiti cuiuspiam , externique causâ petulanti à vulgo iridentur ; vanissima eiusmodi ludibria , utpote à stultis profecta , facile Sapienti erit , citra molestiam , transmittere . Quis enim aut insanire vulgum nesciat ; aut insanorum conuicijs , nisi amens & ipse , commoveatur ?

24. Despiciendam igitur in ijs fatuitatem animi esse , qui nos ob corporis speciem despi-ciunt : cauendumque , ne , vanas stultorum irisiones iniquius ferentes , iustam Sapientibus

No-

Nostri ifridendi causam præbeamus.

25. Nihil quippe fatuo hoc dolore deformius, & ridiculum magis.

26. Neque indignandum, quòd vel Sapientum quispiam, ob externa nostri corporis vitia, interdum subrideat: cum eiusmodi risus naturæ potius spontè in oris superficie nascatur, quàm ex altiore iudicio, animique contemptu descendat.

27. Quin & operæ pretium fore, si nos ipsi in nostra id genus vitia iocari affueamus, tum hilaritatis gratiâ; tum locum, & anam alienæ in ea dicacitati erepturi.

28. Denique imbecilli nimium animi esse, nullissimo risu, & futilibus verbis percelli, atque deiici.

29. Cum vir Fortis, & Sapiens adeo nihil inde commouetur: ut neque in gloriâ sibi ponere tam exigua, spernendæque rei victoriam dignetur.

30. Salaria graniorum contumeliarum, quæ ad ictus, & plagas processerint. Nam neque hic iracundiæ causam adesse, quasi à vulgo affecti ignominiâ fuerimus: cum ille, ex furore magis, quàm ex iudicio sapiens, non verius iniuriâ afficere quemquam possit, ac mulus calce percutiens.

31. Quocirca par esse, ut citra iracundiæ sensum id genus offensas feramus, non secus, ac lapsum è scalis, vel fortuitum aliud vulnus ferremus: gnari ex alienâ stultitiâ nec maiorem ictui gravitatem, nec ullam ictu ignominiam accedere. Immo tunc solum nos deprimi, & infra lædentem constitui, cum iniuriâ, & dedecore nos affectos, irascendo, profitemur:
contra

contra verò superiores hosti esse, quandiu illius ausus despiciamus.

32. Ostenditur hac occasione Sapiensem nunquam affici iniuriâ.

33. Debere illum proinde, cum extra iactum iniuriæ sit; extra iram quoque esse, ac studium vindictæ.

34. Præterquamquòd, etiamsi veram accipisset iniuriam; non aliâ eam ratione vlcisci aptius posset, quàm illius authorem, tanquam irâ indignum, spernendo: cui contra, si irascitur, honoris plurimum defert, talem nimirum suâ confessione declarans, ut vel Sapiensem afficere contumeliâ possit.

35. Alia ratio, cur vindictam Sapiens non quærat: quia iniuste lædens multò est, quàm læsus, miserior, adeoque nunquam inultus, utpote quem suum scelus externo quouis supplicio gravius afficiat.

36. Denique, quia ultio de hoste sumpta, nullum affert vulneribus ab eo inflictis remedium.

37. Colligitur itaque, non de ijs, qui exterius lædere conati nos fuerint, hostibus ultionem quærendam, sed in nostram iracundiam, & vlciscendi auiditatem, tanquam in capitalissimum animi hostem, pugnandum, deque huius intimi potius, ac grauissimi vulneris cogitandum medelâ, quàm de leuioris, externique alterius vindictâ.

38. Exilij solatia.

39. Primò, quia, quandiu in terris agimus, ubicunque tandem locorum, extra veram hominis Patriam sumus, adeoque exilij locum potius mutare, quàm in exilium eijci, possumus.

Se-

40. Secundò, quia, si nihil demum est exulare, nisi à natali solo abesse; magna pars hominum sponte sibi exilium consciscit; cum, non modò plurimi à suis procul cunabulis vitæ sibi deligant sedem; verùm & populi ipsi, natiuis valere sedibus iussis, in externas procul emigrarint colonias.

41. Tertiò, quia indecorum videtur, in Orbis terrarum vniuersi possessionem creatos vnius certa regionis angustijs Patriam suam definire, reliqua verò spatia omnia pro alienis & ad se se nihil pertinentibus ducere.

42. Neque obijciatur, asperum naturâ exilij locum, & inamabilem esse. Nam & veteres ibidem indigenæ libentissimè viuunt; nec vlla est tam infelix Regio, quæ non aliquâ peculiari dote cæterarum inopiam rependat.

43. Solatia carcere inclusis, molestèque ferentibus tum loci fœditatem, & libertatis iacturam; tum, quòd infontes id poenæ sustineant.

44. Nam primò innocentia ad leuandum poenæ valet, quàm ad aggrauandum marorem, supplicij.

45. Ad squalorem verò loci quòd attinet, adeo hic Sapientis dignitatem non maculat; vt ipsius magis splendore illustretur.

46. Mentis demum libertas non modò nullis cohibetur custodijs; sed secreto in recessu plus etiam facultatis, ad sibi, honestisque artibus vacandum, nanciscitur. Cuius rei nobile documentum Seuerinus Boethius in Ticinensy carcere exhibuit.

47. Hunc igitur ex custodiâ suâ fructum qui referat, nã ille tum poenæ sibi sensum leniorem efficiet; tum gratias etiam agere iudicibus

cibus poterit, quòd, defidiæ remotis illecebris, felici se quâdam necessitate ad meliora compulerint.

48. Naturalium damnorum, & pinguioris primum ingenij solatia.

49. Esto quippe egregium sit munus ingenij præstantia; non exigua tamen Tranquillitatis, lætitiæque impedimenta secum ferre consuevit: tum quòd mordacibus animos stimulis ad æmulationem, & laudis certamina impellat, queis nihil Quietis inimicius:

50. Tum quòd infinitâ, nec vnquam explebili vltioris doctrinæ siti, qua nihil molestum, & anxium magis, mentes discruciet.

51. Adde, quòd, etsi nihil tranquillitati animorum per hosce sibi innatos affectus obesset; minimum tamen ad eandem suis quibuslibet fructibus confert. Quid enim multiplici, & variâ tot artium, ac rerum, maximam partem inanum, notitiâ ad securè pacatèque viuendum sit opus?

52. Humanæ igitur curiositatis plus nimio sollicitus in superuacuis addiscendis labor reprehenditur.

53. Mærentibus ob corporis deformitatem solatia.

54. Nemini enim, quàm ipsis, magis vitandum mærorem: cum illius tetricitate turpitudinem augeatur.

55. Vitari porrò eum facilè posse, si intueantur tot illustres Viros, quorum gloriæ deterior forma nil obfuit.

56. Præterea si cogitent, oris speciem, quæcunque illa sit, ad spectatores duntaxat pertinere: suamque adeo deformitatem alijs solum

tri-

tristitiæ occasionem præbere, à quibus cernatur, non ipsismet, quorum oculos fugiat.

57. Neque commoueri eos debere vulgi contemptu, & fastidio: quin potius gaudere, quòd nullos habituri eâ de causâ sint, nisi sapientes. Amicos, quique se potius, quàm externam Sui diligant speciem.

58. Solatia Alijs, quos valetudinis imbecillitas angit.

59. Si enim hoc vitium externis obeundis muneribus ineptiores facit; at nobiliora mentis ministeria non præpedit: quæ satis esse cuique possunt, etiamsi ad alia inferiora minùs idoneo.

60. Deinde, quia virium infirmitas præstantiorem sæpe indolem arguit: cum in naturâ videamus, quæ pretio excellant, fragiliora plerunque esse vulgaribus.

61. Postremo, quia nimix vires ad temeritatem, & praua consilia incitamento esse solent.

62. Cæcorum solatia, & primum, quia, si non oblectantur iucundis; neque tristibus etiam terrentur spectaculis.

63. Secundum, quia plurima ijs absunt incitamenta peccandi.

64. Tertium, quia multorum criminum, etiam facultas, cum oculis, tollitur.

65. Quartum, quia expeditiorem ad sublimia contemplanda mentis vim habent, nobilioribusque adeo spectaculis, quàm videntes, fruuntur.

66. Æquo igitur animo ferendam cæcitatem esse ex dictis colligitur, & Democriti exemplum affirmatur.

67. Inter corporis cruciatus, & dolores solatia.

Quam-

68. Quanquam non ea hic spondemus remedia, quæ omnem ab animo, & vultu ægritudinis sensum, ac speciem excludant. Nam id fortitudinis insolitæ genus, à Christianis Martyribus pluries exhibitum, ex gratuito Dei dono potest contingere, non humanæ artis præsidio parari.

69. Hoc igitur solum conamur euincere, ut dolor quicumque, si minus hilariter, & citra gemitus; at viriliter saltem, & citra imbelles querelas, animique deiectionem, feratur.

70. Cuius constantiæ ratio in promptu est. Nam vel mediocris vrget dolor; vel summus: Si mediocris; pudeat Virum fortem ab eo superari: cum in tali certamine querendum potius sit, parum esse gloriæ, quàm multum laboris.

71. Sin verò summis idem viribus premit; ipsamet illius magnitudo erigere animum debet: ut dignum aduersarium, capacemque nactus expromendæ campum virtutis, non grandibus solummodo verbis, sed paribus etiam exemplis Sapientem se probeat.

72. Nec minimum ea quoque cogitatio valebit, ijs nos cruciatibus à Deo Parente amantissimo ad meritum, gloriæque incrementum exerceri, æterna breuissimæ perpeffionis præmia iam iam relatueros.

73. Vicinæ mortis solatia: & primum quidem ex plurimis, assiduisque mortalis æui laboribus, quos qui grauitur fert, eorum finem in remedijs potius, quàm Malis numeret, necesse est.

74. Thracum, & Saguntini pueri exempla in hanc rem afferuntur,

Quo:

75 Quocirca sibi met contradicere, qui de vitæ tum ærumnis, tum breuitate queruntur: cum è contrario, si vita est optabilis, illâ frui; si misera, illius breui fine solari se liceat.

76. Alterum mortis solamen, quòd vitam non tollit Sapiienti, sed in melius commutat. Nam animus immortalis est, nihilque ardentius exoptat, quàm, terrenis effractis compedibus, ad authorem suum ferri: vt hinc conijcere futuram illius liceat lætitiã, tam flagrantidemum voto per mortem potiti.

77. Votum animi terrena pertæsi, & à mortali hoc exilio immortalem ad Patriam quamprimùm transire anhelantis.

78. Parænesis ad mortem, vt ne nobis tanti muneris sortem longiùs inuideat,

79. Colligitur ex dictis, mortis necessitatem adeo non debere nobis esse causam mæstitiæ; vt vel vna omnes vitæ mortalis ærumnas sat possit lenire,



L I B. V.

*De interioribus, quæ à Stultitia
proficiscuntur, malis, deque
illorum remedijs.*

1. **A** Fortunæ Malis, quibus opem tulimus, non quidem ea depellendo, sed opportunis duntaxat fomentis leuando, ad stultitiæ iam Mala progredimur, longè grauiora, & quibus, vnica sit salus, carere: vt propterea oppositam penitus medicinæ rationem requirant: nec, vt priora, extenuari verbis debeant, quò lenius ferantur, sed grauissima potius ostendi, quò studiosius vitentur.

2. Eorum itaque, vbi frænis soluantur, immanis perniciēs, Phaëtonis sub exemplo, generatim proponitur.

3. Tum singulorum nominatim vis, atque furor describitur: initio ab Irâ desumpto, eiusque violento, ac præcipiti ingenio palàm ostenso.

4. Vnde pronum colligere, quàm tristis, & miserandus sit animi habitus, qui tam impotentem se Furæ permiserit.

5. Confirmatur hæc animi perturbatio horrendis, & insanissimis motibus, quibus ipsummet Iratorum corpus agitari consuevit.

6. Adduntur barbaræ cædes, prouinciarum excidia, suppliciorum ingeniosa, & plusquàm ferina crudelitas, idque genus teterrimi effectus, in priuatam, publicamque perniciem ex Irâ manantes.

M

Quo.

7. Quorum rabidam vim ne ipsis quidem Iratis semper licuit euadere: alijs dementiâ, præcipiti Alijs morte correptis: vt Aiacis, Syl-læque exempla testantur.

8. Dissimillimum Iræ Amoris improbi vitium, externam si speciem intuearis: quæ huic ridibunda, illecebrosa, & ad omnem amoenitatem composita.

9. Sed nihilo tetrum, ac ferale minùs inuenies, si penitus introspicere arcanos cruciatus libeat, quibus deditas sibi mentes miserrimè absumit.

10. Neque putandum, marcidi, & somniculosi veneni genus hoc esse. Nihil illo truculentius, nihil in furias, in sanguinem, in cædes proiectius, vbi quidquam suæ libidini obsistat.

11. Documento sit furor, quo Brutarum Animantium corda succendit.

12. Detestatio tam pestiferæ luis, per enumerationem Malorum, quæ humano generi plurima, & grauissima infert.

13. Ambitio post Amorem se obijcit, splendido & ipsa cultu oculos rapiens.

14. Cum tamen nullus Tyrannorum grauiori, quàm illa, seruitutis iugo subiectos oppresserit, facultatibus violentius exuerit, durioribus imperijs vexauerit, in plura, & sauiora discrimina præcipites egerit.

15. Quam Ambitiosorum miserrimam seruitutem multò etiam intolerabiliorem facit stipendij tenuitas: cum non modò nihil solidi fructus ex tot laboribus capiant; sed neque ipsam famam, leuissimum cæteroqui, & inane præmium, synceram, atque plenam obtineant.

16. Testantur id duo cum primis famosa

Am-

Ambitionis mancipia, Annibal nimirum Italiz terror.

17. Et Macedo plusquàm vnus Orbis prenfator : integram neuter quantocunque conatu famam adeptus.

18. Quis igitur manifestò non videt, quàm sollicitus, æger, ac quietis ignarus huiusmodi hominum animus sit : dum famam per tot expectitam labores, & in qua omnem vitæ fructum constituunt, adeo sibi curtam contingere ; contra verò iniquis hominum iudicijs, quæ, tanquam extrema suppliciorum, formidant, assidue notari se sentiunt : nec vllam aut hæc prorsus vitandi, aut illam plenè assequendi, vel si rumpantur, rationem aspiciunt ?

19. Præsertim verò cum eum scopum à suâ sibi Ambitione propositum habeant, vt non, quamcunque solum referant gloriam ; sed neminem vel summorum hominum in eâ parem, atque æmulum habeant : cuius certaminis & summa difficultas, & nulli sperabilis victoria.

20. Querela de Ambitione, deque publicis, & funestissimis cladibus, ab eâ Orbi terrarum per summum toties nefas illatis.

21. Quorum luculentum specimen ex ciuili bello, à Iulij Cæsaris Ambitione excitato, desumitur.

22. Omissis postremò intestinis alijs animi morbis, Euthymizque hostibus, habendi nimirum cupiditate, tristitiæque, & inconsulto timore, quorum vim iam antea in superioribus libris retudimus ; grauissimi cruciatus, terroresque explicantur, quibus admissi criminis conscientia assidue improbos vexat, & de potestate mentis quodammodo dimouet.

23. Adeo ut nulla deliciarum, & fortuitorum Bonorum copia, exhilarandis tam dira inter tormenta miserorum animis, profit.

24. Qua de re Dionysius Tyrannus, & Tiberius Cæsar dubitare neminem sinunt.

25. Explicatâ iam huiuscemodi Pestium terribimâ indole, quæ omnibus incitamento sit, vt eas velint ab animo excludere; afferenda deinceps supersunt præcepta, quibus quilibet instruat, vt id norit præstare. Si enim ad firmam voluntatem certa etiam disciplinæ accesserit ratio; non minor hic referetur de Stultitiâ, quàm relatus in superioribus libris fuerit de Fortunâ triumphus; omnibusque adeo tum externis, tum interioribus perturbationum causis sublatis, nihil iam supererit, quod animi quietem sollicitet.

26. Reuocato itaque ad Iram disputationis cursu, cauenda primò præcipimus, quæ illi fomitem, atque ansam suppeditant.

27. Non tamen sollicitâ vsque adeo diligentia, vt in superstitionem degeneret, cæcoque timore, vel ab necessarijs, & honestis muneribus obeundis nos auocet.

28. Sat erit vniuersè in occupationibus modum tenere; ne vel ipsæ nimiâ multitudine, & assiduitate animum; vel animus nimiâ in ijs contentione se premat.

29. Accedat huc circumspectio in deligendis sodalibus, quorum mores ad mutuam concordiam sint apti.

30. Et quia neque ab occupationibus, neque à sodalibus plus præberi occasionis iracundiæ solet, quàm ab animi ipsius, delicato nimis cultu instituti, mollitiæ; illud curæ potissimum sit,

fit, ut genio interdum contradicere, durique aliquid, & cum nativâ illius propensione pugnantis vltro ferre assuefcamus.

31. Non tamen existimandum ita hæc à nobis præcipi, quasi vel nostrâ, vel humanâ quavis arte omnes omnino iracundiæ occasiones amoveri posse arbitremur. Artis quidem, prudentiæque opus est, quoad fieri possit, illas minuire; fortitudinis verò, & constantiæ, quæ præcidi nequeunt, viriliter sustinere. Quod ut fiat, magno erit adiumento, quidquid bilem in rebus gerendis concire possit, animo ante prospicere, meditatoque, & ad omnia ritè instructos in arenam prodire.

32. His adeo, ad pugnam vel cautè submovendam, vel fortiter excipiendam, comparatis in antecessum præsidij; reliquum est eas artes depromere, quibus Ira iam cominus Rationem aggrediens, & in præcordijs excitata vincatur. Proderit primò meminisse, quàm foeda, & indecora sit irati hominis facies, quàm stultæ voces, quàm turbulenti, & ridiculi motus: ut illius saltem foeditatis nos pudor contineat, ne, præter Decorum furiosè bacchantes, irrisui spectantibus simus.

33. Tum hæc pugna ratio tenenda, vllò ne dicto, factoque iræ indulgeamus. Nam illam sustinere, vicisse est: cum nihil aliud quàm impetus sit, adeoque, nisi statim deiecerit hominem; breui morâ languescat, per se sequè deficiat.

34. Neque solùm conandum, ne aliquid ex Irâ, sed etiam ne aliquid, ad quod Ira quoque incitare potest, tunc decernamus: cum vix hoc ab illo soleat distingui, licet secus in

et mentis perturbatione videatur. Consultissimum igitur erit, dare rationi spatium, & ea, ad quæ tum animus ardens impellit, aliud in tempus, sedatâ mente, perque otium retractanda, differre.

35. Postremò maximi ad victoriam momenti tunc erit, animi perturbationem ita penitus tegere; ut non modò nulla ipsius signa foris emineant; sed contra vox, vultus, motusque omnis hilaritatis, & pacis speciem præferant. Breuissimè enim scenica illa simulatio in rei veritatem, & in animi habitum exterior facies transibit.

36. Sed parùm efficacitatis in allatis huc usque præceptionibus fuerit, si vitio carere iracundiam, quin & multùm prodesse opinemur. Contrarium hic ergo statuitur: & primò nec iustam, nec utilem eam esse in puniendis delictis probatur: cum præceptis ac turbida non facile iustum ultionis modum, atque ordinem teneat, quæ tunc optimè servatur, cum, vacuo à perturbationibus animo, ad solius rationis præscriptum puniuntur delicta.

37. Præterea, cum nemo sit prorsus criminis purus; id ius, atque ratio videtur exigere, ut quales quisque aduersus sua crimina iudices, misericordes scilicet potius, quàm iratos desiderat; talem aduersus aliena se & ipse iudicem præbeat.

38. Immo, vel si nullius quis foret criminis conscius; adhuc minimè iuste irasceretur peccantibus: cum eos miserari potius hoc nomine, tanquam infelicissimos, debeat, Medici exemplo, qui Ægrorum putria membra non irascens, at inuitus, & miserans secatur.

Deni-

39. Denique, licet vultus, vocisque iracundia improborum contumaciam terrore compeſcat; non tamen propterea conficitur, conſentaneam eſſe rationi iracundiam: cum illius ficta in vultu, atque voce ſimulatio ad ſalutarem hunc incutiendum terrorem, citra ullam animi perturbationem, ſufficiat.

40. Secundò, neque expeti, laudarique poſſe Iram, oſtenditur, tanquam ad difficultates fortiter ſuperandas ſit Virtutis, atque animi calcar. Nam nihilo fecius ad ardua quæque inuadenda, & ſtrenuè ſuperanda nudæ honeſtatis reſpectu incitari animus poteſt.

41. Immo vel hinc Iræ pernicies colligitur, quòd immodico ardore, ultra legitimos fortitudinis limites, vel aperta in exitia, quos corripuit, impellat: cum Ratio validos quidem, ſed prudentiâ temperatos, adeoque ſalutares, habeat impuſus: confirmaturque id Fabij Maximi exemplo, qui, cunctando, iræque obſiſtendo, rem Romanam reſtituit.

42. Succedunt iam pravi Amoris, ſeu Libidinis veriùs remedia. Hoc enim aduerſus foediſſimam luem in primis profuerit, ſplendidum, quod iniquiſſimè uſurpauit, quoque veluti fuco innatam turpitudinem velat, Amoris illi nomen detrahere.

43. Quin oppoſitam adeo de illius foeditate ſpeciem imbibere; vt vel mentio, vel recordatio nauſeam, atque horrorem commoueat.

44. Quanquam neque huic odio nimis ſidendum: cum nihil eâ peſte fraudulentum, & illecebroſum ſit magis, nihil, quod mutare celerius, ſuamque in ditionem redigere vel Victorum, Heroumque animos ſoleat.

45. Cuius rei documenta , Sampson , Dauides , & Iacobus Eremita afferuntur .

46. Superesse igitur , vt , qui tutus in hac pugna esse velit , omnes hosti fallacissimo aditus diligentissimè obstruat : oculis primò solerti custodiâ vallatis , ne venefico fascinentur aspectu .

47. Auribus secundò ad Sirenias quaslibet incantationes occlusis .

48. Tertiò librorum Cupidinea tractantium sibi penitus lectione interdictâ .

49. Omnibus tandem declinatis eorum , qui mortiferâ huiusmodi scabie inficiuntur , commercijs .

50. Nihil tamen magis cauendum , quàm , vt ne animus , sub Veneræ titillationis exortum , sui morbi initijs conniveat : sed prima illa , contagionis veneniferæ semina eâdem , atque adeo promptiori , quàm illapsum gremio ignem , celeritate excutere , atque opprimere studeat .

51. Ad quod ritè præstandum plurimùm conferet , honestis se curis aliò auocare , otiumque , quo maximè Cupidinis nequitia fouetur , effugere .

52. Vltimum , sed præcipui vsùs , monitum sit , Diuina crebro auxilia implorare , illisque solummodo in ancipiti adeo certamine , tantâque humanæ conditionis imbecillitate confidere .

53. Iamuerò ad Ambitionis remedia quòd pertinet ; facile ab illius se tyrannide animus vindicabit ; si primò , quæ de laboriosâ huiusce vitij feruitute , vanâque , & exiguâ mercede , supra memorauimus , in animum altè demittat , assiduèque ante oculos habeat .

54. Secundò , si fictæ illi generositatis larvam detra-

detraxerit : cum reuerâ nihil esse ambitiosi hominis indole abiectius pluribus ex argumentis liquidissimè pateat : tum quòd non vni, sed innumeris Dominis se ille vltro submittit, eorum nutus obseruans, gratiam captans, reprehensionem formidans, eque arbitrio suspensam felicitatem suam habens.

55. Tum quòd veræ magnanimitatis ignarus leuissimo pretio sudores suos licitatur, minimâ popularis auræ mercede & illos satis repensos, & se affatim beatum existimans.

56. Tum quia suum gloriæ studium omnî arte dissimulat, ne in risus nimirum, & fabulam abeat, si deprehendatur, formidans : ipsemet adeo Ambitionem indecoram, ac luce indignam confessus.

57. Tertiò multum etiam ad sedandum famæ ardorem conducet, si ille error discutiatur, qui Ambitosorum plerisque solet imponere, omnium oculos in se esse conuersos, omnium per ora suum nomen volare, omnium mentes Sui admiratione occupari, per voluntarij cuiusdam somnij speciem, fingentibus.

58. Quo errore nihil inanius : cum hominum sibi quilibet vacet, de alijs securus, & parcissimè cogitans : vt Cicero suomet experimento intellexit.

59. Idque adeo duplici etiam argumento probatur : primò, quia nihil est causæ, cur speremus maiori Alijs curæ nos fore, quàm nobis ij sint. Iamuerò quisque sibi est optimè conscius, quàm rarò, & remissè de Alijs seu loquatur, seu cogitet : quàm paucos ex tot præstantibus per Orbem Viris vel tenui ex famâ cognitos habeat : quàm multa in ijs etiam, quos

monit, desideret, ac reprehendat.

60. Alterum argumentum est, quia non multum seu observare, seu mirari solemus, nisi eos, qui nostram in professione videntur excellere: his verò æmulatio iniquiores nos iudices facit. Ut profectò vix ulli Mortalium, eximiam apud homines, partim iucuriosos, si alieni sint; partim obtrektatores, si socij, laudis, atque famæ celebritatem liceat referre: stultumque adeo videatur, pro re tam incertâ, atque tenui, tot laboribus, & curis vitam absumere.

61. Statuitur postremò, non magni operis esse inexpertam, atque absentem gloriam negligere: difficillimum verò eiusdem, ubi acquisita semel fuerit, seu conservandæ, seu amplificandæ curam prorsus exuere.

62. Idque adeo petitis è communi vitæ experimentis probatur.

63. Vnde primum cuius colligere, quam solerti studio ab ijs cauendum compedibus sit, quibus semel obstricto vix vlla recuperandæ in posterum libertatis spes superest.

64. Hortatio ad strenuè pugnandum cum huiusmodi vitij, quorum victoria à criminum pariter stimulis quietem conscientiae præstabit, nullumque adeo intestinum hostem, à quo tranquillus animi status evertatur, relinquet.

65. Huius porro interioris belli, palmarumque, quas in eo colligit virtus, exemplum proponuntur recentes, invictissimi Cæsaris LEOPOLDI Othomano de hoste victoriæ.

LIB. VI.

*De Interioribus, ac solidis Bonis,
quæ animi Tranquillitatem
absoluunt.*

1. **C**um vera, & solida animi Bona in Sapien-
tiâ, & Virtute sint posita; nonnulla Vir-
tutis, sapientiæque præcepta, ad animi Tranquil-
litatem stabilendam, & absoluendam utilia,
tanquam operis instituti coronis, hoc in libro
adiunguntur.

2. Primum Præceptum, In vitæ curriculo
multitudinis cæcæ, perque devia, & abrupta,
sine consilio vagantis, auspicia non persequi.

3. Neque enim errorem ideo minùs præ-
vium, & noxium esse, quia erretur cum multis.

4. Sapientem igitur, Solis exemplo, contra
Mundi cursum, proprio sibi motu, atque tra-
mite enitri.

5. Secundum, In Diuina, atque æterna men-
tem attollere, & quantum fieri potest, defigere.

6. Illorum enim occupatus magnitudine,
animus, quidquid ex mortalibus Bonis maio-
rum. ignorance eximium putatur, nullo iam
negotio despiciet.

7. Nec secus præsentis vitæ aspera omnia,
beatissimam, & iam iam adfuturam immortalis-
zui sortem prospiciens, facillimè perferet.

8. Tertium, Conditioni, quam Deus, &
Natura assignauit, omisâ alienæ sortis inuidiâ,
acquiescere.

9. Quod factu proclive erit, si, contra Stul-
torum.

M 6

torum.

torum morem, nostræ fortis fructus, alienæ verò onera contemplari discamus.

10. Nullum quippe Vitæ genus occurrere, quod omni fructu, omni incommodo careat, & vnde Sapiens lætitiæ argumenta; stultus maioris causas non ducat.

11. Neque indignandum proprio statui, quod naturâ obscurus, atque ignobilis sit: cum ubi-uis Sapienci gloriæ campus pateat, vt Epaminondæ, aliorumque præstantium virorum exempla testantur.

12. Vitam quippe hominum dramati similem esse, in quo non plus laudis refert, qui præstantiores partes accepit, sed qui suas, quæcunque illæ sint, concinnius gerit.

13. Quartum, In propositis constanter hæ-
rere: cum alienum prorsus à Sapientiâ sit, no-
uitatis illecibrâ, vel cœptorum rædio à suscep-
tis ritè consilijs in diuersum traduci.

14. Quæ leuitas pluribus in exemplis descri-
bitur, primò Hominis loca mutantis.

15. Tum mercatoris ad lucra, quæ in peri-
culo damnarat, statim redeuntis.

16. Philologi demum iam hæc, iam illa,
studia amplectentis.

17. Huius porrò mutabilitatis origo ea posse
videtur asserri, quod homines in rebus, quas
tractant, non verò in ratione eas tractandi suam
quietem constituunt.

18. Quocirca corrigendum eiusmodi er-
rorem, pensandumque initio maturè, quid
facto opus sit: ubi Ratio hoc, vel illud per-
suaserit; ab eo nihil mox deflectendum, quæ-
cunque se in operis progressu molestiæ, & dif-
ficultates obijciant.

Quin-

19. Quintum, Non impetu subito, sed prudenti iudicio ad agendum moueri.

20. Licet enim graue initio sit, genij ardorem compescere; durius tamen multò esse, per quæuis præcipitia, & abrupta impotenti illius libidine auferri.

21. Præsertim verò cum animus feuerè aliquandiu habitus paulatim contumaciam immittat, & tandem Rationis imperium pati condiscat: equini instar pulli, qui domitus Rectori se facilem præbet: contra verò indulgenter diu habitus vix ullâ deinde vi ad parendum potest induci.

22. Sextum, Nihil admittere, cuius nos peracti serò deinde pœniteat. Stultorum enim esse, quidquid animo in præsens arrideat, sine vllò Malorum indidem profluentium respectu, statim inuadere.

23. Quæ Stultitia in voluptarijs, ambitiosis, & iracundis hominibus luculentius intuenda, proponitur.

24. Quin ipsius etiam Epicuri testimonio damnatur.

25. Septimum, Vitam, animique quietem non differre.

26. Nihil enim hac dilatione esse stultius: cum nulla tempora animi otio idonea non sint.

27. Idque serò à multis animaduerti sub exitum vitæ, suum errorem damnantibus, quòd, Vanâ futuræ quietis spe, irritum, assiduas intercuras, & occupationes, æuum perdidierint, & fruenda dum parant, se omni vitæ fructu priuauerint.

28. Octauum, Animi otium cum honestis
occur-

occupationibus , vitæque ministerijs. coniungere .

29. Id verò facilè præstaturum , qui neque plus iusto sibi occupationum , & laborum assummat , neque illis ob spem lucri , vel gloriæ , sed vnius honestatis gratiâ mentem , atque corpus exerceat . Sic enim liber , Suique , & rerum potens sapienti ratione omnia temperabit : neque se negotijs serui anxietate subiiciet , properans opus absolvere , veluti tum demum illius fructum collecturus : sed , quæ ager , sibi , ac suæ tranquillitati coget seruire , ex ipsomet rerum actu lætitiâ percipiens .

30. Nonum , Nihil vel honestarum , quæ extra hominis arbitrium sunt , rerum iusto vehementius optare .

31. Non quidem vt omni affectione animus careat , sed vt tranquilla sint vota , neque nimio anxioque ardore quietem perturbent .

32. Decimum , Superuacuas aliena obseruandi curas compescere , vt quæ mæroris , iracundiæ , aliarumque perturbationum materiem foveant suggerere .

33. Quod si aliquid vltro in alienis se moribus , atque factis indignum obiecerit , cui mædere nostrum minimè sit ; Diuino id iudicio relinquere , & à cogitatione , ac memoriâ quamprimum expungere .

34. Non minimam siquidem nostrarum molestiarum partem ex Alijs oriri , magnumque , proinde earum compendium ab eo fieri , qui , in utili externarum rerum cogitatione dimissâ , sibi norit vacare .

35. Vndecimum , Humanum omne genus fraterno amore complecti , eiusque felicitatem ,
non .

non secus, ac propriam, pro virili curare.

36. Præclara benefici huiusce animi documenta à Tito Cæsare, Cyro Persarum Rege, & Cimone Atheniensi exhibita.

37. Quibus ritè laudatis, nullum hæc Boni communis procuratione, seu iucundiolem, seu nobiliolem esse opum vsum, atque fructum statuiinus.

38. Idque studium si, pro eo, ac par est, in omnium animis vigeat; auream proculdubio, & beatam homines ætatem acturos.

39. Duodecimum, vltimumque, & par omnibus cæteris vnum felicitis vitæ præceptum, Deo Opt. Max. per intimam contemplationem, amoremque coniungi. Nusquam enim, præterquam in ipso, perfectam animi requiem, satietatemque inueniri à Mortalibus posse.

40. Nam creaturarum quidquid est rerum, vt plurimum Boni in sese fruendum obijciat; plus tamen desiderandum relinquit. Ipse verò, cum omnium cumulatissimam Bonorum Summam in se complectatur, immo Bona, quæ concipi possunt, omnia in vnum prorsus indiuiduum, atque simplex colligat Bonum; nil Amantis in animo inexpletum, atque vacuum relinquit.

41. Adde, quòd alibi Bona semper Malis miscentur, adeo ut syncerè, & contrario sine animi motu, diligere nequeant. At summo in Bono nihil non bonum, nihil non vsquequaque, & toto pectore amandum.

42. Præterea cæterorum Bonorum, quemadmodum incerta, fragilisque est possessio; sic & amor sollicitus. At Deum nemo rapit nolentibus: quin ipsa mors, quæ Bonis alijs disponat, in huius nos pleniorẽ possessionem inducit:

ducit : ut proinde illius amor , quemadmodum odio , sic & metu sit vacuus .

43. Deum porro paratam homini possessionem esse, ex maximo illius erga nos amore manifestè colligitur. Omnis enim Amans Amati res est . Cum igitur effusissimam supremi erga nos Authoris charitatem maxima ab eo nobis collata beneficia planissimè ostendant ; quidni , nostrum itidem, dummodo velimus, eum esse, par i perspicuitate demonstrent ?

44. Immo ex hoc eius maximo erga nos amore alia item ratio colligitur maximæ, quæ in ipso amando reperitur, iucunditatis. Nam amor tunc iucundissimus, cum perfectè reciprocus. Nemo autem reciprocam se amantibus vicem liberalius refert, quàm Deus . Nam mortales Amici non totum Amico suum amorem impendunt ; sed eius sibi retinent partem, partem etiam in alia derivant . At ipsius amor totus , atque integer & indiuisus singulos se amantium complectitur, nihilo minor ad quemlibet eorum perueniens, ac si ipsi tantum vacaret : adeo ut certo certius persuadere sibi quilibet possit, nihil sibi quantumcunque fruendum eadem sorte Sociorum turbam obstare, quin plenis simè, integerrimèque à Deo ametur .

45. Denique, cum amor omnia faciat communia; qui mortalibus Amicis coniungitur, eorum aduersos casus , non secus, ac suos, lugeat necesse est . Quanto igitur illius latior amicitia, qui plenè beatus nullam ex seipso lugendi materiem suis amatoribus præbeat, sed in suis illos potius syncerissimè immensissimèque beatitudinis communionem asiscat ?

46. Neque quisquam excelsum adeo foedus,
CAR.

tanquam aliquid forte suâ maius, desperet. Nam & supremus Author ad hanc secum necessitudinem ineundam vltro nos stimulat; & hominis animus ad eandem, suum velut ad finem, suauissimè rapitur. Quinetiam adeo necessarium quoddammodò habet summi Boni amorem, vt illud, vel nesciens, in alijs quibuslibet rebus videatur appetere: cum nihil, nisi ratione Boni, appetat: Bonum verò quoduis, vnde creatæ res appeti possunt, nihil sit aliud, quàm leuissima quædam summi Boni adumbratio.

47. Si igitur à rudibus ijs simulacris ad perfectissimum, æternumque intuendum exemplar mens transeat; nihil iam negotij supererit, vt totus quoque amor ad eandem illam omnis Boni, Pulchrique inimitabilem formam suas curas conuertat: qua nimirum præsentè finitarum omnis rerum Venustas, multò magis, quàm ad Solis exortum nocturnus syderum fulgor, ex oculis deficit.

48. Tranquillus, & felix animi, Deo vni adherentis, status generatim describitur.

49. Eius aliqua effigies in sanctissimis Ægyptiarum solitudinum accolis intuenda exhibetur.

50. Impetus animi, spectabilia, & creata omnia, præ immensâ supremi Conditoris pulchritudine, fastidientis, intimamque cum eo coniunctionem ardentissimè suspirantis.

51. Eiusdem imploratio, suum cæcis vt Mortalibus detegat iubar, omnium amores, vbi plenè agnoscatur, in se vnum versurus, vipote qui omnimoda, & perfecta votorum sit quies, atque cordis tranquillitas.

52. Cuius suauissimi nectaris venas omnes, ac riuos cum, quacunque fas erat, noster hæte-


nus

nus indagauerit labor; nihil est, cur tendendum
sibi putet ulterius, ad inexhaustum, purissimum-
que iam fontem deuectus, ex quo vna plena
sperari, hauriri que tanti muneris possit satietas.

LAVS DEO.

*Ad corrigenda, quæ irrepperunt, errata;
sic leges:*

Pag.	Versu.	
5	6	exiguo
5	31	fors
6	31	oris
13	25	importuna
18	20	O vocem
23	16	Cræsi
24	27	face
38	9	tuendæ <i>sine puncto.</i>
47	22	solers
48	9	malesani
48	10	trepidans
51	7	claudunt
52	25	semperque
58	4	nocendi
59	16	pauendo
59	20	subibunt <i>sine puncto.</i>
81	27	cœperat
85	25	Hunc
105	23	breuibus
110	1	priores,
110	vlt.	<i>Quintil. lib. 1.</i>
113	6	paratu <i>sine puncto.</i>
125	10	ansu
144	23	extrinsecus
158	33	scelerum
194	9	cædis
205	20	infodlo
209	34	sumptus
227	36	Indociles



12477

